

**GUILJELMI AMESIJ, DE
CONSCIENTIA, ET EIUS
IURE, VEL CASIBUS,
LIBRI QUINQUE. IOB
34/29. QUUM IPSE...**

William Ames



54
C.S.















Guiljelmi Amesij,
DE
CONSCIENCIA,
ET EIUS IURE
vel
CASIBUS.

LIBRI QUINQUE.

Iob. 34 / 29.

*Quum ipse tranquillat,
quis inquietabit? et quum
abscondit faciem, quis
contemplabitur eum?*

Cum Privilegio.

AMSTELODAMI
apud
Ioannem Ianſonium.
1630.



PRÆPOTENTIBVS DOMINIS,
D. ORDINIBVS
ZELANDIÆ.



ON est mihi animus (Viri honorandi) phaleratis verbis, & fucatis encomiis, me, meosve conatus, in favorem Vestrum insinuare. Neque enim id gratum autumo Viris prudentibus, quibus artificium illud suspectum est & sordet; & me (alias non admodum deditum assentationi) titulus ipse conscientiae huic scripto præfixus, procul habere jubet vanitatem illam blandiloquentiae, qua multi libri non contemnendi, in ipso limine dehonestantur. Veram tantummodo causam dicam, qua eo adductus fui, ut quamvis nomen meum obscurius forsitan sit quam ut pervenerit ad notitiam Vestram, Vestrum tamen nomen in fronte hujus Tractatus ponam.

Annunciatur per omnia loca vicina, pietatis doctrinam, in Vestris Ecclesiis, magis efficaciter ad praxin cum à pastoribus dirigi, tum ab auditoribus transferri, quam in plerisque aliis cœtibus, eadem licet veritatis doctrina confœderatis, hactenus datum est observare. Hac laude conspicuus, & per omnes Ecclesias Belgicas insignis fuit (ut nihil de aliis

dicam qui eisdem vestigiis institerunt & adhuc in-
sistunt) eximius Dei servus, D. GVILIELMVS
TELINGIVS, qui in isthoc genere fidelem ope-
ram, qua publice, qua privatim, tam voce, quam
scriptis, adeo navavit, ut hic ipse zelus domus Dei
illum comedisse vere dicatur: unde etiam (invidia
virtutis talis comite jam superata) coronam illam
adeptus est, quam Deus illis præparavit qui multos
ad pietatem erudierunt.

Ad hujusmodi studia magis excitanda quia non-
nihil valiturum hoc scriptum, jussu multorum haud
aspernando, spero, maxime consentaneum videtur,
ut eo à me imprimis dirigatur, ubi currentes inve-
niat in hoc stadio facile irritandos; & unde alii
exemplum sumant cursus illius qui hic docetur.
Hæc inscriptionis causa vera, mihi etiam est causa
sperandi, animum & officium hoc meum Vobis
non ingratum futurum. Quod unum restat, Am-
plissimi viri, Deum opt. max. veneror in Christo,
ut Vos, Ecclesiasque Vestras, fide vera, conscientia
bona, & solida felicitate magis magisque beare di-
gnetur.

A. V. D.

Studiofissimus,

GVILIELMVS AMESIVS.

A D

A D L E C T O R E M.

GRata mihi semper illius temporis recordatio, quando juvenis olim audi vi Cl. D. Perkinsium, in egregia studioforum corona, ita concionantem, ut eosdem solide instituerit in veritate, efficaciter excitaverit ad studium pietatis, instructos reddiderit ad regnum Dei; & simul etiam exemplo suo ipsis monstravit, quibus rebus præcipue intenderent, ut religionem veram, in potentia sua, ad Dei gloriam, & salutem hominum, feliciter possint promoverẽ.

Inter alia vero quæ magno cum fructu nobis inculcabat, aggressus est tandem informationem linguæ eruditæ, quæ tempeltive eloquatur verbum defesso, ex Is. 50. 4. conscientiæ (ut appellantur) casus diligenter enodando. Et eum quidem sic facientem, ut servum fidelem, Dominus ejus invenit; Multos tamen reliquit illius doctrinæ studio accensos, qui eandem etiam piis concionibus per Angliam nostram, Deo adspirante, currere, crescere, & glorificari fecerunt.

Mibi etiam ab illo tempore, idem studium ita fixum inbæsit, ut dignum illud semper censuerim quod omni cura ab omnibus excoleretur. Quum igitur (bona Dei providentia ita disponente) extra patriam agens, observabam, in variis Ecclesiis, doctrina & ordine puris, desiderari admodum hanc prædicam institutionem, eumque defectum inter præcipuas causas esse magni neglectus, aut non curantiæ in officiis non

nullis intime pertinentibus ad virtutem pietatis & vitæ
Christianæ; incescit animum impetus quidam, privatim sal-
tem tentandi an possem id efficere apud juvenes quosdam,
ministerium sacrum cogitantes, ut magis applicarent animos
ad istum modum Theologiæ tractandæ, ex quo non exiguus
fructus mihi videbatur sperandus. Postea etiam ad publi-
cum inter Academicos docendi munus vocatus, nihil prius
vel antiquius habendum putavi, quam ministerii candida-
tis in hoc docendi genere præire. Quod enim hæc pars pro-
phetiæ in scholis prophetarum hætenus minus fuerit excul-
ta, hoc inde fuit, quod primipilares nostri perpetuo in acie
adversus hostes pugnare, fidem propugnare, & aream Eccle-
siæ purgare, necessitate quadam cogeantur; ita ut agros &
vineas plantare & rigare non potuerint ex voto, sicut bello
fervente usu venire solet. Cogitabant interim secum, ut non
nemo profiteretur, si nobis adsit simplex ac lucidus ille
oculus ex Euangelio, si domus animi puræ fidei lu-
cernam habeat candelabro impositam, minuta ista
facile iri discussa. Sed experientia tandem docuit, ex agri-
culturæ hujus neglectu, famem pietatis multis in locis esse
secutam, & ex illa fame, gravem pestem spiritualem: atque
adeo Nebemiæ consilium dignum esse quod in usum hic re-
vocetur, ut scilicet una manu sua quisque agat in hoc opere,
altera tenente hastam aut missile quo hostium violentiam
propulset. Eadem etiam experientia docuit, minuta ista (si
modo ita vocanda sint tam necessaria) non minore cum in-
sania contemni, quam si quis digitos pedum ac manuum, præ-
scindi

scindi sibi pateretur, ut minuta quædam, sine quibus com-
mode satis incedere & manibus uti se posse speraret.

Omnibus igitur bene expensis, aggressus sum Deo (ut
persuasum habeo) bene favente, institutiones hæc de con-
scientiæ jure. Non quod perfecti aliquid, in isthoc genere, à
me proficisci posse sperarem: plures enim sunt rerum huma-
narum species, quam ut ad singula possint (à me saltem) dari
certa responsa: sed ut aliquid in medium conferrem, quo ju-
vari nonnihil possint imperiti, & melioribus subsidii desti-
tuti; & penitiores excitari ad accuratius aliquid elaboran-
dum. Cujus officii debitores proprii videntur esse pastores
illi pii, docti, graves, veterani, quorum negotium quotidia-
num est, conscientias hominum tractare; quique experientia
sua, melius multo didicerunt, quanam sint illæ quæstiones in
quibus conscientia maxime solet hæsitare, & ex quibus fun-
damenti optime possint explicari, quam in Academicæ pro-
fessionis umbratica vita comprehendere facile potest. Et certe
quidem, si in conventibus pastorum classicalibus talia tra-
ctarentur, pro varietate casuum occurrentium, & insigniores
decisiones literis consignarentur, non opus esset ut filii Israe-
litarum descenderent ad Philistæos (id est nostri studiosi ad
Pontificios autores) ad poliendum quisque vomerem suum,
aut ligonem suum, aut securim suam, aut rurum suum sicut
olim accidit in maxima angustia populi Dei. 1. Sam. 13. 20.
Si insuper ministerio sacro destinati, prius in hisce rebus in-
stituti, de eisdem etiam in examine ordinationi prævio, serio
explorarentur, bene sperandum esset, quod tam pastores
quam

quam Ecclesias haberemus magis secundum cor Dei & Christi quam nunc habemus.

Multum hic laborarunt Pontificii, ad instructionem suorum confessoriorum: & cum multo luto superstitionum, nonnullas Venulas habent argenti: ex quibus non contemnenda quædam eruisse me confido. Verum enimvero, destituuntur illi hujus doctrinæ vita: & mors est in ipsorum olla. res ipsa postulat ut ab aliis, alia, & illa eadem alio modo tradantur. Conatus hoc ego sum ex parte præstare: & alii sine dubio idem conabuntur.

Methodum hic eandem sequor, quam in Theologiæ Medulla tradenda, in cujus etiam partem secundam, tres posteriores horum librorum justam continent enarrationem: quam forsitan expectarunt illi qui quotidiano quasi convivio efflagitarunt ut hujus Tractatus editio aliquo modo præcipitaretur. Sed (ut finem tandem faciam præloquendi) multa paucis concludam, idq; verbis G. Parisiensis. De his rebus multa propter imperitiam, multa propter occupationes alias, multa propter ignaviam, multa metu prolixitatis, plurima peccatis facientibus, quæ maxime in talibus & nos & alios impediunt, non scripsimus. Morsibus detractorum patere nos non dubitamus. Sed facientes quod possumus, occasionem nonnullam dedimus sapientibus; & ingeniorum exercitationibus, non aridam arenam infructuosarum disputationum proposuimus, sed palestram perutilem, ac salubrem.

D E
C O N S C I E N T I A
E T
E I V S C A S I B V S.
L I B E R P R I M U S,

C A P. I.

Definitio Conscientiæ.

Conscientia humana (angelicæ n. explicationem non agredimur) est iudicium hominis de semetipso, prout subijcitur iudicio Dei. *Es. 5. 3. iudicate quæso inter me & vineam meam. 1. Cor. 11. 31. si nosmetipsos dijudicaremus, non judicaremur.*

1. **I**UDICIUM appello conscientiam, primò ut ad intellectum eam pertinere ostendam, non ad voluntatem. Nomen ipsum hoc ostendit. & inde idem probatur, quia oēs actiones illæ quæ conciliantur hominis in scripturis tribuantur, pertinent propriè ad vim & facultatem aliquam rationis. Est tamen inclinatio quedam voluntatis, quæ apta nata est & imperare iudicium intell. cui, & idem etiam sequi: quæ inclinatio à quibudam conscientia vocatur, ab aliis pars conscientiæ, s. d. minus rectè.

2. Ad iudicium etiam dum refertur, distinguitur à nudâ veritatis apprehensione. Conscientia enim alienum aliquem, etiamque firmum in se continet semper.

3. Indicatur per determinationem illam, quæ in definitione habetur, conscientiam non esse iudicium theoreticum, quo verum à falso simpliciter discernitur; sed practicum, quo particulariter illa cognitio applicatur ab homine, ad illud quod ipsi vel bonum est, vel malum, ut sit interna regula dirigens voluntatem.

Cum autem iudicii nomen aliquando accipitur pro potentia seu facultate, aliquando pro habitu, aliquando pro actu: quæstio hinc oritur, ad utrum horum conscientia propriè spectet?

Sine facultas, habitus, actus?

4. Gravissimus Theologus, G. P. qui solus inter nostros edidit singularem tractatum de conscientia, itatuit inter facultates, atque ad id ita definit, ut pro genere ponat partem intellectus,

A

intellectus, id est ut ipsemet interpretatur, *naturalem potentiam seu facultatem*. Rationem etiam addit suæ sententiæ: quia nempe actus accusandi, consolandi, & perterrefaciendi, non possunt conscientie ascribi, si ipsa esset actus, sed planè invalidam: quoniam effecta istiusmodi tribuuntur in scripturis ipsis cogitationibus, de quibus non potest dubitari quin sint actus. *Rom. 2. 15. cogitationibus sese mutuo accusantibus, aut etiam defendentibus*. Ratio est, quia res motu factæ, non tantum, sunt effecta moventis, sed etiam ipsius motus. Præterea D. P. eodem loco & ordine conscientiam ponit cum intelligentiâ, opinione, scientiâ, fide ac prudentiâ: sed nemo hæc ita definirer, ut habeantur pro distinctis animæ facultatibus.

5. Quidam sunt inter scolasticos, qui conscientiam volunt esse habitum. Scot. Bon. Dur. quod quamvis concedi possit de aliquâ parte vel principio conscientie: simpliciter tamen de illo toto, quod conscientie nomine propriè designatur, non potest concedi. Habitus enim quæ talis, officium unicum est, inclinare ad promptè agendum: sed conscientia alias habet operationes, quas immediate exercet.

6. Per iudicium igitur, in definitione conscientie, intelligimus maxime propriè cum scolasticorum optimis, actû iudicii practici, ex facultate intellectus, vi certi cujusdam habitus

promanantem.

7. Iudicium actuale cum sit vel noëticum, vel dianoëticum, quaeritur cujus generis sit conscientia! R. est dianoëticum. hoc inde liquet, quod non potest sua munera præstare, accusandi, excusandi, consolandi, &c. nisi per argumentum aliquod tertium, cujus vis in syllogismo tantum per consequentiam apparet.

8. Conscientie igitur vis & natura tali syllogismo continetur: *qui vivit in peccato, morietur. ego in peccato vivo: ergo ego moriar. vel sic, qui credit in Christum, non morietur. sed vivet. ego credo in Christum: ergo non moriar, sed vivam.*

Syllogismus
conscientie.

9. Conscientia respectu propositionis, dicitur *lumen & lex*: respectu assumptionis & conclusionis, testis, sed respectu assumptionis, aptissime vocatur *index* vel *liber*: & respectu conclusionis, maxime propriè *index*.

10. Propositionem dicitur *synthesis* propositæ quæ à scolasticis *synderesis* vocatur. Assumptio per appropriationem vocatur *synesis*. Conclusio est ipsa *thesis*.

11. Multi alii sunt syllogismi, qui pertinent ad conscientiam, quatenus vel probant antecedentem partem syllogismi huiusmodi principalis, vel conclusionem ipsam illustant: sed illo syllogismo tantum conscientie ratio tota continetur, cujus propositio agit de jure, assumptio de facto vel statu, & conclusio de relatione exigente.

exurgente ex facto vel statu nostro, in reatu, vel in securitate quādam ratione illius juris. Quæ conclusio vel spirituali consistit.

CAP. II.

DE SYNTERESI.

1. Synteresis illa ex qua fuit propositio hujus syllogismi, maxime proprie est habitus intellectualis, quo assentimur principiis operationum moralium, vel officium nostrum spectantium, in ordine ad Dei voluntatem: unde etiam nomen habet græcè à conservando, quia Dei beneficio multæ notitiæ rerum agendarum & fugiendarum, in mente hominis etiam post lapsum conservantur. Nimis enim dura & absurda est illa durandi explicatio, qui synderisim græcè *coilectionem* sonare somniat.

2. Quia hæc synteresis est habitus, idcirco multi conscientiam appellant habitum: sed hæc est principium tantum conscientiæ, neque partem ejus constituit, nisi quæ est in actu exercito.

3. Synteresis ista habitus dicitur naturalis, respectu luminis quo intellectus hominis aptus natus est ad assensum præbendum hujusmodi principiis, dicitur etiam habitus acquiritus respectu specierum, vel completæ perceptionis illius, ad quam intellectus aptus naturaliter existit, & quasi in proxima potentia.

4. Synteresis hæc non nisi ratione diffinit à lege naturæ, vel à lege illa

Dei, quæ est omnium hominum cor-
dibus naturaliter inscripta: est enim
lex objectum: & synteresis objectum
apprehensum, vel apprehensio ob-
jecti.

5. Synteresis ista, quantum ad
actum, potest ad tempus impediri: sed
non potest planè extingui, vel amitti.
Hinc nemo tam perditus est, ut sit
omnis conscientiæ planè expers.

6. Ad synteresim latius acceptam
referti debent, non tantum conclusio-
nes generales de jure, ex principiis na-
turalibus, per certam consequentiam
deductæ, sed etiam omnes veritates
præcticæ, quibus per fidei revelatio-
nem certum assensum præbentur.

7. Hinc oritur distinctio con-
scientiæ in naturalem & illuminatam.
naturalis est, quæ agnoscit pro lege
principia naturalia & conclusiones ex
iis deductas: illuminata est quæ insu-
per agnoscit quicquid in scripturis
præscribitur. hanc aliquando appellat
scriptura, ut *Rom. 6. 3.* aliquando
verò illam, ut *1. Cor. 6. 9.*

8. Hinc adequata regula con-
scientiæ, est voluntas Dei revelata
quæ homini præscribitur & indicatur
suum officium, constat enim synte-
resis latiore sensu, partim ex principiis
moralibus

Conscien-
tia natura-
lis & su-
pernatu-
ralis.

moralibus innatis, cum corū conclusionibus, & partim ex iis quæ Deus insuper hominī præscripsit: sed utramque partem constituit voluntas Dei revelata, qua homo intelligit sibi suum officium esse præscriptum.

Quid sit
quod obli-
gat con-
scientiam?

9. Hinc lex Dei sola obligat conscientiam hominis. Per legem autem Dei intelligi nus voluntatem illam Dei revelatam, de qua modo dictum est: ita ut continet etiam illa, quæ in euangelio hominī præscribuntur.

10. Obligare (sensu hoc morali) est illam auctoritatem habere, ut conscientia illi subijcere se debeat: ita ut peccatum sit, si contra illam quidquam fiat.

11. Hinc quamvis ad justas leges humanis iusto modo observandas obligentur homines in conscientiis suis à Deo: ipse tamen leges humane quæ sunt leges hominum, non obligant conscientiam.

12. Conscientia immediatè Deo & ejus voluntati subijcitur. Non potest ulli creaturæ semet subijcere sine idololatia.

13. Intermos conscientie motus solus Deus novit. Solus igitur potest

illis legem ponere, aut conscientiam in illis obligare.

14. Solus Deus potest conscientiam peccantem punire. Solus igitur potest aliquid ipsi prohibere.

15. Promissio ipsa, quamvis sancta, & juramento confirmata, quatenus actus est humanus, non propriè obligat conscientiam, propter rationes ante positas; quamvis à Deo homines in conscientiis obligentur ad sanctam & religiosam ejus observationem, sicut ante dictum fuit de legibus humanis, & potest aliquo modo affirmari de omnibus pactis, & aliis conditionibus cunctis, quibus positis, officii necessitas sequitur ex conscientia erga Deum. Tenentur agrotus ex conscientia, obtemperare salutari consilio medico: um: sed medicorum præscripta non obligant conscientiam ejus tamen.

Suceptis liberis, tenentur parentes & ipsi ad officia mutua: accipio benedictio obligatur qui accipit ad gratitudinem præstandam; & similis est ratio in aliis multis: nihil tamen hominum obligat conscientiam.

C A P. III.

De Officio Conscientia.

1. Conscientia, respectu sintere-
tus, officium aliud est in ne-
cessariis, aliud in rebus mediis. In ne-
cessariis duo sunt actus vel officia, 1.

obligare hominem ad voluntatem Dei faciendam. 2. impellere ut faciat.

2. Obligat conscientia prout in-
formatur voluntate Dei: quia vim in
se habet

Con-
scientia
obligat.

sefe habet divinae voluntatis, atque adeo Dei ipsius vicem gerit.

3. Dei voluntas quatenus intelligitur, vel potest intelligi, obligat conscientiam ad assensum: quatenus vero in conscientia agnoscitur, immediate obligat totum hominem ad obedientiam.

4. Obligatio hæc tam arcta est, ut nullius creaturae imperio possit ullo modo solvi. *Act. 4. 19.*

5. Hinc homo conscientiam habens voluntatis Dei, officium ali- quod sibi mandantis, est eo respectu, debitor, *Rom. 1. 14. servus, Kom. 6. 16. vinculus, Act. 20. 22. constrictus, 2. Cor. 5. 14. & necessitate pressus, 1. Cor. 9. 16.* ita ut non possit aliter facere *Act. 4. 20.*

Con-
scientia
impellit.

6. Impellit conscientia vi tute obligationis, quatenus illa obligatio est voluntati causa impulsiva, ut congruenter conscientia sese gerat.

7. Significatur hic impulsus prædictis locis, ac phrasibus. Visejus indicatur *Jer. 20. 9. si dicam, non commemorabo eum, neque loquar amplius nomine ejus, atqui est in animo meo quasi ignis ardens inclu-*

sus ossibus meis &c. Ham. 3. 8. leone rugiente, quis non timeat? Domino Jehovah edicante, quis non prophetae? Act. 17. 16. irritatus spiritum.

8. Huic impulsui conscientie, si conscientia in homine voluntatis constans dispositio, constituunt simul conscientiam moraliter bonam.

9. In rebus mediis actus & officia hujus conscientie sunt etiam duo, 1. discernere, 2. dirigere.

10. Discernere; hic est necessarii & liberi, liciti & illiciti differentias notare & indicare.

Conscien-
tia discer-
tio.

11. Dirigere; est pro ratione circumstantiarum, ordinare actiones licitas ad bonum finem.

Conscien-
tia direc-
tio.

12. Fines in mediis etiam rebus perpetuo spectandi, sunt Dei gloria, proximi edificatio, & necessarium nostrarum actionum adjumentum.

13. Tanta vis est hujus directionis, ut actionem sua natura mediam efficiat bonam, sicut ex adverso, non tantum prava directio, sed bonæ directionis defectus, eandem actionem efficit malam.

C A P. IV.

De Conscientiâ Errante.

Circa hanc doctrinam, quæ primi actus & officia conscientie traduntur, quæstiones varie moventur, quæ magni cum sunt momenti, in o-

mni vitâ ad actiones nostras recte instituendas, necessarii hic debent paucis expediri.

Q. 1. Quæstio 1. est an conscien-
tia errans

ua errans obliget?

R. Ut recte solvatur ista questio, quinque hæc sunt breviter explicanda. 1. quid sit conscientia errans! 2. circa quæ versetur. 3. unde error in conscientia exoriatur! 4. quam generales differentie sunt errorum istorum! 5. quot sunt modi obligandi!

Error privativus & positivus.

1. Conscientia errans vel privativè opponitur conscientie recte, ita ut comprehendat omnem conscientiam, quæ non recte judicat cum debet, etiam dubiam, & scrupulosam: vel positivè opponitur, ita ut illam solam conscientiam designet, quæ aliter judicat quam res est: quæ per assensum firmum, quem præbet alteri parti questionis, distinguitur à conscientia dubia & scrupulosa. Intellegitur autem in hac questione conscientia positivè errans.

2. Quædam sunt principia adeò clara, & cordibus omnium inscripta, ut errorem conscientie circa se non patiantur, si scilicet fiant: quale est, Deum esse diligendum; perjurium esse cavendum. Nemo enim in conscientie judicio potest in talibus errare, aut eadem facere contra conscientiam. Conscientia igitur propriè errat circa conclusiones ex huiusmodi principiis derivatas.

Causæ erroris conscientie.

3. Oritur conscientie error vel ex eo quod à principiis universalibus conclusiones particulares non rectè deducantur: vel quod illa quæ Deus in scripturis credenda proposuit, non

sitis percipiuntur: vel denique quod perceptis credendis fidei assensus non præbeatur. Causa (præter Dei occulta judicia) aut est inconsideratio eorum, quæ debent considerari: aut prava aliqua dispositio, vel abducens mentem ab inquisitione debita, vel avertens eam à rectè judicando.

4. Error conscientie est, vel de facto, vel de jure: error de jure vel est post factum, vel antè: error de jure antè factum, vel est in eo quod judicet illud esse licitum, quod est illicitum, vel in eo quod illicitum judicet, quod est licitum, vel in eo quod debitum judicet, quod vel est illicitum, vel tantum licitum.

Error de facto & de jure.

5. 1. Obligare & ligare à quibusdam distinguuntur, ita ut obligare dicatur conscientia, quando non solum peccatur si contra eam agitur, sed etiam si non agatur juxta ejus præscriptum: ligare verò, quando non potest quis licite procedere tali conscientie manente, ita ut peccetur si contra eam agatur, & peccetur etiam si agatur, juxta ejus præscriptum. distinctionis hujus mens & sententia est probanda: de verborum differentia viderint autores. 2. obligare etiam ratione objecti distinguitur à quibusdam: vel enim obligatur aliquis ad faciendum secundum conscientiam errantem, vel obligatur ad illam conscientiam deponendam. sed ista distinctio non est accurata: quia conscientia non obligat nisi quia dicit; nulla autem conscientia dum errat, dicit illam eno-

Obligare, & ligare.

rem esse

rem esse deponendum. 3. alii differentiam ponunt inter obligationem illam qua tenetur quis facere, quod conscientia præscribit, & illam qua tenetur non facere contrarium. Sed neque ista distinctio ubique valet. Si enim diceret culpam conscientia sua, mentiendum esse ad vitam conservandam, vel debet ille mentiri, vel necessarium faciet contra conscientie dictamen.

Con-
scientia
errans
ligat.

6. Ex istis fundamentis ita respondetur ad questionem. 1. conscientia quamvis errans, semper ligat, ita ut ille peccet, qui agit contra conscientiam. Ratio est, quoniam agens contra conscientiam, agit contra voluntatem Dei, quamvis non materialiter & verè, tamen formaliter & interpretativè: quia quod conscientia dicat, dicat sub ratione voluntatis Dei. Qui contumeliis afficit privatum aliquem, putans eum regem esse, non privatum, ille regem ipsum læsisse putatur: sic qui conscientiam contemnit, Deum ipsum contemnit, quia quod conscientia dicat, putatur esse divina voluntas. Hinc semper peccat, qui facit aliquid contra conscientiam. Si vero conscientia non errat, tum duplex admittit peccatum, & faciendo quod malum est in se, & malè illud faciendo, ita ut actus huiusmodi dupliciter malus sit, videlicet; tam propterea sua malitia, quam illa quæ supervenit ex conscientie contemptu. Si autem conscientia errat, tum non malum est quod fa-

cit, sed malè illud facit, ita ut unica malitia sit illius, conscientie nempe contemptus.

7. Conscientie error qui est de facto, i. e. de objecto vel materia circa quam actio debet versari, est vel involuntarius & inculpabilis, vel voluntarius & culpabilis. Si sit involuntarius & inculpabilis, tum conscientia aequè obligat ac si non erraret, ad faciendum illud quod dicat. ut, si quis rem aliquam suam esse bonâ fide iudicet, cum sit aliena, conscientia dictante potest ac debet eadem uti ut suâ. si quis bonâ fide iudicet cum esse suum principem qui est tyrannus, vel eum esse magistratum legitimum, qui titulum illum falsò sibi vendicat, obedientiam debitam tenetur ipsi præstare. Exemplum etiam habemus in Jacobo accedente ad Leam non suam, quam bonâ fide putavit suam esse Rahalem.

8. Si error sit voluntarius, tum eandem habet rationem cum errore illo, qui est de jure.

9. Conscientia errans de jure potest factum, ita ut credat illud quod bene fecit esse peccatum, vel contra, nullam vim ligandi habet respectu actionis illius præterite: quia ligatio & obligatio respiciunt semper actionem futuram: & actio moralis, sicut ipsa voluntas, informatur semper ab apprehensione præcedente, non à sequente. Hinc nulla actio sit melior aut peior propter conscientiam illam quæ post eam habetur. ligat tamen illa

men ista conscientia, ex occasione facti illius præteriti, ita ut non possit quis rectè procedere in actionibus futuris eodem spectantibus, tali conscientia manente.

10. Conscientia per errorem judicans illud esse licitum, quod est illicitum, ut quæ judicat licitum esse mentiri ad conservationem vite propriæ, vel proximi, ligat quidem, sed non obligat. ligat, quia talem conscientiam habens, obstrictus tenetur, ita ut neque mentiri possit, neque abstinere à mendacio sine peccato. non mentiri, quia hoc est simpliciter illicitum: non abstinere à mendacio, cum tali conscientia, quia talis modus abstinendi est à Deo prohibitus, quamvis ipsum abstinere sit imperatum. Deus enim postulat non tantum ut faciamus bonum & abstinemus à malo, sed etiam ut animo bono, non malo utrumque præstemus. Non obligat conscientia talis, 1. quia nulla est obligatio ad illicita. 2. quia conscientia non obligat nisi virtute præcepti alicujus divini: nullo autem præcepto nititur talis conscientia, lex enim Dei non potest ullo modo inclinare vel obligare quinquam ad peccatum. 3. quia error iste semper est vitium: vitium autem non obligat. 4. quia talis conscientia nunquam tam firmum habet fundamentum, quin postulet amplius inquisitionem. 5. quia obligatur homo ad talem conscientiam deponendam. quamvis enim non satis accuratè di-

citur, quod quidam affirmant, talem conscientiam obligare hominem ad se deponendum, certissimum tamen est, hominem teneri talem conscientiam deponere: est enim pars veteris illius hominis, quem exuere jubemur. *Eph. 4. 22.*

11. Conscientia judicans illud esse illicitum, quod est licitum, obligat ad abstinendum ab illo licito. *Rom. 14. 23.* ratio est, quoniam à licito potest quis absque peccato abstinere.

12. Conscientia judicans illud esse debitum, quod est illicitum, ligat, non obligat, ob rationes positas thesina.

13. Conscientia judicans illud esse debitum, quod tantum est licitum, obligat ad illud faciendum, ut, si dicet conscientia alicui necessarium esse nudare semper manus, cum solemniter orat. Ratio est, quia licita possunt constanter observari sine peccato.

Ob: Si conscientia errans ita ligat, ut illam neque sequi possimus, neque non sequi sine peccato, tum necessitas peccandi imponitur sic errantibus, quod non potest consistere cum aequitate legis Dei.

Sol: 1. Necessitas hæc peccandi qua implicatur aliquis à conscientia sua errante, non est utrinque respectu ejusdem: sed ab altera parte respectu facti, & ab altera, respectu modi faciendi.

2. Non est absoluta necessitas, sed ex suppositione: si nempe retineat talem

De peccato
plexitate
conscientie
errantis
causis.

talem conscientiam, quam potest ac debet exuere.

3. Necessitas hæc non fluit ex natura legis Dei, sed hominis peccato contrahitur simul, & continuatur. Nemo enim sine sua propria culpa est hunc modum perplexus.

Verum
gravius
pecca-
tum sit,
facere se-
cundum,
an con-
tra con-
scientiam er-
rantem?

Q. Vtrum gravius sit peccatum, facere contra conscientiam talem errantem, an vero præscriptum ejus in operando sequi?

R. De gravitate peccati judicandum est ex qualitate rei faciendæ, vel omittendæ, prout est in sua natura, & prout a nobis apprehenditur. Si quis per conscientie errorem, illicitum judicaret interesse cæui ecclesie, cui vias tenentur adesse, quia mini-

strum illius ecclesie improbum hominem esse novit, & se communicaturū putat cum ejus improbitate, ille magis peccat abstinendo, quam si adesset: quia gravius est peccatum, negligere cultum Dei, quam communicare cum alterius personali improbitate in illo cultu. Si vero illicitum judicaret adesse sacris, propter idololatiam, quam judicat ibi admittendam, ille gravius peccaret si adesset: quia peccatum idololatriæ gravius est, quam neglectus veri cultus. Ibi gravius peccat, qui sequitur conscientiam, quam qui contra agit. Hic vero gravius peccat, qui contra agit. Vna igitur cæta & universalis regula constitui hac in re non potest.

CAP. V.

De Conscientiâ opinante & dubitante.

Q. 1. AN quis acquiescere possit in conscientia opinante?

Opinio
quid?

R. Ad explicationem hujus questionis, notandum est, *opinionem*, aliquandò significare judicium, non ex sensu, scientia, aut fide divina, sed ex ratione ita certum, nullam habens ambiguitatem animam: aliquandò vero magis stricte sumitur, pro illo judicio, quo assentimur quidam sententia alicujus veritati, sed non sine suspitione, formidine, vel dubitatione partis oppositæ.

Hæc distinctione posita respondet, 1. In iis, quæ sunt ad salutem &

cultum necessaria, opinio nulla sufficit, quanvis certitudinem habeat summam: sed requiritur fides, quæ nititur certissimo Dei verbo. 2. In iis, quæ à principiis illis sunt remotiora, diligentia est adhibenda, ut certam etiam fidem ex Scripturis comparemus: sed si non possit acquiri, opinionem certam, & ad regulam Scripturæ examinatam, sequi licet in operando. 3. Polita etiam diligentia debita, licet in multis opinionem sequi maxime probabilem. 4. Nunquam licet contra propriam opinionem, vel certam, vel probabilem, agere, propter alio-

num hominum auctoritatem. 5. duas probabiles opiniones oppositas de eadem questione, nemo potest simul habere, ita ut licite possit relinquere unam, & sequi alteram.

Q. 2. Quid sit agendum, cum conscientia est dubia? R. Ad explanationem hujus questionis, advertendum est.

1. Dubia dicitur conscientia latiore sensu, etiam cum assensus fidei, vel opinionis, praevalet, quamvis dubitationem aliquam habet annexam. Sed strictè ac propriè illa conscientia dubia vocatur, quæ in questione de qua agitur, neutri parti assentitur, sed planè hæret ac hæsitat inter assensum & dissensum. De dubitatione priorè, partim dictum est in questione præcedente, & partim dicitur questione sequente: agitur hic de conscientia illa, quæ proprio & stricto sensu dubia vocatur.

Dubitatio
speculativa
& practica.

2. Dubitatio est vel speculativa, vel practica. Speculativa est illa, quæ immediatè non versatur circa praxin, vel actionem peragendam: ut cum dubitat quis, an hoc vel illud sit suum, necne? Practica est, quæ immediatè versatur circa singularem aliquam operationem, an hic & nunc sit peccatum, vel non peccatum, licitum, vel illicitum?

R. Hi constitutis, responderetur.

1. In omnibus illis dubiis, quæ nullo modo pertinent ad nostram praxin, diligens inquisitio est adhibenda, ut veritatem perspectam habeamus, ac

dubitatio pellatur. Ratio est, quia dum in dubio est animus, actio non potest non destitui illà perfectione, quam explorata veritas secum adfert.

Quò certiore enim cognitionem habemus, de iis, quæ agimus, eò fidentiores sumus in agendo, & cum egimus, latiores.

2. Agere sæpè licet manente dubitatione speculativâ. Ratio est, quia sic faciens, non necessariò agit contra conscientiam dubiam, neq; sine conscientia certa: potest enim, non obstante illâ dubitatione speculativâ, certò apud se statuere, illud quod agit, esse faciendum. Exempli causa, possidet quis bonâ fide aliquem fundum, & incipit dubitare an sit suus, si tamen non sciat esse alienum, jure potest retinere, quia ceteris paribus, melior est conditio possidentis.

3. Contra dubitationem practicam non licet quicquam agere. Ratio est, 1. quia non potest facere ex fide. *Rom. 14. ult.* 2. quia sic agens non satis abhorret à peccato: sciens enim & volens exponit se periculo peccandi. 3. quia non satis deditus est Dei voluntati faciendæ. Sicut enim contra amicitia legem agit, qui id ultro facit, de quo dubitat, an sit amico gratum? ita contra legem charitatis in Deum facitis, qui id agit, de quo dubitat, an sit Deo gratum, necne?

4. In dubiis tutior pars est eligenda. Tutior autem pars est illa, in qua sequenda, certum est, nullum in se

in esse peccatum. e. g. dubitat quis, an usura sit licita, necne? tutissimum est abstinere: in hoc enim nullum est periculum peccandi.

Hujus regulæ aequitatem videntur ex parte philosophorum nonnulli, quorum hac de re judicium refert ac

probat Cicero offic. lib. 1. *bene præcipiunt (inquit ille) qui vetant quidquam agere, quod dubites æquum sit, an iniquum? æquitas lucet ipsa per se: dubitatio cogitationem significat injuriæ.*

CAP. VI.

De Conscientiâ scrupulosâ.

Q. Vid sit agendum, cum conscientia sit scrupulosa?

R. Ad hujus questionis intelligentiam, advertendum est. 1. *Scrupulum esse formidinem animi, circa suam praxin, quæ conscientiam vexat, instar lapilli exigui in calceo latentis, qui pedem extruciat.* 2. *Quamlibet formidinem non propriè dici scrupulum, sed illam, quæ exoritur ex levis argumentis, vel nullis.* 3. *Scrupulosum aliquem esse, vel in discutendis actionibus præteritis, vel in futuris institutendis.* 4. *Omnis scrupulos, Deo sic ordinante, vel ut puniatur, vel ut probetur, aliquandò ex Diaboli suggestione, alias ex scientiæ defectu, alias ex melancholia, vel simili aliqua corporis constitutione, alias ex consortio hominum scrupulosorum.* 5. *Scrupulosam conscientiam in eo differre à dubia, quod conscientia dubia neutri parti questionis præbet: scrupulosa verò uni parti attenditur, sed in alteram partem cum vexatione quadam sollicitatur.*

His constitutis, respondetur ad questionem. 1. *Gratiâ Dei instanter implorata, diligentia est adhibenda, ut scrupuli illi, qui ratione possunt eximi, justo examine removeantur.* Tum enim conscientia maxime quiescit, cum certa nititur cognitione. 2. *Juvat multum, vitæ (si commodè fieri possit) cogitationem de illis rebus unde scrupuli oriuntur.* Quando semel enim moveturphantasia, multi motus consequuntur, qui sine magna difficultate non possunt compesci, sicut in lateribus ordine contextis, uno cadente, ceteri sequuntur: & hinc multiplicentur scrupuli in conscientiis (ut loquuntur) timoratis. 3. *Multi scrupuli cum non possunt commodè tolli contraria ratione, deponi debent quasi violentiâ quadam, dum excluduntur ab omni consultatione.* Scrupuli enim, dum actu non applicantur, non sicut molesti. Et quidam sunt ad id molesti, ut imbecilliores & minus periti non possint alia ratione ab ipsis liberari.

Attentio enim ad scrupulum ratione tollendum, scrupulum sepe vel parit, vel auget. Exempli causa, norunt omnes Dei nomen esse quotidie invocandum: potest quis tamen ita vexari impiis cogitationibus, ut inde scrupulus exoritur ipsi, an debet orare? non tutum hic semper est examinare istas cogitationes, neque diu de ista quaestione disputare, sed quasi violenter abjicere debet istam formidinem, & ad preces ut potest, se accingere. * Si non possint amoveri quin adhuc sint molesti, licitum, & consultum est agere contra istiusmodi

scrupulos. c. c. si quis sit, cui fure indignitatis consideratio sit admodum molesta, ut vix audeat ad mensam domini accedere, quamvis sentiat in semetipso sinceram fidem & rescipiscentiam, potest, ac debet, hoc scrupulo non obstante, accedere ad cenam dominicam. Neque hoc est agere contra conscientiam, sed secundum conscientiam. Scrupulus enim est formido temeraria, & sine fundamento, atque admodum non potest obligare. Imò ex consuetudine agendi contra hujusmodi scrupulos, conscientia ipsa redditur firmior.

CAP. VII.

De Attentione Conscientia ad sua facta.

HActenus de synteresi vel propositione illa, qua conscientia dicitur sententiam juris: sequitur secunda pars hujus judicii, qua secundo in loco, conscientia hominis testatur de suo facto secundum illud jus.

Ratione hujus actus, conscientia dicitur *testis*, & in proverbio communi *mille testes*, dicitur etiam *liber*. Rev. 20. 12. quoniam in mente hominis quasi in tabulis obliquis, conscriptum relinquitur, quid fecit, & quo animo, quod etiam tandem à conscientia legitur, & pronuntiatur.

Assumptio igitur syllogismi illius practici, in quo conscientia consistit, nihil aliud est, quam recognitio facti vel status nostri, prout respicit

jus illud, quod ipsa conscientia dictavit. Hujus natura ut melius intelligatur, quedam declaranda sunt de facto, quod recognoscitur: & quedam de ipsa recognitione.

Factum vel congruit conscientia dictamini, vel advertitur illi.

Dictamen autem conscientia, ad quod exigitur factum aliquod, aliquando antecedit & comitatur ipsum factum, aliquando vero sequitur.

Exemplum facti adversus dictamen conscientia antecedens & comitans habemus in iis, de quibus Apostolus loquitur, Rom. 1. 32. qui Dei jure agnito (nempe eos, qui talia faciunt, dignos esse morte) tamen non solum ea faciunt, sed etiam facientibus con-

bus consentiunt ultro.

Exemplum facti adversus iudicium conscientie factum ipsum consequens habemus in Judæis illis, qui Christum interfecerunt per ignorantiam. *Aët. 3. 17. 1. Cor. 2. 8.* postea tamen melius instituti, longè aliter de suo facto iudicabant, quàm tum cum illud patrabant. *Aët. 2. 37.*

Quomodo peccat homo adversus conscientiam suam?

Q. Exoritur hic quæstio satis facilis, quomodò quis possit quidquam agere contra præcedens, & concomitans iudicium conscientie suæ? Ratio dubitandi ex eo surgit, quod voluntas (ut multis videtur) non potest velle aut nolle aliquid, nisi fuerit prius dictatum à ratione: illud esse volendum, aut nolendum: neque potest non sequi ultimum iudicium practicum, illud faciendo quod ratio dicat esse faciendum: & per consequens, non potest movere sese voluntas, contra dictamen conscientie.

R. Ad huius rei explicationem conclusionis iste videtur ponende.

1. Contra conscientiam ut habitum, vel contratynteresin & posse agere, & agere etiam multos, ita manifestum est, ut de eo nemo possit dubitare. Hi autem omnes aliquo sensu agunt contra conscientiam.

2. Contra conscientiam ut actum, illi omnes agunt, qui aliquid faciunt contra iudicium, quod actu habuerunt, & adhuc in ipsis virtute manet, quamvis non actu.

3. Non potest voluntas aliquid velle, appetere, eligere, prosequi, sine

apprehensione speculativa præcedente. Ratio est, quia objectum voluntatis est bonum ab intellectu apprehensum. Ignoti nulla cupido.

4. Apprehensio objecti simplex, absque ullo iudicio practico, quod hic & nunc sit prosequendum, vel fugiendum, sufficere potest ad voluntatis actum eliciendum. Satis hoc apparet in amentibus & infantibus, ac omni voluntatis motu non deliberato. Ratio est, quia bonum apprehensum omnes condiciones habet, quæ in objecto voluntatis requiruntur. Voluntas autem non minoris virtutis est circa suum objectum, quàm appetitus sensitivus est circa suum, qui tamen excitatur per simplicem apprehensionem sui objecti.

5. Potest voluntas suo nutu suspendere suum actum circa objectum apprehensum, & iudicatum, sine ullo iudicio præcurrente. Si enim ad suspendendum actum, & ut cessemus ab opere, necessariò requiritur iudicium, tum ad suspendendum illud iudicium, requiritur aliud iudicium, & sic erit processus in infinitum.

6. Voluntas potest avertere intellectum à consideratione alicujus objecti jam apprehensi, & iudicati, & convertere ad considerationem alterius alicujus objecti ante apprehensi. Huius imperii ratione, voluntas est prima causa incogitantie, & erroris culpabilis in intellectu. Cum autem voluntas primò incipit avertere intellectum ab eo, quod iudicavi, facit

hoc ex propria sua inclinatione, sine judicio: alias duo hæc simul adessent judicia, hoc est prosequendum: hoc non est considerandum: quod est absurdum.

7. Ad objectum apprehensum sub aliqua ratione boni, utilis, vel jucundi, movere sese potest voluntas, quamvis ratio judicet illud non esse honestum, sed turpe. Ratio est, 1. quia quodcumque bonum intellectus proponit voluntati, in hac vita, proponit illud cum indifferentia quadam judicii, ut non habens necessariam connexionem cum bono in communi, ad quod naturaliter determinatur voluntas. Unde libertas hominis in operando, radicaliter fundari dicitur in judicio rationis. 2. voluntas, quamvis determinetur ab intellectu quoad specificationem, quia nihil vult, nisi id quod intellectus prius apprehendit; quoad exercitium tamen & semetipsam, & intellectum unâ cum cæteris potentiis efficaciter movet. Hinc libertas formaliter est in ipsa voluntate: quod verum non esset si ab intellectu necessario determinaretur. 3. si stante judicio recto in intellectu, voluntas non potest non rectè velle, tum ad primum peccatum an-

gelorum & hominis, præquirebatur necessario error in intellectu: & sic ante primum peccatum fuit pena peccati. Error enim practicus in intellectu, vel est peccatum, vel pena peccati. 4. si voluntas necessario sequeretur judicium intellectus, tum nullum esset peccatum, propriè loquendo, ex malitia, distinctum ab illis peccatis, quæ ex ignorantia vel ex perturbatione aliqua admittuntur. Sed palam est in diabolis, & in quibdam etiam hominibus, istiusmodi peccatum reperiri. 5. si voluntas necessario sequeretur, tum in hominis regeneratione non opus esset, ut ipsa voluntas internè & in sese renovaretur per gratiam, illuminatio enim intellectus ad omnia sufficeret. Sed hoc est alienum à fide & pietate.

8. Voluntas, quamvis non semper sequitur judicium rationis, semper tamen sequitur imperium illud, cui subicitur, quod sæpè cum judicio consentit. Sed hoc imperium quamvis quoad directionem pertinet ad intellectum, tamen quoad vim & efficaciam pertinet ad voluntatem. Hinc verè dicimus, & ex omnium gentium consensu, volo velle.

C A P. VIII.

De Consentia examine, ac recognitione factorum.

Deinceps agendum est de recognitione illa, quæ versatur circa

facta vel statum nostrum.

1. Recognitionem appello potius quam

quam cognitionem, 1. quia simplex perceptio non sufficit ad istum actum conscientie, sed requiritur iterata perceptio. 2. quia cognitio quædam antecedit sepe & comitatur factum, sed hæc recognitio sequitur.

2. Recognitio hæc est actus reflexus intellectus, quo homo intelligit & cum judicio perpendit suos proprios actus, cum eorum circumstantiis. Solet vocari consideratio vel meditatio de viis nostris. Appellatur in Scripturis intuitus animi. *Psal. 1. 9. 15. intelligentia. Psal. 50. 22. cogitatio, vel reputatio. Psal. 119. 59. apposui cordis. Hag. 1. 5. dictio cum corde. Jerem. 5. 24. vel dictio cordi. Hos. 7. 2. rediit in cor. 1. Reg. 8. 47. repositio in corde. Jerem. 12. 11. & Mal. 2. 2. denique examen vel probatio nostrum ipsorum. 2. Cor. 13. 5.*

3. Causa hujus recognitionis factorum nostrorum debet esse. 1. cura Dei in omnibus placendi. Et 2. metus peccandi. Si enim aliis de causis instituaturs aliqua recognitio factorum nostrorum, non pertinet illa ad conscientiam: quia non respicit judicium Dei, quod ad conscientie actum est planè necessarium.

4. Modus hujus recognitionis in istis duobus consistit. 1. ut non materialiter tantum, sed etiam formaliter consideremus nostra facta. i. e. ut non tantum quid fecimus cogitemus, in ordine nature, sed etiam quid, & quale sit, in ordine morum. E. g.

non pertinet ad conscientiam, si quis cogitet, utrum superaverit adversarium suum necne? Sed si cogitet, utrum in eohomicidium admiserit necne? justum vel injustum sit quod egerit? hic est actus conscientie. 2.

Comparatio est instituenda inter factum & regulam factorum. Sicut enim qui vera dicit, non scit se verè dicere, nisi cum se comparet orationem, sic qui bene vel male fecit, non potest hoc scire, nisi factum comparet cum suâ normâ. Regula autem hujus examinis vel judicii non debet esse naturalis nostra ratio, aut consuetudo aliorum, aut id genus aliarum sed lex, aut revelata voluntas Dei. Alias enim judicium Dei non respicitur, sed nostrum proprium, aut aliorum hominum.

5. Tempus huic recognitioni assignandum respectu malè factorum, in Scripturis notatur aliquandò esse ante comminationem aliquam Dei. 2. *Sam. 24. 13.* aliquandò post comminationem, sed ante judicii executionem. *Mal. 2. 2.* aliquandò verò judiciis Dei jam illatis. *Hag. 1. 5.* sed quò citius instituitur hæc recognitio, eò Deo gravior est, & nobis utilior. Hinc ista meditatio de iis, quæ singulis diebus faciunt, est inter quotidiana exercitia piorum. *Job. 1. 5.*

6. Ex defectu hujus recognitionis, generatur. 1. impenitentia, in gravissimis peccatis. *Esai. 44. 18. Eccles. 4. 8.* præsumptio in maximâ miseria. *Rev. 3. 17.* & stupiditas

tanta,

tanta, ut qui alia multa sciunt, semetipfos & sua facta prorsus ignorant. Hinc non desunt temerè jurantes quidam, qui de illo peccato moniti, eodem ferè spiritu, jurato solent affirmare, se non jurasse.

7. Singularia effecta hujus reco-

gnitionis viarum nostrarum sunt. 1. respectu Dei, rectum judicium de ejus viis. *Ex. 19. 25.* & gratitudo. 2. respectu nostri, humilitas, & 3. respectu aliorum, æquitas & lenitas. *Tit. 3. 3. 4.*

C A P. IX.

De Applicatione juris, ex facto agnito, quam conscientia facit ad personam.

Tertius actus conscientie sequitur, quo conclusio infertur ex præmissis. Conclusio hæc est actus conscientie, quo homo sibi metipso applicat jus illud Dei, quod factum vel statum suum attingit.

2. Pendet igitur ista conclusio, partim ex generali illo jure, quod in propositione synteresis dicitur, & partim ex recognitione illa facti vel status; quæ in assumptione continetur: ita ut recolligat vim antecedentium actuum, & totum conscientie judicium perfectum reddat.

3. Sicut igitur in propositione conscientia est *lex*, *Rom. 2. 14.* & in assumptione *testis*, *Rom. 2. 15.* sic in ista conclusionem eadem conscientia est maxime *prophetæ judex*. *1. Job. 3. 20.* Ratio est, quia sicut in propositione, *lex Dei* declaratur: & in assumptione, factum vel status hominis, secundum illam examinatur: sic in conclusione sententia pronuntiatur de homine, secundum suum factum

vel statum, virtute legis declaratur.

4. Rectè igitur per applicationem definitur, quia in hujusmodi conclusione, jus Dei, & factum hominis inter se conjunguntur, & quasi complicantur cum homine, dum in ipsum feruntur judiciali virtute.

5. Applicatio ista, quamvis sui natura sequitur ex antecedentibus actibus conscientie, sicut conclusio syllogismi ex præmissis dicitur necessariò: Iste qui hominis tamen vitio sæpè fit, ut intercessionem ad tempus conscientia patiat: in istoc actu: ita ut propositione, & assuptione positis, nequaquam tamen concedatur. c.c. potest quis in genere intelligere & concedere, omnem hominem qui Deum non colit, esse maledictum: & sibi metipso etiam conscius esse potest, quod ipse non sit vultus Dei creator: & abstinere tamen à sententia maledictionis de semetipso pronuncianda. Potest quis etiam satis intelligere, penitentiam agentem de suis peccatis,

Tarditas
consci-
entia in
applica-
tione fa-
ciendæ.

veniam

veniam paratam esse apud Deum: & sibi multis etiam conscius esse de sua relapsione: ita tamen ut non possit statim applicare sibi veniam, & misericordiam Dei.

6. Vltior est hæc retardatio conclusionis, in iudicio faciendo de male factis: sed accidit aliquando etiam in iis, quæ bene fiunt.

7. Exemplum prioris generis habemus in Iudæis illis, de quibus loquitur Apostolus ad *Rom. 2. 18. 20. 21. &c.* & in ipso etiam Davide, *2. Sam. 12. 5. 6.* qui quid juris esset, de pessimo suo facto, satis intellexit: quid fecerat etiam non potuit ignorare: sed in conclusionis applicatione claudicabat.

8. Exemplum poster. generis, habemus in iis omnib. fidelibus, qui veram poenitentiam agentes, diu tamen ita retinentur, ut gratiam, & misericordiam Dei sibi non possint applicare.

In peccatoribus, causæ sunt, 1. quod non satis seriò cogitant de jure Dei, & suis factis: conclusio enim fuit ex vi & efficacia illa, quæ est in præmissis. 2. quod suis animis infi-

xas habent conclusiones planè contrarias. *Deut. 29. 19.* 3. quod reformidant & fugiunt istas conclusiones, tanquam sibi & suis propositis inimicissimas. *Job. 3. 20.* 4. quod occitantes & obliuisci sunt hujusmodi rerum. *Jac. 1. 23. 35.* Ex istiusmodi causis talis ratiocinari solent impii, & fallere semetipsos. *Jac. 1. 22.*

9. Quod fideles & pii non concludant sæpè ad propriam suam consolationem, causæ sunt, 1. tentatio aliqua prævalida. 2. reliquæ infidelitatis, quæ in renatis etiam permanent. 3. exuperantia illius gratiæ quam debet sibi applicare. Et 4. conscientia propriæ suæ indignitatis, præsertim post gravius aliquod peccatum admissum.

10. Ex ista tarditate hominum in concludendo, & applicando, necessitas imponitur fidelibus omnibus ministris, non tantum voluntatem Dei generaliter proponere, sed etiam juvare homines, quantum possint, tam publicè, quàm privatim, in ejusdem applicatione, prout conditio, & conscientia eorum postulabunt.

C A P. X.

De Effectis applicationis in ipsa conscientia.

EX conclusione conscientia sequuntur effecta quædam, ipsius iudicio congruentia.

2. Effecta hæc vel sunt actus ipsius conscientia, qui virtualiter conjun-

tur in ipsa conclusione, vel sunt affectus & actus voluntatis, qui ex illis oriuntur.

3. Actus conscientia alii respiciunt bene factum, alii peccatum.

C

4. Qui

4. Qui bene factum respiciunt, sunt *excusatio*, & *absolutio*, & *approbatio*. Rom. 2. 15.

Excusatio. 5. Excusatio est actus conscientie, quo homo, respectu sui facti, liberatur à peccati reatu. Excusatio enim hic non strictiore illo sensu accipitur, quo diminutionem, vel attenuationem culpæ designat, sed illo, quo plenam culpæ, & reatus annotationem notat.

Absolutio. 6. Absolutio est actus conscientie, quo hominem, respectu sui facti, à pœnæ metu pronunciat immunem.

7. Hi duo actus, tam arcto, & insolubili nexu inter se conjunguntur, ut ratione solâ differant, non re ipsâ. Excusatio enim reatum respicit maxime propriè: & absolutio pœnam: sed neque reatus tollitur, pœnâ manente: neque manet reatus, pœnâ sublata.

Approbatio. 8. Approbatio est actus conscientie, quo pronunciat hominem in suo facto Deo placuisse.

9. Absolutio, & approbatio in eo differunt ab excusatione, quod in excusatione, conscientia legis partes propriè agit, & respicit Deum, tan-

quam judicem, coram cujus tribunali hominem ut testis exultat: in absolutione verò, & approbatione, conscientia Dei partes propriè agit, & respicit hominem, quem ut iudex absolvit, & probat.

10. Actus conscientie, qui respiciunt peccatum, sunt *accusatio*, & *condemnatio*.

11. Accusatio est actus conscientie, quo hominem, ratione culpæ, arguit reatui affinem. **Accusatio.**

12. Condemnatio est actus conscientie, quo hominem reum adjudicat pœnæ mortis æternæ. **Condemnatio.**

13. Accusatio & condemnatio eodem gradu, & modo inter se differunt, quo excusatio differt ab absolutione, & approbatione.

14. Accusatio & condemnatio ista aliquando statim sequitur post factum, ut in Davide, 2. Sam. 24. 10. aliquando post aliquod spatium, ut in Juda, Matth. 27. 3. aliquando etiam post longum intervallum, ut in fratribus Josephi, Gen. 42. 21. 22. nunquam enim longitudine temporis amoveantur, sed respicientiâ sola.

C A P. XI.

De Affectibus ex conscientia-judicio oriundis.

1. **P**rimas qui in corde oritur ratione excusationis, absolutionis, & approbationis conscientie, est gaudium quo in benefacto suo, ut in vero bono sibi conjuncto acquiescit.

Prov. 15. 15. 2. Cor. 1. 12. Hoc **Gaudium.** autem gaudium à risu & lætitiâ vanâ multum differt. 1. quia intimè afficit hominem in ipso cordis recessu, 2. quia serena est dispositio cordis, non levis

levis commotio. 3. quia solidum fundamentum habet, atque ad id ex meditatione iusta magis magisque in-
valet. 4. quia solidos etiam, & pios
fructus profert. Quæ omnia de iis
& lætitia vulgari negantur. *Ecc. 2. 2.*

Fiducia.

2. Secundus affectus est fiducia,
quæ animum habet à mali metu & in
firmâ spe boni confirmatum. *Prov.*
10. 9. & 28. 1. Ratio est, quia omnis
miseria oritur ex culpa, & benè vi-
ventibus omnia bona promittuntur.
1. Tim. 4. 8.

Pudor.

3. Affectus primus ab accusatione
& condemnatione conscientie oriun-
dus, est pudor, quo peccator libimet
ipsi displicet, in eo quod fecit. Ratio
est, quia peccatum semper commu-
tationem homini adfert in pejus. *Ge-
nes. 5. 7.* Pudor autem iusti culpam
respicit, ita ut pareat ejus fugam, est
inter signa resipiscentie. *Rom. 6. 21.*
sicut impudentia peccatis adjuncta,
semper est impenitentis & perditionis ho-
minis nota.

4. Secundus affectus est mæror
vel tristitia cordis, quæ animus tur-
batur ex conjunctione mali. *1. Sam.*
25. 31. Ad. 2. 37. Ratio est, quia
accusatio, & condemnatio conscien-
tiæ, non peccatum tantum, & reatum
ejus, sed ipsam poenam etiam reddit
aliquo modo præsentem.

Mæror.

5. Tertius affectus est timor, quo
animus refugit à malo imminente, &
à Deo ipso, tanquam à iudice severo.
Gen. 3. 10. Prov. 28. 1. Apoc. 6. 16.
Ratio est, quia consummatio mali
adhuc expectatur. Timoris hujus in-
tensiores gradus dicuntur tremor &
horror.

Timor.

6. Quartus affectus est desperatio,
quæ omnis spes relevationis abjicitur.
Hebr. 10. 27.

Angor.

7. Quintus & ultimus est angor
& vexatio animi, propter miseriam
opprimentem. Hic est vermis ille
spiritualis, qui perpetuo cruciat
damnatos in inferno. *Marc. 9. 44.*
Esai. 66. 24.

CAP. XII.

DE CONSCIENTIA BONA.

Hactenus de naturâ conscientiæ, prout in definitione
fuit, explicata: distributio conscientiæ sequi-
tur, quæ petitur ab adjunctis.

1. Conscientia vel bona est, vel vel quoad quietem, & pacem.
mala.

2. Conscientia bona dicitur vel
quoad honestatem, & integritatem, etiam, & efficaciam.

3. Conscientia honestè bona est, Conscien-
tia honestè
bona.

C 2

4. Ad

4. Ad conscientiam igitur honestè bonam, requiritur. 1. ut rectè ac syncretè iudicet illud bonum esse, quod Dei iudicio est bonum: & illud malum esse quod Dei iudicio est malum. Hoc autem requiritur primo in illo iudicio, quod est de jure, & pertinet ad propositionem syllogismi, quo actus conscientie continetur: & secundo in illo iudicio, quod est de facto, & pertinet ad assumptionem.

5. Requiritur 2. ad conscientiam honestè bonam, ut excuset, absolvat & prober hominem de eo, quod bene fecit, & accuset etiam atque condemnet de malè facto.

6. De priore illo officio, quod versatur in excusando, absolvendo, & approbando, nulla est controversia inter Theologos. De secundo verò, quod in accusando & condemnando versatur, movent nonnulli questionem, qui putant bonitatem conscientie nullo modo in accusando consistere, sed in excusando tantum.

7. Rationes adferunt duas. 1. quod conscientia Adam ex ordine creationis excusavit tantum, non accusavit. 2. quod conscientia bona offenditur & laediatur, cum peccatum committitur, & accusandi occasio præbetur. Sed prima ratio non valet: quia conscientia in statu innocentie, quamvis actu non accusabat, potentiam tamen accusandi habuit, siquidem occasio foret. Neque magis vitio verti potuit conscientie postea cum iuste accusavit & condem-

navit, quàm ipsi legi, & iudici summo, qui idem fecit post ingressum peccati, non antè.

8. Tantum verò ab abstinentia accusatio iusta ab omni iusta reprehensione, ut à peccatoribus imprimis requiratur, tanquam unica via pœnitentiam agendi de peccatis admissis. Tenetur enim peccator, ut iudicium Dei effugiat, semetipsum iudicare, id est, Deo in quem peccavit, iudicium & iustitiam facere de semetipso. 1. Cor. 11. 31. Hoc autem facit, causam Dei agendo contra seipsum, id est, accusando se, testificando, allegando, & confitendo, vel jus Dei contra se recognoscendo, revelando cordis sui occulta, & turpitudines absconditas, in sui ignominiam & pudorem: deinde condemnando se, id est, declarando supplicium & pœnam, quæ ex iusto Dei iudicio possit ipsi irrogari, vel proclamando se reum esse mortis æternæ. Ad hoc autem iudicium conscientie, affectus excitans congruentes, si (per gratiam Dei) mutatio animi accedat, cum fiduciali appellatione ad tribunal misericordie divine in Christo, tum verum sensum habet (quod à quibusdam dici solet) iudicium hoc pœnitentiale evacuare iudicium pœnale; accusationem, testificationem, & condemnationem itæ futuræ, per vicarios istos actus declinari; imò Deum ipsum in Christo, advocatum, testem, & iudicem futurum pro eis qui pro Deo contra semetipsos has partes

partes egerunt in conscientie foro penitentiali.

9. Neque tantum sub ratione medij tenemur ad istam accusationem, & condemnationem nostrum ipsorum, sed etiam ratione iustitie naturalis. Si enim in hominem peccaverimus, debemus ipsi iudicium de nobis facere, cum accusatione & condemnatione culpam agnoscendo; tum multò magis tenemur hoc facere Deo. Huc etiam accedit officium servorum, cuius obligatione tenemur à Dei partibus stare in omni controversia, lite, aut contentione, quam habet adversus injustitiam, & maxime adversus propriam nostram injustitiam, quæ maxime nobis nocet, & adversus quam multò plus possumus, quam adversus alienam. Adde istis considerationem illius æquitatis: Si fratri adesse tenemur, quandoocunque sine incommodo fieri potest, in qualibet parte litis & iudicii ejus iusti, ut testis vel accusatoris partes in ejus gratiam agamus; quanto magis tenemur hoc facere pro Deo? Tenetur enim quisque incomparabiliter magis adhærere Deo, quam sibi ipsis: Et Deo, etiam in causa quam habet adversus ipsum, assistere, accusando, testificando, iudicando, &c. Practicas hæc illustrationes (quas ex alia occasione proponit & urget G. Par.) visum est huc referre, tam propter lucem, quam adferunt questioni præsentī, quam propter egregium usum, quem habent in exhortationibus ad penitentiam praxin.

tationibus ad penitentiam praxin.

10. Secundatio, qua obijcitur offensio conscientie accusationi adjuncta, est etiam invalida: quia illa offensio & fuscio vel est ipsa accusatio, vel affectus consequens accusationem. Idem etiam iudex, qui rectè & iustè condemnat, potest ac solet agrè ferre, quod habeat occasionem ita faciendi: multò enim libentius absolvit bonos, quam malos condemnat.

11. Quod ad rem ipsam attinet, accusationis actus ex peccato quidem sequitur, non sub ratione culpæ, sed penæ. Conscientia igitur accusans, qua accusat rectè, est honestè bona, quamvis respectu molestie, quam adfert, dici solet mala, ut ceteræ omnes penæ: & possit etiam vocari mala, quia semper versatur circa malum culpæ ante admissum.

12. Requiritur 3. ad conscientiam honestè bonam, ut recti iudicii virtute, efficaciter excitet ad bonè faciendum, & retrahat ab eo, quod est malum. *Hebr. 13. 18*, Hoc autem à solâ conscientia non efficitur, sed requiritur etiam honesta dispositio, & intentio voluntatis, conscientie iudicio respondens.

13. Conscientia pacatè bona est, quæ excusat, absolvit, consolatur. *Act. 24. 6*. Hinc etiam ad conscientiam isto respectu bonam, pertinent affectus *gaudii, fiducia, securitatis, & libertatis*.

14. Conscientia simul honestè &

pacatè bona, est illa, quæ ab Apostolo vocatur καθαρά munda vel pura.

2. Tim. 1. 3. καλή pulchra. Hebr.

13. 18. ἀπεόκλον inoffensa: quæ est consolatio & gloriatio fidelium.

2. Cor. 1. 12. Et ad quam conservandam, omnes injustas molestias parati sunt ferre. 1. Petr. 2. 19.

Quomodo
efficitur
conscientia bona?

15. Conscientia post lapsum efficitur bona, 1. per sanguinem Christi fide applicatam, quo reatus, accusatio & condemnatio tollitur. Hebr. 9. 13. 14. & 10. 22. 2. per virtutem ejusdem sanguinis in respiciencia & sanctificatione spiritus. 1. Tim. 1. 5. Ait. 15. 8. 9. quæ constituuntur fideles in firmo proposito bene vivendi. 3. per testificationem Spiritus, quâ non tantum gratia Dei pro tempore præsentis, sed & ejusdem continuatio, ad opus bonum, obsignatur. Eph. 1.

13. 14. Rom. 8. 35. &c. 1. Petr. 1. 5. 6.

16. Conservatur conscientia bona per exercitium illud, de quo loquitur Apostolus Ait. 24. 16. Exercitium autem hoc in istis præcipue consistit. 1. ut reverentia Dei in cordibus nostris perpetuè possit vigere. Psal. 36. 2. Hæc enim respicere nos facit ad judicium Dei in omnibus. Psal. 119. 6. 2. ut de lege Dei meditemur interdiu ac noctu. Psal. 1. 2. Hoc enim pertinet ad propositionem conscientie stabilendam. 3. ut cum acti judicio proprias nostras vias examinemus. Psal. 4. 5. Hoc enim applicationem legis infert in assumptionem. 4. ut per assiduam respiciencia ac fidei renovationem sordes contractas expurgemus. 1. Job. 3. 3. in eo etenim efficacia ponitur conclusionis.

Quomodo
con-
servetur
consci-
entia
bona?

C A P. XIII.

De Conscientiâ infirmâ & firmâ.

1. CONSCIENTIA bona gradus quosdam admittit, quorum ratione, distinguitur ab Apostolo Paulo, in infirmam, & firmam. Rom. 15. 1.

2. Conscientia infirma est, quæ ex sincera fide quidem est emendata, sed imperfectionibus iis præpeditur, quæ temporis progressu à plerique omnibus fidelibus solent superari.

3. Fides vera præsupponitur in

conscientiâ infirmâ. Infirmus enim est frater. Rom. 14. 15. 21. non damnandus, aut pro nibilo habendus. v. 10. propter quem Christus est mortuus. 1. Cor. 8. 11. Hæc igitur conscientia cum sit bona, toto genere distat ab illâ, quæ vel malitia, vel arrogantia, vel superstitione informatur.

4. Imperfectiones, quibus laborat conscientia hæc infirma, sunt 1. in scientia, quod nondum satis intelligat, quod

Imper-
fectiones
consci-
entia in-
firmæ.

gat, quid sit licitum, ac purum? 1. Cor. 8. 7. Rom. 14. 14. hæc autem scientiæ infirmitas, appellatur etiam infirmitas fidei. Rom. 14. 1.

5. Secunda imperfectio, ex priorē pendens est in affectu, quod facile contristatur, & inquietatur, cum vider alios id facientes, quod ipse non probat. Rom. 14. 15. propter escam frater tuus tristitia afficitur.

6. Tertia imperfectio est, in iudicio, quod facile iudicet ac damnet aliorum libertatem. 1. Cor. 10. 29. Roman. 14. 3. 15. cur enim libertas mea damnatur ab aliâ conscientia? qui non edit, edentem ne condemnato.

7. Quarta imperfectio est in animi proposito ac statu, quod facile impellitur ad malam partem. 1. Cor. 8. 10. Etenim si quis viderit te illa cognitione præditum, in idoleis acumbere, nonne conscientia ipsius qui infirmus est instruitur ad edendum ea, quæ sunt idolis mactata? unde etiam maxime propriè dicitur offendit, scandalizari, vulnerari, & perdi. Rom. 14. 21. 1. Corin. 8. 9. 12. Rem. 14. 15.

8. Conscientia firma est, quæ sta-

biliter in veritate. Rom. 14. 5. Vnusquisque in animo suo plenè certus est. 2. Pet. 1. 12. peritos & stabilitos in præsentē veritate.

9. Stabilitas hæc est 1. in scientiâ, & non tam in ejus claritate, quàm in certitudine consistit. 1. Cor. 8. 4. 7. Scimus idolum nihil esse in mundo. sed non in omnibus est ea cognitio: & conscientia eorum, infirma quum sit, inquinatur. Certitudo enim magis pertinet ad fidem, quæ per conscientiam hic intelligitur, quàm claritas illa, quæ est scientiæ propriè dictæ. 2. in affectu illo quo paratâ semper est tolerare, ac portare infirmitates aliorum. Rom. 15. 1. Debemus nos, qui firmi sumus infirmitates imbecillorum portare. 3. in iudicio, ne fratri proponat quidpiam, ad quod impingat vel offendant. Rom. 14. 13. Hic potius adhibere iudicium, ut ne fratri proponatis quidpiam, ad quod impingat, vel offendant. 4. in proposito ac statu animi, quo ita roboratur in veritate ac pietate, ut non facile dimoveatur. Heb. 13. 9. Bonum enim est gratiâ constabili cor.

CAP. XIV.

DE CONSCIENTIA MALA.

Sic fuit Conscientia bona.

1. Conscientia mala dicitur, vel molesta ac doloris.
 C. respectu viui, vel respectu
2. Conscientia vitiosè mala est, quæ

que rectum & efficax iudicium non facit. Talis est conscientia omnium nominum non tenentorum. Non minus latè enim extenditur in genere humano, quàm corruptio ipsa originalis cuius pars non minima est conscientia polluta Tit. 1. 15.

3. Primum vitium conscientie malæ, est cæcitas, quâ non aliter iudicat de bono ac malo, quàm corporaliter cæcus de coloribus solet iudicare. *Bonum appellat. malum, & malum bonum. Es. 5. 20.*

4. Secundum vitium, est torpor quidam spiritalis, quo neque excitat efficaciter ad illud, quod bonum esse videt, neque retrahit ab eo, quod agnoscit esse malum. *Rom. 1. 18. qui veritatem in iniustitiâ detinent.*

5. Tertium vitium, est testimonium falsum, quod præcipuè apparet in excusatione, & accusatione falsâ.

6. Excusatio falsa conscientie malæ duplex est: vel enim non accusat ubi oportet: vel absolvit & approbat ubi debet accusare, & condemnare.

7. Prioris generis vitium, religionis loco conitit à pestifera secta libertinorum, qui summam perfectionem in eo collocant, si peccati sensus extinguatur.

8. Pravalet etiam in iis omnibus, qui cum sunt à crassioribus peccatis immunes, sibi metipsis videntur quasi perfecti & nullius peccati accusandi. *Luc. 18. 20. Marc. 10. 20. Hac omnia observavi à juventute meâ.*

9. Secundi generis excusatio fal-

sa, quâ approbat conscientia malæ, ubi debet condemnare, præcipuè reperitur in iis, qui superstitione pravâ sunt imbuti. *Putant fore ut sua illa loquacitate audiantur. Joh. 16. 2. Veniet tempus, quum quisquis vos interemerit, putet se cultum prestare Deo. Rom. 10. 2. Testor de ipsis, eos zelum Dei habere, sed non ex notitiâ.*

10. Accusatio falsa conscientie malæ est, cum ibi accusat & condemnat, ubi debet excusare, id est, ob benè facta. *Rom. 14. 22. Beatus, qui non condemnat seipsum in eo quod approbat.*

11. Conscientia moleste & arum-nose mala est, quæ accusat & condemnat. *1. Joh. 3. 20. Si cor nostrum nos condemnet, &c.*

12. Hinc ad conscientiam isto respectu malam, pertinent affectus tristitiæ, timoris, angoris, &c.

13. Ista conscientia est honestè bona, si rectè accusat: est vitiosè mala, si immeritò id faciat.

14. Conscientia moleste mala & honestè bona, æquè in fidelibus & infidelibus reperitur: sed in nondum credentibus preparationis vim habet ad veram resipiscentiâ & fidem. *Act. 2. 37.*

15. Conscientia moleste simul & vitiosè mala, est etiam communis infidelibus cum fidelibus. Sed in credentibus principium illius gratiæ ad-est, cuius virtute sustentantur, contrahuntur, & paulatim sanantur.

CAP. XV.

De Variis gradibus & modis conscientia male.

1. Conscientia mala secundum varios gradus distingui potest, 1. respectu defectus in hebetatam, stupefactam, cauteriatam, 2. respectu excessus, in perturbatam, & desperatam.

Conscientia hebetata.

2. Hebetata conscientia est, quæ in officio suo est adeo obtusa, ut efficax motus inde non sequatur. Talem conscientiam qui habent, opprimuntur somno quodam spirituali, quo ita ligatur conscientia sensus, ut non magis afficiatur illa, quam homo dormiens suis insomniis.

3. Hebetudo ista apparet 1. in signi stimulatione ad bonum. Exemplum habemus in Agrippa, *Act. 26. 28. prope modum persuades mihi.*

4. Apparet secundò in signi accusatione ob malum admissum. Exemplum habemus in Saule. 1. *Samuel. 24. 18.*

5. Causa hebetudinis istius, in multis non planè impiis est, carnalis quadam securitas, quæ obrepere solet ex pace, ac prosperitate diuturna. *Jerem. 48. 11.*

Conscientia stupefacta.

6. Stupefacta conscientia, quæ non omnino facit officium in accusando, & condemnando, nisi ob gravissima peccata, & cum urgetur gravissimis plagis. Sicut enim lethargici homines non solent excitari, nisi ma-

gno strepitu facto, sic ista conscientia non movetur, nisi ex tonitru judiciorum Dei. Exemplum habemus in Pharaone. *Exod. 8. 9.*

7. Causa stuporis hujus, est & infidelitas, & consuetudo peccandi, quæ tollit sensum peccati.

8. Cauteriatam conscientia, est quæ nulla ratione commovetur, nec in atrocissimis quidem flagitiis. 1. *Tim. 4. 2. quorum conscientia est cauterio resecta.* Hoc genus conscientia in iis præcipuè reperitur, qui postquam fuerunt illuminati, contra propriam suam conscientiam, sceleratæ vitæ sese dederunt.

Conscientia cauteriata.

9. In iis impeditur, & ad tempus quasi extinguitur ipsa syneresis. *Jude 10. quæcumque naturaliter, ut animalia rationis expertia, sciunt, in iis sese corrumpunt.* Suppressio ista naturalium notionum practicarum communiter omnibus insitarum, à philosophis quibundam vocatur *ἀπολιθωσις*, quia tales homines vertuntur quasi in lapides: sicut in Scripturis cor durum, & lapideum habere dicuntur. Ab aliis philosophis *θηρότης* & *θηρωδία* vocatur, quia tales homines obrutescunt plane, 2. *Pet. 2. 12.* vel potius Diaboli naturam induunt. *Job. 8. 44.*

D

10. Hu-

10. Huiusmodi conscientie signa sunt 1. si quis lætetur de malo. *Prov.*

2. 14. 2. si cum peccavit, non possit corrigi. *Prov.* 27. 22. 3. si certatim se dedat manifestis peccatis. *Ephes.*

4. 19.

Conscientia tenera.

11. Conscientie huic malæ, vel cordi duro, opponitur conscientia tenera, quæ facile afficitur verbo Dei: cuius exemplum habemus in Josia. 2. *Reg.* 22. 19. *Quia mollis est animus tuus, & demisti te à facie Jehova, quum audivisses ea, quæ loquutus sum, &c.*

Conscientia perturbata.

12. Conscientia perturbata, est quæ sic accusat, ut animum non sinat esse quietum.

13. Inest secum timorem constentem, & dolorem opprimentem.

14. Appellatur in Scripturis tristitia, dejectio, afflictio vel conturbatio animi, & spiritus fractus, *Prov.* 18. 14.

15. Conscientie perturbatio aliquandò est, honestè bona: aliquandò verò vitiosè mala.

16. Honestè bona est, quandò rectè accusat. Hoc autem fit propriè in iis, qui nondum credunt in Christum; sed accidit etiam in iis, qui verè credunt.

17. In iis, qui nondum credunt, conscientia molestè quidem mala, sed honestè bona, istiusmodi format syllogismum: Qui non credit in Christum, iræ Dei subicitur. Sed ego non credo in Christum. Ergo ego subje-

ctus sum iræ Dei. Hic argumentatio tota est concedenda. Unica verò ratio istiusmodi conscientie pacandæ est, si qui hunc in modum afficitur, adduci possit in alium statum, per veram conversionem ac fidem. Tum enim assumptio illius syllogismi, quæ antea vera fuit, incipit esse falsa, & jure potest negari.

18. In verè credentibus, post gravia peccata, quæ vastant conscientiam, conscientia molestè quidem mala, sed honestè bona, istiusmodi format syllogismum: Qui graviter peccavit, & non idoneam egit penitentiam, is non potest ex vera fiducia consolationem habere in Deo. Ego talis sum. Ergo ego non possum ex vera fiducia consolationem habere in Deo. Hic etiam credendum est conscientie accusanti, & resipiscencia serâ querenda, ut qui sic afficitur, possit tandem jure suo, assumptionem illam negare.

19. Conscientia perturbata, vitiosè mala, est maxime propriè in verè fidelibus. Quamvis enim infideles etiam in eo gravissimè peccant, quòd cum conscientia rectè accusat, non querunt verum remedium in Christo, sed vel planè succumbunt oneri, vel cordis duriæ repellunt, vel ex vanissimis rebus, & quasi foliis ficulneis, querunt levamen; peccatum tamen non est propriè in ipso judicio conscientie, sed in conclusionibus, quæ ex eo deducuntur.

20. Fidelium autem conscientia vitiosè

vitiose perturbatur multis modis. Hic argumentatio conscientiaē diligenter est examinanda. Semper enim vel propositio, vel assumptio potest ac debet negari & refutari, ut conscientia sanetur. Sic est in accusationibus iis, quæ oriuntur ex gratia Dei non percepta: ex sensu iræ Dei: ex afflictionibus externis, ex horrendis tentationibus ad peccandum: & ex variis peccatis.

Con-
scientia
despe-
rata.

21. Desperata conscientia est, quæ sic accusat & condemnat, ut non tantum quietem, sed spem quietis vel remedium tollat.

22. Desperatio illa, quæ tollit omnem spem, quæ ex nostris meritis, aut viribus oriri potest, est honeste bona.

23. Illa autem desperatio, quæ in hac vita tollit omnem spem, quæ ex Dei gratia potest oriri, non tantum est moleste ac ærumnose mala, sed etiam vitiose.

Vernalis
spiritua-
lis.

24. Desperatio autem damnatorum, quæ prorsus tollit omnem spem remedium, est ipsa miseriæ abyssus.

25. Hinc est, quod conscientia planè desperata, (plene repræsentans omnia peccata, unà cum eorum sum-

mo ac indelebili reatu, & horrendam Dei iram super peccatores manentem, unà cum miseria inde sequente, nunquam finienda,) sit effracillimum Dei instrumentum, ad damnatos torquendos, instar vermis corda ipsorum acerrimè mordentis ac rodentis in æternum. *Mar. 9. 46. Vermis eorum non moritur.*

26. Perturbationi, & desperationi, adversatur plena pax, tranquillitas, & gaudium conscientiaē bonæ: quod propriè oritur ex perfectione spei divinæ: quâ apprehenditur immobilis possessio summi boni.

27. Hinc est, quod conscientia bona, perfecte tranquilla, & læta, (quatenus intimè repræsentat, plenam liberat, à malo culpæ ac pænæ, & immobilem ac non perturbandam vitam Deo vivendam, per unionem, & communionem cum ipso, in pace & gaudio summo) sit formalis, & essentialis beatitudo sanctorum in vita futura. *Matth. 25. 21. 23. Ingredere in gaudium Domini tui. Joh. 15. 11. Ut gaudium illud meum in vobis maneat, & gaudium vestrum impleatur. 1. Pet. 1. 8. gaudium ineffabile & gloriosum.*

RECOLLECTIO
BREVIS,
TRACTATIONIS
PRÆCEDENTIS,

prout in disputatione publica pro-
posita fuit ad Theologiæ stu-
dium practicum
excitandum.

THESES THEOLOGICÆ

D E

CONSCIENTIA:

1. **S**cientia inflat; Charitas ad-
fcat: Conscientia verò maxi-
mā cum Religione est adificanda. 1.
Cor. 8. 1. 10.

2. Conscientia est iudicium ho-
minis de semetipso, prout subijcitur
iudicio Dei. Etsi. 5. 3.

3. Est inclinatio quadam volun-
tatis, quā apta nata est, & excitare
intellectum ad huiusmodi iudicium,
& idem etiam sequi: quā inclinatio
à nonnullis conscientia vocatur, ab
aliis pars conscientia: sed minus re-
ctè. Neque enim conscientia nomen,
neque actus ejus in Scripturis com-
memorati, vim aut facultatem aliam
designant, quā intellectum, Rom.
2. 15.

4. Nec tamen quilibet intelli-
gendi actus pertinet ad conscientiam:
sed illi soli, qui tale iudicium practi-
cum constituunt, quale antea thes. 2.
fuit explicatum.

5. Per iudicium autem actus ju-
dicandi maxime propriè notatur,
non tantum habitus, aut facultas.
Rom. 2. 15.

6. Tota conscientia ratio non
continetur alto iudicio, quā d: anoë-
tico; quoniam accusatio, excusatio,
consolatio, & similia conscientia offi-

cia non possunt exerceri, nisi per me-
dium, vel argumentum aliquod ter-
tium, cuius vis in Syllogismo tantum
per consequentiam apparet. Rom. 6.

11. ἔτω καὶ ὑμεῖς λογίζεσθε. Ita
etiam vos colligite. Luc. 19. 22.

7. Syllogismus illius, in quo inte-
gram conscientia iudicium explica-
tur, propositio semper agit de jure;
assumptio de facto vel statu, & con-
clusio de relatione exurgente ex facto
vel statu nostro, ratione illius juris:
quæ vel in reatu, vel in securitate
quadam spiritali consistit. E. gr.
qui vivit in peccato, morietur. Ego
in peccato vivo. Ergò, ego moriar.
v. l. qui credit in Christum non mori-
etur, sed vivet. Ego credo in Chri-
stum. Ergò non moriar, sed vivam.
Rom. 8. 13. 33. 34. 1. Joh. 3. 19. 20.

8. Conscientia respectu proposi-
tionis, dicitur Lex: respectu assump-
tionis & conclusionis, testis: sed re-
spectu assumptionis, maxime prop-
riè, index, vel liber: & respectu
conclusionis, maxime propriè, iudex.
Roman. 2. 14. 15. Apoc. 20. 12.
1. Joh. 5. 10.

9. Propositionem distat συντή-
ρησις, quæ à Scholasticis synderesis

nominatur. *Assumptio* per appro-
prietatem vocatur *curiositas*. Con-
clusio est ipsa *negatio*.

10. Synteresis propriè est habitus
intellectualis, quo assentimur princi-
piis operationum moralium. Non
differt igitur à Lege natura, omnium
cordibus naturaliter inscripta, nisi
ratione solâ.

11. Quamvis igitur, quantum
ad actum, potest ad tempus impe-
diri; non potest tamen planè extin-
gui, vel omitti. Unde nemo reper-
itur tam projecte nequius, ut sit
omnis conscientia simpliciter expers:
ne Libertini quidem, qui pestiferam
suam perfectionem in eo collocant, si
peccati conscientia prorsus extin-
guatur.

12. Ad synteresin latius acce-
ptam referri debent omnes veritates
practicae, quibus certum assensum
præbemus; sive illæ sint à principiis
naturalibus per consequentiam dedu-
ctæ, sive communicatæ per revelatio-
nem divinam.

13. Hinc oritur distinctio, inter
conscientiam naturalem & illumi-
natam. Nunc hanc rogando appel-
lat scriptura, ut Rom. 6. 3. Nunc
verò illam, ut 1. Cor. 6. 9. & 11. 14.

14. Hinc adequata regula Con-
scientia est, Voluntas Dei patrefacta,
quâ homini præscribitur & indica-
tur suum officium.

15. Conscientia igitur solius Dei
voluntati, & auctoritati subjicitur

propriè. Jac. 4. 12. Neque potest
ulli creatura semet propriè subijcere
sine Idololatria.

16. Hinc quamvis ad justas le-
ges humanas, iusto modo observandas
obligentur homines in conscientia
sua à Deo, Rom. 13. 5. ipse tamen
leges humana, quæ sunt leges homi-
num, non obligant conscientiam.

17. Obligat hominem conscien-
tia, in iis omnibus, quæ iudicat ad
officium suum ex Dei voluntate
pertinere: ita ut nullius creatura im-
perio possit laxari. Act. 4. 19. unde
ita sibi conscius, eo respectu, dicitur:
debitor. Rom. 2. 14. servus. Rom.
6. 16. vinculus Act. 20. 22. consti-
ctus. 2. Cor. 5. 14. & necessitate
prellus, 1. Cor. 9. 17. ita ut non
possit aliter facere. Act. 4. 20.

18. Tanta vis est conscientia, ut
actionem suâ naturâ mediam, effi-
ciat, vel bonâ vel malam: & sua na-
tura bonam, reddat malam: quam-
vis illam, quæ natura mala est, non
possit convertere in bonam.

12. Nulla tamen actio sit vel
melior, vel peior, propter conscien-
tiam illam, quam habet quis post
illam actionem consummatam.

20. Conscientia errans, hæte-
nus semper ligat; ut ille peccet, qui
agit contra conscientia dictamen.
Agit enim formaliter, & interpre-
tatione, contra voluntatem Dei.

21. Conscientia error de facto,
(i. e. de objecto vel materia, circa
quam actio debet versari) si sit in-
culpabilis,

culpabilis, nihil mutat, vel minuit obligationem illam, quâ recta conscientia tenetur.

22. Conscientia per errorem iudicans, illud esse licitum vel debitum, quod est illicitum, ita ligat, ut peccet quis, si contra eam agat: & peccet etiam, si agat juxta ejus præscriptum.

23. Hac tamen peccandi necessitas, quâ implicatur nonnulli, non pugnat cum equitate legis divinae.

1. Quia non est utriusque respectu ejusdem, sed ab unâ parte respectu facti, & ab alterâ respectu modi faciendi.

2. Quia non est absoluta necessitas, sed ex hypothesi tantum: si nempe retineant talem conscientiam, quam debent exnere Eph. 4. 22. 3. Quia non fluit ex natura legis, sed hominis peccato contrahitur simul & continuatur. Nemo enim, sine sua propria culpa, est hunc in modum perplexus.

24. Conscientia iudicans illud esse illicitum, quod est licitum, obligat ad abstinendum ab illo licito. Rom. 14. 14. 13. Iudicans etiam illud esse debitum, quod tantum est licitum, obligat ad illud faciendum. Ratio est: quoniam à licitis potest quis abstinere: & potest etiam talia constantiter observare, sine peccato.

25. Contra practicam conscientia dubitationem, non licet quicquam agere Rom. 14. ult.

26. In dubiis tunc pars est eligenda. Tuncior autem pars est illa, in qua sequenda, certum est, nullum inesse peccatum.

27. Licitum & consultum est aliquando, agere contra scrupulum aliquem conscientie.

28. Recognitio facti vel status nostri, prout respicit jus illud, quod ipsa conscientia dictavit, assumptionem constituit Syllogismi illius prætici, quem conscientia format. Appellatur in scripturis Intuitus animi. Psal. 119. 15. Intelligentia. Psal. 50. 20. Reputatio viarum. Psal. 119. 59. Appositio cordis ad illas. Hag. 1. 5. Dictio cum corde, vel dictio cordi, de ipsis. Hos. 7. 2. Reditus in cor. 1. Reg. 8. 47. Repositio earum in corde. Ier. 12. 11. Malac. 2. 2. Examen denique vel probatio nostrum ipsorum. 2. Cor. 13. 5.

29. In conclusione ejusdem Syllogismi applicat homo ad semetipsum, jus illud Dei, quod factum vel statum suum attingit: & sententiam pronunciat de semetipso: unde sequitur necessario, vel excusatio, absolutio & approbatio, vel accusatio & condemnatio, una cum affectibus congruis Rom. 2. 15.

30. Applicatio ista, quamvis suâ naturâ sequatur ex antecedentibus actibus conscientie, ut conclusio ex præmissis: hominum tamen pravitate sæpè fit, ut propositione firmiter agnitâ, & assumptione aliquo modo subjunctâ, conclusio nihilominus & applicatio rursus negligatur. Rom. 2. 18. 20. 21. 2. Sam. 12. 5. 6.

31. Hinc necessitas imponitur fidelibus

delictis omnibus paſſoribus, non tantum voluntatem Dei generaliter proponere, ſed etiam juvare homines, quantum poſſint, tam publicè, quàm privatim, in ejuſdem applicatione, prout judicia eorum, & conſcientia poſtulant. 2. Rom. 12. 7. Mat.

14. 4.

32. Conſcientia honeſtè bona eſt, quæ judicium fert rectum & efficax. Hebr. 13. 12. quæ contra facit, eſt vitioſè mala. Elai. 5. 20. Rom. 1. 18.

33. Pacatè bona eſt, quæ excuſat, abſolvit, conſolat. Act. 24. 16.

34. Conſcientia poſt lapſum, non eſt honeſtè ſimul & pacatè bona, niſi per ſanguinis Chriſti aſperſionem. Hebr. 9. 13. 14. & 10. 22. & per virtutem ejus in ſanctificatione Spiritus. 1. Tim. 1. 5. Act. 15. 8. 9.

35. Conſcientia pacatè bona, poteſt eſſe vitioſè mala: & illa, quæ moleſtè eſt mala, vel accuſans, poteſt nihilominus eſſe honeſtè bona.

36. Conſcientia infirma toto genere differt ab illà, quæ vel malitià, vel arrogantia, vel ſuperſtitione inſormatur.

37. Conſcientia meritò perturbata, hac unica eſt ratio pacanda: ſi,

qui ſic afficitur, adduci poſſit in illum ſtatum, per veram fidem & reſipiſcentiam, ut aſſumptio Syllogiſmi illius, quo turbatus fuit, merito incipiat eſſe falſa, & jure negetur.

38. Cum fidelium conſcientia vitioſè perturbantur, tum in argumentatione illà, quæ perturbationem inferre, vel propoſitio, vel aſſumptio ſemper poteſt negari, ac reſutari: quæ etiam unica eſt ratio talis conſcientiæ ſanata.

COROLLARIA.

1. Maxima violatio conſcientiæ eſt maximum peccatum.

2. Maximus angor conſcientiæ eſt maxima poena.

3. Et incertitudo illa gratiæ, quam Pontifici ſtatuant, & incertitudo illa perſeverantiæ in gratia, quam docent alii, adveniatur planè ſolido illi gaudio & fiduciæ firmæ, quæ ſunt ex conſcientia verè bona.

4. Interpretatio ſcripturæ, vel judicium dicemens voluntatem Dei, pertinet ad quemlibet, in ſoto conſcientiæ, pro ſemetipſo.

D E
C O N S C I E N T I A
E T
E I V S C A S I B V S.

L I B E R S E C U N D U S,

In quo agitur de casibus iis, qui statum
hominis concernunt.

C A P. I.

De Casu Conscientiæ, & hominum statu in genere.

Haecenus explicata fuit conscientiæ natura : deinceps tra-
ctandi veniunt conscientiæ casus.

1. **C**asus conscientiæ est questio practica, de qua conscientia potest dubitare.

2. Questio dicitur, quia non est axioma per se manifestum, sed opus habet illustratione, & probatione per tertium aliquod argumentum.

3. Est etiam questio practica, quia alia dubia quæ immediate non spectant ad praxin, non immediate pertinent ad conscientiæ iudicium, vel actum. Quod non satis ab aliis observatur, qui sub titulo casuum conscientiarum multa tractant, quæ non magis ad conscientiam spectant, quam quodlibet aliud caput Theologiæ, certo consilio ab ipsis omis-
sum.

4. Casus dicitur, quia cadere so-
let in hominum vita : & casus con-
scientiæ, quia cum cadit, conscien-
tia, debet de eo cum maxima cura
iudicium ferre.

5. Hujus generis questiones sunt omnes illæ, in quibus (supposita fidei ac obedientiæ doctrina gene-
rali) officium exquiratur ex inci-
dente occasione.

6. De istis questionibus vere di-
xit ille (supra laudatus) *Quum lex
natura indita & inscripta, continens
regulas honestatis, ac justitiæ natura-
lis, originali corruptione penè tota se-
pulta, & consuetudinali penè tota
cumulata, tanquam aggeri malarum
cupiditatum superposito; quia etiam*

E

lux ipsa

lux ipsa interioris visus, multiplicibus tenebris involuta est, & obscurata; ita ut nec liber mentis inscriptas regulas honestatis, plenè, ac planè exhibeat legibiles; nec intellectus noster in eodem legere possit distinctè & aperitè. Hinc est, quod tria nobis adminicula divinæ providentiæ miserationis nobis adhibuit: vid. lucernam Scripturæ, spiraculum gratiæ, & adiutorium doctrinæ. Huic autem ultimo præsentia opera navatur.

8. Status hominis pertinet ad primam partem Theologiæ, quæ est de fide: actiones verò ad secundam partem, quæ est de observantia.

9. Status hominis coram Deo, est relatio illa, quam habet homo ad Deum, quæ est principium spiritualis vitæ, ac felicitatis.

10. Conscientia de statu hoc discernere debet, qualis sit & 2. judicare illum vel fugiendum esse, si malus fuerit vel si bonus fuerit, conservandum illum & promovendum esse.

11. De statu hominis in genere, tres occurrunt quæstiones. Prima est, an possit homo certo cognoscere in quo statu sit?

R. Potest: 1. quia sine hac conscientia non potest habere conscientiam accusantem, aut excusantem, respectu sui status: sed talem conscientiam possunt ac solent homines habere, *Rom. 2. 15.* 2. quia statum ignotum non possunt vel fugere, vel appetere.

Sed statum unum fingere, & alterum querere debent, *Matth. 3. 7. 8.*

12. Q. 2. An debent homines inquirere in suum statum?

R. Debent hoc facere cum maxima diligentia. 1. quia Deus hoc postulat, *2. Cor. 13. 5.* 2. quia sine hac cognitione non possunt habere pacem aut conscientiam tranquillam. *Rom. 5. 1. & 8. 1.* 3. quia alia ratione non possunt parare sese, ad Deum ritè colendum. *1. Cor. 11. 28.*

13. Q. 3. Quibus mediis cognoscitur status hominis?

R. 1. ex actibus externis & internis. *Matth. 7. 17.* 2. ex inclinationibus, aut dispositionibus, ex quibus actus illi promanant. *Rom. 7. 15. 16. 17.* 3. per actum illum reflexum, qui proprius est hominis, quo potest homo percipere quid sit in semetipso. *1. Corinth. 2. 11.* 4. per sensum quendam spirituales. *Luc. 24. 32. Rom. 7. 21. 23.*

14. Q. 4. Quid impedit istam cognitionem?

R. 1. impiæ ac profanæ cogitationes in multis. *Psal. 14. 1. 2.* 2. præsumptio. *Apoc. 3. 17. Matth. 7. 21. 23. &c.* 3. gravatio cordis ex concupiscentiis carnis, & sollicitudinibus hujus vitæ. *Luc. 21. 34.* 4. conscientia mala. *Johan. 3. 20.* 5. segnitias vel ignavia spiritualis. *Esaï. 64. 11.* 6. ignorantia. *Rom. 6. 11.*

Vnde cognoscatur status hominis?

Impedimenta hujus cognitionis.

CAP. II.

DE STATV PECCATI.

1. **S**Tatus hominis post lapsum
Adami duplex est: status pec-
cati, & status gratiæ. *Act. 26. 18.*
1. Job. 3. 10. 14.

2. Status peccati est, privatio
spiritualis vitæ ac felicitatis. Fugi-
endum est igitur ab isthoc statu, tan-
quam à morte, ac summo malo.
De hoc statu peccati, prima quæstio
est, quomodo discernere quis possit
se in tali statu adhuc manere?

Signa
status
peccati.

3. R. Signa vel argumenta, qui-
bus hic status certò discerni potest,
in genere, sunt illa omnia, quæ op-
positè sese habent ad statum gratiæ,
& vitæ spiritualis. Ex uno enim ho-
rum statuum negato, alter necessariò
affirmatur.

4. Primum signum est, ignorantia
crassa eorum, quæ perunt ad
vitam spiritualem. *Eph. 4. 18.* per
hanc enim alienantur homines à vita
Dei. Ratio est, quia fieri non po-
test, ut absque fide quisquam Deo
sit gratus. *Hebr. 11. 6.* fidem autem
nemo potest habere, sine cognitione
voluntatis Dei, quæ ex prædicatione
& auditione verbi comparatur.
Rom. 10. 14.

5. Secundum signum est, perversa
dispositio voluntatis, quæ subijcitur
planè regno peccati. *Roman. 6. 12.*
Ratio est, quia illi, qui sistant se

servos ad obediendum peccati re-
gno, sunt in statu servitutis erga pec-
catum, ad mortem. *Rom. 6. 16.*

6. Peccati autem regnantis hæc
sunt indicia. 1. si quis non seriò op-
ponat sese concupiscentiis peccati,
sed tradat sese ipsis. *Rom. 6. 13.* 2.
si in consilio deliberato, vel utile,
vel jucundum, plus valeat apud
eum, quàm honestum & pium. *1. thi-
lip. 3. 19.* 3. si peccati perpetratio
lætitiam ipsi potius, quàm dolorem
soleat adferre. *Prov. 2. 14.* 4. si de-
lectetur consortio impiorum. *Psal. 50. 18.* 2. *Cor. 6. 14. &c.*

Signa
peccati re-
gnantis.

7. Tertium signum, quo discer-
nitur quis in statu peccati manere,
est, illa dispositio voluntatis, quæ
quis opponit sese voluntati Dei.
Rom. 8. 7.

8. Hujus autem perversæ dispo-
sitionis indicia sunt, 1. rejectio co-
gnitionis viarum Dei. *Job. 21. 14.*
15. 16. 2. odium correctionis. *Psal. 59. 17.* 3. contemptus minarum &
judiciorum Dei. *Psal. 36. 1. 2.*
Deut. 29. 19.

9. Quartum signum est, affe-
ctuum perversitas, quæ avertunt sese
à Deo, & penitus inharere rebus
mundanis. *1. Job. 2. 15.*

10. Aversio hominis à Deo ma-
nifesta fieri solet, 1. per alienatio-
nem,

nem, quam habet à verbo Dei, præsertim cum efficaciter ipsi prædicatur. 2. *Tim. 4. 3. 4.* 2. per invocationis vel cultus neglectum. *Psal. 14. 3. 4. Psal. 79. 6. Jer. 10. 25.* 3. per alienationem à servis Dei. *Pr. 29. 27. 1. Job. 3. 10.*

11. Hominis inherentis & immersi rebus mundanis, indicia sunt, 1. si præcipuam curam, ac sollicitudinem collocet in istis. *Math. 6. 25. 31. 32.* Ratio redditur *vers. 21. & 24.* 2. si Deum & iustitiam ejus potius deferre velit, quam ista mundana. *Math. 10. 37. 39.* 3. si feclices judicet eos, qui mundanis bonis abundant. *Prov. 11. 28. & 18. 11.*

12. Quantum signum est vitæ,

vel operum vitæ corruptio. *Rom. 8. 13.* Hæc autem corruptio vitæ, non in iis peccatis consistit, quæ ex infirmitate solent à piis etiam admitti: sed in perpetuo cursu, ac tenore peccandi. Appellatur in Scripturis, via peccati: *Psal. 1. 1.* operatio peccati: *Math. 7. 23.* ambulatio vel in-cellus in peccatis: *Psal. 1. 1. Prov. 1. 15.* conlectatio peccati: *Jer. 9. 14.* & consuetudo peccandi: *Jer. 13. 23.* Opera hæc carnalia, sunt per se manifesta: *Gal. 5. 19.*

13. Sextum signum, & maxime deploratum, est pertinacia in malo, qua occludit quis viam omni reformationi: *Esa. 6. 9. 10. Jer. 6. 10.*

C A P. III.

De Procrastinatione conversionis.

Quæstio secunda est, an quis tuto possit in hoc statu peccati, ad tempus aliquod permanere, præsertim si apud se constituat, postea vitam suam emendare?

1. **R.** Nefas est vel per minimum spatium temporis, differre studium conversionis. Rationes sunt, 1. Quia Deus hoc postulat in præsentis. *Psal. 95. 7. Hebr. 4. 7.* Cum aut in peccatum debitum est, & injuria Deo irrogata, manifestum est, quod emendatio ejus non debeat, nisi ex assensu & voluntate Dei, vel ad momentum differri. Quàm citò igitur à Deo exigitur vitæ correctio,

& conversio, tam citò debet repræsentari. Præterea, furem, latronem, aut hostem publicum apud se tenere nemo subditorum potest, præter voluntatem, superioris judicis, & crimine gravi carere. Peccatum autem est suum, ac latro, & hostis gloriæ divinæ. Quisquis igitur apud se retinet, ac fovet, peccatum, contra voluntatem Dei, quamvis ad tempus tantum id facere decrevit, ille
eo ipso

eo ipso nomine gravem reatum incurrit.

2. 2. Quia omnis dilatio resipiscentię duritiem cordis augeat. *ibid.* Consuetudinem peccandi producit, & resipiscentiā reddit difficiliorē. *Iere. 13. 23.* Ratio est, quia habitus pravi magis obfirmantur: intellectus magis obscuratur. *Eph. 4. 18.* voluntas magis obduratur & addicitur peccatis. *Heb. 4. 7.* omnes facultates magis quasi vinciuntur catenis, & stringuntur nodis. *Act. 8. 33.* Novella planta facilius eradicatur, quā cum profundius radices egerit. Clavus quo sapius malleo pulsatur eo firmius infigitur, & difficilior extrahitur.

3. 3. Quia persistētia in peccatis peccatorum numerum, reatum nostrum, & iram Dei adauget. *Pf. 95. 10. 11.* Peccatum enim, quod per resipiscentiā non tollitur, ex sua naturali inclinatione, & maledictione divina, simile quid habet illius, quod in bonis provenit à benedictione Dei; *crescit & multiplicatur.* Suo etiam pondere trahit ad alia peccata, quemadmodum abyssus abyssum dicitur invocare.

4. 4. Quia vitę nostrę duratio est maxime incerta. *Iac. 4. 13. 14.* Periculum est in morā. Stulte hac nocte animam tuam repetunt abs te: quam verò distulisti conversionem, ubi erit? Nempe igitur dum opportunum tempus habemus, hoc agamus.

5. 5. Quia resipiscētia est donum Dei, quod ipse etiam largitur tempore suo præsultato, non arbitrio nostro. 2. *Tim. 2. 25.* 2. *Cor. 6. 2.* *Luc. 13. 9.* nulla igitur occasio ejus est prætēmittenda, sed *hodie* convertendum. Justum autem hoc est coram Deo, ut si negligamus officia hujusmodi, eaq̃e dum possumus aggredi nolumus, ex ejus judicio & detractione fiat, ut cum vellemus, non possumus.

6. 6. Quia propositum differendi resipiscētiā, non potest simul consistere cum syncretō proposito resipiscendi. 1. *Pet. 4. 3.* Cavillatio est & fraus mali nominis, vel debitoris desperati, qui quia pecuniā sibi creditam refundere non vult, de die in diem extrahit solutionem.

7. 7. Quia resipiscētia sēra est rarissimē vera, & semper sēre suspecta. Latronis exemplum unicum existat in Scripturis. Neq; de ipso tamen legitur, aut de alio quoquam postea converso, quod resipiscētiā suā distulerit. Imò contrarium planē tali homini denunciatur. *Matth. 24. 48. & c.*

8. 8. Quia si certi esse possumus de resipiscētia vera, futura, indignum tamen foret, sic agere cum Deo, quomodo non licet cum hominibus agere. *Lev. 19. 13.* *Prov. 3. 18.* & quomodo nolumus ut Deus nobiscum agat. *Psal. 13. 2. 3.* & *102. 3.*

9. Procrastinatores isti, ex h. r. s. u.

& usu communi, stultitiæ ac insanitiæ convincuntur. Insanus enim ab omnibus haberetur, qui extinctionem incendii in domum suam grassantis vel ad horam unam differret: aut qui venenum ex corpore suo non statim

expellere conaretur: aut qui vulneris gravis curationem non cum primis acceleraret, &c. In peccato autem incendio, veneno, morte negligenda, prout periculum est majus, ita stultitia multò magis perniciofa.

C A P. IV.

De Preparatione ad conversionem peccatoris.

Quæstio tertia, quid homini agendum, ut possit transire ex statu peccati, in statum gratiæ?

R. Ex iis quæ necessariò requiruntur, alia pertinent ad evulsionem à statu peccati: & alia ad constitutionem in statu gratiæ. Quæ pertinent ad evulsionem à statu peccati, sunt illa, quæ excutiunt homini securitatem carnalem, cui antea indormivit: & incutiunt ipsi maximam sollicitudinem de sua salute. *Act. 2. 37. & 16. 33.* Hoc ut efficiatur multa sunt necessaria.

1. Requiritur enim imprimis, introspectio scilicet in legem Dei, & examen vite ac status nostri, secundum sententiam ejus. *1ac. 1. 23. 24. 25.*

2. Requiritur 2. ut ex illa comparatione legis Dei, ac status nostri, evictio conscientia sequatur, quæ in Scripturis dicitur *ἀναπολογία*. *Rō. 1. 20. & 2. 1.* & conclusio sub peccato. *Rō. 11. 32. Roman. 2. 20. & 7. 7.*

3. Requiritur 3. ut ex hac evictio-

ne conscientia, desperatio salutis consequatur, & respectu nostrarum virium, & omnis etiam auxilii quod à creaturis potest haberi. *Roman. 7. 9. 11. 13.*

4. Requiritur 4. ut ex istis omnibus, humiliatio vera sequatur in corde, quæ consistit in dolore, ac timore, propter peccata, & confessionem congruam producit. *Matth. 9. 12.*

5. Ad humiliationem istam procurandam, necessaria semper est distincta singularium quorundam peccatorum consideratio. Generalis enim apprehensio, consilium stuporem adfert, non humiliationem ullam genuinam. *Rō. 7. 7.*

6. Excitatur sæpè ex intuitu unius alicujus peccati. *Act. 2. 23. 37.*

7. Promovetur aliquandò per graviores aliquam afflictionem, ut in Manale. 2. *Chr. 33. 12.* Humiliationis hujus gradus, non est idem in omnibus illis, qui convertuntur. Alii enim

enim graviolem scindunt perturbationem, alii verò leviolem. Sed omnes, qui verè convertuntur, verè etiam humiliantur. Ad constitutionem in statu gratiæ promissionum requiritur 1. apprehensio illa euangelii, quæ possibile quis iudicat, ut sibi remittantur peccata. *Rom. 12. 23. Psal. 130. 4.* 2. vehemens desiderium illam gratiam assequendi: quod in Scri-

pturis eluies, & sitis dicitur spirituales. *Esa. 55. 1. Ioh. 7. 37. Luc. 1. 53.* 3. actualis unio cum Christo, quæ consistit in fide, per vocationem efficacem ingenerata. *Ioh. 15.* 4. resipiscencia vera, qua peccatum omni deferentes, Deo in Christo nos totos dedimus & dicamus. *Act. 2. 38. & 3. 19.* Sed de resipiscencia postea, suo loco.

CAP. V.

DE VOCATIONE EFFICACE.

PER vocationem efficacem primum introitum habemus in statum gratiæ salutaris. Hic autem (in genere) quatuor occurrunt questiones, quæ intimè pertinet ad conscientiam. Prima questio est, an fidelis possit ordinariis mediis pro certo scire, quod sit à Deo efficaciter vocatus, & in statu gratiæ.

R. Potest & solet verè fidelis certo cognoscere, quod sit in statu gratiæ. Rationes huius assertionis, præter illas, quæ antea exposte fuerunt in questionibus de statu hominis in genere, variæ possunt adduci.

1. 1. Officium & operatio spiritus Dei est, quem fideles acceperunt, certiores illos facere de iis, quæ Deus est ipsis gratificatus. *2. Corinth. 2. 12. Rom. 8. 15.*

2. 2. Jubentur fideles certam reddere suam vocationem & electionem. *2. Petr. 1. 10.* Neque legalis

est hæc præceptio, sed euangelica.

3. 3. Gratia illa quam recepinus habet naturam ac vim arrhabonis respectu hereditatis nobis promissæ. *Eph. 1. 14. & 4. 30. 1. Cor. 13. 14. 2. Cor. 21. 22.* Cum igitur aliud adhuc futurum certum nobis reddit, non debet ipsa esse incerta. Nihil enim certum redditur, per illud, quod est incertum.

4. 4. Certa cognitio gratiæ Dei communicata, ut necessarium fundamentum requiritur ad gaudium & gratitudinem illam, quam Deus à nobis postulat ratione illius gratiæ. *1. Petr. 1. 6. 8.*

5. 5. Conscientia emundata à mortuis operibus necessariò infert certam cognitionem gratiæ. *Hebr. 10. 20. Rom. 8. 16. & 9. 2.*

6. 6. Expresse affirmatur hoc de fidelibus, idque ex illis rationibus, quæ sunt omnium fidelium communes,

Fideles
possunt
esse certi
de sua
voca-
tione.

munes. 2. *Cor.* 13. 5. 1. *Iob.* 3. 14.
 & 4. 16. & 5. 20.

Signa vo-
 cationis
 efficacis.

Quæstio secunda est, quibus signis, certitudo ista vocationis, & gratiæ efficacis, possit firmari?

7. R. Primum signum est constans inclinatio voluntatis in Deum, tanquam in summum bonum. *Psal.* 119. 57. Nemo enim summum suum bonum verè collocat in Dei fruitione, nisi à Deo sit vocatus è mundo, & conversus à suis idolis, quæ antea sibi met exerebat in corde suo.

8. Secundum signum est, p. opo-
 situm & promptitudo animi ad au-
 scultandum Deo in omnibus. 1. *Sam.*
 3. 10. *Act.* 9. 6. *Psal.* 40. 8. 9.
 Sic enim homo respondet vocanti
 Deo, & sit vocatus. *Psal.* 27. 8.

9. Tertium signum est, vehemens
 desiderium erga verbum Dei. 1. *Pet.*
 2. 2. Per hoc verbum enim vocantur,
 & regenerantur fideles. 1. *Pet.* 1. 23.

10. Quartum signum est, singu-
 laris quædam dilectio eorum, qui ex
 eodem semine & sanguine regenerantur.
 1. *Ioh.* 3. 14.

Tertia quæstio est, quid homini
 agendum sit, ut particeps fiat hujus
 gratiæ?

11. R. Quamvis Deus ex abun-
 danti sua gratiæ, inveniat in sepe à non
 quærentibus eum; varia tamen sunt
 officia, quæ homini incumbunt, circa
 suam vocationem, & quæ ordinariè
 debent ac solent præstari, antequam
 certitudo ista gratiæ possit acquiri.

12. Qui applicare sibi cupit ad

vocationem Dei, 1. Debet æstimati-
 onem habere de verbo Dei, supra
 omnes opes. *Psal.* 119. 14. Ratio
 est, quia nunquam, ut par est, quæret
 regnum Dei, nisi tanti illud æstimet,
 ut omnia judicet ipsi postponenda.
Matth. 10. 37. *Luc.* 14. 26.

13. 2. Debet præcipuam suam
 curam, operam & laborem in istud
 negotium impendere. *Ioh.* 1. 6. 27.
Prov. 2. 4. & 8. 17. Ratio est, quia
 æstimatio illa non potest esse terria &
 solida, nisi conatus congruus conse-
 quatur.

14. 3. Debet cum omni diligen-
 tia, sollicitudinè & constantia, ap-
 plicare se ad usum verborum omnium
 mediatorum, quæ sanctificavit Deus
 ad communicationem aux gratiæ.
Prov. 8. 34. Ratio est, quia solus
 Deus, qui est author gratiæ, potest
 media ejus constituere & efficacia
 reddere, imitari debet agros malos, qui
 dumbebant ad piscinam. *Iohan.* 5.
 3. 4. 7.

15. 4. Debet ita se comparare,
 ut vendat omnia alia, ut istam
 gemmam acquirat. *Prov.* 23. 23.
Matth. 13. 43. 45. Quamvis enim
 Deus nihil à nobis accipit, sed gratis
 donat vitam. *Es.* 55. 1. 2. Nos tamen
 illicita omnia relinquere debemus
 actu, & externa, ac naturalia etiam
 bona, in proposito ac dispositione
 animi, ut gratiam Dei acquiramus.

Quarta quæstio est, quibus argu-
 mentis excietur homo possit ad voca-
 tionem Dei amplectendam?

16. R.

Officia
 vocati, ad
 suam vo-
 cationem
 promovē-
 dam, eam-
 quæ cer-
 tam red-
 dendam.

16. R. 1. Si serid multumque apud se perpendat, quis ille sit à quo vocatur. Est enim Deus omnipotens, cui in omnibus auscultare tenemur, quamvis nesciamus quid inde sequatur. *Hebr. 11. 8.*

17. 2. Si cum attentione magna sepe consideret, quid illud sit ad quod vocatur à Deo. Non est enim res aliqua exigua, & aliis curis postponenda, sed felicitas ac gloria aeterna. 1. *Pet. 5. 10. Eph. 1. 18.*

18. 3. Si pariter etiam cogitet, quid illud sit ex quo vocatur. Ad nihil enim deferendum impellitur, præter peccatum & mortem. *Act. 26. 18. Luc. 3. 7.*

19. 4. Si consideret causam hu-

jus vocationis instituendæ, quam nullam aliam inveniet, præter in-omprehensibilem Dei gratiam erga suum inimicum. *Rom. 8. 10. 2. Cor. 5. 20.* ferreus sit oportet, qui istiusmodi bonitate non movetur: ut videre est in Saule. 1. *Sam. 24. 17. 18. 19.*

20. 5. Si humiliter comparet semetipsum cum aliis, quibus vocationis gratia denegatur. 1. *Cor. 1. 26.*

21. 6. Si ad animam revocet quanta sit offensâ, vocationem istam Dei negligere, nedum aspernari. *Matth. 22. 7. 8. Luc. 4. 24.*

22. 7. Si simul etiam cogitet de miseria illa, quam ex lege talionis sibi immet hoc peccato accideret. *Prov. 1. 24. 25. 26. 27. 28. 29. 30. 31.*

CAP. VI.

DE FIDE.

Efficacis vocationis opus est ingenerare homini veram fidem in Christum, & respicientiam erga Deum.

De fide prima questio est, quid agendum sit homini, ut possit ad veram fidem in Christum pervenire?

I. R. Præter illa, quæ antea fuerunt proposita, requiritur 1. ut exeat planè ex semetipso, propriam suam iustitiam abnegando. *Roman. 10. 3. Philip. 3. 9.* Ratio est, quia nemo quaeret iustitiam extra semetipsum per fidem, nisi prius agnoscat se omni iustitia destitutum esse in semetipso.

II. 2. Debet ut metam & scopum præcipuum proponere sibi iustitiam Christi ita ut omnia contemnat respectu Christi. *Phil. 3. 9. 12.* Ratio est, quia Christus non rectè quaeritur, nisi cæteris omnibus rebus anteponatur, ut medium unicum salutis aeternæ.

III. 3. Debet mentis oculos designare in Evangelii promissiones. Evangelium enim est ministerium spiritus, iustitiæ, & vitæ. 2. *Cor. 3. 6. 8.* Ratio est, quia Christus non offertur à Deo, nec apprehendi potest ab homine, nisi in promissionibus

bus Euangelii.

IV. In promissionibus autem Euangelii intueudis; advertendum est 1. Christum solum in illis proponi, eumque crucifixum. 1. *Cor.* 1. 23.

24. & 2. 2. 2. in Christo omnem sufficientiam esse redemptionis ac salutis, paratam omnibus eis, qui in eum credunt. *Iob.* 3. 16. unde etiam in Scripturis appellatur *dives, pretiosa, abundans, & copiosa gratia.* *Eph.* 1. 6. 7. & 2. 4. *Rom.* 5. 20. 1. *Tim.* 1. 14. 3. gratiam istam singulariter offerri omnibus iis quibus predicatur. *Marc.* 16. 13.

Motiva
ad fidem.

Quaestio secunda, quibus argumentis excitari quis possit ad credendum in Christum?

V. R. 1. Si consideret hoc esse mandatum Dei, ut credat in Christum, 1. *Iob.* 3. 23. 2. si cogitet de miseria illa, cui subijciuntur omnes illi, qui non credunt. *Iob.* 3. 18.

VI. 3. Si meditetur de felicitate eorum, qui verè credunt. 1. *Iob.* 3. 16.

VII. 4. Si consideret, nullum aliud esse medium, quo miseriam illam fugere, aut felicitatem istam assequi possit, praeter fidem in Christum. *Act.* 4. 12. *Hebr.* 11. 6.

VIII. 5. Si cogitet de injuria, quam Deo facit ille, qui non credit. 1. *Iob.* 5. 10.

IX. 6. Si perpendat etiam honorem cum, quem Deo tribuunt illi, qui credunt. *Rom.* 4. 20. *Iob.* 3. 33.

X. 7. Si nubem exemplorum in-

tueatur, eorum scilicet, qui crediderunt, & per fidem salvati fuerunt. *Hebr.* 12. 1. sunt enim exemplaria eorum, qui credituri sunt. 1. *Tim.* 1. 16.

Quaestio tertia est, quibus signis vera fides possit discerni?

R. 1. Fides respectu adjunctorum distingui potest in languidam, & vividam.

XI. Languida fides est, quae tentationibus & corruptionibus premittitur, & impeditur, ita ut exercere sese non possit, in iis fructibus, qui conscientiae adferunt pacis, laetitiae, & gaudii sensum. *Ephes.* 4. 30. exemplum habemus in Davide. *Pf.* 51. 14.

Fides
languida.

XII. Vivida fides est, quae liberè exercet suos actus, ita ut cum summa consolatione ab ipso fidele sentiantur. 1. *Petr.* 1. 8.

Fides
vivida.

XIII. Fides etiam respectu graduum distinguitur in infirmam & firmam.

XIV. Infirma fides est, cuius cursus facilè retardari potest. *Rom.* 14. 1. *Galat.* 6. 1. Vocatur in Scripturis *ὀλιγοπιστία.* *Matth.* 16. 8.

Fides
infirma.

XV. Firma fides est, quae superans omnes difficultates, liberè pergit in suo cursu. Appellatur in Scripturis *πληροφορία.* *Luc.* 1. 1. *Rom.* 4. 21. 1. *Thess.* 1. 5. *Col.* 2. 2.

Fides
firma.

XVI. Fides vivida & firma satis est manifesta & cognita iis, quibus inest, quia 1. testimonium ejus habent in scriptis, 1. *Iob.* 5. 10. Spiritum scilicet

cet

cet Dei, testificantem unà cum spiritu suo, quod sunt filii Dei. *Rom. 8. 16.* quem habent ut arrhabonem hereditatis. *Eph. 1. 13. 14.* & obligantur in diem redemptionis. *Ephef. 4. 30.* 2. charitatem Dei effusam habent in suis cordibus per eundem spiritum. *Rom. 5. 5.* unde pacem & gaudium habent, cum exultatione gloriosa. *Rom. 5. 1. 2. 1. Petr. 1. 6. 8. 3.* fructus illos habent & proferunt, quibus fides vera solet ostendi, & ad finem perducì. *Jac. 2. 18. Gal. 5. 6.*

Notæ fi-
dei veræ.

XVII. Fides languida, & infirma, discernitur esse vera, & genuina, præcipuè ex istis notis.

Primò, si adit sincerum desiderium unionis & communionis cum Christo. *2. Cor. 8. 12.* Hoc autem desiderium distinguitur ab eo, quod in itegenitis reperitur: 1. quod non est conditionalis optatio, aut vellicitas, quomodo improbi multi optarent etiam spiritualia ista bona, si simul etiam retinere possint peccati fructum: sed est absoluta electio. *Hebr. 11. 25.* 2. quod non tantum fertur in ista spiritualia tanquam in sua commoda: sed etiam, ut in ea, quæ sunt honestè simpliciter, & in se bona, quæ debent ab omnibus desiderari. *Psal. 73. 25. & 43. 3.* 3. quod in totum Christum fertur: id est, tam in sanctificationem, quam in justificationem & redemptionem, quæ est in ipso. *1. Corin. 1. 30.* 4. quod pluris facit Christum, quam cætera omnia. *1. Petr. 2. 6. 5.* quod

conjunctum habet sensum peccati conscientiam prementis & displicentiam seriam de illo. *Matth. 11. 28. 6.* quod non vagum & volitans est, sed constans. *Luc. 18. 1. 7.* quod non sit pigrum, sed satagens. *Prov. 21. 25. & 26. 15.*

XVIII. Apparet etiam sinceritas fidei, si per efficac ministerium verbi generetur, conservetur, & excitetur. *Rom. 10. 14.* unde etiam erga verbum afficitur, tanquam erga cibum suum spirituale. *1. Petr. 2. 2.* Ratio est, quoniam hujusmodi desiderium cum sit motus vitæ spiritualis, vitam ipsam, quæ in fide consistit, necessario præsupponit & arguit. Præsumptio enim carnalis, & sine verbi ministerio consistit, & abhorret maxima ex parte, ab eorum efficaci applicatione, quæ pertinent ad vigorem pietatis. *2. Tim. 4. 3.* Sed fides adhæret verbo tanquam principio & fundamento suo.

XIX. Apparet 3. ex eo, quod quamvis justificationem in suo Christo querat, amplectitur tamen cum sincero assensu & subjectione cordis totum Dei verbum, id est, præceptiones, prohibitiones, & comminationes omnes, quæ à Deo proficiuntur. *Psal. 119. 6. Jac. 2. 10. 14.* multis assentiebatur Herodes. *Marc. 6. 20.* Ratio est, quia fides adunat, & tradit vel dedit cor hominis Deo simpliciter, sine exceptione.

XX. Apparet 4. ex eo, quod quoad propositum animi, & cona-

tum congruum purificat cor hominis ab omni peccato. *Aët. 15. 9. Matth. 5. 7.* Ratio est, quia fides in Deo singulariter & imprimis querit omnimodam peccatorum ablationem.

XXI. Apparet 5. ex eo, quod excitat in corde sinceræ charitatis affectum erga Deum, quo fit ut maximi faciamus Dei nomen ac gloriam. *1. Job. 4. 19.* Hinc est quod fideles in Scripturis describi solent per

dilectionem illam, quam habent erga Deum. *Rom. 8. 28. 1. Cor. 16. 22. Eph. 6. 23. 24.* Ratio est, quia summum bonum collocant & apprehendunt in Deo.

XXII. Apparet 6. ex eo, quod excitat etiam in corde sinceram charitatem erga fratres. *1. Iob. 3. 14. & 5. 1.* Ratio est, quia Dei imago in ipsis apparet.

C A P. VII.

De Tentationibus, quæ militant adversus fidem.

Quoniam tota spiritualis vita hominis pendet ex sua fide. *Hebr. 10. 38.* & per fidem tanquam scutum tutus homo conservatur adversus omnes Diaboli, mundi, & carnis tentationes. *Eph. 6. 16. 1. Petr. 5. 9. Hebr. 11. 25.* idcirco maxime impugnatur fides à Diabolo, mundo, & carne. Utile igitur erit præcipuos hostium nostrorum insultus, quibus fidem impetere solent, bene cognitos habere, unacum mediis idoneis, quibus illos Dei gratia repellere possimus, ne fidem nimis labefactent.

De sensu
gratiæ de-
fectu.

Prima igitur quæstio est, quomodo fidelis possit semetipsum sustentare adversus illas tentationes, quæ petuntur ex eo, quod fides & illustres ejus fructus non possunt sentiri?

I. R. Debet 1. considerare, quod fides in sua natura eorum sit, quæ non cognuntur, neque sentiuntur,

Hebr. 11. 1. & in isthoc differat à visione. *Rom. 8. 24. 1. Cor. 13. 12.* atque adeò sufficiat ad fidei esse, si quis toto corde eligat Christum pro servatore suo, & corde toto adhereat ipsi. Cætera pertinent ad bene esse fidei, non simpliciter ad esse. *Col. 2. 7.*

II. Debet 2. considerare, defectum multorum fructuum arguere posse fidem languidam, aut infirmam, non autem nullam, sicut antea fuit explicatum. *2. Petr. 1. 8.*

III. Debet etiam 3. considerare, multum aliquandò sustentari conscientiam, sensu præterito, quamvis in præsentia non appareat: *Psal. 77. 6. 7. 12.* & aliorum piorum ac peritorum de nobis iudicio, cum nostrum proprium perturbatur. *Hebr. 6. 9. 2. Cor. 2. 7. 8.*

Secunda quæstio est, quomodo sustentare scie possit adversus illas tenta-

De sensu
ita Dei.

tentationes, quæ petuntur ex eo, quod sentit signa iræ Dei?

IV. R. Debet 1. considerare, quod multa signa iræ Dei consistere simul possint cū ejus favore. *Pf. 99. 8.*

V. Debet 2. meminisse, Christum ipsum, qui filius fuit dilectionis Dei, iram Dei hunc in modum gustasse. *Matth. 27. 46.*

VI. Debet etiam 3. considerare, quod à fidelibus requiritur, ut contra spem sub spe credant. *Rom. 4. 18.* & ut cum ipso Deo per fidem quasi luctentur. *Gen. 32. 24. Hof. 12. 4. 5.*

De accretionis & progressus defectu.

Tertia quaestio est, quomodo sustentare sese possit adversus tentationes, quæ petuntur ex eo, quod fides ejus non crevit. *Rom. 1. 17.*

VII. R. Considerare 1. debet, quod fides (ut plantæ & animalia) facilius percipiatur crevisse, quam crescere. 2. quod incrementum fidei non est in singulis momentis ac tempestatibus vitæ. *Hebr. 5. 12.* sed præcipuè tum, cum sol justitiæ propius accedit ad nostrum horizontem, per benigniorem suæ gratiæ communionem. *Act. 9. 31. 2. Petr. 1. 2.*

3. Tentationes ipsas, quæ impediunt augmentum fidei in præfenti, promovere idem in futurum: sicut hiems

in plantis, & agritudines variae in corporibus hominum juniorum.

Quarta quaestio est, quomodo sustentet sese adversus terrores propriorum suorum peccatorum, præsertim si sunt graviora?

VIII. R. Meminisse debet 1. ex fidei defectu contingere, ut in tentationes hujusmodi inducatur: *Rem. 6. 11. Ephes. 6. 16. 1. Petr. 5. 9.* non igitur fidem propter hæc peccata esse abjiciendam, sed eò magis corroborandam. *Luc. 22. 32.*

IX. Debet 2. considerare, fidelis officium esse non propter peccata fugere à Deo, sed propter Deum fugere peccata, & Deo in Christo adherere, ad remissionem & abolitionem omnis peccati. *Joh. 3. 14.* cum *Num. 21. 19.*

Quinta quaestio est, quomodo sustentare sese possit adversus afflictiones confertim ingruentes?

De reatu gravium peccatorum.

X. R. Cogitare debet 1. quod istiusmodi probatationes sunt fructus amoris Dei. *Hebr. 12. 6.* 2. Convertentur in ejus bonum. *Rom. 8. 28.* 3. Gratia Dei in istis omnibus sufficere debet. *2. Cor. 12. 9.* Sed de afflictionibus sequetur postea dicendi locus.

CAP. VIII.

DE RESIPISCENTIA.

DE resipiscencia quaestio prima ut possit resipiscere?
est, quid homini sit agendum,

1. R. Debet 1. cum omni attentione

tentione peccata sua considerare, secundum illam naturam quam habent maximè detestandam. *Esa. 1. 4. Apoc. 3. 17.* Sicut enim consideratio peccati, sub falsa aliqua specie rei prosequendæ, inducit in peccatum: sic vera consideratio peccati, ut rei abominandæ, ac omni modo averfanda, reducit animum nudò à peccato per veram resipiscenciam. In hac autem consideratione plurimum valet. 1. Majestatem illam Dei contemplari, quæ nostris peccatis est gravissimè læsa. 2. Infinitam, & multiplicem illam obligationem perpendere, qua Deo placere tenemur, quam non cessavimus nefariè violare. 3. De horrenda illa ira Deicogitare, quæ tanquam ignis consumens manet super peccatores impenitentes. 4. Divina illa bona, quibus peccata nos privant, ob oculos habere. 5. Ingentia illa mala ad animum revocare, quæ peccatis nostris creantur, nobis, proximis, & nomini etiam divino. Singularem autem hic locum & usum habet religiosa meditatio de summis illis cruciatibus, morte, & maledictione, quam peccata nostra Christo Domino creantur.

II. Debet 2. obedientiam erga Deum ante oculos suos ponere, ut rem absolutè querendam, & necessariò prosequendam. *Luc. 13. 3. Luc. 10. 42.* Qui ad aliud quidquam feruntur, tanquam absolutè necessarium, illo ipso affectu demerguntur

in exitium. 1. *Tim. 6. 9.*

III. Debet 3. confiteri sua peccata coram Deo. 1. *Job. 1. 9. Psal. 32. 5. & 51. 5.* confessio enim reatum & pudorem omnem homini ascribit, & omnem gloriam Deo. *Dan. 9.*

IV. Debet 4. per fidem in Christum expectare & petere commutationem cordis, secundum promissionem illam, quæ habetur *Ezech. 36. 26. 32.* Qui enim suis viribus nixi, ad conversionem tendunt, nihil solidi præstant. 2. *Cor. 3. 5.*

V. Debet 5. in loco, in virtute illa Dei, avertere se toto corde ab eo, quod malum est, & convertere se ad illud, quod bonum est in conspectu Dei. *Psal. 34. 15.* Avastio autem à malo consistit, primò in odio mali. *Psal. 45. 8.* quod respectu prætorum peccatorum necessariò parit dolorem serium. *Zach. 12. 10.* una cum pudore ac fastidio. *Rom. 6. 21.* & conversio ad bonum, primò consistit in desiderio & proposito bene faciendi. *Psal. 119. 30. -- 106.*

Quæstio secunda est, quibus argumentis excitari aliquis possit ad resipiscenciam veram?

Motiva
ad resipiscenciam.

VI. Si consideret 1. hanc resipiscenciam summopere Deo placere. *Psal. 51. 19.* Vis argumenti in eo est, quod qui per fidem deditus est Deo, non potest non omnibus illis studere, quæ placent Deo. 2. Planè necessariam esse ad salutem. *Luc. 13. 3.* consequentiæ ratio in eo ponitur, quod qui vult

qui vult finem, vult etiam illa media, quæ necessariam connexionem habere videt cum illo fine. 3. Peccata causam esse separationis nostræ à Deo. *Esaï. 59. 2.* Ideo sequitur ista ratio, quia fidelis per suam fidem adheret Deo, atque adeò avertit se ab iis, quæ separant à Deo. 4. Maximam repugnantiam esse inter peccata, & vocationem, fidem ac vitam nostram. *2. Cor. 6. 15. 16. 1. Thess. 4. 7.* Valet argumentum, quia ex uno oppositorum affirmato, alterum negatur. 5. Maxima esse Dei erga se beneficia, quibus deducitur ad resipiscenciam. *Rom. 2. 4. Rom. 2. 5. Jere. 8. 4. 5. 12.* 6. Christum dolores gravissimos perpassum esse propter nostra peccata. *Zach. 12. 12.* Ex quibus docemur quam sint horrenda ac detestanda. 7. Impenitentiam esse gravissimum peccatum in se, & continuationem, obsignationem & amplificationem cæterorum omnium peccatorum. 8. Maxima promissa fieri, & regnum Dei patere omnibus iis, qui resipiscunt. *Esa. 1. 18. 1. Reg. 8. 48. 49. 50.*

Signa
resipiscen-
tiae.

Quæstio tertia, quam sint signa veræ resipiscen-

VII. R. 1. Dolor de peccatis, quatenus per ipsa Deum offendit, non tantum respectu pœnæ. Ratio est, quia resipiscencia avertit hominem à peccato, quatenus est peccatum: est autem peccatum, quatenus violat Dei voluntatem revelatam, atque adeò ipsum offendit, & provocat ad

iram. Dolor etiam iste debet esse maximus omnium dolorum. *Zach. 12. 10. 11.* intellective saltem, quoad displicentiam voluntatis, quamvis sensitive sæpè alii dolores magis appareant intensi. Dolor vel tristitia est offensio animæ, ex eo orta, quod patitur aliquid, à quo dissentit, tanquam ab eo, quo lædi se sentit. Dolor igitur de peccatis necessario comitatur conversionem à peccatis: quia anima dum sese convertit à peccato, incipit nolle peccatum, aut ab eo dissentire. Sentiens igitur adherere sibi illud, à quo maximè dissentit, non potest non offendi ut laesa. Quia etiam ratio primaria, quare anima conversa dissentit à peccato, est repugnantia illa, quam peccatum habet ad Dei voluntatem, cui anima conversa jam est cōiuncta, ideò dolor iste de peccatis, si sit genuinus, magis oritur ex eo, quod Deus per illa sit offensus, quàm quod miseriam secum adferunt.

VIII. Odium peccati, ut supra omne detestabilis. *Apoc. 2. 6.* Odium autem hoc si sit syncerum, 1. fertur in omne peccatum cognitum sine exceptione. 2. constans est, sine intermissione. 3. implacabile est, sine reconciliatione. 4. vehemens est, sine toleratione.

IX. Tertium signum est ingens desiderium & fixum propositum, 1. vitandi omnia peccata, & bene vivendi in futurum. Ratio est, quia qui detestatur vel odium peccati consecutus est, sub illa ratione, quia est pec-

est peccatum, & divinam offendit majestatem, is tam à futuris quàm à præteritis peccatis abhorret: non minus enim hæc quàm illa divinam majestatem offendunt: nemo autem potest fugere futura, nisi proponat, & statuatur apud se, quàm potest firmissimè, peccata sua nunquam ex ulla conditione iterare. Hoc autem si sincerum sit, separationem infert, quantum fieri potest à peccatis præsentibus, & ab occasionebus futurorum. 2. omne bonum intendit. 3. efficaciter id querit in assiduo conatu, & usu mediolorum. 4. impedimenta omnia tam interna quàm externa sollicitè studet remove.

Resipiscencia de peccatis ignota.

Quæstio quarta, quomodo quis resipiscere possit de peccatis incognitis?

X. R. Qui formaliter & distinctè pœnitentiam agit de peccatis omnibus cognitis, virtualem & confusam resipiscenciam habet de iis etiam peccatis, quæ non novit. *Psal.* 19. 13.

Continuatio, & renovatio resipiscencie.

Quæstio quinta est, an sufficiat semel resipuisse?

XI. R. 1. Peccata præterita non sunt oblivioni tradenda. *Deut.* 9. 7. ne vetera quidem & in juventute admissa. *Psal.* 25. 7. 2. utilis est hæc recordatio peccatorum præteritorum, 1. ad humiliationem. *Deut.*

9. 6. & 7. 2. ad gratitudinem erga Deum. 1. *Tim.* 1. 12. & 13. 3. ad commiserationem & lenitatem erga alios peccatores. *Tit.* 3. 2. & 3. Quodcumque autem memoriæ occurrunt, toties pudore ac dolore de illis affici debemus. *Gen.* 41. 9. *Ezech.* 16. 61. 63. 1. *Corinth.* 15. 9. Horror quidem ille, qui percellere animum solet in prima conversione, non redit fidelibus ex recordatione veterum peccatorum, propter misericordiam illam Dei, quam in Christo sunt consecuti: sed pudor & erubescencia maximè docet sanctos. *Rom.* 6. 21. ad. ut not. hæc sit hominis impij, qui nondum à peccatis suis pœnitentiam egit, si illa cum lætitiâ possit recordari. *Job.* 20. 12. *Prov.* 2. 14.

XII. 2. Renovanda est resipiscencia quotidie, prout peccata renovantur. 2. *Tim.* 1. 6. *Jerem.* 8. 6. Quemadmodum candelæ recens extincta, & adhuc fumans, exiguo flatu rursus accenditur & reviviscit, sic anima liberatur ordinariis angustijs & periculis, per tempestivam. e. quotidianam resipiscencie renovationem. Membra luxata debet quamprimum restitui. 3. in extraordinariis peccatis extraordinaria etiam resipiscencia est necessaria. *Psal.* 51. 1. *Cor.* 5. 2. & 2. *Cor.* 7. 9. & 12. 21.

CAP. IX.
DE ADOPTIONE.

EX fide in Christum sequitur justificationis, & adoptio. Quia autem justificatio in relatione propriè constituit, idcirco nihil habet singulare, quod spectat ad conscientiam, præter illa, quæ vel antea fuerunt explicata, in questionibus de fide, vel postea sunt explicanda, in iis, quæ pertinent ad sanctificationem, glorificationem, & obedientiam.

Si quis sit certus de sua fide in Christum, & tamen hæsitat in conscientia, de sua justificatione coram Deo, contingit hoc ex defectu sapientiæ, quæ ex præmissis conclusionem debet inferre. Cui etiam defectui medicinam faciliè adfert institutio recta de natura justificationis. Omnes enim promissiones Evangelii de remissione peccatorum, justificatione, & salute æterna, æquè pertinent ad quemlibet fidelem, & æquè possunt ac debent ab illo apprehendi, & applicari, ac si proprio suo nomine fuisset in Scripturis ipsis designatus & compellatus. Ratio est, quia quicquid promittitur fidei, aut fidelibus in genere, promittitur expressè omnibus & singulis verè credentibus.

Eadem etiam est ratio adoptionis, nisi quod huic benedictioni peculiari quadam ratione tribuitur, ut adjunctum Spiritus operatio quæ-

dam, cujus ratione dicitur Spiritus adoptionis. Quamvis enim idem sit Spiritus, qui 1. arguit homines de peccato, iustitia, & iudicio. *Johan. 16. 8.* 2. illuminat salvificæ cognitione Christi. *1. Cor. 1. 10. 13. Eph. 1. 17. 18.* 3. inserit in Christum. *Eph. 3. 6. & 4. 4.* 4. insertos vivificat. *2. Cor. 3. 6.* 5. vivificatos ducit in omnem veritatem, quæ est ad salutem necessaria. *Joh. 14. 17. & 16. 13. Johan. 4. 16.* Quia tamen adoptio primarium locum obtinet inter omnia illa beneficia, quæ per Spiritum sanctum nobis obsignantur, idcirco denominationem singularem inde accipit, & vocatur Spiritus adoptionis. *Rom. 8. 15.*

De istoc autem Spiritu, quæritur 1. quid sit homini agendum, ut possit eum vel ejus vividum actum, & sensum acquirere?

Quomodo aspirandum ad spiritum adoptionis.

1. R. Debet 1. diligenter attendere ad prædicationem Evangelii. *2. Cor. 3. 6. 8.* Ministri novi pæcti vocantur ministri Spiritus, & ministerium ejus ministerium Spiritus, quia per hoc medium Deus offert & communicat Spiritum suum. *Gal. 3. 2.* Spiritum accepisti ex fide per auditum percepta. *Eph. 1. 13.* Audito Evangelio salutaris vestra: per quod etiam postquam credidistis,

G

obsignati

obsignati estis Spiritu illo promissionis sancto.

II. Debet 2. petere Spiritum hunc à Deo. *Luc. 11. 13. Pater vester celestis dabit Spiritum sanctum petentibus ab ipso.*

III. Debet 3. aperire portas sui cordis, ut Spiritus possit intrare. *Pf. 24. 7. Apoc. 3. 20.* id est, avocare animum à rebus terrenis, erigere sursum, & comparare sese omni modo, ad Spiritus impulsus admittendos.

Notæ a-
doptionis.

Quæstio secunda est, quam sint signa Spiritus adoptionis?

IV. R. Primum signum est, Spiritus precationis, quo invocatur Deus tanquam Pater. *Zach. 12. 10. Rom. 8. 15. 26. Gal. 4. 6.* Genuinus enim filiorum affectus, & fiducia non contingit cuiquam, nisi ex communione ejusdem Spiritus.

Hoc autem illa ratione proprium quodammodo est temporis Evangelii, vel novi Testamenti, quia Deus præcipue, manifestè, & præstantiore ratione quàm antea, Patrem se nostrum esse declaravit.

V. Secundum signum, est magna æstimatio dignitatis hujus, quæ est in adoptione. *Job. 1. 12. Johan. 3. 1.* Spiritus enim non tantum obsignat nobis adoptionem, sed ostendit etiam, quanta sit benedictio, & quanti facienda.

VI. Tertium signum, est reverentia & honor Dei. *1. Petr. 1. 17. Mal. 1. 6.* Reverentia enim genuina sequitur ex apprehensione ma-

ximæ benignitatis, cum maxima potestate conjunctæ.

VII. Quartum signum est obedientia filialis. *1. Petr. 1. 14.* quæ non tam oritur ex mercedis expectatione, quàm ex amore & studio placendi. *Rom. 8. 14.* Obedientia enim oritur ex religiosa reverentia.

VIII. Quintum signum est conformatio ad imaginem Dei Patris, & Christi fratris primogeniti. *Mat. 5. 48. Rom. 8. 29. 1. Johan. 3. 9.* filius enim gignitur ad similitudinem & imaginem sui Patris.

IX. Sextum signum est erecta spes hereditatis æternæ. *Rom. 8. 17.* Hereditas enim & ejus expectatio est propria filiorum, non servorum aut alienorum.

Quæstio tertia est, quomodo quis conservare possit Spiritus hujus testimonium?

X. R. 1. Si non extinguat per contemptum vel neglectum mediorum gratiæ. *1. Th. 5. 19. 20.* Ratio est, quia verbum, cum similibus gratiæ mediis, sunt vite supernaturalis pabulum, quo adhibito Spiritus in nobis confortatur, quo etiam deficiente, Spiritus quo ad habitationem suam in nobis deserit, atque aded dicitur extingui.

XI. 2. Si non tristitia afficiat per sorditatem peccatorum. *Eph. 4. 30.* Ratio est, quia sicut tristitia naturalis exoritur ex præsentia vel præsentatione objecti repugnantis & ingrati, quod incumbit ac pravalet, sic ali-

sic aliquo modo afficitur Spiritus ex peccato prævalente, quod maximè ipsi ingratum est & repugnans.

XII. 3. Si exsuscitet per conatus pios. 2. *Tim. 1. 6.* Ratio est, quia

sicut ignis in ligno viridi non accenditur, nisi ope solium, & sufflationis, sic neque spiritualis ardor in cordibus peccatorum persistit, nisi congruis mediis excitetur.

CAP. X.

DE SANCTIFICATIONE.

DE sanctificatione, questio prima est, quid homini agendum sit, ut possit esse sanctus?

Quomodo
adspirandum
ad sancti-
tatem.

I. R. Debet 1. subijcere se totum verbo Dei. Verbum enim est veritas Dei sanctificans. *Ioh. 17. 17. Jerem. 31. 33.* Efficax autem est ad sanctificandum 1. quatenus oppositionem maximam habet ad peccatum, atque adeò expellit illud ex eo corde, in quo recipitur. 2. quatenus est potens Dei organon ad regenerationem hominum. 1. *Pet. 1. 23.*

II. Debet 2. per fidem applicare sibi Christum, ut suam sanctificationem. 1. *Cor. 1. 30.* Debet igitur 1. ex Christo quasi sugere sanctitatem. Impetrando, id est, cognoscens Christum esse fontem omnis vite spiritualis, & omnis gratiæ sanctificantis, *Iohan. 1. 16. Coloss. 1. 19. & 2. 9.* debet ita in Christum recumbere & confidere, ad sanctitatem veram consequendam, ut hauriat eam ex illo fonte. *Esaï. 12. 3.* Debet etiam 2. eandem sibi imitari per meditationem Christi, id est, contemplans & seriò perpendens benedictiones

Dei in Christo, semetipsum debet sedulo excitare ad studium illud sanctitatis, quod illis beneficiis congruit.

III. Quia verò duæ sunt partes nostræ sanctificationis, mortificatio nempe, qua exiit peccatum aut vetus homo, & vivificatio, qua induitur gratia aut novus homo, *Eph. 4. 22. 24. & Col. 3. 8. 10.* idcirco duæ etiam sunt partes applicandi Christi ad sanctificationem, quarum prima est applicatio mortis Christi; secunda est applicatio resurrectionis ejus & vite. *Rom. 6.*

IV. Applicatio autem mortis Christi ad mortificationem peccati, fit, cum fides efficaciter colligit hanc mortificationem peccati ex morte Christi. *Rom. 6. 11.*

V. Ex hac applicatione peccatum dicitur cruciungi. *Rom. 6. 6. Gal. 5. 24.* morte mulctari. *Rom. 6. 2.* & speliari. *Rom. 6. 4.*

VI. Clavi quibus peccatum in hac applicatione affigitur cruci, iidem planè sunt, qui Christum ipsum cruci affixerunt. Nihil enim est efficacius, quàm si quis seriò consideret

1. naturam & meritum suorum peccatorum. Qui enim serio cogitat peccata sua mereri & moliri sibi mortem, non potest non studere, ut hanc perniciem avertat, per peccati istius mortificationem: vel enim peccato, vel peccatori necessarium est moriendum. *Rom. 8. 13.* 2. charitatem & misericordiam Dei Patris erga se peccatorem, qui misit Christum ad illa peccata tollenda. Charitas enim Dei coget nos illud querere pro nobismetipsis, quod Deus tam impenitens pro nobis querivit. 1. *Johan. 4. 11.* 3. gratiam Jesu Christi, qui omnia subivit & perfecit, ad eadem peccata delenda. Charitas enim & gratia hæc Christi si nobis sit cordi, constringet corda nostra ad hujusmodi studium. 1. *Cor. 5. 14. 15.* Illi ipsi veri fuerunt clavi, quibus Christus affixus fuit cruci, non materiales illi, quos interfectores Christi ad illum finem adhibebant.

VII. Applicatio resurrectionis & vite Christi ad vivificationem gratiæ, fit, cum fides efficaciter colligit hanc vitam gratiæ ex resurrectione & vita Christi. *Roman. 6. 11.* Efficaciter autem colligitur per meditationem caute efficientis, finis, & fructuum resurrectionis Christi. *Col. 3. 1.* Efficientis caute meditatio hoc argumentum suppeditat: si idem Spiritus, qui excitavit Christum à mortuis, habitat in me, excitabit etiam animam meam à morte peccati ad vitam gratiæ. *Roman. 8. 11.* Finis meditationis,

hoc: sicut Christus excitatus fuit, ut mors ipsi postea non dominaretur, sed in perpetuum viveret Deo, sic etiam nobis est studendum. *Rom. 6. 9. 10.* Fructuum meditatio, hoc: sicut Christus excitatus, sedet ad dextram Patris in cælis, sic etiam nos vivere insuper debemus, tanquam municipes cælorum. *Phil. 3. 20.*

VIII. Debet tertiò, fide viva non tantum salutis promissiones generales apprehendere, sed illas etiam particulares, quæ singulariter pertinent ad ipsam sanctificationem. *Ezech. 30. 25.* &c.

IX. Debet 4. Spiritui sancto sese tradere totum, ut ab eo agatur & educatur in omnibus. *Rom. 8. 13. 14.*

Quæstio secunda, quam sunt argumenta, quibus incitari quis possit ad studium sanctitatis?

X. R. Si consideret 1. neminem absque sanctimoniam unquam visurum Deum. *Hebr. 12. 14. Matth. 5. 20.* 2. sanctimoniam esse imaginem Dei, & perfectionem illam, in qua creati fuimus ab initio. *Eph. 4. 24.* 3. sanctimoniam esse finem electionis, redemptionis & vocationis. *Eph. 1. 4. 1. Tim. 4. 7. Tit. 2. 14. 1. Cor. 1. 2.* 4. esse etiam non minimam partem gloriæ & felicitatis æternæ. *Eph. 5. 27.* 5. nullam fidem veram, justificationem, aut adoptionem consistere posse sine sanctificatione. *Jac. 2. 26. 2. Petr. 1. 10. 1. Cor. 6. 11.*

Quæstio tertia, quam sunt signa veræ sanctificationis?

Motiva
studii
sancti-
ficationis.

Notæ
sanctifi-
cationis.

R. 1. Reformatio omnium virium & facultatum hominis. 1. *Th. 5. 23.* 2. respectus ad omnia præcepta Dei. *Psal. 119. 6. Luc. 2. 10.* 3. perpetua cura vitandi peccata. *Prov. 28.* 4. 4. ambulatio coram Deo. *Gen. 17. 1. Act. 24. 16. 1. Cor. 10. 31. Col. 3. 23.* 5. lucta spiritus adversus carnem.

CAP. XI.

De Lucta spiritus & carnis.

Quomodo distingui potest lucta spiritus adversus carnem in regenitis, ab illa pugna, quæ sæpè in irregenitis, dum peccat, repetiri solet?

R. Differunt 1. causis. Nam 1. Reluctatio improborum vel ex horrore, & servili pænæ metu provenit, vel ex civiliore quadam dispositione, quæ faciliè superatur: sed lucta spiritualis est ex novâ quadam naturâ, quæ sua sponte fertur in illa, quæ Deo placent, & contraria firmiter & constanter aversatur. 2. pugna & reluctatio illa, quæ in improbis reperitur, non solet habere locum, nisi in crassioribus illis sceleribus, quæ vel à naturæ luce condemnantur, vel ab omnibus iis, qui paululum illuminantur, abominationi maximæ solent haberi: spiritualis autem lucta regenitorum, est adversus omnem pravitatem, quamvis nunquam in crimine aliquo perficiatur.

II. 2. Differunt objectis, quia pugna illa, quæ in improbis reperitur est, vel inter conscientie dictamen, & voluntatis inclinationem: vel inter voluntatis etiam levioris inclina-

tionem ad moralia quædam bona, & improbos affectus, qui prædominantur: sed lucta illa, quæ est propria regenitorum, consistit in oppositione & concertatione novæ cujusdam, & supernaturalis qualitatis, aut vite spiritualis, in voluntate præcipuè suam sedem habentis, adversus corruptas inclinationes, cohabitantes quidem, sed non prædominantes.

III. 3. Differunt effectis. Nam 1. pugna illa naturalium hominum, consistere potest, ac solet, cum quotidiano & usitato peccatorum exercitio: sed lucta spiritus id semper efficit, ut quamvis in multis impingatur, tamen vitæ cursus, & series, instituat, & transigatur, secundum Dei voluntatem. 1. *Johan. 3. 9. 10.* 2. pugna illa naturalium hominum, quamvis in causa sit aliquandò, ut quod bonum est agatur, non tamen constituit bonum principium, bonum finem, & bonum modum agendi: spiritus vero luctans adversus carnem, hæc omnia secum adfert. 3. pugna hominum naturalium admittit ordinariè facta, quoad substantiam ipsam mala;

mala: sed spiritus ita praevalet maxima ex parte, ut peccatum non admittat in ipso facto, quamvis deficiat in modo & gradu. 4. in malis, quae committuntur, pugna hominum irrogenitorum non impedit, quin peccatum sit omni ex parte consummatarum, quoad consultationem & propositum antecedens, allubescētiā comitantem, & pertinaciam vel impoenitentiam consequentem: spiritus

autem suā luctā minuit vim peccati, partim ante commissionem, partim dum committitur, & postea planē frangit. 5. pugna illa naturalium hominum non amplius aliquid quaerit, quam repressiōem peccati: sed spiritus in sua lucta contendit semper ad mortificationem ipsam peccati, & ad summam gratiæ perfectiōem, quamvis ante mortem non possit illam adipisci.

C A P. XII.

De Progressu in sanctificatione faciendo.

Questio quinta, an in eo acquiescere debeamus, si principia sanctificationis habemus?

I. R. Duo adhuc officia nobis incumbunt, quorum alterutrum si negligatur, totus labor perit.

II. Primum est studium sanctitatis illius, quam habemus, retinendae, 1. *Tim. 1. 19.* Ratio est, quia multi gradum aliquem fecerunt ad pollutiones mundi effugiendas, qui illis rursū implicati superantur, quorum ultima conditio deterior est priore. 2. *Petr. 2. 20. 21. 22.*

III. Sanctitatem autem retinebimus, 1. si memores sumus fœderis cum Deo initi. *Job. 31. 1.* & redemptionis. 8. *Cor. 6. 19. 20.* 2. si caveamus sedulō, ne poeniteat nos aliquis poenitentiae. *Iere. 34. 11.* id est, si diligenter nobis caveamus, ne ultimum peccatum approbemus, quod

antea improbavimus; aut officium ullum improbemus, quod antea probavimus: idque in illis rebus, quae minutulae habentur in mundo.

IV. Secundum officium est studium augescendi in sanctitate Dei, augmento Dei. *Col. 2. 19. 2. Petr. 1. 5. Phil. 1. 9. 1. Tim. 4. 15.*

V. Ratio quia talis est natura gratiæ, ut excitet semper desiderium magis copiosae fruitionis. 1. *Petr. 2. 2. 3.* ita ut quamvis sitis illa, quæ est totalis indigentiae, excludatur per gratiam. *Iob. 4. 14.* illa tamen, quæ est copiosioris fruitionis non tollitur, sed augetur. 2. quia sicut calor noster vitalis nunquam permanet in uno statu, sed vel crescit, vel decrescit semper, sic in vita ista gratiæ, nisi opera detur incremento, consumptio aliqua necessarīo sequetur per impugnationem illam, quam patitur à carne.

à carne.

V I. In sanctitate autem magis magisque proficiemus, 1. si exerceamus nos indices ad pleniorē abnegationem peccati, mundi, ac nostrum ipsorum: & ad Deum, ejusque regnum perfectius querendum. 2. si

finem perpetuū ante oculos habeamus. *Phil. 4. 23.* 3. si diligenter observemus corda nostra. *Prov. 4. 23.* 4. si invigilemus sancto usui mediocrum illorum, quæ faciunt ad sanctitatem, adjunctis etiam precibus.

CAP. XIII.

De Primitiis glorificationis, in sensu amoris Dei.

INter primitias illas gloria, quæ in isthac vita fidelibus conceduntur, primum locum obtinet apprehensio, & sensus amoris Dei: sicut enim salutis nostræ procuratio, initium ac fundamentum suum primum habuit in electione, vel amore Dei, sic perceptionis ejus principium est à perceptione ejusdem amoris. De isthoc autem amore, questio prima est, qua ratione comparari possit hæc apprehensio, & sensus amoris Dei?

Quomodo certiores de amore Dei.

I. R. Propria causa hujus apprehensionis est Spiritus Sanctus, effundens hanc dilectionem Dei super corda fidelium. *Rom. 5. 5.* id est, certiores illos singulariter faciens, dilectionem hanc ad illos abundanter extendi. Sed multa tamen sunt media, quibus hæc effusio promovetur, quæ efficiunt etiam ut fideles radicentur, & fundentur in ista charitate. *Eph. 3. 18.* Eorum autem præcipua sunt ista.

II. Primò si fidelis apprehendat

Deum ut in relatione ad ipsum, & ceteros fideles esse, meram charitatem. 1. *Joh. 4. 8.* sic enim intelligenda est illa phrasis, non de Deo absolute considerato, sed in relatione ad fideles: quia omnia, quæ Deus agit circa fideles, proveniunt aliquo modo ex ejus charitate. Charitas enim Dei in effectis ejus est querenda. & contemplanda.

III. Secundò, si consideret quam admirabilia sunt omnia in isthoc Dei amore. *Iohan. 3. 16.* 1. Respectu personæ diligentis. Nam Deus, qui omne bonum, sufficientiam, & perfectionem habet in sese, qui nullam utilitatem potuit ex homine, vel hominis amore capere, qui fuit etiam ab homine gravissimè laesus, hic tamen Deus dilexit hominem. 1. *Ioh. 4. 10. 11.*

IV. 2. Respectu personæ dilectæ. Deus enim amavit hominem immerentem, hominem inimicum, hominem ingratum. *Rom. 5. 8.*

V. 3. Respectu donorum ex amore

more datorum, Deus enim ex amore dedit homini proprium suum filium, in filio scilicet, 1. *Iohan.* 2. 24. & cum ipso etiam omnia bona. *Roman.* 8. 32.

VI. 4. Respectu modi donandi, ex meri scilicet & abundantia gratia, sine ulla hominis petitione, aut expectatione. *Rom.* 10. 20.

VII. 5. Respectu durationis, quod amor iste Dei fuit ab æterno. *Eph.* 1. 4. & manebit etiam immutabilis in omnem æternitatem. *Iere.* 31. 3. *Iob.* 13. 1.

VIII. Tertia ratio promovendi sensum amoris Dei in corde fidelis, est, ut omni conatu semetipsum applicet in usum mediorum omnium, quæ huc faciunt, ad ampliorem gustum hujus amoris percipiendum. *Psal.* 34. 9. 1. *Petr.* 2. 3.

Quæstio secunda, unde dignoscere quis possit se à Deo amari?

IX. R. 1. Si certus sit Christum esse suum. *Gal.* 2. 20. hoc est, si certus sit de sua fide in Christum. Christus enim est filius dilectionis Dei, per quem illa dilectio ad alios etiam derivatur.

X. 2. Si certus sit de sua charitate erga Deum. 1. *Iohan.* 4. 10. *Prov.* 8. 17.

XI. 3. Si sectetur iustitiam. *Pr.*

15. 9. Deus enim propriam suam imaginem non potest non amare.

XII. 4. Si charitas Dei conquiescat, & efficaciter excitet eum ad officia pietatis erga Deum, & charitatis ac iustitiæ erga homines. 2. *Cor.* 5. 14. 1. *Ioh.* 4. 12.

Quæstio tertia, annon ex bonis communibus apparet etiam charitas Dei?

XIII. R. Omnia Dei beneficia, cujuscunque generis fuerint, obligationem secum adferunt ad Deum amandum, & colendum: sed quorundam est proprium, adferre etiam consolationem solidam ac spiritualement, per demonstrationem singularis Dei amoris. Nihil enim commune potest specialem amorem demonstrare. Creatio, igitur, conservatio & bona terrestria & naturalia per se non indicant amorem aliquem supernaturalem. *Eccles.* 9. 1. 2. Sed tamen communia ista bona, cum fide recipiuntur, ut in Christo donata, respectu modi, quo vestiuntur, sunt propria fidelium, sunt etiam secundaria signa charitatis Dei erga ipsos. *Psal.* 22. 10. 11. 12. fides enim efficit, ut tales rationes sint valide, qualis ibi usurpatur à Psalmista. Fide autem dempta nullam omnino consequentiam habebunt.

Notæ
amoris
divini.

CAP. XIV.

De Spe salutis aeternae.

EX apprehensione & sensu amoris Dei, sequitur spes confirmata, vel fiducia & indubitata expectatio salutis aeternae. De ista autem spe & certitudine salutis, prima quaestio est, an fidelis possit esse infallibiliter certus de sua salute?

Spes potest ac debet esse certa.

I. R. Non tantum potest fidelis ad certitudinem istam pervenire, sed etiam non debet quiescere, antequam ad eam perveniat. *Hebr. 6. 11. & 10. 22. Rom. 4. 21. & 8. 35. 38. 39.*

II. 1. Deus hoc promissione, iuramento, et alia, sigillis confirmavit omni verè fideli. *Ioh. 3. 16. Iere. 31. 40. 41. Hebr. 6. 17. Eph. 1. 14. Marc. 16. 16.*

III. 2. Fides recipere debet totum illud, quod Deus ita confirmavit. *Hebr. 4. 2.*

IV. Triplici actu certitudo ista perficitur in nobis. 1. actu fidei propriè dictæ, qua recumbimus in Deum per Christum, ad certam salutis acquisitionem. 2. *ἰνυρώσεως* agnitionis actu, qua jam credentes intelligimus Deum hanc salutem certò nobis adjudicasse. 3. fiduciae aut spei actu, quo salutem adjudicatam certò expectat. Sed fidei tamen tota applicatio tribuitur, quia primò & præcipuè pendet ex fide.

V. 3. Salus & vita aeterna conti-

netur in objecto fidei. Credimus enim vitam aeternam. *1. Petr. 1. 3. 4. 5.*

VI. 4. Vera gratia (de cujus certitudine antea dictum fuit) nunquam separatur à vita aeterna. *Hebr. 6. 9.* gratia enim justificans est certissima causa vitae: & gratia sanctificans est ejus pars. *Iohan. 17. 3. Gal. 2. 20.*

VII. 5. Deus Pater decrevit fideles ad vitam perducere. Fides enim est fructus electionis. *Act. 2. 47. & 13. 48.*

VIII. 6. Christus Salvator perpetuò intercedit pro fidelibus, ut conservet fideles à malo. *Ioh. 17. 15.*

IX. 7. Spiritus Sanctus dirigit, & conservat fideles ad vitam aeternam. *Ioh. 16. 16. Ezech. 36. 27.*

X. 8. Potestas Dei, & Christi conservantur fideles. *Ioh. 10. 28. 29. 1. Petr. 1. 5. & corroborantur. Eph. 3. 16. Col. 1. 10. Phil. 4. 13.*

Quaestio secunda, quibus argumentis possit fidelis excitari, ad hanc certitudinem spei studiosè quaerendam?

Certeando spei, quas ob causas quaerenda?

XI. R. 1. Deus hoc postulat. *Rom. 15. 13. Col. 1. 23. Hebr. 6. 11. & 10. 22. 1. Petr. 5. 9.*

XII. 2. Haec spes est necessaria fidei tentato, ut galea militi. *Eph. 6. 17.*

6. 17. 1. *Theff.* 5. 8. *Hebr.* 6. 19. ut anchora navi.

XIII. 3. Libertatem, fortitudinem ac stabilitatem adfert in omni opere Domini. *Hebr.* 3. 6. 1. *Cor.* 15. 58. Ratio est, quia finis & fructus operis allicit & excitat hominem ad sedulitatem & constantiam in operando. Quamvis autem nostra salus non sit præcipuus & ultimus finis bene agendi, est tamen fructus, & illa ratione participat naturam finis. *Rom.* 6. 22. ita ut non tantum liceat sed maxime etiam decet, ad infirmitatem nostram sublevandam, cum intuitu & expectatione gloriæ, tanquam mercedis, dare operam pietati. *Iac.* 5. 7. *Galat.* 6. 7. 8. *Hebr.* 12. 2. *Psal.* 19. 12.

XIV. 4. Finis est vocationis fidelium: unde etiam vocatur *spes vocationis*. *Eph.* 1. 18.

XV. 5. Spes ista non pudefacit: quia nunquam irrita fit, aut fallit. *Rom.* 5. 5. *Rom.* 8. 24.

XVI. 6. Spes est, quæ servat fidem. *Rom.* 8. 24.

Quæstio tertia, quid agendum sit fideli, ut possit spem hanc vivam habere, & conservare?

XVII. R. Debet 1. fidem suam firmam, & vividam conservare. Spes enim ex fide fluit ac pendet, non tantum in esse, sed etiam in gradu, modo, ac sensu. *Hebr.* 11. 1.

XVIII. Debet 2. conscientiam bonam omni studio retinere. Talis

enim conscientia ad fidem & spem confirmandam facit. 1. *Tim.* 1. 19. 2. *Tim.* 4. 7. 8.

XIX. Debet 3. diligenter observare specimina & experimenta, quæ habuit amoris Dei erga se. Expectantia enim efficit spem. *Rom.* 5. 4.

XX. Debet 4. sæpe ob oculos ponere exempla eorum, qui, cum exitu scælici, sperarunt in Deo. *Iac.* 5. 10. 11.

XXI. Debet 5. frequens esse in exercitiis pietatis. *Rom.* 15. 4.

Quæstio quarta, quænam sunt signa veræ ac vivæ hujus spei?

Notæ:
spei
veræ.

XXII. R. 1. Spes vera fertur in Deum solum: qui ideo appellatur *Deus spei*. *Roman.* 15. 13. & *spes Israelis*. *Iere.* 14. 8.

XXIII. 2. Nititur gratuitâ illâ Dei misericordiâ, quæ in justificatione manifestatur: non meritis aut viribus humanis, neq; externis & communibus Dei beneficiis. *Rom.* 5. 1.

XXIV. 3. Non felicitatem tantum, sed sanctificationem etiam expectat. *Gal.* 5. 5.

XXV. 4. Procreatur, & conservatur piis exercitiis. *Rom.* 15. 4.

XXVI. 5. Adfert patientiam. 1. *Theff.* 1. 3.

XXVII. 6. Adfert gaudium spirituale. *Hebr.* 3. 6.

XXVIII. 7. Adfert etiam perpetuam curam sanctitatis. 1. *Iohan.* 3. 3.

CAP. XV.

DE CONSOLATIONE.

EX spe vel fiducia Christianâ, sequitur consolatio: quæ est confirmatio animi adversus dolorem, vel metum opprimentem. Non est enim propriè lætificationis animi (ut quibusdam videtur) sed magis doloris, timoris, aut tristitiæ repressio, ac mitigatio sive lenitio. Consolationem quippè accepit, qui tristitiam aliquo modo deposuit, quamvis gaudium necdum in ejus locum successit: vel si ex parte utcunque tristitia ejus repressa sit, vel lenita. Interdum enim mixturam inter se patiuntur, tristitia, & consolatio. Neque omnino benè, neque omnino malè se habent, in principio consolationis. *Esa. 40. 1. 2.* De hac autem consolatione

Quæstio prima est, an possit fidelis consolationem firmam habere, adversus omne malum?

I. R. Potest. Nam 1. Deus Pater respectu fidelium, est Deus omnis consolationis, consolans ipsos in omni afflictione. 2. *Cor. 1. 3. 4.*

II. 2. Christus est principium vel fons, per quem exundat consolatio fidelium. 2. *Cor. 1. 5.*

III. 3. Spiritus sanctus est fidelium omnium paracletus, consolationem omnem ipsis impeticiens. *Iob.*

14. 16. 26. & 15. 26. & 16. 7. 13.

IV. 4. Tota Scriptura facit ad consolationem fidelium. *Rom. 15. 4.*

V. 5. Valida redditur hæc consolatio per immutabile Dei consilium, & ejusdem omnigenam confirmationem. *Hebr. 6. 17. 18.*

VI Vna cum consolatione conjungit Deus confortationem gratiæ suæ, quæ est virium idonea reparatio, & congrua fortificatio. Cum enim fideles, instar mulierum infirmarum, ex terribili alicujus mali apprehensione, incidunt quasi in deliquium animi, viribus omnibus solutis, Deus contra istum defectum, suppeditat gratiam confortationis. Exemplum insigne habemus. *Dan. 10. vers. 8.*

*Non fuerunt relique in me vires. vers. 10. Ecce autem manus tetigit me; & commovit me super genua mea, & palmas manuum mearum, edixitq; mihi, sta rectus. vers. 18. Pergens tetigit me, & confirmavit me: ac dixit, ne timero, vir desideratissime, pax tibi, etiam atq; etiam confirmare. Quumque eo loquente mecum, confirmatus essem, dixi, loquatur Dominus meus, quia confirmasti me. Hanc porro gratiam querere jubemur, *Hebr. 12. 12.**

CAP. XVI.

DE AFFLICTIONIBVS.

Questio secunda, quam sunt illa mala, aduersus quæ consolatio dari debet à fidelibus?

R. Sunt vel corporalia, ut afflictiones huius vite, & mors: vel spiritualia, ut spirituales tentationes, & peccata.

Consolatio afflictionum.

Questio tertia, quibus argumentis confirmari potest fidelis, aduersus afflictiones huius vite.

I. R. 1. Afflictionum huiusmodi tentatio est humana. *1. Cor. 10. 13.* & peragi solet in fidelibus, dum sunt in mundo. *1. Petr. 5. 9. Act. 14. 22.*

II. 2. Sine Dei providentiâ, ne capillus quidem capitis perit. *Mat. 10. 30. Luc. 21. 18.*

III. 3. Paternus Dei amor in afflictionibus fidelium solet manifestari. *Hebr. 12. 6.*

IV. 4. Christus ipse pertulit, & superavit omnes mundi afflictiones, ut possit succurrere nobis. *Hebr. 3. 18. & 4. 15.*

V. 5. Deus, unâ cum tentatione, per Spiritum suum, & suppeditabit vires, & exitum etiam præstabit. *1. Cor. 10. 13.*

VI. 6. Afflictionum tempus est breve. *2. Cor. 4. 17. 1. Petr. 5. 10.*

VII. 7. Afflictionum fructus est salutis. Omnis enim castigatio fru-

ctum tranquillum iustitiæ reddit iis, qui per eam fuerint exercitati. *Hebr. 12. 11.*

Questio quarta, an par ratione in omnibus afflictionibus, possimus nosmetipsos consolari?

VIII. R. Prout varia est ratio ipsarum afflictionum, sic etiam variat ratio consolationis. Quædam enim afflictiones inferuntur nobis ab hominibus, iustitiæ causa, *Matth. 5. 10.* propter Christum, *vers. 11.* Christi, & Evangelii causa *Marc. 10. 29.* regni Dei causa, *Luc. 18. 29.* Istæ propriè persecutionis & crucis nomine designantur, quia similitudinem habent, & participationem quandam crucis Christi. *Phil. 3. 10.* In huiusmodi afflictionibus consolatio aliqua saltem est in promptu, quia possumus ac debemus genus ipsum & causam afflictionis, habere pro argumento magnæ consolationis. *Matth. 5. 12. Act. 5. 14. Jac. 1. 2. 1. Petr. 4. 14. 16.* Ratio est, quia in illis persecutionibus, quas iustitiæ causa patimur, inest semper martyrii testimonii & exempli ratio, qua Deum coram hominibus glorificamus. Edulium igitur ex edente procedit, secundum Samsonis ænigma. *Jud. 14.*

Varia genera afflictionum.

IX. Quædam afflictiones à Deo immittuntur.

immittuntur, ad nos probandos, ac tentandos. *Exod. 15. 25. & 16. 5. Deut. 8. 2. 16.* istæ propriè appellantur *probationes* ac *tentationes*. In huiusmodi afflictionibus, consolatio nostra non fluit ex ipsa tentatione, sed ex modo ferendi, cum per gratiam Dei, nomen ipsius in illis sanctificamus, ac glorificamus. *Job. 1. 21.* Prima igitur cura debet esse, ut comparemus nosmetipsos ad has afflictiones rectè ferendas: & tum postea consolatio sua sponte sequetur.

X. Quædam etiam afflictiones immittuntur ut pœnæ, aut castigationes. *Job. 36. 9. 10. Hebr. 12. 6.* In istis, quamvis aliqua consolatio contineatur, in castigationis paternæ ratione. *Hebr. 12. 7. 8.* non potest tamen solidè percipi, nisi in ipsarum afflictionum recto usu. *ibid. vers. 11.* Hic igitur prima cura est, ut rectum usum faciamus istiusmodi visitationum, antequam ad consolationem solidam adpiremus.

XI. Genera ista afflictionum non sunt aded disjuncta, quin possint in una & eadem vexatione convenire. In persecutionibus enim probantur semper, & sæpè etiam castigantur fideles: sed probationes tamen & castigationes existunt sæpè sine persecutione: & quando conveniunt, unius generis ratio in quibusdam magis elucet, quàm in aliis.

Quæstio quinta, quid homini afflicto faciendum est, ut possit veram & solidam consolationem adipisci?

XII. R. Debet 1. agnoscere manum Dei affligentem. *Es. 26. 11. Job. 5. 6. 8. Amos 3. 6.* Hæc enim consideratio fundamentum est patientiæ. *1. Sam. 3. 18. Psal. 39. 10.* & omnium salutarium fructuum, qui ex afflictionibus percipiuntur. *Esai. 9. 13.*

XIII. Debet 2. vias suas perscrutari, & agnoscere peccata. *Lam. 3. 39. 40. Job. 36. 9. 10.* Quamvis enim omnes afflictiones non semper immittuntur directè, & præcipuè propter peccatum, peccatum tamen est omnium afflictionum fons & fundamentum, *Rom. 5. 12.* acquirissimum igitur, turissimum, & Deo gratissimum est, ut in afflictionibus omnibus peccata nostra intueamur, quæ illas vel directè procurant, vel saltem promeruerint.

XIV. Debet 3. submittere semetipsum in conspectu Domini, & sub potenti ejus manu. *Jacob. 4. 10. 1. Petr. 5. 6. 2. Sam. 15. 20. Lev. 26. 41.* Alias enim contemnitur castigatio Dei, & proditur securitas, ac præfidentia vana. *Prov. 3. 11. Hebr. 12. 5.*

XV. Debet 4. in humili resipiscencia querere faciem, favorem & gratiam Dei. *Psal. 57. 2. Lam. 3. 41. Amos 4. 12. Hos. 5. 15. & 6. 1. & 14. 2.* Tres sunt tempestates Deum in resipiscencia querendi, 1. statim post peccatum admissum. *1. Cor. 5. 1. 2.* 2. post metum injectum alicujus pœnæ, vel comminationem

divinam. *Ephes. 2. 1. 2.* 3. postquam ira Dei nos aliquo modo invaluit. *Dan. 9. 13.* Optimi & emendatissimi sunt illi Christiani, qui primam occasionem captant. Ostendunt enim se ipsum peccatum, quia tale simpliciter averfari. Qui secundam non prætermittunt, secundam laudem habent. Credunt enim, quamvis non vident. Illi autem sunt planè desperati, qui tertiam omittunt.

XVI. Debet 5. curare ut proficiat ex istis afflictionibus, in omni

parte obedientiæ novæ. *2. Chron. 28. 22. Esai. 26. 9. Job. 36. 10. Hebr. 12. 10. Esai. 27. 11. Lev. 26. 18. 21. 23. 24. 27. 28.*

XVII. Debet 6. patienter expectare illum exitum, quem Deus præstabit. *1. Cor. 10. 13. Jac. 5. 7. 8. 11. 2. Sam. 15. 25. Mich. 7. 9.* Qui illicitis mediis quærit liberationem, Deum magis offendit. *2. Reg. 1. 3.* neque tamen liberatur, nisi permutatione facta minoris mali cum majore. *Esai. 24. 18. Amos 5. 19.*

CAP. XVII.

DE MORTE.

DE morte, quæstio prima est, an sit contemnenda?

I. R. Mors non est simpliciter contemnenda, quia 1. sua naturâ est grave Dei judicium advertus hominum peccata, atque adeo & nostra merita, & Dei iram representat. 2. quia aditus etiam est naturâ suâ, ad æternam separationem à Deo: ita ut vel desperatæ securitatis, vel affectatæ cujusdam sapientiæ, ac fortitudinis effectum sit, contemptum mortis eodem modo profiteri cum ethnicis quibusdam hoc nomine laudatis. Sed tamen comparatione instituta, inter mortem, & illa quæ post mortem fidelibus præparantur, potest ac debet à fidelibus omnibus aliquo modo contemni. *Hebr. 12. 2.*

Quæstio secunda, an mors à fidelibus desiderari vel optari debet?

R. Non est simpliciter & absolute optanda: 1. quia habet in se rationem mali. 2. quia cum Deus, ut imperator summus, collocavit nos in hujus vitæ statione, sine ejus jussu non debemus eam deserere, neque missionem ante tempus ab ipso constitutum simpliciter optare. *2. Cor. 5. 4. 9.* Sed tamen possunt, ac debent fideles, sic expectare vitam post mortem futuram, ut multò gravior illam habeant, quàm vitam istam præsentem. *2. Cor. 5. 8.* & contendere desiderio moderato & voluntati Dei subiecto, tanquam ad statum multò meliorem. *Phil. 1. 13. Rom. 8. 23. 2. Tim. 4. 8.*

Quæstio

De contemptu mortis.

Quæstio tertia, quibus argumentis confirmari possit animus fidelis, advertit metum mortis?

Quomodo
mi-
nuendus
metus
mortis.

II. R. 1. Si cogiter sermō, & fide apprehendat Christum per suam mortem abolevisse mortis robur. *Hebr. 2. 14.* & abstulisse ejus aculeum. *1. Cor. 15. 56.* ita ut mors sit à Christo in victoriam absorpta, & eadem victoria per eum data est fidelibus. *ibid. vers. 54-57.* ita ut certamen fidelium, non tam de ipsa victoria ceretur, quam de fide, quā adhareant Christo victori, neque unquam se permittant ab eo divelli, sive in vitā, sive in morte.

III. 2. Si illud etiam perpendat, hunc unum esse finem Christi mortis, ut liberaret nos à metu mortis, tanquam à gravi servitute. *Hebr. 2. 15.*

IV. 3. Si simul etiam cogiter cum fide, charitatem illam Christi, & Dei in Christo, ita firmam & constantem esse, ut nulla mors possit nos ab illā separare. *Rom. 8. 35.* &c. ad finem cap.

V. 4. Si reputet secum, quod propter Christum, vita fidelium est pretiosa in oculis ejus. *Psal. 72. 14.* & persuasum simul habeat, bonam Dei manum adesse, & paternam ejus providentiam invigilare fidelibus in bonum, tam in morte, quam in vitā. *Matth. 10. 28. 29. 30. 31.*

VI. 5. Si bene perpendat, à quot, & quantis malis per mortem liberabitur, id est, 1. à peccato. 2. à mi-

seriis iis, quæ peccatum consequuntur. *Esai. 57. 1. 2. 5.* quæ faciunt sapē ut mors ab aliis queratur. *Apoc. 9. 6. 3.* à tentationibus Diaboli. *Apoc. 12. 8.* 4. à mundi & carnis impugnatione, & vexatione. *Apoc. 14. 13. Eccl. 4. 1. 2.* Hinc mors dicitur quies & somnus. *Esai. 57. 2. 6. 1. Thess. 13. 14.* hoc Diabolus ipse sub specie Samuelis agnoscit. *1. Sam. 28. 15.*

VII. 6. Si ferat semper in oculis felicitatem illam, ad quam per mortem pervenitur. Post mortem enim 1. gratia Dei in nobis perficietur. *1. Cor. 13. 10.* 2. erimus cum Deo. *2. Cor. 5. 8.* cum Christo, & spiritibus beatis. *Phil. 1. 13.* 3. cælestis vitæ firmo, & immutabili statu perfruamur. *2. Cor. 5. 1. Hebr. 11. 10. 16. Luc. 16. 9.*

VIII. 7. Si adjiciat animum ad seriam contemplationem vanitatis eorum omnium, quæ pendunt ex vitā præsentī, & morte desiciuntur. *Eccl. 2. 18.*

IX. 8. Si memor sit, divinam providentiam sine illo sufficere. Ad omnia illa, de quibus possit esse sollicitus, scit autem sine illa nihil omnino posse, quamvis maneret in vivis.

Quæstio quarta, quid homini fidei faciendum est, ut frui possit hac consolatione?

X. R. 1. Debet 1. eo maximè incumbere, ut fides & fiducia sua specialis in Deum, per Christum sit maximè vivida & firma. *Luc. 2. 28.*

2. Tim.

2. *Tim.* 1. 12. 1. *Ioh.* 5. 4.

30. 31. *Gal.* 6. 14.

XI. 2. Debet magnam curam habere, ut conscientiam habeat bonam, & sine offensa. *Act.* 24. 15. 16. *Hebr.* 10. 22.

XV. 6. Debet mortem ipsam quasi familiarem sibi reddere, & meditatione frequenti, & exercitiis etiam illis, ad quæ à Deo vocatur. 1. *Cor.* 15. 31. 2. *Cor.* 1. 9. & 4. 10. 11.

XII. 3. Debet cum ista fide & conscientia expectare adventum domini, ita se gerens, ut municipem cælorum dicet. *Philipp.* 3. 20. 2. *Petr.* 3. 12.

XVI. 7. Debet eò contendere, ut quò magis externus homo vergat ad corruptionem, eò magis internus renovetur. 2. *Cor.* 4. 16.

XIII. 4. Debet semper cogitare propinquam, & imminentem esse mortis horam. *Psal.* 90. 12. *Esa.* 28. 15. 2. *Tim.* 4. 6.

XVII. 8. Debet præcipuè non mortem ipsam, sed Dei gratiam & in morte ipsa, & in iis quæ mortem sequuntur cogitare. 2. *Tim.* 4. 8.

XIV. 5. Debet exercere semetipsum, ad mundum istum abnegandum, & deserendum. 1. *Cor.* 7. 29.

XVIII. 9. Debet cum obsequio commendare animam suam fidelitati Dei. 1. *Petr.* 4. 19.

C A P. XVIII.

DE TENTATIONIBVS.

DE tentationibus, quæstio prima, quibus argumentis fidelis semetipsum confirmare possit, adversus earum impetus?

Resistentia
tentatio-
num.

I. R. 1. Si bene perpendat has tentationes partem esse illius militiæ, ad quam vocantur fideles. *Eph.* 6. 12. & cui nomen dederunt in baptismo, sub religionis sanctissimi voti ac sacramenti.

II. 2. Si cogitet ducem ac Imperatorem nostrum in hac militia esse Christum. *Apoc.* 12. 7. in cujus etiam (ubique præsentis) conspectu, res geritur: quod magnum est ad fortiter agendum incitamentum. Idem enim

hortatur ut pugnemus, adjuvat ut vincamus, deficientes sublevat, & vincentes coronat.

III. 3. Si intelligat, ex ductu & imperio Dei pendere etiam ipsarum tentationum directionem. *Matth.* 6. 13. 2. *Thess.* 2. 11. 2. *Chron.* 18. 21. *Matth.* 4. 1.

IV. 4. Si exitum consideret, quem Deus est daturus. 1. *Cor.* 16. 13. *Rom.* 16. 20.

V. 5. Si usum & fructum earum spectet. *Luc.* 21. 31. 2. *Cor.* 12. 8. 9.

VI. 6. Si Christum tentatum, tentationes vincentem, & tentatis succurrentem sibi proponat. *Hebr.* 2. 18. &

2. 18. & 4. 15. Col. 2. 15.

VII. 7. Si tentationis malum ab ipsa tentatione distinguat.

Quæstio secunda, quid faciendum est homini fideli, ut possit istam consolationem percipere, in hora tentationis?

VIII. Debet 1. tentationes omnes, quæ ad peccatum sollicitant, in hostium insensibiliorum loco habere. 1. Petr. 2. 11.

IX. Debet 2. in odio & abominatione maxima habere suggestiones ipsas, quæ ducunt in peccatum. Rom. 7. 15.

X. Debet 3. armare sese diligenter adversus spirituales istos hostes. Ephes. 6. 13.

XI. Debet 4. cum omnibus viribus obstitere. Jac. 4. 7. 1. Pet. 5. 9.

XII. Debet 5. non suis viribus confidere in ista lucta, sed Dei opem implorare, eaque niti. Orat. Dom. Pet. 6.

XIII. Debet 6. in scdis tentationibus abstinere, ab omni disputatione & deliberatione speciali, circa rem suggestam, in ipsa detestatione rei acquiescens. Matih. 4. 10. vitiole sunt hujusmodi tentationes, & facile adherent.

XIV. Debet 7. omnes illas occasiones fugere, quæ tentationem illam promovere possint. Prov. 4. 14. 15.

XV. Debet 8. suggestiones molestas, quàm maxima vi potest repellere, & extinguere. Eph. 6. 16. imò

aliquandò etiam conterere, cum post omnia tentata, non desinant esse molestæ.

XVI. Debet 9. (si sapius repulserit, usque & usque cum novis assultibus redeant) meminisse, invidi militis esse, non solum impetum, atque impressionem hostis sustinere, verum etiam diuturnæ obsidionis moram ac tedium perferre.

Quæstio tertia, quâ ratione discernere quis possit, utrum tentatio aliqua prævaluerit apud sese, nunc?

XVII. R. 1. Hujus rei iudicium non debet ex eo fieri, quod quis vel perturbatur animo, vel retinet suam quietem. Perturbatio namque animi, maxima ex parte, quæ sequitur ex tentationibus scdis, non tantum non indicat earum prævalentiam, sed etiam pietatem animi demonstrat; & quieta securitas ostendit sæpè tentationem prævaluisse. Ratio est, quia pugna illa, quæ in perturbatione apparet, indicium est aliquid esse in illo animo tentationi contrarium: & quies consensum aliquem prodit. Aqua enim non conturbatur ex infusione aquæ, sed ex injectione ignis. Qui minimè turbatur maximè læditur. Luc. 11. 21. sic Ananias & Saphira quieti fuerunt. Act. 5. 3. sed Paulus fuit admodum turbatus. Rō. 7. 24. 2. Cor. 12. 7. 8. Perturbatio tamen si talis sit, ut à Deo absterreat, & non ad ipsum querendum impellat, non est laudanda aut fovenda. Tum enim quamvis non directè, &

Note tentationis prævalentis, aut repulse.

ex natura sua, indirectè tamen, & ex perversitate naturæ nostræ tentatio est efficax, & tentator obinuit quod quærebat.

XVIIJ. Manifestum signum tentationis prævalentis, est peccati illius admissio, ad quod tentatio impellebat. Orat. Dom. Pet. 6. Sed hic observandum est, hoc non tunc tantum contingere, cum peccatum illud plenè peragitur & perpetratur, sed etiam, cum eo vel primus gradus est factus, in consensu voluntatis, vel etiam in delectatione minima de actu malo cogitato, quamvis voluntas exequendi absit. *Jacob. 1. 14. 15.* & eò magis si sit (ut loquuntur) morosa, id est, persistat aliquandiu, & non statim repellatur.

XIX. 3. Quamvis nullum consensum tentationi præbeamus, si tamen ipsa tentatio ex nobismetipsis exoritur, peccatum nostrum habet commixtum, etiam in prima ejus conceptione: quia ex nostra carne, & corruptione scaturit, quamvis à Diabolo accendatur, & inflammetur. *Matth. 15. 18. 19. Gen. 6. 5. & 8. 21. Jac. 1. 14.* sed gradus iste peccati talis est, ut quamvis postulet humiliationem perpetuam, consolatione tamen non debet privare, quia est communis status fidelium omnium, qui nihilominus in Christo sunt Deo grati & accepti. Si verò non à nobis, sed à Diabolo proficiscatur cogitatio, tum detestanda est maxime, sed non agnoscenda pro no-

stro personali peccato. *Matth. 4.*

XX. Tentatio autem tum deum judicanda est, à Diabolo solo proficisci, & non à nobismetipsis, 1. cum repugnat lumini naturæ, vel rationi ipsi & inclinationi naturali. 2. cum non exsurgit sicut cogitationes vulgares, sed subito, cum vehementia quadam, ad modum fulguris vibrati, in animum videtur immitti, aut intrudi.

XXI. 4. Dum efficacibus precibus, & similibus armis spiritualibus tentationi alicui resistimus, & oblectamur, certi possumus esse, illam nondum prævaluisse, aut habere nos in potestate sua. 2. *Cor. 12. 7. 8. 9. Jacob. 4. 8.*

Quæstio quarta, quomodo sustentari possit conscientia fidelis in tentatione divina, id est, in spiritali aliqua desertione, ex qua magna sequitur anxietudo?

XXII. R. 1. Cogitandum imprimis est, desertiones hujusmodi expertos fuisse olim optimos Dei servos. *Job. 6. 4. 13. 26. 16. 9. Davidem, Psal. 6. & 77.* & Christum etiam ipsum, dilectissimum Dei filium. *Matth. 27. 46.*

XXIII. 2. Intelligendum est, desertiones istas non tam re ipsa, quam sensu nostro tales esse. *Hebr. 13. 5.*

XXIV. 3. Sciendum etiam Deum non oblivisci, suum tum temporis, cum videtur eos dereliquisse. *Esa. 49. 15. 16.* sed in suam gloriam,

Tentatio
divina.

gloriam, & eorum bonum hoc præ se ferre.

XXV. 4. Certi possumus esse ex verbo, & sedere Dei, quod ista desertio non nisi brevis cit: præsertim si comparetur cum tempore miserationum. *Esa. 54. 7. 8. & 57. 20.*

XXVI. 5. Inquirendum est, cum omni conscientie examine diligenti, an peccata nostra propria non sint in causa? *Esa. 57. 21.* quod si appareat, & confitenda sunt humiliter cum deprecatione, & serio dese-

renda. *Psal. 52.*
XXVII. 6. Fide debemus vivere. *Hab. 2. 4.* præstolantes Jehovah, qui abscondit faciem, *Esa. 8. 17.*

XXVIII. 7. Excitare nosmetipsos debemus ad Deum nostrumprehendendum. *Esa. 64. 11.*

XXIX. 8. Debemus etiam illud semper cogitare, Dei in quamvis diu nimis videatur abesse, expectare tantum opportunum tempus, gratiam nobis faciendi. *Esa. 30. 18.*

CAP. XIX.

DE CONSCIENTIA PECCATI.

DE peccatis, questio prima, quibus argumentis consolationem suam firmare possit fidelis, adversus conscientiam, de peccatis variis arguentem & accusantem?

I. R. Peccata ista sunt duorum generum: alia enim sunt propriè dictæ infirmitates, vel delicta quæ communiter adherere solent optimis & vigilantissimis fidelium. *1. Cor. 6. 7.* alia verò sunt flagitia, quæ neque omnium fidelium sunt communia, neque cuiquam verò fideli contingit, nisi rarius, & ex validiore aliqua tentatione. *Rom. 6. 13. Gal. 6. 1.*

II. Infirmitas est, cum propositum bene faciendi adest, tum generale, tum etiam speciale, sed perficiendi potestas deest. *Rom. 7. 18.* flagitium est, cum ipsū propositum

vel in particulari aliquo facto est impium. *2. Sam. 12. 10.* De infirmitatibus propriè dictis, ista sunt loca consolationis.

III. 1. Hujusmodi delictis non carent optimi, & perfectissimi filiorum Dei, dum in ista vita manent. *Jac. 3. 2. 1. Job. 1. 8.*

IV. 2. Deus miseretur suorum in suis infirmitatibus, sicut Pater indulgens miseretur suorum parvulorum. *Psal. 103. 13. Mal. 3. 17.*

V. 3. Christus ipse afficitur sensu infirmitatum nostrarum. *Heb. 4. 15.*

VI. 4. Christus ipse talis est propitiatio pro peccatis hujusmodi, ut de ipsis consolationem nobis offerat, etiam antequam sint admissa. *1. Ioh. 2. 1. 2. Rom. 6. 14.*

VII. 5. Per Christum accessum habet

habemus cum libertate ad thronum gratiæ, ut misericordiam consequamur. *Hebr. 6. 14.*

VIII. 6. Deus ad petitionem nostram curabit nostras infirmitates. *Esa. 40. 29. Psal. 103. 3.*

IX. 7. Spiritus interim subleuat nostras infirmitates. *Rom. 8. 26.*

X. 8. Infirmitates ipse nobis non imputantur. *Rom. 7. 17. 20.*

XI. In flagitiis usque dum tolerantur, nulla potest consolatio haberi. *1. Cor. 5. 2. 6.* Ratio est, quia istiusmodi peccata subiectos reddunt etiam fideles comminationibus legis, & à promissionibus Evangelii magnâ saltem ex parte excludunt, conscientiam vastant. *Hebr. 10. 22.* obnoxios faciunt iræ Dei, ut consortes impiorum & infidelium. *Eph. 5. 6. 7. Gal. 6. 7.* & idcirco habet causam terroris, non consolationis. *Hebr. 10. 31.* Possibilitate tamen, & spe consolationis futuræ, aliquo modo susten-

tare se posset animus fidelis, etiam in gravissimis peccatis. *Roman. 11. 23. Luc. 22. 31.*

Questio secunda, quid agendum est fidei, ut adversus peccata sua possit consolationem habere?

XII. Debet 1. peccati cuiuslibet sensum retinere tanquam oneris magni. *Matth. 11. 28. 29.*

XIII. Debet 2. odio semper habere omne peccatum. *Rom. 7. 15.*

XIV. Debet 3. perpetuo cavere ne perficiat cupiditates peccati. *Gal. 5. 16.*

XV. Debet 4. studere semper mortificationi earum. *Rom. 8. 13.*

XVI. Debet 5. promissiones intuendo, ad Christum confugere, eique magis, magisque adherere. *Rom. 7. 25. Phil. 3. 9.*

XVII. Sed flagitia semper debent amoveri, antequam capax quis possit esse solidæ consolationis. *Esaï. 1. 16. 17. 18.*

Excerpta

Excerpta quædam, ex tractatu
 GUILIELMI PARISIENSIS,
 de tentationibus, & resistentiis, quæ visum est hic pro-
 ponere legenda, ad doctrinam de tentationibus
 illustrandam, quia in auctore non nisi
 à paucissimis leguntur.

I. **T**entatio (una intentione sua) non est aliud, quàm experimentatio: & tentare non est aliud, quàm experimentum capere de quacunque re, ad cognoscendum ipsam: hoc est, ut ipsa cognoscatur, vel innotescat cuicunque. Hoc enim Diabolus solum potest, non autem vincere, vel dejicere viribus suis. Nisi enim sponte nos ei crediderimus, & in manus ei dederimus, potestatem in nobis habere non potest. Nihil contra nos potest, nisi quod ei posse dederimus aut permiserimus. Tentare ergò utique potest, hoc est, experimentum capere, quales simus, videlicet fortes, an debiles? facile ei cedentes, an viriliter resistentes? Quod si nos ab initio tentationis, viriliter sibi resistentes invenerit, desperans de victoria, imò visum atque confusus plerumque statim abscedit. Et hoc est proprium tentatoris, ut experimento sumpto, compertoj, quod quærebat, negotium tentationis dimittat.

II. Secunda intentione, intelligitur tentatio impugnatio, seu bellum, aut prælum, vulgò guerra. Verisimile etiam est, quod quicquid agit

contra nos Diabolus, pugna sit, si quis diligentius consideret. Animo enim vincendi nos, totum agit, sive insidietur, sive exploret, sive bona præstat ad decipiendum nos, sive percutiat baculo vel gladio, sive murum munitionis nostræ suffodiat, sive victum spiritualem subtrahat, vel subtrahi procurer, quoniam animo nocendi omnia ista facit. Et revera ista sunt, partes belli, sive guerra, quibus semper nos impugnat.

III. Unumquodque vitium suum habet tentationes: & contra totam aciem mentis pugnat Diabolus, obsidens eam per circuitum, & ordinans acies suas, ac dirigens contra acies virtutum, & contra partes arcis mentis humane.

IV. Impugnationes propria virtutis nostræ rationales, sunt, 1. Curiositas, id est, libido sciendi non necessaria, & quorum cognitio nihil operatur, vel adjuvat ad salutem. 2. Tarditas ad credendum. 3. Levitas ad idem. 4. Dubietas. 5. Suspiciositas. 6. Spiritus blasphemia, quod est scaturigo abominabilium cogitationum, & adeo horribilium.

lium, adeoque molestiarum, ut ejus tentatio plerumque quasi martyrium sit: & quidam etiam potius vellent martyrium, quam illas sustinere.

V. Potest quis resistere cuicunque tentationi Diabolica, si simpliciter & pure velit, absque ulla admixtione noluntatis. Nemo enim succumbit aut cedit tentationi, omnino invitum: quia sic maneret ejus voluntas invicta, & erecta, non cadens, aut etiam inclinata in consensum tentantis: & sic simul succumberet, & non succumberet. Sed ut pure quis velit resistere, non est cuicquam ex sese, aut ex naturalis virtute; sed ex dono & adjutorio gratia divina.

VI. Attende autem, quod, cum queritur, utrum quis possit velle resistere cuicunque tentationi? duobus modis intelligi possit. Posse enim dicitur, & secundum possibilitatem, quod est passive, & receptibiliter; & secundum virtutem, ac efficientiam, sive effective. Manifestum est igitur, quod nec cuicunque, nec quantacunque tentationi potest quisvis resistere, per modum efficientia; sed per modum possibilitatis, aut passibilitatis potest.

VII. Præter dona gratiarum, & virtutum, ipsa Dei custodia, & protectio est necessaria sanctis, ut tentationibus resistent: & ipsum multiplicia adjutoria, quibus adjuvat certantes electos.

VIII. Horum primum est, hostium fugatio, qui interdum non permittuntur electos tentare. Job. 1.

IX. Secundum est, refractio hostium, ne tentent quantum vellent. Job. 2.

X. Tertium adjutorium est de ipso tentatore, cum ipsa forma sua qua tentat, præbet adjutorium, & instructionem. Sic forma serpentis potuisset suspectam reddere suggestionem ejus apud Evam.

XI. Quartum adjutorium est de ipsa tentatione, cum vel timorem ingerit, qui est optimus custos. Vel ad pugnandum nos provocat, & contra hostem accendit.

XII. Quintum est nova gratia, vel augmentum prioris. Bene enim negotiantibus in talentis, eadem auget Deus, vel magnitudine, vel numero. Matth. 25. Luc. 19.

XIII. Sextum est cessatio, sive pax (vel inducia potius) à tentatione.

XIV. Septimum est, in ipso ardore tentationis refrigerium: quod est mitigatio ipsius, sicut cum ipsa tribulationem vertit in solatium.

XV. Octavum est confortatio, id est, roboratio & erectio cordis, per promissionem virtutis & victoria, & per ostensionem infirmitatis hostium, ac levitatis pugnae.

XVI. Nonum est consolatio, id est, latificatio in molestiis, doloribus, atque laboribus.

XVII. Decimum est, spei ac fiducia donatio, atque confirmatio, contra nutationem timiditatis, ex proprio defectu & infirmitate oriunda.

XVIII.

XVIII. Undecimum est, susceptio impulsorum ne cadant, ita scilicet ut terribiliter cadantur. Impelluntur autem penè usque ad casum, ut agnoscant infirmitates suas; & quod non cadant, non viribus suis, sed misericordia divina attribuant.

XIX. Duodecimum est susceptio fugientium ad ipsum: propter quam dicitur refugium electorum.

XX. Tredecimum est propugnatio Dei, ac debellatio hostium.

XXI. Decimum quartum ipsa tribulatio formiseca, quæ multas habet utilitates adjuvantes.

XXII. Quindecimum est memoria novissimorum: mortis, iudicii, damnationis, ac felicitatis.

XXIII. Difficile admodum vincere tentationes: quoniam (in istâ corruptione) nemo totus contra ullam tentationem pugnat, sed ex parte, pro illâ, & contra seipsum. praeliatur unusquisque. Fidelis ipse est in tentatione: quasi regnum divinum in seipso: quasi equus armatus super equum sedens, umbraticum & recalcitrantem, oris teneri, aut duri, vel lascivum: quasi domus bene adificata, sed super debile fundamentum: quasi bellator egregius stans supra lubricum pavimentum; vel ex parte armatus, & ex parte inermis; vel gravi onere impeditus.

XXIV. Inter occultissimas insidias, & astutissimas tentationes Diaboli, quibus etiam sapientissimi ac fortissimi sapientissime subijciuntur,

prima est longa fatigatio, per quam non tantum in ipsam tentationem inducere nititur illum, quem tentat, sed etiam in desperationem, ut videlicet vel credat se ad Deum non pertinere, vel à Deo non curari. Inde autem est ista stulticia, & ruita pessima, quia nesciunt homines, quantas utilitates operantur longa crebraque certamina tentationum: quomodo vel radicatam superbiam confringant, infirmitates alias insensibiles ostendant, & humilitatem conservent.

XXV. Secunda astutia tentatoria Diaboli est, ipsa extraneitas tentationis. Plerumque enim insuetis tentationibus quædam vexat electos, ut eo ipso, quod alios de talibus tentari non audiunt, vel tentatos fuisse, se ad Deum non pertinere vehementer formidant.

XXVI. Tertia astutia est, quæ hoc agit, ut mutet aliquis statum suum, cum in eo bene sit illi; quem admodum avicula, & pisces strepitui, aut tumultui ex illis locis fugantur, in quibus tuto fuerunt à retibus, & aliis insidiis venatorum, aut piscatorum.

XXVII. Quarta astutia est, quæ invitat aliquem ad illa, quæ sunt supra vires infirmitatis ipsius.

XXVIII. Quinta astutia est, quum sub prætextu boni, suadet periculum.

XXIX. Sex astutia est, quum vitium suadet sub prætextu virtutis.

XXX. Septima astutia, & o-

minimè periculosissima, est ipsa pax, & cessatio à tentationibus: ex quâ sequitur securitas, desidia, elatio, contemptus fratrum, duritia cordis.

XXXI. Resistere tentationibus, tribus modis contingit: 1. Resistit ille, qui non consentit. Vincitur tentator, eo ipso quod nos non vincit. 2. Resistit ille tentationibus, qui easdem fugit. 3. Resistit ille, qui reperiendi retundit, vel refranat jacula tentationum.

XXXII. Cum fuga tentationis conjungenda est indignatio. Quemadmodum enim negociator, qui charissimam habet mercem, emptorem longè minùs iusto pretio offerentem, nec respicere, nec audire dignatur, plerumque etiam eidem indignatur; sic qui Deum habet charum, quicquid pro eo deferendo Diabolus offerat, etiam respicere, vel audire indignatur, & eidem indignatur, cum supra omnem estimationem, & cogitationem, minùs offerat, quam decens est, & nihil prorsus comparatione illius.

XXXIII. Pertinet ad hoc artificium, sic inharere ei, quod habet unaquaque virtus, eamque sic custo-

dire, atque defendere, ne perveniant, quidem ad ipsam jacula tentatoris. Sic nonnulli, qui Deum habent charissimum, Deo inharere, ejusque beneplacitum ad eò intendunt, adeoque in eis se occupant, immobili cogitatione in illis fixi, ut ad eos contraria offensionis jacula non pertingant.

XXXIV. Repercutitur optimè tentatio, proprio suo gladio. Hoc autem facit unaquaque virtus, quotiescunque in tentatione, decor ipsius & pretiositas cogitatur. Hujusmodi quippè cogitatu, & ipsa peccata que tentant, & ipsa cogitationes, & jacula que ab ipsis immittuntur, semper tanquam vulnerata debilitantur, prosternuntur, interdum etiam disparent, & in nihilum evanescent; quemadmodum exhibita luce, tenebre diffugiunt & disparent. Pro eo enim solo, ea que vitiorum sunt, alienius momenti nobis esse videntur, in hora tentationis, quia lex virtutum, vel per ignorantiam, vel per negligentiam, ea hora nobis absconditur; quemadmodum pro eo solo putredines lignorum, & squama piscium de nocte lucent, quia lux solis, vel alia abest.

FINIS LIBRI SECUNDI.

LIBER TERTIUS, DE OFFICIIS, IN COMMUNI.

CAP. I.

De Obedientia in genere.

Haftenus actum est de iis, quæ pertinent ad statum
hominis: sequitur ut inquiramus in actiones
& conversationem vitæ.

Primus autem locus est, de ob-
servantia, vel obedientia erga
Deum in genere, tibi

Quæstio prima est, quam sint
notæ veræ obedientiæ?

I. R. 1. Si voluntatem Dei plu-
ris faciamus, quam aut hominum
quorumcunque imperia, aut nostram
propriam voluntatem. *Act. 4. 19.*
et 5. 29. Matth. 26. 39. Ratio est,
quia obedientia in eo propriè consi-
stet, ut simpliciter accommodemus
voluntatem nostram ad voluntatem
Dei.

II. Si corda habeamus ad sua-
siones Dei flexilia. *Eph. 2. 2. et 5. 6.*
Coloss. 3. 6. ubi *ὑποταγεσθε τῷ κυρίῳ*
filii (ut ita dicam) inflexibilitatis,
sunt filii inobedientiæ. Opponuntur
enim illi, qui *1. Pet. 1. 14.* vocantur
filii obedientiæ *τέκνα ὑπακοῆς*. Huic
dispositioni opponitur in Scripturis

cor durum, ac lapideum.

III. 3. Si comparemus nos-
metipsos, ad voluntatem Dei sequen-
dam in omnibus. *Deut. 5. 33.* etiam
in iis, quæ nobis commodis videntur
adverari, ita ut à sensu carnis non
aliter apprehendantur, quam ut ma-
la. *Jerem. 42. 2. Hebr. 11. 8. Phil. 2. 8.*

IV. 4. Si tum etiam applice-
mus nosmetipsos, ad voluntatem
Dei, cum rationem ejus non percipi-
mus. *Joh. 13. 7. 8. 1. Sam. 5. 9. 15.*
Alias enim non simpliciter sequimur
voluntatem Dei, sed ejus rationem.

V. 5. Si parati sumus, quoad
cordis dispositionem & studium, vo-
luntatem Dei observare non solum
in iis, quæ scimus cum velle, sed etiam
in iis, quæ adhuc nescimus. *Exod.*
10. 27.

VI. 6. Si voluntatem illam
Dei, quæ maximè ad nostrum offi-
cium pertinet maximè doceri cupia-
mus.

K

Notæ
obedien-
tiæ veræ.

mus. *Psal. 119. 33. 34. Act. 9. 7.*
Job. 21. 13. 14.

VII. 7. Si timor Dei perpetuo sit coram oculis, ita ut ejus offensionem reverenter metuanus, diligenter caveamus, & sedulo fugiamus. *Heb. 12. 28. 29. 1. Pet. 1. 17.*

VIII. 8. Si non pendeamus ex obedientie nostrae eventu, vel successu, quem in isthoc mundo percipimus, sed persistere statuamus etiam si variis injuriis propterea afficiamur.

1. Pet. 2. 19. 20. 21. Dan. 3. 17. 18.

IX. 9. Si in mediis illis nos exerceamus, quibus formari possimus ad obedientiam. *1. Cor. 9. 27.*

Quaestio secunda est, quibus argumentis excitari quis possit, ad obedientiam Deo praestandam?

X. R. 1. Si applicet animus, ad Dei jubentis auctoritatem contemplandam. *Mal. 1. 6. Jere. 35. per totum cap. Rom. 6. 18. 22. 1. Cor. 6. 19.*

XI. 2. Si simul etiam potestatem Dei perpendat. *Jere. 18. 6.*

XII. 3. Si unà cogitet, obedientiam illam, quam Deus à nobis postulat, non ad Dei aliquod commodum, sed ad nostrum spectare. *Job. 22. 2. & 35. 6. 7.*

XIII. 4. Si Dei beneficia in se collata cogitet, qualia sint & quanta. *Rom. 12. 1. Decal. praf.* Hic autem inlittendum est maximè, ut in consideratione maximè efficaci. Manifestum enim est per se, quod debiti obligatio, erga benefactorem, inten-

datur, & augeatur, secundum beneficii quantitatem. Non enim est dubium, omne beneficium obligare beneficarium, benefactori, i. e. receptorem, donatori; & quanto majus fuerit, tanto magis obligare.

Bonè igitur istam considerationem, hunc in modum deduxit G. Par. Si aliquis mille marcas gratis alicui dederit, proculdubio aliquantum ipsi obligatur: & si duo millia ipsi dederit, duplò magis: & sic in infinitum.

Quare si in infinitum melius, aut pretiosius eidem dederit, in infinitum magis obligatus est ei. Solus autem oculus, aut lingua, ne dicam totum corpus, incomparabiliter melior est, atque pretiosior mille marcis auri. Ergo in infinitum magis est obligatus quisque Deo, ratione solius linguae, vel oculi, quem ipsi dedit, quam esse ratione mille marcarum. Amplius, ponamus, quod alicui dederit Deus mille marcas auri tantum, alii autem dederit infinita millia; manifestum est, quod obligatio, & debitum gratitudinis, atque servitii ejus, qui recepit donum infinitum, in infinitum majori obligatione & debito, Deo tenetur, quam ille, qui prænominatum finitum donum tantum recepit. Cum igitur obligatio, qua quis tenetur Deo, ratione solius linguae, vel oculi, in infinitum major sit altera, manifestum est eam esse infinitam. Major autem (aliquo modo) infinita, vel magis infinita est illa obligatio, qua tenetur Deo ratione totius corporis:

& major

& major adhuc ratione anima: & adhuc major, ratione vite perpetua, & immortalis: & sic in ceteris. Manifestum est igitur, obligationem, sive debitum gratitudinis, atque servitii, multis nominibus esse infinitam.

XIV. 5. Si maximorum Dei beneficiorum finem, obedientiam esse observet. *Luc. 1. 74. 1. Pet. 1. 18.*

XV. 6. Si ad obedientiam nos perpetuò etiam à Deo vocari attendat. *Tit. 2. 12. 1. Thess. 4. 7. 1. Petr. 1. 15.*

XVI. 7. Si fœdere sanctissimo astrictos nos esse meminerit, ad Deo serviendum. *Job. 31. 1. Hebr. 8. 10.*

XVII. 8. Si misericordiam eorum consideret, qui Deo non obediunt: sunt enim servi peccati, ad mortem. *Rom. 6. 16. 21.*

XVIII. 9. Si de promissionibus, obedientiæ factis meditetur. *1. Tim. 4. 8. 2. Cor. 7. 1. Heb. 5. 9.*

XIX. 10. Si denique minas, & ultionem inobedientiæ paratam, ob oculos semper habeat. *2. Th. 1. 8.*

Quæstio tertia est, quibus mediis possit quis idoneus reddi, ad obedientiam Deo præstandam?

XX. R. 1. Debet fidem suam imprimis curare, ut solida sit, & viva.

Omnis enim obedientia Deo grata, est obedientia fidei. *Rom. 1. 5. & 16. 26.*

XXI. Fides autem obedientiam parit. 1. quia dum verbo Dei inhaeret, ut verbo veritatis divinæ, omnia illa incitamenta obedientiæ, quæ in Scripturis reperiuntur, valida reddit & efficacia. 2. quia impetrat à Deo omnem gratiam. 3. quia Christum nos conjungit tanquam capiti, sine quo nihil, & in quo omnia possumus. *Job. 15. Phil. 4. 13. 4. quia ex Christo quasi exsugit quotidie spiritum vite.*

XXII. 2. Debet spiritui sese tradere, *1. Pet. 1. 22.* ut sit in spiritu, *Rom. 8. 9.* & spiritus habitet in ipso. *vers. 11.* à spiritu agatur. *vers. 14.* spiritu ambulet. *Gal. 5. 16.* spiritu ducatur. *vers. 18.* spiritui vivat, & incedat. *vers. 25.*

XXIII. 3. Debet animum applicare, ad verbum Dei recipiendum, in potentia ejus. *1. Thess. 1. 5. 2. Cor. 10. 4. 5. Rom. 6. 17.*

XXIV. 4. Debet etiam omnem conatum adhibere, ad semetipsum Deo sistendum obedientem, secundum verbum ejus. *Roman. 6. 13. 19.*

Modus
obedien-
tiæ stu-
dium ex-
citandi,
& pro-
movédi.

CAP. II.

DE SCIENTIA.

Q Via ad obedientiam christia-
nam, scientia aliqua imprimis

est necessaria: de scientia igitur
Quæstio prima est, quale debet
esse

Scientia
pia, qualis?

esse scientiæ studium in nobis?

I. R. 1. Debemus in isthoc studio cavere nobis ab affectata omni ignorantia. 2. *Petr. 3. 5. Prov. 1. 22. & 29. 7.*

II. 2. Debemus etiam curiositatem omnem vitare. *Deut. 29. ult. Prov. 25. 1. 1. Tim. 6. 20. 2. Tim. 2. 23. Tit. 3. 9. Joh. 21. 22. Act. 1. 6. 7.*

III. Quintuplex est curiositas scientiæ. 1. cum illa scire volumus, quæ Deus non revelavit. 2. Cum illa querimus, quæ nihil spectant ad nos, sed ad alios. 3. Cum minus necessariis maxime studemus. 4. Cum difficiliora querimus, principis neglectis. 5. Cum non simpliciter acquiescimus in Dei voluntate, sed rationem ejus volumus videre.

IV. 3. Earum rerum scientiæ maxime studere debemus, quæ sunt nobis in vita nostra maxime necessaria. *Prov. 9. 12. 1. Tim. 6. 3.*

V. 4. Profectum in ista scientia debemus querere; non acquiescentes in scientia illa, quæ est infantum. 1. *Cor. 14. 20. Hebr. 5. 12. Col. 3. 16.*

VI. 6. Factum omnem debemus cavere, qui ex scientia solet oriri. 2. *Cor. 8. 1.*

Quæstio secunda, quid faciendum est, ad scientiam solidam comparandam?

VII. R. 1. Animus totus est addicendus pietati. *Prov. 17. 9. 10. & Psal. 25. 14. Joh. 7. 17.* sicut enim pias scientia est facilis. *Prov. 8. 9. &*

14. 6. sic impius est inaccessibilis. *Prov. 24. 7.*

VIII. 2. Sipientia carnalis est aburganda. 1. *Cor. 3. 18. Pr. 26. 12.*

IX. 3. Fugiendæ sunt etiam carnales cupiditates, quæ mentem excecant. *Ephes. 4. 18.* abutendo, perturbando, alliciendo, & deprimendo mentem.

X. 4. Sipientia divina est in magno pretio habenda, & congruenti studio querenda. *Pr. 2. 4. & 3. 14. & 4. 7.*

XI. 5. A Deo ardentibus precibus est petenda. *Jac. 1. 5.*

XII. 6. Humilitas, modestia, & sobrietas est observanda. *Pr. 11. 3. Rom. 12. 3.*

XIII. 7. Consulendi sunt peritiores. *Prov. 15. 12.*

XIV. 8. Pie gloriandum est in scientiæ divine possessione. *Jer. 9. 24.*

XV. 9. Sipientia ista querenda est, in assidua & religiola lectione, & auditione verbi Dei. 2. *Tim. 3. 16. 10. In praxin & usum converti debet scientia illa, quæ est concessa. Matth. 25. 29. Joh. 13. 17.*

Quæstio tertia, quibus argumentis excitari quis possit, ad hujusmodi studium scientiæ divini?

R. 1. Quia scientia pertinet ad perfectionem hominis naturalem: sicut apparet ex tentatione primoium parentum. *Gen. 3. 5.* 2. est differentia hominum à brutis animalibus. *Psal. 32. 9.* 3. qui scientia ista destituti, sunt aliquo modo stupidiores brutis. *Esa. 1. 3.* 4. scientia singulari

Modus
scientiæ
comparanda.

larem quandam, & honestam secum adfert voluptatem. *Prov. 24. 13. 14.* 5. absq; scientia cor hominis non potest esse bonum. *Prov. 19. 2. 6.* scientia est clavis regni celorum. *Luc. 11. 52.* 7. scientia est spirituale pabulum anime. *Jere. 3. 10.* 8. scientia hæc necessaria est, ad fœderis Dei participationem. *Hebr. 8. 11.* 9. fi-

dles oneres sunt filii lucis, non timentarum. *Ephes. 5. 8.* 10. scientie hujus privatio, & averſatio, est stultitia. *Prov. 1. 7. 22.* 11. est causa omnium flagitiorum. *1. Cor. 2. 8.* 12. affertus bonos ita corrumpit, ut reddat malos. *Rom. 10. 2.* 13. est causa & nota perditionis. *Hes. 4. 6.* 2. *Cor. 4. 3.*

CAP. III.

DE TIMORE DEI.

Cum cognitione Dei, affinitate intima conjunctus est timor Dei. *Psal. 119. 79.* De timore igitur

Quæſtio prima, an omnis timor Dei sit bonus?

Timor
Dei bonus,
&
malus.

I. R. Timor etiam Dei alius est vitioſus, & alius bonus. *Exod. 20. 20.* Idcirco generaliter aliquandò laudatur timor. *Pr. 28. 14.* & alias generaliter improbatur. *Apoc. 21. 8.*

Quæſtio ſecunda, Qualis est timor ille Dei, qui est improbandus?

Timor
malus.

II. R. 1. Timor ille, qui abſterret homines à Deo, vel impellit ipſos ad fugiendum à Deo. *Exod. 20. 18. Gen. 3. 8. 10. Apoc. 6. 16.* 2. Eorum etiam timor, qui tantum iram Dei extimeſcunt. *Jac. 2. 19. Rom. 8. 15.*

Quæſtio tertia, Qualis est probandus timor Dei?

Timor
bonus.

III. R. 1. Quando reveremur Dei majestatem, & potestatem: ita ut præcipua ratio timoris, non sit malum aliquod noſtrum, ſed excel-

lens Dei perfectio. *Gen. 28. 19. & 31. 42. 53. Eccel. 18. 11.* 2. Quando maximè metuiſmus offenſã Dei. *Eccel. 9. 4. Pr. 13. 13.* 3. quando tremore afficiſmur intuitu iræ Dei. *Pſ. 90. 11.*

Quæſtio quarta, Annon timor pœnæ est ſervilis?

Timor
ſervilis.

IV. R. 1. Si ſit tantum ratione pœnæ, eſt merè ſervilis, & vitioſus. 2. Si in pœna præcipuè ſpectetur miſeria noſtra, eſt etiam illa ex parte ſervilis. 3. Si verò pœna ſecundariò ſpectetur, & eo nomine præcipuè metuatur, quia ſeparat à Deo: & eo dirigatur, ut cautioreſ nos reddat, in ambulando coram Deo: talis timor eſt laudabilis. 4. Si Dei miniſter, & vindex metuendus ſit, etiam propter iram. *Rom. 13. 4.* multò magis Deus ipſe. *Hebr. 12. 29. Amos 3. 8.*

Quæſtio quinta, quamnam ſint ſigna genuini Dei timoris?

V. R. 1. Si terro fugiamus ab iis, quæ in oculis Dei ſunt mala. *Prov. 3. 7. & 14. 16. & 16. 6. 7.*

Notæ ge-
neral. di-
morſi Dei.

habemus cum libertate ad thronum gratiæ, ut misericordiam consequamur. *Hebr. 6. 14.*

VIII. 6. Deus ad petitionem nostram curabit nostras infirmitates. *Esa. 40. 29. Psal. 103. 3.*

IX. 7. Spiritus interim subleuat nostras infirmitates. *Rom. 8. 26.*

X. 8. Infirmitates ipsæ nobis non imputantur. *Rom. 7. 17. 20.*

XI. In flagitiis usque dum tolerantur, nulla potest consolatio haberi. *1. Cor. 5. 2. 6.* Ratio est, quia istiusmodi peccata subiectos reddunt etiam fideles comminationibus legis, & à promissionibus Euangelii magnâ saltem ex parte excludunt, conscientiam vastant. *Hebr. 10. 22.* obnoxios faciunt iræ Dei, ut consortes impiorum & infidelium. *Eph. 5. 6. 7. Gal. 6. 7.* & idcirco habet causam terroris, non consolationis. *Hebr. 10. 31.* Possibilitate tamen, & spe consolationis futuræ, aliquo modo susten-

tare se possit animus fidelis, etiam in gravissimis peccatis. *Roman. 11. 23. Luc. 22. 37.*

Quæstio secunda, quid agendum est fidei, ut adversus peccata sua possit consolationem habere?

XII. Debet 1. peccati cuiuslibet sensum retinere tanquam oneris magni. *Matth. 11. 28. 29.*

XIII. Debet 2. odio semper habere omne peccatum. *Rom. 7. 15.*

XIV. Debet 3. perpetuo cavere ne perficiat cupiditates peccati. *Gal. 5. 16.*

XV. Debet 4. studere semper mortificationi earum. *Rom. 8. 13.*

XVI. Debet 5. promissiones intuendo, ad Christum confugere, cuique magis, magisque adherere. *Rom. 7. 25. Phil. 3. 9.*

XVII. Sed flagitia semper debent amoveri, antequam capax quis possit esse solidæ consolationis. *Esa. 1. 16. 17. 18.*

Excerpta

Excerpta quædam, ex tractatu
 GUILIELMI PARISIENSIS,
 de tentationibus, & resistentiis, quæ visum est hic pro-
 ponere legenda, ad doctrinam de tentationibus
 illustrandam, quia in autore non nisi
 à paucissimis leguntur.

I. **T**entatio (una intentione sua) non est aliud, quam experimentatio: & tentare non est aliud, quam experimentum capere de quacunque re, ad cognoscendum ipsam: hoc est, ut ipsa cognoscatur, vel innotescat cuiusque. Hoc enim Diabolus solum potest, non autem vincere, vel dejicere viribus suis. Nisi enim sponte nos ei crediderimus, & in manus ei dederimus, potestatem in nobis habere non potest. Nihil contra nos potest, nisi quod ei posse dederimus aut permiserimus. Tentare ergò utique potest, hoc est, experimentum capere, quales simus, videlicet fortes, an debiles? faciliè ei cedentes, an viriliter resistentes? Quod si nos ab initio tentationis, viriliter sibi resistentes invenerit, desperans de victoria, imò victum atque confusus plerumque statim abscedit. Et hoc est proprium tentatoris, ut experimento sumpto, compertoque, quod quærebat, negotium tentationis dimittat.

II. Secundâ intentione, intelligitur tentatio impugnatio, seu bellum, aut prælum, vulgò guerra. Verisimile etiam est, quod quicquid agit

contra nos Diabolus, pugna sit, si quis diligentius consideret. Animo enim vincendi nos, totum agit, sive insidetur, sive exploret, sive bona pratendat ad decipiendum nos, sive percutiat baculo vel gladio, sive murum munitionis nostræ suffodiat, sive victum spiritualem subtrahat, vel subtrahi procuret, quoniam animo nocendi omnia ista facit. Et revera ista sunt partes belli, sive guerre, quibus semper nos impugnat.

III. Unumquodque vitium suas habet tentationes: & contra totam aciem mentis pugnat Diabolus, obsidens eam per circuitum, & ordinans acies suas, ac dirigens contra acies virtutum, & contra partes arcis mentis humane.

IV. Impugnationes propria virtutis nostræ rationales, sunt, 1. Curiositas, id est, libido sciendi non necessaria, & quorum cognitio nihil operatur, vel adjuvat ad salutem. 2. Tarditas ad credendum. 3. Levisitas ad idem. 4. Dubietas. 5. Suspiciositas. 6. Spiritus blasphemie, quod est scaturigo abominabilium cogitationum, & adeo horribilium.

lium, adeoque molestarum, ut ejus tentatio plerumque quasi martyrium sit: & quidam etiam potius vellent martyrium, quam illas sustinere.

V. Potest quis resistere cuicumque tentationi Diabolica, si simpliciter & pure velit, absque ullâ admixtione voluntatis. Nemo enim succumbit aut cedit tentationi, omnino invictus: quia sic maneres ejus voluntas invicta, & erecta, non cadens, aut etiam inclinata in consensum tentantis: & sic simul succumberet, & non succumberet. Sed ut pure quis velit resistere, non est cuicumque ex sese, aut ex naturali virtute; sed ex dono & adjutorio gratie divine.

VI. Attende autem, quod, cum quaeritur, utrum quis possit velle resistere cuicumque tentationi? duobus modis intelligi possit. Posse enim dicitur, & secundum possibilitatem, quod est passive, & receptibiliter; & secundum virtutem, ac efficientiam, sive effective. Manifestum est igitur, quod nec cuicumque, nec quantacunque tentationi potest quis resistere, per modum efficientiae, sed per modum possibilitatis, aut passibilitatis potest.

VII. Præter dona gratiarum, & virtutum, ipsa Dei custodia, & protectio est necessaria sanctis, ut tentationibus resistant: & ipsius multiplicia adjutoria, quibus adjuvat certantes electos.

VIII. Horum primum est, hostium fugatio, qua interdum non permittuntur electos tentare. Job. 1.

IX. Secundum est, refractio hostium, ne tentent quantum vellent. Job. 2.

X. Tertium adjutorium est de ipso tentatore, cum ipsa forma sua qua tentat, præbet adjutorium, & instructionem. Sic forma serpentis potuisset suspectam reddere suggestionem ejus apud Evam.

XI. Quartum adjutorium est de ipsa tentatione, cum vel timorem ingerit, qui est optimus custos. Vel ad pugnandum nos provocat, & contra hostem accendit.

XII. Quintum est nova gratia, vel augmentum prioris. Bene enim negotiantibus in talentis, eadem augeret Deus, vel magnitudine, vel numero. Matth. 25. Luc. 19.

XIII. Sextum est cessatio, sive pax (vel inducia potius) à tentatione.

XIV. Septimum est, in ipso ardore tentationis refrigerium: quod est mitigatio ipsius, sicut cum ipsam tribulationem vertit in solatium.

XV. Octavum est confortatio, id est, roboratio & erectio cordis, per promissionem virtutis & victoriæ, & per ostensionem infirmitatis hostium, ac levitatis pugna.

XVI. Nonum est consolatio, id est, latificatio in molestiis, doloribus, atque laboribus.

XVII. Decimum est, spei ac fiducia donatio, atque confirmatio, contra mutationem timiditatis, ex proprio defectu & infirmitate oriunda.

XVIII.

XVIII. Undecimum est, susceptio impulsorum ne cadant, ita scilicet ut libenter cadantur. Impelluntur autem penè usque ad casum, ut agnoscant infirmitates suas; & quod non cadant, non viribus suis, sed misericordia divina attribuant.

XIX. Duodecimum est susceptio fugientium ad ipsum: propter quam dicitur refugium electorum.

XX. Tredecimum est propugnatio Dei, ac debellatio hostium.

XXI. Decimum quartum ipsa tribulatio forisfeca, quæ multas habet utilitates adjuvantes.

XXII. Quindecimum est memoria novissimorum: mortis, iudicii, damnationis, ac felicitatis.

XXIII. Difficile admodum vincere tentationes: quoniam (in istâ corruptione) nemo totus contra ullam tentationem pugnat, sed ex parte, pro illâ, & contra seipsum. Præliatur unusquisque. Fidelis ipse est in tentatione: quasi regnum divinum in seipso: quasi eques armatus super equum sedens umbraticum & recalcitrantem, oris teneri, aut duri, vel lascivum: quasi domus bene adificata, sed super debile fundamentum: quasi bellator egregius stans supra lubricum pavimentum; vel ex parte armatus, & ex parte inermis; vel gravi onere impeditus.

XXIV. Inter occultissimas insidias, & astutissimas tentationes Diaboli, quibus etiam sapientissimi ac fortissimi sapientissimi subiaciuntur,

prima est longa fatigatio, per quam non tantum in ipsam tentationem inducere nititur illum, quem tentat, sed etiam in desperationem, ut videlicet vel credat se ad Deum non pertinere, vel à Deo non curari. Indè autem est ista Stultitia, & ruina pessima, quia nesciunt homines, quantas utilitates operantur longa crebraque certamina tentationum: quomodo vel radicatam superbiam confringant, infirmitates alias insensibiles ostendant, & humilitatem conservent.

XXV. Secunda astutia tentatoria Diaboli est, ipsa extraneitas tentationis. Plerumque enim insuetis tentationibus quosdam vexat electos, ut eo ipso, quod alios de talibus tentari non audirent, vel tentatos fuisse, se ad Deum non pertinere vehementer formidant.

XXVI. Tertia astutia est, quæ hoc agit, ut mutet aliquis statum suum, cum in eo bene sit illi; quem admodum avicula, & pisces strepitum, aut tumultum ex illis locis fugantur, in quibus in tuto fuerunt à reti-jaculis, & aliis insidiis venatorum, aut piscatorum.

XXVII. Quarta astutia est, quæ invitat aliquem ad illa, quæ sunt supra vires infirmitatis ipsius.

XXVIII. Quinta astutia est, quum sub prætextu boni, suadet periculum.

XXIX. Sex a astutia est, quum virtutum suadet sub prætextu virtutis.

XXX. Septima astutia, & o-

minum periculosissima, est ipsa pax, & cessatio à tentationibus: ex quâ sequitur securitas, desidia, elatio, contemptus fratrum, duritia cordis.

XXXI. Resistere tentationibus, tribus modis contingit: 1. Resistit ille, qui non consentit. Vincitur tentator, eo ipso quod nos non vincit. 2. Resistit ille tentationibus, qui easdem fugit. 3. Resistit ille, qui repentiendo retundit, vel refranat jacula tentationum.

XXXII. Cum fuga tentationis conjungenda est indignatio. Quemadmodum enim negociator, qui charissimam habet mercem, emptorem longè minus justo pretio offerentem, nec respicere, nec audire dignatur, plerumque etiam eidem indignatur; sic qui Deum habet charum, quicquid pro eo deferendo Diabolus offerat, etiam respicere, vel audire dedignatur, & eidem indignatur, cum supra omnem estimationem, & cogitationem, minus offerat, quam decens est, & nihil proorsus comparatione illius.

XXXIII. Pertinet ad hoc artificium, sic inharere ei, quod habet unaqueque virtus, eamque sic custo-

dire, atque defendere, ne perveniant, quidem ad ipsam jacula tentatoris. Sic nonnulli, qui Deum habent charissimum, Deo inharere, ejusque beneplacitum adeò intendunt, adeoque in eis se occupant, immobili cogitatione in illis fixi, ut ad eos contraria offensionis jacula non pertingant.

XXXIV. Repercutitur optimè tentatio, proprio suo gladio. Hoc autem facit unaqueque virtus, quotiescunque in tentatione, decor ipsius & pretiositas cogitatur. Hujusmodi quippè cogitatus, & ipsa peccata quæ tentant, & ipse cogitationes, & jacula quæ ab ipsis immittuntur, semper tanquam vulnerata debilitantur, prosteruntur, interdum etiam disparent, & in nihilum evanescent; quemadmodum exhibita luce, tenebre diffugiunt & disparent. Pro eo enim solo, ea quæ vitiorum sunt, alicujus momenti nobis esse videntur, in hora tentationis, quia lex virtutum, vel per ignorantiam, vel per negligentiam, ea hora nobis absconditur; quemadmodum pro eo solo putredines lignorum, & squama piscium de nocte lucent, quia lux solis, vel alia abest.

DE OFFICIIS,
IN COMMUNI.

CAP. I.

De Obedientia in genere.

Hactenus actum est de iis, quæ pertinent ad statum
hominis: sequitur ut inquiramus in actiones
& conversationem vitæ.

Primus autem locus est, de ob-
servantia, vel obedientia erga
Deum in genere, ubi

Quæstio prima est, quænam sint
notæ veræ obedientiæ?

Notæ
obedien-
tiæ veræ.

I. R. 1. Si voluntatem Dei plu-
ris faciamus, quàm aut hominum
quorumcunque imperia, aut nostram
propriam voluntatem. *Act. 4. 19.*
& *5. 29. Matth. 26. 39.* Ratio est,
quia obedientia in eo propriè conti-
stet, ut simpliciter accommodemus
voluntatem nostram ad voluntatem
Dei.

II. Si corda habeamus ad sua-
siones Dei flexilia. *Eph. 2. 2. & 5. 6.*
Coloss. 3. 6. ubi *ὑποταγεσθαι*
filii (et ita dicam) inflexibilitatis,
sunt filii inobedientiæ. Opponuntur
enim illi, qui *1. Pet. 1. 14.* vocantur
filii obediæ *ὑπακούοντες*. Huic
diffinitioni opponitur in Scripturis

cor durum, ac lapideum.

III. 3. Si comparemus nos-
metipsos, ad voluntatem Dei sequen-
dam in omnibus. *Dent. 5. 33.* etiam
in iis, quæ nobis commodis videntur
advertari, ita ut à sensu carnis non
aliter apprehendantur, quàm ut ma-
la. *Jere. 42. 2. Hebr. 11. 8. Phil. 2. 8.*

IV. 4. Si tum etiam applice-
mus nosmetipsos, ad voluntatem
Dei, cum rationem ejus non percipi-
mus. *Job. 13. 7. 8. 1. Sam. 5. 9. 15.*
Alias enim non simpliciter sequimur
voluntatem Dei, sed ejus rationem.

V. 5. Si parati sumus, quoad
cordis dispositionem & studium, vo-
luntatem Dei observare non solum
in iis, quæ scimus cum velle, sed etiam
in iis, quæ adhuc nescimus. *Exod.*
10. 27.

VI. 6. Si voluntatem illam
Dei, quæ maximè ad nostrum offi-
cium pertinet maximè doceri cupia-
mus.

mus. *Isal. 119. 33. 34. Act. 9. 7. Job. 21. 13. 14.*

VII. 7. Si timor Dei perpetuo sit coram oculis, ita ut ejus offensio- nem reverenter metuemus, diligenter caveamus, & sedulo fugiamus. *Heb. 12. 28. 29. 1. Pet. 1. 17.*

VIII. 8. Si non pendeamus ex obediencie nostræ eventu, vel suc- cessu, quem in isthoc mundo percipi- mus, sed persistere statuamus etiam si variis injuriis propterea afficiamur. *1. Pet. 2. 19. 20. 21. Dan. 3. 17. 18.*

IX. 9. Si in mediis illis nos ex-erceamus, quibus formari possimus ad obedientiam. *1. Cor. 9. 27.*

Questio secunda est, quibus argu- mentis excitari quis possit, ad obe- dientiam Deo præstandam?

Obedien-
tiae mo-
tiva.

X. R. 1. Si applicet animum, ad Dei jubentis auctoritatem con- templandam. *Mal. 1. 6. Jere. 35. per totum cap. Rom. 6. 18. 22. 1. Cor. 6. 19.*

XI. 2. Si simul etiam potesta- tem Dei perpendat. *Jere. 18. 6.*

XII. 3. Si unà cogitet, obedi- entiam illam, quam Deus à nobis postulat, non ad Dei aliquod com- modum, sed ad nostrum spectare. *Job. 22. 2. & 35. 6. 7.*

XIII. 4. Si Dei beneficia in se collata cogitet, qualia sint & quan- ta. *Rom. 12. 1. Decal. præf.* Hic autem insistendum est maxime, ut in consideratione maxime efficaci. Ma- nifestum enim est per se, quod debiti obligatio, erga benefactorem, inten-

datur, & augeatur, secundum bene- ficii quantitatem. Non enim est du- bium, omne beneficium obligare be- neficiarium, benefactori; i. e. rece- ptorem, donatori; & quanto majus fuerit, tanto magis obligare. Bene igitur istam considerationem, hunc in modum deduxit G. Par. Si ali-

quis mille marcas gratis alicui dederit, proculdubio aliquantum ipsi obli- gatur: & si duo millia ipsi dederit, duplo magis: & sic in infinitum. Quare si in infinitum melius, aut pretiosius eidem dederit, in infinitum magis obligatus est ei. Solus autem oculus, aut lingua, ne dicam totum corpus, incomparabiliter melior est, atque pretiosior mille marcis auri. Ergo in infinitum magis est obligatus quisque Deo, ratione solius lingue, vel oculi, quem ipsi dedit, quam esset ratione mille marcarum. Amplius, ponamus, quod alicui dederit Deus mille marcas auri tantum, alii autem dederit infinita millia; manifestum est, quod obligatio, & debitum gra- titudinis, atque servitii ejus, qui re- cepit donum infinitum, in infinitum majori obligatione & debito, Deo te- netur, quam ille, qui prænominatum finitum donum tantum recepit. Cum igitur obligatio, qua quis tenetur Deo, ratione solius lingue, vel oculi, in infinitum major sit altera, mani- festum est eam esse infinitam. Major autem (aliquo modo) infinita, vel magis infinita est illa obligatio, qua tenetur Deo ratione totius corporis: & major

& major adhuc ratione anima: & adhuc major, ratione vite perpetuae, & immortalis: & sic in ceteris. Manifestum est igitur, obligationem, sive debitum gratitudinis, atque servitii, multis nominibus esse infinitam.

XIV. 5. Si maximorum Dei beneficiorum finem, obedientiam esse observet. *Luc. 1. 74. 1. Pet. 1. 18.*

XV. 6. Si ad obedientiam nos perpetuo etiam à Deo vocari attendat. *Tit. 2. 12. 1. Thess. 4. 7. 1. Petr. 1. 15.*

XVI. 7. Si fœdere sanctissimo astrictos nos esse meminerit, ad Deo serviendum. *Job. 31. 1. Hebr. 8. 10.*

XVII. 8. Si misericordiam eorum consideret, qui Deo non obediunt: sunt enim servi peccati, ad mortem. *Rom. 6. 16. 21.*

XVIII. 9. Si de promissionibus, obedientiae factis meditetur. *1. Tim. 4. 8. 2. Cor. 7. 1. Heb. 5. 9.*

XIX. 10. Si denique minas, & ultionem inobedientiae paratam, ob oculos semper habeat. *2. Th. 1. 8.*

Quaestio tertia est, quibus mediis possit quis idoneus reddi, ad obedientiam Deo praestandam?

XX. R. 1. Debet fidem suam imprimis curare, ut solida sit, & viva.

Omnis enim obedientia Deo grata, est obedientia fidei. *Rom. 1. 5. & 16. 26.*

XXI. Fides autem obedientiam parit. 1. quia dum verbo Dei inheret, ut verbo veritatis divinae, omnia illa incitamenta obedientiae, quae in Scripturis reperuntur, valida reddit & efficacia. 2. quia impetrat à Deo omnem gratiam. 3. quia Christo nos conjungit tanquam capiti, sine quo nihil, & in quo omnia possumus. *Job. 15. Phil. 4. 13. 4. quia ex Christo quasi exsugit quotidie spiritum vitae.*

XXII. 2. Debet spiritui sese tradere, *1. Pet. 1. 22.* ut sit in spiritu, *Rom. 8. 9.* & spiritus habitet in ipso. *vers. 11.* à spiritu agatur. *vers. 14.* spiritu ambulet. *Gal. 5. 16.* spiritu ducatur. *vers. 18.* spiritui vivat, & incedat. *vers. 25.*

XXIII. 3. Debet animum applicare, ad verbum Dei recipiendum, in potentia ejus. *1. Thess. 1. 5. 2. Cor. 10. 4. 5. Rom. 6. 17.*

XXIV. 4. Debet etiam omnem conatum adhibere, ad semetipsum Deo sistendum obedientem, secundum verbum ejus. *Roman. 6. 13. 19.*

Modus
obedien-
tiae stu-
dium ex-
citandi,
& pro-
moveredi.

CAP. II.

DE SCIENTIA.

Q Via ad obedientiam christiana, scientia aliqua imprimis

est necessaria: de scientia igitur

Quaestio prima est, quale debet esse

larem quandam, & honestam secum adfert voluptatem. *Prov. 24. 13. 14.* 5. absque scientia cor hominis non potest esse bonum. *Prov. 19. 2.* 6. scientia est clavis regni celorum. *Luc. 11. 52.* 7. scientia est spirituale pabulum anime. *Jere. 3. 10.* 8. scientia hæc necessaria est, ad foederis Dei participationem. *Hebr. 8. 11.* 9. si-

deles omnes sunt filii lucis, non tenebrarum. *Ephes. 5. 8.* 10. scientiæ hujus privatio, & averſio, est stultitia. *Prov. 1. 7. 22.* 11. est causa omnium flagitiorum. *1. Cor. 2. 8.* 12. affectus bonos ita corrumpit, ut reddat malos. *Rom. 10. 2.* 13. est causa & nota perditionis. *Heb. 4. 6.* 2. *Cor. 4. 3.*

CAP. III.

DE TIMORE DEI.

Cum cognitione Dei, affinitate intima conjunctus est timor Dei. *Psal. 119. 79.* De timore igitur Quæstio prima, an omnis timor Dei sit bonus?

I. R. Timor etiam Dei alius est vitiosus, & alius bonus. *Exod. 20. 20.* Idecirco generaliter aliquando laudatur timor. *Pr. 28. 14.* & alias generaliter improbatur. *Apoc. 21. 8.*

Quæstio secunda, Qualis est timor ille Dei, qui est improbandus?

II. R. 1. Timor ille, qui absteret homines à Deo, vel impellit ipsos ad fugiendum à Deo. *Exod. 20. 18. Gen. 3. 8. 10. Apoc. 6. 16.* 2. Eorum etiam timor, qui tantum iram Dei extimeſcunt. *Jac. 2. 19. Rom. 8. 15.*

Quæstio tertia, Qualis est probandus timor Dei?

III. R. 1. Quando reveremur Dei majestatem, & potestatem: ita ut præcipua ratio timoris, non sit malum aliquod nostrum, sed excel-

lens Dei perfectio. *Gen. 28. 19. & 31. 42. 53. Ecc. 18. 11.* 2. Quando maxime metuimus offensam Dei. *Ecc. 9. 4. Pr. 13. 13.* 3. quando tremore afficiuntur intuitu iræ Dei. *Pf. 90. 11.*

Quæstio quarta, Annon timor pænæ est servilis?

IV. R. 1. Si sit tantum ratione pænæ, est merè servilis, & vitiosus. 2. Si in pœna præcipue spectetur miseria nostra, est etiam illa ex parte servilis. 3. Si verò pœna secundariò spectetur, & eo nomine præcipue metuatur, quia separatur à Deo: & eo dirigatur, ut cautiore nos reddat, in ambulando coram Deo: talis timor est laudabilis. 4. Si Dei minister, & vindex metuendus sit, etiam propter iram. *Rom. 13. 4.* multò magis Deus ipse. *Hebr. 12. 29. Amos 3. 8.*

Quæstio quinta, quantum sint signa gemitu Dei timoris?

V. R. 1. Si trid fugiamus ab illis, quæ in oculis Dei sunt mala. *Prov. 3. 7. & 14. 16. & 16. 6. 1.*

Timor
Dei bo-
nus, &
malus.

Timor
malus.

Timor
bonus.

Timor
servilis.

Notæ ge-
nerales
ad
motus Dei.

Si ex conscientia erga Deum, abstinemus à peccatis illis, quæ sunt maximè occulta, & respectu hominum, tuta. *Lev. 19. 14. Gen. 42. 18. Job. 31. 21. 23.* 3. Si non tantum abstinemus à peccatis, sed etiam odio illa prosequamur: idque eo nomine, quia Deus illa detestatur. *Prov. 8. 13.* 4. Si de eo maximè solliciti simus, ne à Deo recedamus. *Jer. 52. 40.* 5. Si non tantum à malo abstinemus, sed etiam quod bonum est facere studemus. *Ecclef. 12. 13. Dent. 5. 20.* 6. Si perfectionem queramus, in omni parte sanctificationis. 2. *Corinth. 7. 1. Philippens. 2. 12.* 7. Si neque homines, neque ullam creaturam ita metuamus, ut ab officio nostro possint nos abstergere. *Matth. 10. 28. Esai. 8. 12. 13. 1. Pet. 3. 14. 15.* 8. Si in verbo Dei, & aliis rebus sacris, versetur cum timore. 1. *Cor. 7. 15.* 9. Si nomen ipsum, & attri-

buta Dei, cum reverentia usurpemus. *Dent. 28. 58.*

Q. 6. quæ sint argumenta, quibus excitari quis possit, ad timorem Dei?

Motiva
timoris
Dei.

VI. R. 1. Omnipotentia Dei. *Jer. 5. 22. Job. 37. 23. 24. Psal. 76. 4. 7.* 2. Regnum Dei. *Psal. 99. 1. Iere. 10. 7. Dan. 6. 26.* 3. Potens ejus omnium rerum gubernatio. *Esa. 25. 1. 2. 3. 4. &c.* 4. Judicia ejus particularia adversus peccata. *Psal. 119. 118. 119. 120. Hab. 3. 16. Zephani. 3. 5. 7. Apocal. 15. 3.* 5. Judicium ejus universale. *Ecclef. 12. 14. 1. Pet. 1. 17.* 6. Comminationes ejus. 2. *Reg. 22. 19. Hab. 3. 16.* 7. Penæ incumbentes. *Luc. 23. 40.* 8. misericordia Dei. *Psal. 130. 4.* 9. beneficia ejus. *Ier. 5. 24. Psal. 72. 5.* 10. promissiones illis factæ, qui Deum timeant. *Psal. 25. 12. 13. 14. & 34. 9. Prov. 10. 27. & 13. 13. & 19. 23. & 22. 4. Ecclef. 8. 12.*

C A P. IV.

De Humilitate erga Deum.

Quia obedientie ratio est in subjectione, idcirco proximo in loco agendum est de humilitate erga Deum, in qua est submissio. *Iac. 4. 6. 7.* quæ cum timore Dei conjungitur. *Prov. 22. 4.*

Humilitas
tu notis.

Quæstio prima, quænam notæ humilitatis erga Deum?

I. R. 1. Scia agnitio propriæ

nostræ imperfectionis, coram ipso. *Psal. 30. 2. 3. Esa. 40. 6.* 1. *Petr. 1. 24.* superbia enim est in imaginatione, & affectatione excellentiæ.

II. 2. Agnitio maximi nostri reatus, ratione peccatorum in ipsum commissorum. *Rom. 3. 19.* superbia enim excludit hujusmodi confessionem sciam, *Luc. 18. 11.*

III. 3.

III. 3. Submissio cum silentio, ad iudicia Dei. *Psal. 39. 5. 1. Sam. 3. 18. Iob. 1. 21. & 39. 37.* Superbus enim respondat. *Rom. 9. 20.*

IV. 4. Gratiae & misericordiae Dei amplificatio, in omnibus ejus beneficiis. *1. Chron. 29. 14.* Superbus enim omnia bona sibi, & suis meritis aliquo modo solet arrogare. *Deut. 8. 14. 17. & 9. 4.*

V. 5. Sancta admiratio viarum Dei, quae sunt inperuestigabiles. *Iob. 42. 3. Rom. 11. 33. 34. Psal. 13. 1.* Superbus enim sibi videtur omnia capere posse: & putat omnia sibi communicari debere.

VI. 6. Omnis dignitatis nostrae, & praeminentiae supra alios, depositio, coram Deo, & in ejus cultui. *Rev. 4. 10.* Superbus de sua excellentia cogitat, & alios contemnit, etiam coram Deo. *Luc. 18. 11.*

VII. 7. Abiectae nostrae tenuitatis apprehensio, in praesentia Dei, cum trepidatione ad ejus majestatem. *Gen. 18. 27.*

VIII. 8. Sancta modestia in cultu Dei. *Eccles. 9. 1. 2. 3.*

IX. 9. Voluntaria susceptio officiorum à Deo nobis impolitorum, quamvis humiliora aut viliora

possint videri. *Phil. 2. 8. Iob. 13. 14.*

Quaestio secunda, quibus argumentis excitari quis possit, ad studium humilitatis erga Deum?

X. R. 1. Si ob oculos ponat, majestatem & potentiam Dei. *1. Pet. 5. 6.*

XI. 2. Si humilitatis hujus naturam cogitet, quod scilicet animam hominis aptam reddit, ut fiat domus, vel templum Dei. *Esa. 66. 3.* ut sit sacrificium Deo. *Psal. 51. 19.* ut sit receptaculum gratiae Dei. *Tr. 3. 3. 5.* ut sit capax sapientiae. *Prov. 11. 2.* Haec enim est mater aliarum virtutum, & est etiam singulare animae ornamentum. *1. Petr. 5. 5.*

XII. 3. Si memor sit promissionum, quae factae sunt humilibus. Deus eos respiciet. *Esa. 66. 2.* dabit eis gratiam. *Iac. 4. 6. 1. Pet. 5. 5.* extollet eos. *Iac. 4. 10. 1. Petr. 5. 6. Luc. 18. 14.* remunerabit omni genere bonorum. *Prov. 22. 4.*

XIII. 4. Si consideret humilitatem esse necessariam, ad quaerendum Deum, & iram ejus averteendam. *Zeph. 2. 3. 2. Chron. 12. 7.*

XIV. 5. Si intelligat humilitatem requiri, in omni officio erga Deum. *Mich. 6. 8.*

Modus
humili-
tatis.

CAP. V.

DE SYNCERITATE.

Quia propria qualitas obedientiae est sinceritas, de illa igitur ut

Quaestio prima, quae in re consistit obedientiae nostrae sinceritas?

Sinceritas
quod est
qualitas

I. R. 1.

I. R. 1. Ut non sit externa tantum, sed primò & præcipuè interna. *Psal. 51. 8. Matth. 23. 25.*

II. 2. Ut Deum præcipuè respiciat, & non homines. *Col. 3. 23. Matth. 6. 1.*

III. 3. Ut mixturam omnem corruptionis, aut finis respectus devitet. *1. Cor. 5. 8.*

IV. 4. Ut nihil omittat, aut negligat, quod spectat ad perfectionem. *Psal. 119. 128.*

V. 5. Ut fructum expectet à Deo, non ab hominibus. *Rom. 2. 29.*

Notæ syn-
ceritatis.

Quæstio secunda, quænam sunt signa huiusmodi sinceritatis?

VI. R. 1. Si quis lucem verbi amet, ut ad eam manifesta fiant opera ipsius. *Job. 3. 21.*

VII. 2. Si in absentia æquè ac in præsentia inspectorum, in occulto æquè ac in propatulo, & magis etiam obedire studeat. *Phil. 2. 12. Matth. 6. 6.* non tantum quum Deus præsentiam suam manifestam facit iudiciis, aut beneficiis singularibus, sed & quum videtur abesse. *Psal. 78. 34.*

VIII. 3. Si in adversis æquè ac

in prosperis Deo adhæreat. *Job. 1. 8. 9. 10. 11.*

IX. 4. Si curet omnia mandata, etiam illa, quæ videntur minora. *Matth. 5. 19.*

X. 5. Si abstineat ab omni specie mali. *Theff. 5. 22.*

XI. 6. Si peccata sua non tegat, aut excuset, sed confiteatur, & abrumpat. *Prov. 28. 13. 2. Cor. 7. 11.*

Quæstio tertia, quibus argumentis excitari quis possit, ad studium sinceritatis?

Motiva
sincerita-
tatis.

XII. R. 1. Quia Deus est scrutator cordium, & renum. *Prov. 16. 2. & 21. 2. Psalm. 7. 10. & 26. 2. Apoc. 2. 23. Job. 31. 4.*

XIII. 2. Quia pax, gaudium, & securitas inde sequitur sincera. *Prov. 10. 9.*

XIV. 3. Deus delectatur sinceritate. *Psal. 51. 8. Prov. 10. 20.* & omni benedictione prosequetur. *Prov. 28. 10. 18.*

XV. 4. Quia duplex cor est abjectum quid, mortuolum, & abominandum.

C A P. VI.

D E Z E L O.

Quia quantitas etiam intensiva obedientie nostræ erga Deum, consistit in zelo Dei, ideo de illo hoc zelo sit

Zeli natu-
ra qualis.

Quæstio prima, quæ in re consistit

zeli natura?

I. R. In eo, quod affectio Deo placendi, & ejus gloriam promovendi, sit in gradu intenso. *Apoc. 3. 15.*

19. quia verò huiusmodi intentio maxime

maximè apparet, in impugnatione eorum, quæ oppositionem habent ad voluntatem, & gloriam Dei, idcirco maximè ex parte refertur ad oppositionem adversus mala.

Questio secunda, quænam sunt signa genuini zeli Dei?

I. R. 1. Si sit secundum scientiam. *Rom. 10. 2.*

III. 2. Si quis paratus sit, omnia officia præstare pro viribus, & supra vires. *2. Cor. 8. 3.*

IV. 3. Si diligens sit, in officio suo exequendo. *Act. 18. 25.*

V. 4. Si modum nullum alium ponit suis officiis erga Deum, quam Deus ipse statuit. *Exod. 36. 6.*

VI. 5. Si quis mitis fuerit in iis, quæ pertinent ad semetipsum, & fervens in iis, quæ spectant ad Deum. *Numer. 12. 3.* cum *Exod. 32. 19.* *Gal. 4. 12.* cum *Altor. 13. 9. 12.* Zelus enim verus, idcirco dicitur *zelus Dei*, quia præcipuè fertur in Deum. Quapropter etiam à quibusdam dicitur, *affectio ad vindicandam Dei injuriam: vel ad exterminandos Dei inimicos: vel zelotypia persequens sponsarum, Christi adulteria, adulteriorumq; occasiones & signa: vel amor vehemens ipsius Christi sponsas ariis custodia à mundo secludens.*

VII. 6. Si non in questionum contentionibus, aut controversiis præcipuè ferbeat, sed in studio bonorum operum. *Tit. 2. 14.*

VIII. 7. Si in minoribus minis,

& in majoribus magis afficiatur. *Matth. 23. 23.*

IX. 8. Si sibi metipsum non magis, quam aliis parcat. *Mat. 7. 4.* Contrarium exemplum habemus. *Gen. 38. 24. 2. Sam. 12. 5.*

X. 9. Si non possit ferre impios. *Apoc. 2. 2.* quamvis sint alia ratione maximè conjuncti. *1. Reg. 15. 13.*

XI. 10. Si indignatio adversus peccata, conjungatur cum dolore, & commiseratione, respectu peccatorum. *2. Cor. 12. 21.* Sic enim tam remissio torpida, quæ zelo adversatur, quàm furor ille, qui nonnunquam fervorem zeli mentitur, pari cautela declinatur.

XII. 11. Si sit constans, & sui similis, in qualibet conditione. *Gal. 4. 15. 18.*

Questio tertia, quibus argumentis excitari quis possit ad zelum Dei? Motiva zeli.

XIII. R. 1. Quia zelus est proprietas populi Christi: & inter illa, quæ Christus in redemptione nostri intendebat. *Tit. 2. 14.*

XIV. 2. Quia illa, quæ spectant ad Deum & officium nostrum erga ipsum, sunt maximè digna, ut cum zelo curentur. *Gal. 4. 18.* quamvis illo zelo quasi consumamur. *Psal. 69. 10. Job. 2. 17.*

XV. 3. Quia religio verà, non potest consistere sine zelo. *Apoc. 3. 15. 16. 19.*

XVI. 4. Quia si zelus desit, peccata & scandala non corriguntur, sed soventur, in nobis metipsis, & aliis, cum

cum Dei offensione, & nominis ejus contumelia. 1. *Samuel. 2. 23. 29.*

Apoc. 3. 19.

XVII. 5. Quia zeli neglectus, gravia Dei judicia accersit. *Apoc. 2. 5. & 3. 16. 2. Theff. 2. 10.*

XVIII. 6. Quia zeli cura singularem promissionem habet praeferentiae, & communionis Dei in Christo. *Apoc. 3. 20.*

XIX. 7. Quia zelus perficit, & gratiora reddit, omnia nostra officia erga Deum. *Jac. 5. 16. Rom. 12. 11.*

XX. 8. Quia haec est ratio, & modus congruus regnum Dei consequendi. *Mat. 11. 12.*

XXI. 9. Quia multi, qui umbram tantum habent religionis, cum zelo tamen eandem prosequuntur. *Mat. 23. 15.*

Modus
zelum ex-
citandi.

Quaestio quarta, quid nobis agendum est, ut verum zelum Dei comparemus, confirmemus, & excitemus?

XXII. R. Debemus 1. omnia illa cavere, quae zelo huic adversantur. Talia vero sunt 1. variae speculationes, & quaestiones, quae non faciunt ad adhaerentiam in fide, obedientiam. 1. *Timoth. 1. 4. & 4. 7. 2. Tim. 2. 14. 23. Tit. 3. 9.* Intentio enim mentis circa illa, quae sunt merè speculativa, aut illo modo, qui tantum est speculativus, quamvis veritatem invenire possit, impedit intentionem affectuum circa res practicas. Atque haec est ratio, quare plus zeli veri in rudioribus & imperitioribus christianis saepe reperitur,

quam in doctioribus, & magistis nostris. 2. Intentio affectuum circa res mundanas. *Luc. 8. 14.* 3. Satietas spiritualis, id est, sufficientia praesumptio, vel acquiescentia in eo gradu ad quem pervenimus. *Phil. 3. 13. 14.* 4. Segnities, metus, & prudentia carnalis. *Jud. 1. 19. 21. 27. 28. 29. 30. 31. 32. 33.* 5. Familiaritas impiorum, vel impietatis in aliis abundantis. *Matth. 24. 12. 6. Praxis eorum, quae conscientiae nostrae non probant. Rom. 14. 21. 22. 7. Indulgentia erga nosmetipsos in corruptionibus nostris. 1. Cor. 5. 6. & 2. Cor. 7. 11. Eph. 4. 29. 30.*

XXIII. Debemus 2. saepe ac sedulo contemplari Dei erga nos charitatem, & benignitatem. *Prov. 25. 21. 22.*

XXIV. Debemus 3. assidue cogitare de nostra imperfectione. *Phil. 3. 13. 14.*

XXV. Debemus 4. diligenter esse in usu mediorum omnium, quae Deus instituit ad gratiam ingenrandam. 1. *Theff. 5. 16. 20.*

XXVI. Debemus 5. adjungere nos iis, qui zelum Dei habent. *Prov. 22. 24. 25. & 27. 17.* Inter talis autem, praecipua ratio habenda est concionatorum illorum, quorum labia urigit carbo de altari caelesti assumptus. *Esa. 6.* Memorabili enim & lamentabili experientia (etiam in Ecclesiis reformatis) probatum nimis, quod author jam aliquoties laudatus, olim scripsit: *Verba viri in quorum-*

quorundam doctorem, & predicatorum labiis, quantum ad virtutem, & efficaciam, moriuntur. Adde cum tepide, adeo remisse, verba Dei annunciant, ut extincta in labiis eorum penitus videantur: unde sicut ipsi frigidi sunt & extincti, sic frigidos & extinctos relinquunt, & unam non facerent, auditores. Novi quendam propter hoc de civitate Parisiaca aufugisse. Dicebas enim, se lectionibus, & predicationibus Parisiensibus, de die in diem, amplius & amplius infrigidari, & se timere, si moram diuturniorem ibi traheret, ne tandem spiritali gelicidio extingueretur: propter quod, transfudit se ad viros ferventes, velut ad carbones vivos, ut inter eos conversans ardorem nutriret & augetet.

Vnde iudicandū
de zelo.

Quæstio quinta, an zelus sit estimandus, ex ejus sensu, & exercendi modo?

XXVII. R. Non semper. Major enim zelus est essentialiter, quantum rem ipsam respicit, circa quam versatur, vel accidentaliter, quatenus circumstantiæ quædam ad eam rem accedunt, quæ non semper eadem solent manere. Exempli gratia, conjuges se invicem diligentes, afficiuntur magis aliquando in ipsis nuptiis, quam in constante vite socie-

tate, quæ postea succedit. Hoc accidit aliter sit propter novitatem rei: sed de re ipsa æquè possunt, aut magis etiam gaudere.

XXVIII. Sic etiam fideles in prima conversione majores aliquando affectuum suorum motus percipere possunt, quam postea, præter novitatem rei, quamvis postea crescat in vero Dei zelo. Tale quid affirmatur de ipsis angelis. *Luc. 15. 7.*

XXIX. In senectute aut simili aliqua virium debilitatione, quamvis zelus sit idem, vel etiam major quam antea fuit, eodem tamen modo in quibusdam non exercitur, quo antea solebat in juventute.

XXX. Varietas etiam institutionis varietatem magnam infert in modo zeli exercendi, quamvis idem sit zelus quoad essentiam.

Quæstio sexta, an zelus & risus circa unam & eandem rem licite possit versari:

Quomodo
zelus & risus
conveniant.

XXXI. R. Fieri hoc posse, apparet in *Elia 1. Reg. 18. 27.* cum *19. 10. 14.* Non tamen sub eadem ratione. Zelus enim respicit honestum aut turpe: risus autem inexpectatum aliquid, leviter placens, absque consideratione vel honesti, vel turpis. Nam hæc est natura rei ridiculæ.

CAP. VII.

De Conscientia pace, vel serenitate.

Quoniam observantia adjunctum concomitans est conscientia tranquilla, quaeritur igitur

Quomodo
ex obser-
vantia,
conscientia
tranquilla
consequatur.

Quaestio prima; qua ratione tranquillitas ista conscientiae ex observantia nostra pendet?

I. R. I. Non pendet ex observantia aut obedientia nostra, tanquam ex causa principali, sed ex justificatione illa, quam habemus in Christo Jesu. *Roman. 5. 1. Hebr. 10. 22. 1. Petr. 3. 21. 1. Cor. 4. 4.*

II. Qui ita quiescere volunt in semetipsis, & operibus suis, si solidam tranquillitatem, suis conscientibus nunquam possunt invenire, tum propter varios lapsus, tum propter imperfectiones illas multiplices quae optimis hominum conatibus, dum sunt in isthaec vita, semper adherent. Atque hinc est quod pontificii necesse habeant, perpetuis dubitationibus agitari, & in vita, & in morte, propter opinionem illam quam habent de iustitia & meritis operum sua propria confessione incerti.

III. 2. Ex observantia autem nostra pendet 1. tantum ex eo quo removetur ejus contrarium, aut prohibens impedimentum. *1. Sam. 25. 31. 1. Job. 3. 18. 21. 2.* tanquam ex causa procreante vel ratione ejus secundaria *2. Cor. 1. 12.*

IV. Hoc autem sic accipi debet, ut tranquillitas conscientiae, quoad actiones illas tantum quae legi Dei congruunt, ex obedientia pendere intelligatur, quoad rem ipsam: illa verò tranquillitas, quae respicit statum nostrum coram Deo, non aliter obedientiae nostrae tribuatur, ut cause, nisi quoad certitudinem perceptionis nostrae: rem ipsam autem respicere obedientiam nostram tanquam signum & effectum suum: unde phrasis illa Scripturae, à Johanne praecipue frequentata, *per hoc cognoscimus*: & aliae similes: *1. Job. 2. 3. 5. 29. & 3. 10. 14. 19. & 4. 13.*

V. Pendet etiam tranquillitas conscientiae ex observantia, tanquam ex causa conservante. Iustitia enim (non imputata, neque inherens, sed) vitae & conversationis, est thorax hominis fidelis, quo defenditur, atque munitur, ac salvus & tranquillus conservatur. *Eph. 6. 14. 1. Job. 3. 7. 1. Cor. 4. 3.* Hinc ista iustitia, quae in observantia consistit, vocatur proprie *iustitia bona conscientia*. Ex *Act. 24. 16.*

VI. Conservat autem observantia tranquillitatem conscientiae, non tantum ut signum nostrae reconciliationis cum Deo; sed etiam ut continuatio & exercitium illius vitae, quae

quæ Deo est acceptæ & grata. *Col. 1. 10. 1. Theff. 4. 1. Hebr. 12. 28.* non quod illa sit perfectio in obedientia nostra, quæ Dei legi satisficere possit, sed quod postquam personæ nostræ fide propter Christum sunt Deo acceptæ, tunc etiam ejusdem fidei virtute, propter Christum, obedientia etiam nostra, licet languida & immunda, coram Deo sit accepta. *1. Pet. 2. 5.*

Qualis obli-
vantia ad
con-
scientiæ
tranquil-
litatem
requira-
tur.

Quæstio secunda, qualis sit illa obedientia ex cujus præsentia, conscientia possit esse tranquilla?

VII. R. 1. Perfectio absoluta non requiritur ad istam tranquillitatem. Tunc enim tranquillitas in ista vita frustra quaereretur. *Jer. 3. 2. 1. Job. 1. 10.*

VIII. 2. Illa tamen perfectio est necessaria, quæ in sacris literis, Dei ipsius testimonio ornatur, quod ipsi grata sit & accepta. *Hebr. 11. 2.*

IX. 3. Perfectio ista in eo propriè consistit, ut studia & conatus nostri omnes, sint boni, & imperfectio tantum sit in gradu perficendi. *Rom. 8. 4. &c.*

X. 4. Imperfectiones omnes etiam quæ adherent, sunt cum seria humiliatione agnoscendæ, & earum

remissio in fide petenda. Orat. dom. *Pet. 5.*

Quæstio tertia, qualis est tranquillitas, quæ ex hujusmodi obedientia exsurgit?

XI. R. 1. Talis est, qualis ipsa obedientia, varia scilicet & imperfecta. *2. Corinb. 1. 24.*

XII. 2. Non igitur excludit motum à malo ad bonum, sed perturbationem tantum illam, quæ oritur ex iræ divinæ apprehensione.

XIII. 3. Corda tamen fidelium quasi præsidio custodit, *Phil. 4. 7.* eaque gubernat. *Col. 3. 15.*

Quæstio quarta, quomodo distinguatur ista tranquillitas conscientie bonæ, ab illa quiete, quæ in improbis aliquandò reperitur?

Differen-
tia inter
tranquilli-
tatem pio-
rum, &
impiorum.

XIV. R. 1. Quis improborum non fundatur verbo Dei, sed verbis & imaginationibus vanis. *Jer. 23. 17. 18. 1. Theff. 5. 3.*

XV. 2. Non solet esse constans, sed cum variis moribus intercurrentibus: & evanescere etiam solet cum judicia Dei incipiunt urgere.

XVI. 3. Eadem solet manere sive pietatis & justitiæ officia curentur, sive negligantur, modo crimina illa absint, quæ sunt ipsi naturæ horrenda.

CAP. VIII.

DE VIRTUTE.

Quæstio prima, an non satis sit virtutis etiam habitus comparatur, facere quod bonum est, nisi quo corda nostra ad illud bonum inclinuntur.

Necessitas
virtutis.

clinentur?

R. Omni collato studio adicere debemus fidei nostræ virtutem. 2.

Petr. 1. 5.

I. Quia sermo ille Dei quo ad officia nostra speciatim vocamur, debet esse nobis insitus. *Jac. 1. 21.*

II. Tradere debemus nosmetipsos eidem doctrinæ, tanquam typo aut formulæ, cujus imago in cordibus nostris est exprimenda. *Rom. 6. 17.* Hæc autem interna imago est virtus.

III. Sicut veterem hominem exuere debemus una cum ejus membris, quæ propriè sunt vitia interna. *Col. 3. 5.* sic etiam debemus novum induere cum ejus membris, quæ propriè sunt virtutes.

IV. Configurari debemus imaginì Christi, *Col. 3. 10.* in quo inhabitavit omnis plenitudo virtutum. *Esa. 11. 2. Col. 1. 19.* idque in illum finem, ut ex ejus plenitudine nos accipiamus gratiam pro gratia. *Johan. 1. 16.*

V. Si virtutis habitus absit, quamvis bonum opus præstemus, non sumus tamen radicati & fundati in illo bono, sed faciliè abripimur in contrarios mores, & bonitas illa citò evanescit. *Matth. 13. 21. Col. 1. 23.*

VI. Quod facimus boni, absque virtute, non facimus corde honesto ac bono, quod tamen in omnibus postulat. *Luc. 8. 15.*

VII. Talia opera non sunt obedientia Deo grata. *Matth. 7. 18.*

& 15. 8.

Quæstio secunda, quid faciendum est homini fideli, ut virtute aliqua possit augeri?

Modus
adspiran-
di ad
virtutē.

VIII. R. 1. Debet 1. defectum & impotentiam suam specialiter ac serio agnoscere & confitèri. 2. *Cor. 3. 5. 1. Cor. 3. 18.*

IX. 2. Debet 2. in Christo specialiter apprehendere illam gratiam, qua destituitur, ut in eo fiat potens & completus. *Phil. 4. 13. Col. 2. 10.*

X. 3. Debet 3. sedulo sibi cavere ab iis omnibus, quæ illi virtuti adversantur. *Prov. 4. 14. 15. Eph. 4. 29. 31.*

XI. 4. Debet 4. iis rebus operam dare, quibus illa virtus promovetur. 2. *Petr. 1. 12. 15.*

XII. 5. Debet 5. eandem virtutem assiduè & instantibus precibus à Deo petere. *Jac. 1. 5. Altor. 4. 29.*

XIII. 6. Debet 6. frequenter & studiose exercere se in iis, quæ propria sunt illius virtutis. 1. *Tim. 4. 7.*

Quæstio tertia, quenam sunt signa virtutis alicujus jam acquisite?

Notæ
virtutis.

XIV. R. 1. Propensio, & promptitudo, quasi naturalis ad illam virtutem exercendam. 2. *Petr. 1. 4. 1. Thess. 4. 9.*

XV. 2. Firmitas & constantia in illo exercitio. *Eph. 4. 14. 15.*

XVI. 3. Delectatio & gaudium ex eodem exercitio extendans. *Prov. 21. 15. 2. Cor. 8. 2. & 9. 7. 13.*

XVII.

XVII. 4. Abominatio vii
contrarii. *Psal. 119. 163.*

XVIII. 5. Alienatio ab iis,
qui illi vitio sunt d. diti. *Prov. 29. 27.*

XIX. 6. Universalitas, qua fit
ut non secundum quid, sive ex parte,

quod bonum est prosequatur, & ma-
lum impugnet, (mentis am ac limita-
tionem admittens ex consilio car-
nali) sed simpliciter & absolute. 1.

Cor. 13. 7. Col. 1. 10.

CAP. IX.

DE PRUDENTIA.

Inter illas condiciones quæ ad vir-
tutem necessario requiruntur, post
justitiam generalem, quæ rectitudi-
nem ejus essentialem notat, primum
locum habet prudentia vel sapientia
spiritualis. De illa igitur sit

Quæstio prima, qua in te consistit
prudentia vera?

I. R. 1. Prudentia spiritualis
generaliter consistit in iis, quæ spe-
ctant ad Dei gloriam, nostrum offi-
cium ac salutem, ita discernendis, cir-
cumspiciendis, penetrandis, & ordi-
nandis, ut quantum fieri potest, ad
perfectionem possint perducì. *Prov.*
14. 8. 15. & 15. 24. & 22. 3. In
specie autem ad illam spectat. 1.
Rectum finem propositum semper
habere, & ad eum contendere. *Jer.*
4. 22. 2. Tim. 3. 15. Dent. 32. 29.
Nequaquam enim sapit qui sibi, ac
suo bono non sapit.

II. Media illa eligere, quæ certo
tendunt ad illum finem. *Prov. 2. 9.*

III. Accuratè & præcisè ambu-
lare in istis mediis observandis & per-
sequendis. *Eph. 5. 15.*

IV. Omnem opportunitatem
capere & redimere ad studium istud
promovendum. *Col. 4. 5.*

V. Omnia illa studiose cavere &
fugere, quæ huic studio repugnant.
Job. 28. 28.

VI. Cætera omnia deferere, ad
summum istud bonum acquirendum.
Math. 13. 44. 45. 46.

VII. Non vane speculandè,
sed omnia solidè fundata habere.
Math. 7. 24.

Quæstio secunda, quâ ratione
possit hæc prudentia comparari?

VIII. R. 1. Non provenit
aliunde nisi à Deo solo per spiritum
sanctum. *Job. 28. 12. 13. 14. 20. 21.*
22. 23. Esai. 11. 2. 3. Eph. 1. 8. 17.
Jac. 3. 15.

IX. 2. Ut à Deo eam accipia-
mus, stultitiam nostram debemus se-
rio agnoscere. 1. *Cor. 3. 18.*

X. 3. Debemus eam querere in
verbo Dei. *Psal. 19. 7. & 119. 98.*
99. 104. Jer. 8. 9.

XI. 4. Debemus à Deo eam
rite petere. *Jac. 1. 5. 2. Cor. 1. 10. 11.*

XII. 5. De-

Pruden-
tia na-
tura.

Ratio pru-
dentia ac-
quirenda.

XII. 5. Debemus etiam omnem observationem & experientiam nostram diligere ad sapientiam accedendam. *Psal. 90. 12.*

Quare prudentię studium.

Questio tertia, quibus argumentis excitari debemus ad studium prudentię hujus spiritualis?

XIII. R. 1. Quia est perfectio hominis supra cetera omnia animalia. *Psal. 32. 8. 9.*

XIV. 2. Quia magna pars est imaginis divinę. *Col. 3. 10.*

XV. 3. Quia eripit ab omni malo. *Prov. 2. 11. 12. &c.*

XVI. 4. Quia ad omne bonum conducit. *Prov. 3. 13. 14. 15. 16. 17. 18.*

Quia verò in Scripturis mentio frępe fit sapientię aut prudentię humane, spirituali huic sapientię opposita, idcirco queritur

Sapientia humana.

1. An omnis sapientia humana sit damnanda?

XVII. R. Sapientia humana duplici modo consideratur, vel ut est simplicitate humana passio, aut virtus ut appellant intellectus, quę res gerenda quamvis varię & amplę sunt facili percipiuntur, & judicantur, & diiunguntur: vel ut est illius facultatis corruptio, aut abusus, quo peccatum habet adherens vel admixtum. Priore sensu, res est bona in genere naturę, atque adeo laudanda, & querenda, quamvis respectu moralis hostitatis, sit res media, neque bona neque mala, sicut & reliquę omnes perfectiones naturales. Piu-

dentia igitur civilis in sese considerata non opponitur sapientię spirituali, nisi ut res disparata tantum: sed posteriore sensu, res est mala in genere morum, atque adeo damnanda, & fugienda: Opponitur enim sapientię spirituali, ut res adversa: quo nomine appellatur etiam *sapientia terrena, animalis, carnalis, & diabolica. Jac. 3. 15.*

Questio secunda, quando carnalis sapientia humana, & eo nomine damnanda?

Sapientia carnalis.

XVIII. R. 1. Cum directę sese opponit sapientię divinę, mali aliquid machinando. *Exod. 1. 10. Prov. 21. 30. Rom. 6. 13.* id est, cum sit medium, vel impietatis, vel iniustitię. Sapientia enim cum improbitate, nihil aliud est quam armata nequitia. Sapere malum non est sapere, sed desipere.

XIX. 2. Cum sapientiam Dei contemnit & habet pro stultitia. *1. Cor. 1. 23.*

XX. 3. Cum nullo modo subicit sese sapientię Dei. *Rom. 8. 7.*

XXI. 4. Cum aliquo modo sapientię Dei cedit, quoad rem ipsam, quam querit, sed quoad modum & modum querendi, sibi met fidit. *2. Reg. 5. 11. 1. Cor. 2. 1. 4.*

XXII. 5. Cum reddit hominem minus capacem eorum, quę sunt spiritus Dei. *1. Cor. 2. 14.*

XXIII. 6. Cum sit materia gloriationis. *Iere. 9. 23. Ez. 28. 17.*

XXIV. 7. Cum fiducia in illa collo-

collocatur. *Prov. 3. 6. & 26. 12.*

XXV. 8. Cum à sinceritate & innocentia separatur. *Rom. 16. 19. Matth. 10. 10. 2. Cor. 1. 12.*

Questio tertia, quibus argumentis adduci quis possit ad carnalem istam sapientiam contemnendam:

R. 1. Quia magis alienos reddit homines à regno Dei, quam simplex

stultitia. *1. Cor. 1. 26. 27. Matth.*

11. 26. 2. Quia hæc sapientia à Deo infatuatur & aboletur. 1. Cor.

1. 19. 20. 3. Quia serpentina est & diabolica. Gen. 3. 1. Iac. 3. 15.

4. Quia & authores perdit. Prov. 11. 3. omnem humanam societatem

evertit, & vitæ solamen tollit. 2. Sam. 16. 22. 23.

CAP. X.

DE VIGILANTIA.

Quia prudentiæ vis exercita, & (ut ita loquar) actuositas solet in scripturis *vigilantiæ* nomine designari: de ista igitur vigilantia

Quæritur 1. qua in re proprie consistit:

I. R. Vigilantia nihil aliud est quam cauta attentio, qua res aliqua diligentur curatur. *Luc. 2. 8. Hebr.*

13. 17. sed actus iste spiritalis vigilantia, quæ ab omnibus exigitur, refertur in Scripturis ad tria objecta.

1. ad ipsos vigilantes, ut observent vigilas super semetipsos, *Prov. 4.*

27. ad finem. 2. ad eorum officium, ut excubent ad illud. *Eph. 6. 18. 3.*

ad futurum, cui se per illud officium parant. *Matth. 24. 42. 43. 44.*

Primum, vocari potest objectum *super quod*: secundum, objectum

ad quod: & tertium objectum *cui*.

Hæc verò tria, quamvis doctrinæ causa distinguantur, in praxi tamen semper debant conjungi, ita ut simul

nosmetipsos observemus, invigilemus officiis illis, quæ nobis incumbunt, & præparemus nos ad futura

illa, quæ officium respiciunt vel præstitum vel neglectum. *Eccl. 5. 1. 2.*

3. 4. 5. 6.

II. Vigilantia super nosmetipsos, in genere idem est cum vigilianti observatione voluntatis Dei. *Psf. 119.*

4. 5. 6. 9.

III. Particulariter autem eo requiritur, sicut in excubiis alicujus

urbis obsesse, vel aliaratione periclitantis, ut observemus & inquiramus, 1. in omnes intrantes, quales sint, unde veniant, quo tendant:

id est, in omnia illa, quæ per tentus nostros tanquam per urbis portas ingrediuntur, ut si noxia sint, possint

excludi. *Psal. 119. 37. Job. 31. 1.*

2. ut diligenter etiam inquiratur, idque simili planè modo, in omnes

excuntes, id est, in omnia cogitata, dicta, facta, quæ ex nobis exiunt.

Prov. 4. 23. 24. Psal. 39. 2. Eccl. 5. 1. 2. 3. Jac. 3. 2.

Vigilantia.

IV. Vigilantia, qua respicit ipsum officium, nihil aliud est quam sollicitudo de iis quæ Deus nobis præcepit, quomodo in iis Deo placeamus. *1. Cor. 7. 32.*

V. Particulariter autem vigilantia requiritur 1. antequam officium præstetur, ut res bene perpendatur *Prov. 14. 15.* ut omnia impedimenta (sive per se sint res illicite, sive alias licitæ) è medio tollantur. *1. Pet. 2. 11. 2. Tim. 2. 4.* ut nos idonei & apti simus ad faciendum officium nostrum. *Luc. 21. 34. 36.* & ut occasiones captentur ejusdem faciendi. *Gal. 6. 20.* & vitentur contrariæ. *Prov. 4. 15. & 5. 8. 2.* In ipso officio præstando, ut recto & accurato modo fiat. *Luc. 8. 18. 3.* Post officium præstitum, ne insequente ulla corruptela perdat. *2. Joh. 8.* quia facile solet vel superbia corrumpi *1. Cor. 4. 7.* vel inconstantia & levitate everti *Jer. 34. 11.*

VI. Vigilantia qua respicit futurum ob oculos habendum, est congrua preparatio, qualem postulat illud quod expectatur: sive bonum sit, ut recipiatur, sive malum, ut evitetur. *Matth. 24. 42. 44.* particulariter autem huc requiritur 1. ut in tempore fiat hæc preparatio *Mat. 25. 3. cum 11. 2.* ut indefinenter & constantiter fiat. *Luc. 21. 36.*

Quæstio secunda, quænam præcipue requiruntur ad vigilias istas observandas?

VII. R. 1. Sobrietas in usu rerum mundanarum. *1. Thess. 5. 6. 1. Pet. 4. 7. & 5. 8.* gravatur enim cor non tantum crapula & ebrietate, sed etiam sollicitudinibus hujus vite. *Luc. 21. 34. 36.*

VIII. 2. Frequens cogitatio de omnipræsencia & inspectione Dei. *Prov. 1. 20. 21. Psal. 119. 168.*

IX. 3. Crebrum examen viarum nostrarum, cum iusta censura vel iudicio. *Psal. 4. 4. Psal. 119. 59. 1. Cor. 11. 31.*

X. 4. Consortium eorum qui adiutores nobis erunt in ista cura. *Phil. 2. 4. Hebr. 10. 24. 5.* Assidua precatio *Matth. 26. 41.*

Quæstio tertia, quibus argumentis excitari possimus ad studium vigilantie?

Vigilantiæ motiva.

XI. R. Ratio una est essentialis, quæ petitur à periculo in quo cum nos ipsi versamur, tum etiam nomen ipsum Dei per nos. *1. Tim. 6. 11.*

XII. Periculum autem istud imminet nobis 1. ex infirmitate nostræ carnis. *Mat. 26. 41. 2.* ex diaboli & mundi insidiis. *1. Pet. 5. 8. 3.* ex incertitudine temporis adventus domini ad iudicium, vel generale, vel particulare. *Matth. 24. 42. & 25. 13. Marc. 13. 33. 35. Luc. 21. 35. 36.*

CAP. XI.

DE FORTITUDINE.

QVia post prudentiam, ad perfectionem virtutis requiritur fortitudo, de qua igitur sit

Quæstio prima, qua in re consistit fortitudo christiana?

I. R. 1. Non est confundenda cum animositate: quia animositas reperitur etiam non solum in hominibus ab omni virtute alienis, sed & in brutis, leone, equo, tauro, & cane. *Prov. 31. 29. 30. 31.*

II. 2. Animositas tamen vel magnitudo animi, generis rationem habet ad fortitudinem veram: quæ idcirco non tam consistit in moderatione audaciæ aut spei, quam timoris & desperationis. *Joh. 1. 1. 9.*

III. 3. Non tantum consistit in aggrediendis periculis, & arduis rebus succipiendis, sed etiam in adversis malis subeundis & sustinendis. *Hebr. 11. 34. 35. 36. 2. Tim. 2. 1. 3.*

IV. 4. Sed pericula subit semper fortitudo vera, & sustinet adversa, virtutis & officii causa. 1. *Petr. 3. 14. & 4. 14. 15.*

V. 5. Fortitudo igitur est illa animositas, qua parati sumus ad officium præstandum, quæcunque difficultates occurrant: illo ipso nomine, quia est officium. 1. *Cor. 15. 58. & 16. 13.*

VI. 6. Non est ille dicendus fortis, qui se periculis objicit, non conside-

rans vel qualia sint, vel quare subeunda, vel casu implicatus, aut necessitate compulsus, non honesta ratione inductus. Non fuit ex fortitudine, quod demoniacus ille *Marc. 9.* frequenter insiliebat in aquam, & frequenter in ignem, sed ex mali spiritus arreptione. Sic etiam non est ex fortitudinis virtute, quod quidam valentes se ac strenuos præsentant ad potandum *Esai. 5. 22.* Imo insani sunt furores, multi impetus, ex quibus homines fortes ab insipientibus judicantur.

VII. 7. Neque fortis est ille qui metu aut periculo aliquo, ab officio suo, vel absterretur, vel desistit. *Prov. 24. 10.*

VIII. 8. Hic tamen observandum, fortitudinem fidelium, in hac vita, conjunctam esse infirmitati; atque adeo momentaneam aliquam concussionem, quia pii nonnunquam percelluntur ulque ad hæsitacionem, consistere posse cum fortitudine virtutis. *Jer. 20. 9. 2. Cor. 4. 8.*

IX. 9. Quamvis etiam ex animi proposito, & præparatione, arment & muniant sese fideles adversus omnia illa quibus officium impugnetur. 2. *Cor. 6. 4. &c.* non tamen ex equo parati semper sunt ad omnia genera molestiarum sustinenda &

superanda, sicut Satan observavit. *Job. 1. & 2.* & eventus ipsi in Jobo, aliquo modo comprobavit. Quod enim experientia docet in corporali fortitudine, id proportionem commoda, locum etiam habet in spirituali: *Alii fortes sunt, ad labores tolerandos; alii ad militiam exercendam; alii ad onera portanda; & alii ad lesiones repellendas: & multi qui fortes admodum sunt in uno aut altero horum, ad cetera infirmi ac debiles inveniuntur.*

Media & modus fortitudinis exci-
tandæ.

Quæstio secunda, quibus mediis excitatur in homine christiana ista fortitudo?

X. R. 1. Si agnoscat suam propriam infirmitatem. *Rom. 5. 6. 2. Cor. 3. 5.*

XI. 2. Si consideret electum sese & vocatum à Deo ad officium illud præstandum quod aggre-
ditur.

1. Chron. 28. 10.

XII. 3. Si cogitet Deum sibi adfuturum in eo quod ipsi mandat. *Deut. 20. 3. 4. Psalm. 27. 1. 2. Reg. 6. 16.*

XIII. 4. Si omnem sufficientiam & robur apprehendat & expectet à Deo. *Eph. 6. 10. Phil. 4. 14. Psalm. 73. 26.*

XIV. 5. Si victoriam jam olim in Christo sibi partam esse recorde-
tur, neque aliud ab se postulari, quam ut Christo adhærens, victor cum ipso & in ipso fiat. *Job. 16. 33. Rom. 8. 37.*

XV. 6. Si promissioni illi inhæreat, quæ testatur omnia adju-
mento futura ad bonum iis qui dili-
gunt Deum. *Rom. 8. 28.*

XVI. 7. Si in oculis semper habeat repositam sibi mercedem. *1. Cor. 15. 58.*

C A P. XII.

D E F I D U C I A F O R T I.

Quia sub fortitudine continetur fiducia, perseverantia, & patientia, de istis igitur breviter

Quæstio prima, qualis sit ista fiducia fortitudinis?

I. R. Non intelligitur hic proprie fiducia illa fidei, qua Deo per Christum incumbimus ad salutem: neque simpliciter fiducia illa spei, qua illa expectamus quæ Deus promittit: sed confidentia illa qua virtute fidei,

ac spei pleni, alacriter agredimur officium nobis à Deo impositum. *Jer. 1. 7. 8. 17. Act. 4. 13. 29. & 9. 29. Eph. 6. 19. 20. Phil. 1. 14. 20.*

Quæstio secunda, quænam sunt illa mala adversa, quæ proprie superantur per sortem istam fiduciam?

II. R. Duo præcipue. 1. difficultates illæ, quæ nobis obstant in officiis præstandis. *Prov. 22. 13. & 26. 13. Eccl. 11. 4. 1. Cor. 16. 9.*

2. incer-

2. incertitudo successus vel eventus nostra Deo commendantes. *Phil.*
ex officio praestito secuturi. *Dan.* 3. 4. 6. *Esl.* 4. 16.
17. 18.

Quaestio tertia, qua ratione confirmatur animus adversus illos angores?

III. R. 1. Per fervorem spiritus aut zelum. *Astor.* 18. 25. 26. *Ast.* 4. 8. cum 13. *Am.* 5. 24.

IV. 2. Per veram fiduciam in Deo collocatam. *Prov.* 16. 3. *Psal.* 37. 5. & 55. 22. 1. *Petr.* 4. 19. & 5. 7. *Esa.* 58. 11.

V. 3. Per preces fideles omnia

VI. 4. Per iudicium integrum de ipsis terroribus quibus percellimur. Saepe enim contemnenda plane sunt, quae nos terrent: ut vanillimorum hominum sermones &c. saepe signum mera sunt, quae post exactum iudicium habitum, statim evanescent, & semper talia sunt, ut cum officii nostri dignitate, fructu, ac necessitate si recte comparentur, nihil omnino valent.

CAP. XIII.

DE CONSTANTIA.

Quaestio quarta, qua in te consistit perseverantia vel constantia virtutis?

I. R. 1. In perpetua continuatione ejusdem propositi & dispositionis bene agendi. *Gal.* 4. 18. *Psal.* 106. 3. *Rom.* 2. 7.

II. 2. In frequenti iteratione ejusdem generis actionum cum fervore. 1. *Theff.* 5. 17.

III. 3. In studio pergendi & proficiendi in illa via virtutis. *Phil.* 3. 13. 14.

Quaestio quinta, quoniam sunt mala quae illi constantiae opponuntur?

IV. R. 1. Declinatio à via recta. *Job.* 23. 11. 12.

V. 2. Fatigatio & languor. *Gal.* 6. 9.

VI. 3. Levitas illa desultoria, qua mutantur homines in horas, & sui dissimiles evadunt: puerilitas dicitur. *Eph.* 4. 14. & amentia & fascinatio. *Gal.* 3. 1.

Quaestio sexta, quomodo excitantur homines ad constantiam?

VII. R. Quia merces non promittitur nisi perseverantibus. *Ap.* 2. 10. 26. atque adeo frustra agitur quod non porro agitur & peragitur. *Gal.* 3. 4.

C A P. XIV. D E P A T I E N T I A.

Questio septima, qualis natura tolerantiae vel patientiae virtutis?

I. R. Patientia hominis christiana triplex aspicitur objectum. 1. Deum, ex cuius arbitrio res omnes adversae ordinantur. *Job. 1. 20. & 2. 9. 10.* qua ratione patientiae opponitur obmurmuratio adversus Deum. *1. Cor. 10. 10.* 2. homines, vel media illa quae nobis directe adversantur. *2. Thess. 1. 4. cum 6. 1. Pet. 2. 20. 23. & 3. 9.* quo respectu, patientiae opponitur vindictae cupiditas. *Rom. 12. 17. 19.* 3. Officium illud quod per molestias rerum adversarum deferere tentamur. *Hebr. 10. 36. Luc. 12. 19.* cuius intuitu, patientiae opponitur animi fractio, *Hebr. 12. 5.* & ex ea subductio aut deflectio de via recta. *Hebr. 10. 36. cum 38. 39. & 12. 7. cum 13.*

II. In prima illa consideratione, patientia pertinet ad religionem erga Deum: in secunda ad charitatem erga proximum: in tertia vero est pars fortitudinis, & virtutis affectio generalis. Ad tertiam tamen considerationem istam revocari possunt etiam reliquae duae, quatenus officium nostrum vel erga Deum, vel erga homines in illis spectatur: quamvis

praeter generalem istam naturam; speciales habent differentias, per quas ab hac, & inter se utiliter possunt distinguui.

Questio octava, quomodo distinguitur haec tolerantia, à fortitudine illa quae est in fiducia, & constantia?

III. R. Coniunguntur semper haec tria in fortitudine vera. Sed fiducia proprie respicit officii aggressionem: constantia, ejus continuationem: tolerantia vero ejus defensionem.

Questio nona, quam sunt signa hujus tolerantiae? Tolerantia signa.

IV. R. 1. Si neque contemnimus plane obiectas nobis difficultates, neque fracti animis fatiscamus. *Hebr. 12. 5.* sed oppositiones omnes recto iudicio penitatis vera fide superemus.

V. 2. Si animos habeamus paratos, iustitiae causa, non ad eas tantum ferendis molestias, quae minus premunt, sed & maxime formidabiles. *Act. 21. 13.*

VI. 3. Si non tantum non plane desicemus officium nostrum, propter molestias occurrentes, sed ne remittamus quidquam ex ejus zelo. *Hebr. 10. 35. & 12. 12. 13.*

VII. 4. Si non quasi coacti & invitati molestias istas subeamus, sed cum spi-

cum spirituali gaudio & exultatione. *Matth. 5. 12. Col. 1. 11. Hebr. 10. 34..*

Motiva
tolerantia.

Quæstio decima, quibus argumentis confirmari possimus in hac tolerantia?

VIII. R. 1. Quia sine tolerantia nihil boni perfici potest. *Jac. 14.*

IX. 2. Quia absque tolerantia animas nostras proprias non possidemus. *Luc. 21. 19.* neque corda nostra possumus in ullo bono stabilire.

Jac. 5. 8. Prov. 24. 10.

X. 3. Quia per istas molestias in certamen deducimur à Deo explorante contra diabolum tentantem, *Hebr. 10. 32.* in quo, nisi per tolerantiam superiores evadamus, necesse est ut cum Dei contumelia, & nostra calamitate, à diabolo superemur. *Rom. 12. 21.*

XI. 4. Quia in isto certamine, Deus & vires suppeditat, & exitum dabit felicem. *1. Cor. 10. 13.*

CAP. XV.

DE TEMPERANTIA.

Quia ad virtutis constitutionem, præter justitiæ rectitudinem, prudentiæ directionem, & fortitudinis firmitatem, requiritur etiam temperantiæ custodia; idcirco de temperantia, sit

Quæstio prima, qualis sit natura temperantiæ?

I. R. 1. Quemadmodum fortitudo armat virtutem, adversus illa quibus ab officio possit quis detereri, sic Temperantia munit eam adversus illa, quibus ab eodem blande possit abduci.

II. Quamvis autem in victoria illa, quam temperantia consequitur de tentationibus blandis, quibus resistere sæpe molestum est, & inconstantia illa, quæ fructus est temperantiæ ex parte, magnanimitas & celsitudo animi reperitur, fortitudini

affinis; alia tamen est ejus ratio, quam fortitudinis, propter differentiam objectorum.

III. 3. Quia vero objectum omne blande alliciens, habet aliquam speciem boni, & boni honesti species qua talis non allicit ad peccatum, sed ad honestum; idcirco objectum temperantiæ est bonum utile, aut jucundum apparens, seu commoda & voluptates.

IV. 4. Quia etiam circa hujusmodi bonum occupatur amor, desiderium, & delectatio; idcirco in istis affectibus, circa talia objecta regendis, temperantia propriè versatur.

V. 5. Istos affectus non plane tollit temperantia, utpotè naturales, sed ipsos regit, id est, eorum inordinationes, quoad eorum intensionem, extensionem, & modum.

VI. 6. Ista

VI. 6. *Ista autem inordinatio, quia in fidelibus omnibus ex parte tantum tollitur, ideo illi affectus, quatenus sunt tales, aliquatenus quidem, sed non penitus mortificantur. Unde est quod temperantia reliquias ipsorum reprimere dicatur, & coercere, & ab eis abstinere.*

Signa temperantiae.

Quaestio secunda, quamam sint notae temperantiae?

VII. R. 1. Si quis non ducatur affectibus carnalibus & mundanis, sed illos teneat sub jugum rationis & religionis domatos, & quasi denegatos. *Tit. 2. 12.*

VIII. 2. Si ab eis praecipue cupiditatibus abstineat, ad quas vel conditionis suae ratione, vel consuetudine prava, vel exemplo eorum inter quos vivit, maxime inclinatur. *2. Tim. 2. 22. 1. Petr. 4. 2. 3. 4.*

IX. 3. Si non abstineat solum ab ipsis operibus externis, quibus tales cupiditates expleri solent, sed etiam internos ipsos affectus inordinatos studeat eradicare, & mortificare. *Col. 8. 5. Rom. 8. 13.*

X. 4. Si quis neque in fruitione commodorum, & voluptatum hujus mundi asseratur; neque ipsorum defectu conturbetur; sed habens illa, sit quasi non haberet. *1. Cor. 7. 29. 30. 31. & non habens, quasi haberet. 2. Cor. 6. 10.*

Quomodo ad temperantiam Christianam aspiramus?

Quaestio tertia, quid faciendum ut ad temperantiam Christianam aspiramus?

XI. R. 1. Debemus id omni

modo agere, ut mundi hujus & eorum quae in mundo sunt, amorem, desiderium, & delectationem minuamus, eique resistamus. *1. Iohan. 2. 15. 16.*

XII. 2. In istum finem, proderit cogitationem, atque ad id etiam sensus avertere à rebus perverse dilectis; ne boni species in illis apparens, incentivum atque fomentum sit amoris perverti. *Iob. 31. 1. Memorabile enim est, quod duo primi amores perverti qui in sacris literis memorantur, exstitisse dicuntur ex aspectu. Gen. 3. Vidit mulier quod bonum esset lignum, & pulchrum oculis, aspectuque delectabile, & tulit de fructu ejus & comedit. Et Gen. 6. Videntes filii Dei, filias hominum, quod essent pulchrae, acceperunt sibi uxores &c.*

XIII. 3. Proderit etiam fluxam vanitatem omnium rerum mundanarum bene ponderare. *1. Iob. 2. 17. Eccles. 1. &c.*

XIV. 4. Ne voluptatum specie capiamur, & rapiamur, utilissimum est ut voluptates, non ut blande accedentes, sed ut abeuntes, i. e. pudoris & penitentiae plenas intueamur. *Rom. 6. 21.*

XV. 5. Advigilandum est, ne motus concupiscentiae hujus diuturna mora vires acquirant, sed danda est opera ut initio statim compescantur. *Rom. 7.*

XVI. 6. Saepe multumque in animo volvendum, quomodo quicunque

cumque unquam sapientes & pii fuerunt, non sine justa causa voluptates hæcæ aspersati sunt, easque ab aliis aspe. nandas & fugiendas esse iudicant.

XVII. 7. Occupandus est ani-

mus in aliis rebus: & convertendus est amor, desiderium, & delectatio, ad spiritualia ac divina bona; ita ut amore bono, malus amor, ex animo, tanquam clavus clavo pel- latur.

CAP. XVI.

DE EBRIETATE.

I. **I**nter peccata temperantiæ op-
posita, præcipue eminent illa,
quæ versantur circa delectabilia ta-
ctus, ut in gula, ebrietate, & similibus
abusum superfluitate: quia scilicet
tales abusus maximè apertè habent
in se, & per se, malitiam moralem,
sicut apparet ex lege naturæ, divina,
atque etiam humana, illos per se
prohibente.

II. In istis omnibus excessibus,
communis inordinationis ratio inve-
nitur, vel quoad substantiam, cum
pretiosiora appetuntur, quam con-
veniunt statui, vel quoad quantita-
tem, cum plus consumitur quàm
ratio requirit; vel ratione qualitatis,
cum nimia curiositas adhibetur ad
cupiditatem satisfaciendum; vel ra-
tione modi, quando decori iusta ra-
tio non habetur; vel denique ratione
temporis, cum vel sæpius, vel alias
quam oportet, istis rebus indulgetur.

III. Ebrietatis autem specialis
quædam est ratio, præ cæteris, pro-
pter oppositionem illam singularem,
quam habet ad officia, & opera vir-

tutis. De ebrietate igitur sit

Quæstio prima, quid sit Ebrietas?

IV. R. 1. Ebrietas accipitur
sæpe pro privatione rationis, ex im-
moderato potu consecuta. Et sic
non est ipsa per se peccatum, sed po-
tius effectum, & pœna peccati.

V. Prout autem notat vel appe-
titum ipsum immoderati potus, vel
potum ipsum voluntarium, eo usque
immoderatum, ut quis per illum
violenter privetur usu rationis, sic est
grave peccatum. *Prov. 23. 30. 31.*
Esai. 5. 11. Hos. 4. 11. Luc. 21. 34.
1. Cor. 6. 10 Eph. 5. 18.

VI. Deformitas & turpitude
hujus peccati ex eo imprimis apparet,
quod ebrius, pro contemptibili vo-
luptate, quodammodo vendit illud
quo nihil præstantius est in hominis
natura, dum privat sese usu rationis.

2. Quod hac ratione semetipsum
ineptum reddat, non tantum ad
officia pietatis, *Luc. 21. 34.* sed
etiam ad omnes actiones honestas.
Hos. 4. 11. 3. Quod exponat se
periculo omnis fere generis peccato-

rum, dum admittit sibi facultatem vitandi ea quæ novit (saltem alias) esse turpia peccata. Ex qua ratione, sicut etiam ex præcedente, apparet, ebrietatem non tam esse speciale peccatum adversus unum aliquod præceptum Dei, quam totius legis violationem generalem. 4. Quod imaginem Dei in semetipso ita deformat, ut aliquo modo abjiciat se infra bestias. 5. Quod plurima incommoda suo corpori, famæ, & externæ conditioni, suo (ut ajunt) jumento accersat. 6. Quod huic peccato assuefactus, quodammodo insanabilis evadat. Raro enim & vix revocatur ebriosus, vel ab ebrietate, vel ab alijs peccatis: quia cor est ipsi ablatum. *Hof. 4. 11.*

VII. Ebrietas non tunc solum est voluntaria, quando sequitur *ex intentione directâ*; sed etiam *ex notabili negligentia* in eaprecavenda.

VIII. Facinora quæ postea in ebrietate committit quis, eatenus sunt illi ad culpam imputanda, quatenus ebrietas fuerit voluntaria. Tum autem maxime & voluntaria, & imputandanda sunt, quando (omnibus circumstantiis considerata) potuerit, atque adeo debuerit quis prævidere, se talia in ebrietate commissurum; vel quia id antea fuerat expertus; vel quia in simili casu ebrietatis, & in simili opportunitate, solent ebrii similia committere; vel saltem quod periculo se exponat talia patrandi.

IX. Quamvis autem ebrietas completa consistat in illa privatione usurationis, ex potu, qua plane ineptus quis redditur ad officia sua præstanda; omnis tamen perturbatio phantasiæ, ex potu, qua quis notabiliter minus minus aptus redditur ad ordinaria officia pictatis (orationem puta & lectionem) gradus quidam est ejusdem peccati. *Luc. 21. 34.*

X. Illi etiam qui fortes sunt ad potandum, ita ut supra modum potantes nullam sentiant virium conturbationem: si tamen ament affidere poculis, immorari vino & prorogare suas computationes, non sunt immunes ab isthoc peccato. *Esaï. 5. 11. Prov. 23. 30.*

XI. Particeps est hujus peccati, qui sciens volens, vinum, vel cervisiam præbet alteri usque ad ebrietatem. Cooperatur enim ejus peccato.

XII. Sed multo magis illi, qui alios ad se inebriandos inducunt, sive directe id intendunt, sive indirecte, invitando ad bibendum, majoribus poculis poscendo, certando, & ad paria facienda, vel jus ut appellant & rationem redhibendam, absque omni ratione, urgendo.

XIII. Non tantum ab imitatione, sed etiam a consortio istiusmodi potatorum abstinere debemus: secundum illud Apostoli: *si quis cum frater nominetur, sit ebriosus, cum ejusmodi ne edatis quidem.* *1. Cor. 5. 11.*

XIV. Ab-

Ritus &
sacra-
menta
Bacchi.

XIV. Abstinentium igitur (vel ex hoc fundamento si nihil aliud subesset) ab illis ritibus, quibus tollet ebrietas artificiose promoveri. Cujus generis sunt *adjurationes* aliorum; per nomina magna, vel chara, ad pocula evacuanda; *circummissio* poculorum, ut ab omnibus & singulis pariter exhauriantur; abusus *sortis*

(ut alicubi fieri solet per tales crepitaculi loco scypho inclusos, vel per molendinum scypho affixum) ad fictitiam quandam legem (non scriptam) & necessitatem bibendi convivis imponendum; & quaecunque similia mysteria Bacchi, & manuductiones ad excessum potandi.

CAP. XVII.

DE OPERIBVS BONIS.

Quia ex virtute opera bona efflorescunt, de iis igitur sit

Quaestio prima. Quid hic intelligi debet per opus?

I. R. Opus in istoc loco non debet ab actione distingui, sicut ab iis distingui videtur, qui operibus bonis illa tantum annumerant, quae aliquid producunt hominibus utile aut bonum: cujus generis sunt elemosynae, templorum, collegiorum, prothodochiorum & penothionum, constructiones, ac dotationes &c. Quamvis enim istiusmodi factorum sit laus quaedam singularis, apud homines qui suis commodis afficiuntur: opera tamen talia possunt sic effici, ut actio à qua existant, sit multis rationibus mala, quamvis res effecta sit aliis hominibus utiles & bonae.

II. Cum etiam in talibus, non opera tantum sed & actiones etiam sunt vere bonae, non possunt tamen

aliis quibusdam actionibus aequari, quae minorem habent pompam. *1. Tim. 3. 1. Jac. 5. 20.*

III. Eo diligentius debet hoc observari, quia pertinet ad consolationem tenuiorum fidelium, qui non habent facultatem quidquam fere efficiendi, quod spectat ad aliorum commodum externum. Inservit etiam divinum quorundam arrogantiae retundendae, qui se solos putant opera bona prestare.

Quaestio secunda. De efficiente causa bonorum operum, queritur, an non-renatorum opera, quibus aliquo modo praestant quod renati in suis bonis operibus faciunt, sint opera bona necne?

IV. R. Discernenda est in istis operibus, ipsa operum (ut ita dicam) substantia, à vitio personae, & modi, quo cōtaminantur: substantia talium operum est bona, quia homines etiam naturales in istis faciunt illa quae sunt

sunt legis Dei. *Rom. 2. 14.* omne autem opus quatenus convenit legi Dei est bonum. Vita tamen accedunt & à persona operante & à modo operandi, quibus opera talia sic inquinantur, ut quamvis in suo genere & respectu aliorum sint bona, in respectu tamē quem habere debent officii spiritualis obedientiæ erga Deum, non sunt bona. *Esaï. 1. 13. Esaï. 66. 3.*

Quæstio tertia, quomodo igitur possint renatorum opera esse bona, cum illa etiā variis modis contaminantur?

V. R. Quamvis malum semper adheret & personis & actionibus renatorum, *Rom. 7. 21.* hoc tamen malum in piis fidelium conatibus, non tollit essentiam officii spiritualis, sed impedit vel minuit ejus gradum ac perfectionem, quia omnes causæ horum operum sunt bonæ, & adjuncta sola vitiosa: atque ad id imperfectione in Christo oblecta, opera ipsa sunt per eundem Christum Deo grata & accepta. *1. Pet. 2. 5.*

Quæstio quarta. De materia bonorum operum, queritur, annon liceat nobis eligere aliquid pro arbitrio nostro, in quo Deo honorem & obedientiam præstemus?

VI. R. 1. Hoc expresse prohibetur. *Deut. 12. 8. 32. Num. 15. 39. Matth. 15. 9. Marc. 7. 7.*

VII. 2. Implicat contradictionem, ut obedientiam Deo præstemus, in iis de quibus nullum nobis

dedit mandatum. Neque sine obedientia possumus honorem Deo deferre ipsi gratum. Opera igitur omnia electitia, sunt ficta solummodo & vana persuasionē bona coram hominibus, non coram Deo.

VIII. 3. Est tamen differentia quædam observanda in operibus bonis respectu materiæ. Alia enim omnibus expresse & immediate præcipiuntur, ut officia omnia legis moralis: alia vero non omnibus, sed quibusdam tantum præcipiuntur, non expresse & immediate in scripturis, sed consequenter & mediantibus illis circumstantiis, quibus fit ut hic & nunc participant naturam moralium præceptorum.

IX. In istiusmodi rebus quamam sit voluntas Dei, colligitur per syllogismum: cujus propositio generalis est in scripturis: assumptio pendet ex dono, vocatione, & similibus circumstantiis specialibus: conclusio autem ex propositione, per assumptionem ita derivatur, ut respectu hujus aut illius hominis, tali tempore, tali loco, eandem vim habeat obligandi cum generali illo mandato. e. g. Amputare debent omnes occasionem calumniæ & scandali, ac illam viam tenere, quæ maxime facit ad Evangelium promovendum, & Ecclesiam edificandam. Hæc est propositio. *1. Cor. 10. 31. 32. 33.* Paulus autem omnibus circumstantiis bene perpenis, sic assumebat: ego Paulus si sine stipendio evangelium prædica-

prædicavero, amputabo occasionem calumnie. 2. *Cor.* 11. 12. evangelium promovebo 1. *Cor.* 9. 23. & ecclesiam ædificabo. 1. *Cor.* 9. 19. hinc sequitur conclusio: ego igitur Paulus debeo sine stipendio prædicare. 1. *Cor.* 9. 15. Omnes debent pro ratione donorum & vocationis quam habent promovere Evangelium. 1. *Cor.* 7. 17. Ego habeo donum continentie: & instans necessitas cœlibatuum facit magis accommodatum ad Evangelium promovendum, quam conjugium. 1. *Corinth.* 7. 26. Ego igitur debeo in cœlibatu manere. ib.

X. Si hæc explicatio recte observetur, doctrinam illam Pontificiorum, quæ consilia evangelica à præceptis Dei distinguit, sine proluxiore disputatione facile evertet.

Quæstio quinta. De fine bonorum operum queritur,

Quam vim habet intentio ad actionem aliquam vel bonam vel malam constituendam?

XI. R. Intentio bona per se non constituit actionem bonam: quia bonitas est perfectio, & oritur, ex perfectione & integritate omnium causarum. Neque ulla actio tam est nefaria, quin patrari possit ex intuitu finis boni. Incestus filiarum lothi fuit ex intentione bona. *Gen.* 19. 32. ut in vita servarent ex patre suo semen. Crædes christianorum in honorem Dei sæpe patratur. *Job.* 16. 2.

XII. Intentio tamen mala con-

stituit actionem malam: quia malitia est defectus, & ex quolibet defectu coniungit. *Matth.* 6. 1. ne iustitiam vestram exerceatis coram hominibus, ne spectemini ab eis: alioquin mercedem non habebitis apud patrem vestrum, qui est in cœlis.

Quæstio sexta. Qualis intentio necessaria requiritur ad actionem bonam constituendam?

XIII. R. 1. Absolutè necessariū est, ut fiat ex intuitu honestatis, & obedientie erga Deum, aut voluntatis ejus observandæ. *Altor.* 24. 16. actio enim non potest esse bona, nisi fiat sub ratione boni: agere autem aliquid sub ratione boni, est bonitatem vel honestatem in agendo spectare. qui quod honestum est facit, quia jucundum est, aut utile, non tam honestam quam jucundam, aut utilem actionem exercet. 1. *Tim.* 6. 5. quæstui habens pietatem.

XIV. 2. Secundaria tamen intentio honestæ voluptatis aut utilitatis, honestatem actionis, nequaquam tollit, sed potius exornat. *Rom.* 1. 12. & 15. 32.

XV. 3. Absolutè etiam necessaria est aliqua relatio operis ad gloriam Dei. 1. *Cor.* 10. 37. fit hoc virtualiter in ipsa intentione honestatis, vel officii præstandi: sed quo magis directe & distincte respicitur Deus in agendo, eo perfectior est actio. *Psal.* 16. 8. propona mihi *Jebovam* jugiter.

XVI. 4. Conducit etiam secundaria intentio salutem nostram querendi. 1. *Cor.* 9. 24. 29.

XVII. 5. In operibus illis quæ ad aliorum notitiam perveniunt, conducit etiam ut cogitemus de impiorum ore obstruendo. 1. *Pet.* 3. 16. & de aliis promovendis in via salutis. *Matth.* 5. 16.

XVIII. 6. Alia est ratio actionis malæ, ad illam enim non requiritur intuitus inhonestatis, aut intentio expressa nominis Dei dedecorandi, nedum mortis nobis metipsis, aut offensionis aliis querendæ: quia sicut peccati natura propria in privatione consistit, sic bonæ intentionis privatio, est intentio mala, & (quatenus à voluntate eligitur) per interpretationem habetur pro intentione omnium eorum malorum, quæ bonis propositis opponuntur. Hinc enim est quod peccator dicitur *amare mortem*. *Prov.* 8. 36.

Quæstio septima. De forma actionis bonæ, queritur, qua in re consistit.

XIX. R. Consistit proprie in modo agendi: cum non tantum agens bene disponitur, & illud ipsum quod agit à Deo probatur, sed etiam ipsa actio ita ordinatur quoad omnes circumstantias, quomodo Deus præscribit. Quid & quale hoc sit, apparet ex ejus defectu. 1. *Cor.* 11. 27. 28. 23. *Num.* 20. 11. 12. præceptum tertium.

Quæstio octava. Quia informatio

& vis conscientiæ intime pertinet ad formam agendi, de ea igitur queritur 1. an conscientia hominis sit sufficiens & absoluta regula agendi?

XX. R. Conscientia hominis post lapsum est inquinata. *Tit.* 1. 15. atque adeo per se non potest esse regula perfecta & pura. Imò si eam simpliciter sequamur ut ducem, in maxima flagitia sepe deducemur. *Joh.* 16. 2. *Act.* 26. 9. *Phil.* 3. 6. est igitur regula tantum subordinata, eatenus valens quatenus scilicet: dirigitur à verbo Dei. Hinc conscientia errans, nunquam habet vim illam obligandi, ut simpliciter teneamur sequi judicium talis conscientiæ: Nunquam enim quiescere debemus, antequam conscientiam certo informatam habemus de iis, quæ pertinent ad nostram praxin; quamvis hactenus recte dicatur obligare, ut contra talem conscientiam, dum talis manet nihil sit agendum.

Quæstio nona. Quid tum agendum est, cum conscientia est dubia?

XXI. R. Si dubitet conscientia, utrum actio sit licita ab illa actione debemus abstinere, aliquodum rem habemus exploratam. *Rom.* 14. 23.

Quæstio decima. Quid si conscientia sit plane perplexa, ita ut non minus judicet peccatum esse abstinere ab actione, quam illam præstare?

XXII. R. Ex natura rei ipsius, & conscientiæ per se consideratæ, non datur talis casus; fieri enim non potest ut judicium conscientiæ

simul

simul afficiatur utrique parti contradictionis.

Quæstio undecima. Quid faciendum est cum conscientia scrupulis quibusdam turbatur?

XXIII. R. Conscientia dicitur proprie scrupulum habere, quâdò uni parti quæstionis assensum præbet, idoneis argumentis inducta, sed aliquantulum tamen afficitur contrariis objectionibus, quas non potest satis diluere. Hujusmodi autem hesitationes, si fieri possit, debent certo judicio deponi: si autem id non fiat, talis imperfectio judicii cum non suspêdit assensum per ambiguum fluctuationem, sed infirmiore tantum reddit, non est justa causa ab illo assensu in operatione persequendo. *Dent. 13. 1. 2. 3. 1. Reg. 13. 21.*

Quæstio duodecima. Quomodo quisque se gerere debet inter opiniones contrarias, si veritatem non habeat exploratam?

XXIV. R. 1. Non sufficit ad conscientiam bonam, si adhæreat authoritati hominum, quamvis sint docti & pii. Quia conscientia non est subijcienda judicio humano, per sese: neque habet humanum testimonium sufficientem vim vel arguendæ approbationis Dei, vel coram Deo excusandi. *Rom. 14. 12. 1. Cor. 8. 10.*

XXV. 2. Illam quisque sententiam sequi debet, quam (post debitam diligentiam inquisitionis adhibitam) judicat esse probabiliorē, ex natura rei, & lege Dei, inter

sefe collatis, sive per se, sive ope aliorum probabilitatem illam perspetam habeat. *1. Cor. 8. 4. cum 7.*

XXVI. 3. Si post debitam inquisitionem, maneat animus plane suspensus, utrum actio sit licita, vel illicita, tum hesitatione illa manente, pars tutior sequenda. Illa autem est pars tutior in qua non est periculum peccandi, & in istiusmodi casu, ille non peccat, qui simpliciter abstinere tali actione dum alium qui facit non codemnat. *Rom. 14. 5. cum 4. & 23.* Abstinendum igitur ab iis omnibus, de quibus adhibita diligentia, conscientia est dubia an sint licita vel illicita. Qui aliter faciunt, non tantum exponunt sese periculo peccandi in ipsa actione, sed etiam sine dubio peccant in modo agendi.

Quæstio decimatercia. Quum quis apprehendit se alterum ex duobus peccatis necessariò admittiturum, utrum tum eligere debet?

XXVII. R. 1. Præcepta Dei ex sua natura nunquam ita concurrunt, ut necesse sit alterum eorum propriè violare per peccatum. Quum enim præceptum aliquod minus negligendum est, ut majus observetur, minus illud cessat pro illo tempore obligare, ita ut qui ex tali occasione illud negligunt, sint planè inculpabiles, id est, non peccent. *Matth. 12. 5. 7.*

XXVIII. Quod autem dici solet è malis minimum esse eligendum, intelligi debet de malis penite, non de

non de malis culpa.

XXIX. Omnis igitur peccati vitatio conscientiae hominis semper debet esse in proposito fixo.

XXX. 2. Nulla necessitas est timoris, periculi, vel coactionis externae, qua excusari possit quisquam, si vel minimum peccatum eo nomine committat.

XXXI. Neque enim coactio propriè dici potest, ubi certo consilio agitur, & voluntas (qua cogi non

potest) metu inducta, in actum consentit.

XXXII. 3. Si quis ex fragilitate in illas angustias redigatur, ut opinetur, ex duobus peccatis alterum esse committendum, conscientia non potest ferre iudicium in tali proposito: quia contra conscientiam instituitur deliberatio. Dubitari tamen non potest quin minus peccet, qui minus peccatum admittit.

C A P. XVIII.

DE ADIAPHORIS.

Quæstio prima, quæ in re consistit adiaphora rei natura?

I. R. 1. Adiaphorum ex vocis ipsius interpretatione, est quod ita se habet ad duo extrema, ut non magis ad unum quam ad alterum inclinet, eodemque sensu dicitur indifferens, & res media.

II. 2. Quamvis autem quod mediū huiusmodi rationem habet ad qualiacunque extrema, possit generali isthoc sensu adiaphorum aut indifferens vocari, usus tamen obtinuit, ut illud adiaphorum vocetur quod medium est inter bonum & malum morale.

III. 3. Medium vero inter bonum & malum est vel merè abnegationis, in quo nulla ratio boni vel mali reperitur: & sic omnes substantiæ siue sint naturales, siue artificia-

les, sunt res mediæ & indifferentes: vel alicujus etiam participationis, quod in tantum convenit cum utroque extremo, quantum illa extrema inter se conveniunt: & sic nullæ substantiæ sunt propriè res mediæ aut indifferentes per se, quia nullæ sunt bonæ aut malæ, sed actiones tantum, & dispositiones ad agendum.

IV. 4. Actiones igitur quæ neque imperantur neque prohibentur, neque obedientiæ neque inobedienciæ rationem habent in sua intrinseca natura, sunt indifferentes aut mediæ.

Quæstio secunda, an dentur actiones indifferentes secundum speciem?

V. R. 1. Potest hoc dupliciter intelligi: vel ut indifferentia sit de ratione specifica alicujus actionis, quod est falsum: vel ut communis naturæ alicujus actionis indifferenter se habeat ad

beat ad bonitatem & malitiam, quod verum est.

VI. 2. Nulla igitur actio ex sua natura est adeo indifferens, quin per circumstantias evadere possit aut bona aut mala: sed variaz dantur actiones, quæ in sua communi ac nuda natura, antequam circumstantiis vestiuntur, nullam includunt bonitatem aut malitiam: tales sunt comedere, bibere, iter facere, ambulare, &c.

Quæstio tertia. An actiones indifferentes nihil inter sese differant, sed æque omnes à bono & malo distant?

VII. R. In sua intrinseca natura nihil omnino differunt: sed tamen quædam sunt, quæ ut plurimum habent circumstantias malas annexas, atque adeo dicuntur vergere in malum, aut in malum sonare, ut accusatoris aut carnificis munere fungi: quædam etiam quæ ut plurimum habent circumstantias bonas annexas, atque adeo dicuntur vergere in bonum, aut in bonum sonare, ut colere agros, diligentiam in studiis adhibere, &c.

Quæstio quarta. An adiaphora faciunt ad ordinem & decorum?

VIII. R. Quæcunque sua natura faciunt ad ordinem, decorum, aut ædificationem ullam, illa non sunt adiaphora. Cum enim participant proprietates boni, non sunt in mediocritate inter bonum & malum. Cum etiam bonum producant, vim

aut virtutem bonam in sese habeant oportet. Vnumquodque generat sibi simile.

Quæstio quinta. Adiaphora desinant esse adiaphora, cum de iis aliquid certi statuitur ab iis qui auctoritate polleant?

IX. R. Imperari nihil debet nisi bonum: neque prohiberi quidquam nisi malum: quod adiaphorum est, non potest simpliciter, absolute, & in perpetuum, vel prohiberi, vel imperari: sed quatenus ad bonum accedit, imperari, & quatenus ad malum, prohiberi debet.

Quæstio sexta. An actio aliqua singularis sit indifferens?

X. R. 1. Actiones quædam ita sunt hominis, ut non sint proprie humane, illæ sc. quæ procedunt ab imaginatione nuda, & non à ratione deliberata, ut fricare manus, aut barbam, scalpere caput, levare festucam, &c: dum aliud aliquid cogitamus. Huiusmodi actiones non sunt moraliter bonæ aut malæ: quia non sunt in genere moris constitutæ, dum omni consilio destituuntur. Quamvis enim istis etiam possit quis peccare, ut si tempore precum vagari sineret imaginationem suam, & huiusmodi nugis indulgere, ipsæ tamen actiones per se neque malæ sunt neque bonæ. Subjiciuntur quidem illiusmodi motus imperio arbitrii humani: sed ita subjiciuntur, ut possint exercei nullo rationis actu præcunte: neque ulterius illas ratione prævenire

prævenire tenemur, quam ut officiis non obliſcit. Sicut in oculorum palpebris movendis, moderandi potestatem habet ratio & voluntas: sed non est operæ pretium observare quoties convivemus, si modo caveatur, ne præter decorum aut officium aliquid in istis admittatur.

XI. 2. Actio omnis quæ à ratione deliberata procedit, & propriè dicitur humana, singulariter, in individuo considerata, ut est actio exercita, est vel bona, vel mala. Huiusmodi enim actio vel ordinatur ad debitum finem, vel non ordinatur. Si ordinatur, tum aliquam rationem habet boni, cæteris circumstantiis consentientibus: si non ordinatur ad debitum finem, tum habet rationem mali, quia caret debita perfectione, & deficit à regula sua.

XII. Non tamen requiritur ad actionis naturalis bonitatem, ut semper actualiter & explicite referatur ad finem debitum, si modo virtualiter & implicite hoc fiat: quia potest ratio in istiusmodi actibus exercendis, majore sæpè cum fructu circa alia objecta versari.

XIII. 3. Circumstantia una aut altera actionis alicujus humanæ potest esse indifferens, ut si studiosus unus cum alio sermonem conferat, indifferens est seipsum numero, utrum

in maculo utatur sermone, an latino: sed sermo ipse, cum omnibus suis circumstantiis, vel bonus est, vel malus. Ratio est, quia determinatio actionis non pendet ab una circumstantia seorsum, sed ab omnibus conjunctim.

XIV. 4. Datur actio aliqua singularis, in qua nulla bonitatis ratio reperitur, quæ in alia non possit inveniri: atque adeo quod hoc tempore, hoc vel illud potius agimus quam aliud, in eo sæpe nihil boni aut mali occurrit. Opportunitas, aut animi suggestio, sine ullo respectu bonitatis moralis, satis habet ponderis ad singularem istam determinationem.

XV. 5. Quamvis igitur nulla singularis actio humana sit, quæ neque est bona neque mala, sunt tamen varæ, quæ singulariter & in comparatione ad alias, neque sunt necessaræ, neque illicitæ. Sicut enim statuarius certam rationem sæpe non habet, cur istam potius quam aliam statuum faciat, si tamen aliquam faciat, necesse est, ut vel regulas artis sequendo bonam faciat, aut aberrando malam, sic est in multis actionibus hominum singularibus, quæ quoad exercitium nullam habent rationem propriam, præter inclinationem animi, sed cum exercentur vel bonæ sunt, vel malæ.

CAP. XIX.

DE ACTV VOLVNTARIO.

Questio prima. An ad actum bonum aut prævum, necessariò requiratur ut voluntas eo inclinet?

I. R. 1. Voluntas est principium & prima causa omnis operationis humane, quoad exercitium actus. Idcirco enim agimus hoc, aut illud, potius quam aliud, quia volumus: sicut Deus ipse dicitur omnia agere ex voluntate. *Eph. 1. 11.* sic etiam homo ad imaginem Dei factus. Prima igitur ratio & causa bonitatis & pravitatis omnis actus humani, est in ipsa voluntate.

II. 2. Libertas etiam electionis formaliter est in voluntate. Quod igitur obedientiam quis Deo præstet, aut non præstet, provenit semper à voluntate?

III. 3. Obedientia denique nostra est in conformitate nostra ad voluntatem Dei, & inobedientia in eo quod ab eadem voluntate exorbitamus. Conformitas autem nostra cum voluntate Dei primo & præcipue est in voluntate nostra. *Ap. 2. 6.*

Quæstio secunda. Quanam sint illa, quæ tollunt voluntarium ex facto.

IV. R. Nihil omninò, præter absolutam violentiam coactionis, & casum, qui non potuit prævideri, aut præcaveri. Quæ autem ex vio-

lencia absoluta, aut ex mero casu aguntur, neque obedientie, neque peccati rationem habent. Vt si quis cogatur thura offerre, aut genua flectere coram idolo. *Deut. 19. 5. 6. 10.*

Quæstio tertia. Quid judicandum est de ignorantia?

De ignorantia.

V. R. 1. Ignorantia quæ est aliquo modo causa facti, ita ut si contraria scientia adesset, non faceret, si modo sit involuntaria, & in sese, & in sua causa, id est, non affectata, nec procurata, nec tolerata, aut neglecta, tum actum reddit mere fortuitum, & involuntarium, atque adeo excusat à peccato.

VI. 2. Ignorantia juris, nunquam excusat à toto: quia omnes tenentur scire voluntatem Dei. Sed excusat à tanto, si non sit affectata. *1. Tim. 1. 13. Job. 9. 41. Alist. 3. 17.* Si vero sit affectata, peccatum est in se, atque adeo non minuit, sed auget potius reatum aliorum peccatorum. *2. Petr. 3. 5.*

VII. 3. Ignorantia facti, si diligentiam debitam adhibuit, excusat: quia reddit factum fortuitum. Vt cum Jakob deceptus accessit ad Leam, non suam. *Gen. 29.* Si verò diligentia debita non sit adhibita,

non planè excusat, quamvis minuat culpam. Qui casus videtur fuisse Abimelechi. *Gen. 20.*

Metus.

Quæstio quarta. Quid iudicandum est de metu?

VIII. R. 1. Metus non simpliciter tollit voluntarium, sed pro loco & tempore, id est, omnibus circumstantiis cōsideratis, impellit hominem ad hoc aut illud volendum. Ut apparet in trito illo exemplo mercatoris, qui metu mortis, projicit merces in mare. Nunquam igitur plane excusat à peccato. Imo lape est peccatum prohibitum, & causa gravillimorum peccatorum. *Mat. 10. 26. Phil. 1. 28. 1. Petr. 3. 14. Apoc. 21. 8.* quamvis igitur metus aut terror gravis, qualis solet constantem virum afficere, coram hominibus pro excusatione habeatur, & valeat ad contractus irritandos, coram Deo tamen non potest allegari.

IX. 2. Peccatum tamen quod ex valido terrore admittitur, minus grave est (cæteris paribus) quam quod admittitur absque ullius periculi metu, ex spontanea voluntatis inclinatione: quia tentatio est validior in metu: & talis lapsus, si pœnitentia sequatur, non tam ex malitia, quam ex infirmitate & perturbatione procedit. Petri casus talis fuit, cum Christum abnegavit.

Quæstio quinta. Quid iudicandum de concupiscentia?

X. R. Concupiscentia non tollit, aut minuit voluntarium, respectu actus, sed potius auget. Qui enim facit aliquid ex concupiscentia, ille valde illud vult, quatenus vel delectabile, vel utile ipsi apparet. Si igitur illa concupiscentia sit fixa, peccatum auget; ut in Juda, qui Christum prodidit ex cupiditate lucri.

Quæstio sexta. Quid iudicandum est de inadvertentia?

Inadvertentia.

XI. R. Inadvertentia eandem rationem habet cum ignorantia: quia non differt ab illa, nisi ut privatio actus, à privatione dispositionis. Inadvertentia igitur est ipsa sæpè peccatum, & opponitur vigilantie. Quando igitur tenemur vigilare & attendere, si non advertamus, rectè dicimur nolle, non velle, & velle non advertere. *Esa. 1. 3.*

XII. Ipsa inadvertentia aliquando voluntariè eligitur in sese. *Amos 6. 10.* aliquando voluntariè eligitur in sua causa. *Matth. 13. 22.*

Quæstio septima. Quomodo velle dicimur aliquid in ejus causa?

XIII. R. Quando aliquid volumus, ex quo alterum sequitur. Qui vult computationibus immodicis adesse, vult ebrietatem. Qui vult indulgere somno & otio, vult officia sua negligere. Qui vult hominibus placere, vult Deo displicere. *Gal. 1. 10.*

CAP. XX.

DE PECCATIS CORDIS.

Questio prima. Quanam sunt peccata cordis?

I. R. Sunt partim in cogitationibus, partim in delectationibus, & partim in desideriis.

Cogi-
tatio.

Questio secunda. Quanam cogitationes habendæ sunt pro peccatis?

II. R. Cogitatio triplex est, circa malum. 1. In simplici ejus apprehensione. 2. Cum illa apprehensio adjunctam habet aliquem inclinationis motum ad consentum. 3. Cum plenam approbationem & consensum habet. In prima harum per se non est peccatum. Fuit enim in Christo. *Matth. 4. 1.* Atque hinc rectè dicitur, scire malum non est malum. Reliquæ due non sunt sine peccato. De tertiâ non dubitatur. Sed de secunda etiam Scriptura testatur. *Jac. 1. 14.* ubi etiam docemur, quomodo cogitationes istas pravas ab aliis distinguamus, ex eo sc. si aliqua cogitatio de malo, vel minima ex parte nos abstrahere incipiat, insecare, & titillare. Ratio est, quia tum incipit recipi, & adherere nobis, ita ut malum illud de quo cogitatur, fiat aliquo modo nostrum, dum erga illud incipimus moveri tanquam erga objectum consentaneum. Quamvis enim ulterius non pergamus ad consensum plenum adhibendum, ali-

qua macula tamen inde nobis adheret. Animæ vero nostræ ad imaginem dei factæ, ita debent à nobis conservari, ut puræ sint ab omni vel minima iniquatione. Recte enim observatum est, ab autore gravi, *unumquemque a Deo constitutum esse à Deo sui cordis tanquam castris custodem & defensorem contra suos hostes.* Si ergo non implorato auxilio, non expectato succursu à Deo, ad primam obsidionis castramentationem, castrum tradat hosti, crimen admittit prodicionis manifestum. Quid igitur dicendum de traditione clavium hujus castri, antequam obsidione prematur? Clavis hujus castri est cogitatio. Hac enim cor aperit: hac diabolus introduci. Certe si diabolo clavem istam sponse tradit, nunquam effugiet prodicionis reatum. Clavem autem istam diabolo tradit, quoties cogitationem suam in manus ejus tradit, aut cogitat ad voluntatem ejus. Cogitationemolvere, est clavem cordis ad apertionem ipsius torquere, ut tandem referatur.

Questio tertia. Quenam delectatio circa malum habenda est pro peccato?

Dele-
ctatio.

III. R. Non tantum illa quæ est ex malo in perpetratione mali, aut jam patrato, aut in proposito

alicuius mali patrandi. *Prov. 2. 14.* & 10. 23. sed etiam simplex & inefficax complacentia rei illicitæ, quamvis nulla sit intentio illam actu perficiendi. Vocari solet *delectatio morosa*, non à temporis mora, sed à mora intellectus, qui cum aliqua voluptate in rei illicitæ contemplatione moratur. Ratio autem quare hæc delectatio est peccatum, in eo consistit, quod delectatio est conformitas affectus cum re cogitata, & continet aliquam ejus approbationem. *Rom. 7. 22.*

Delectatio
de re illicita,
an sit
licita?

Quæstio quarta. An omnis delectatio de re illicita sit peccatum?

I V. R. 1. Si sit de re illicita aut opere malo, quatenus est tale. 2. Si proveniat ex affectu, qui propendit in talia, aut ex quolibet illicito incitamento. 3. Si talis sit delectatio, ut sua natura vim causæ habeat, aut occasionis periculum adferat ad prævios affectus excitandos: tum dubitari non potest, quin sit peccatum. Si verò delectetur aliquis cogitando de re mala, quatenus in illa re naturalis aliqua perfectio exercetur, absque periculo in rem ipsam conueniendi, non est simpliciter & per se peccatum. Ut cum solertia dexteritate aut constantia illa, quæ in duello injusto apparet, aliquis delectatur. Ratio est, quia hæc delectatio non propriè & formaliter versatur circa rem malam, sed bonam.

Circa desideria absoluta, nulla potest esse dubitatio, quin si in ma-

lum ferantur, mala sint: sed de desideriiis iis quæ conditionem habent annexam.

Quæstio prima. An liceat homini optare sibi malum ætuum totum aut miseriam, sub conditione?

V. R. Licitum hoc esse aliquo modo, apparet 1. Ex Pauli exemplo *Rom. 9. 3.* 2. Ex re ipsa, quia actu subire aut pati hujusmodi malum, non solum licet, sed & expedit etiam sæpe, posita quadam conditione. *Gen. 44. 33.* 3. Ex ratione, quia pati malum non est per se malum aut peccatum: si igitur conditio sub qua optatur sit bona, desiderium tale induit rationem boni.

Quæstio secunda. An desiderium rei illicitæ sub conditione possit esse licitum?

V I. R. 1. In iis rebus quæ sunt illicitæ tantum ex jure positivo humano, licita sunt hujusmodi desideria, quia talia non habent malitiam intrinsecam. Ut exirem ex urbe per mania cum portæ sunt clausæ, nisi esset hoc vetitum.

XII. 2. In quibusdam etiam divino jure prohibitis, quæ intrinsecam malitiam non habent ita sibi conerctam, quin cogitatione possit abstrahi, & separari, licita etiam sunt talia desideria per se, si absit periculum absoluti consensus. Ut dicerem Titum in uxorem, nisi esset propinqua sanguine in gradu prohibito.

VIII. 3. Desiderium illud faciendi quod est planè & intrinsecè malum,

malum, ſub hac conditione ſi liceret, aut ſi non eſſet prohibitum, non po- teſt excuſari à peccato. Vt fornicaret ſi non eſſet prohibitum. A peccatis enim deſideria noſtra debent eſſe longiſſimè remota & abhorrere: ſed in iſtiusmodi deſideriis aliqua inclinatio vel propenſio apparet ad peccandum.

IX. 4. Deſiderium illud quod in ſe malum eſt faciendi, niſi ſingularis vitæ conditio aut ſtatus impedi- ret, eſt peccatum. Vt uleiſceret eum qui me læſit etiam pugnando, niſi eſſem miniſter. Adjungerem me conſortiis ebrioſorum hominum, niſi eſſem candidatus miniſteri. Tales enim homines non abſtinent à malo ſimpliciter, quia eſt malum, ſed quia minus ipſos decet, aut præiudicium majus ipſis adferret quam aliis.

X. 5. Quando conditio talis eſt, ut non tollat militiam ab actu, ſed periculum poenæ tantum, tum deſiderium illud eſt grave peccatum, & indicium ſummæ pravitiſ in corde. Vt occiderem hominem ſi poſſim latere. Fornicaret & incecha- ret, ſi non eſſet infernus. Quamvis enim huiusmodi conditionalis op- tatio nihil ponit in eſſe (ut loquun- tur) quoad rem ipſam, in voluntate tamen ponit affectum aliquem erga tale peccatum: & indicat etiam velle eum, qui ita afficitur ſi fieri poſſit, peccata talia poſſe admitti ſine ulla poenâ ſequentē.

XI. 6. Omnia ſerè huiusmodi conditionalia deſideria ſunt tenta- tiones Diaboli, quæ cum magno pe- riculo admittuntur.

CAP. XXI.

DE PECCATIS ORIS.

QVæſtio prima. An peccato jam aliquo in corde admiſſo, nihil accedat per ejus eloquutionem?

I. R. Si quis abſtineat à malo illo verbis indicando, quod habet in corde, ut facilius perficiat, tum ipſum ſilentium induit rationem peccati, & malum cogitatum adaugēt: multo autem magis ſi verbis contrarium præſeferat. *Prov. 26. 24. 25. Prov. 10. 18.* Si vero quis id eo abſtineat à malo illo, quod cogitavit eloquen- do, quia malum eſt & pudendum,

is ſiſtit curſum peccati, & bene facit, *Prov. 30. 32.* Si igitur pergat elo- qui quod habuit in corde, augeat pec- catum, dum illud magis completum reddit.

QVæſtio ſecunda. An verbum otioſum ſit peccatum?

De verbis
otioſis.

II. R. I. Verbum otioſum ex propria ſignificatione vocis, idem eſt quod verbum inſtructioſum, nullum habens uſum, fructum, aut utilita- tem. Tale autem verbum ex deſiderata ratione procedens, vix poſſeſt profutū

proferri: quia ratio & voluntas aliquem finem & aliquid boni semper spectat, vel in genere morum, vel in genere naturæ: ita ut necessarium debeat omne verbum à ratione deliberata proficiscens, vel malum esse, vel bonum, atque adeo nullum propriè & rigide loquendo est otiosum.

III. 2. Verba tamen otiosa dicuntur in Scripturis. *Matth. 12. 36.* illi sermones, qui parum aut nihil à vulgo curantur, & quorum rationem se nunquam reddituros putant. Horum autem talem rationem reddendam esse coram Deo Servator affirmat, ut vel in talibus verbis reperiri possit materia, & meritum condemnationis æternæ.

Jocosa
verba.

Quæstio tertia. An omnia jocosa & ludicra verba otiosa, & peccata?

IV. R. Non sunt semper otiosa, quia habent aliquando suum usum,

recreationis saltem & hilaritatis. Neque semper sunt peccata: quia usum habent legitimum & honestum. *Prov. 29. 9. 1. Reg. 18. 27.* Hujusmodi igitur joca possunt esse vel mala, vel bona.

Quæstio quarta. An illa verba quibus boni aliquid homines proficiunt, sine ulla intentione idem perficiendi, sunt peccata? *Jac. 2. 16.*

V. R. Sunt peccata, non tantum ratione defectus, quia abest intentio debita, sed etiam ratione fallaciæ & fraudis, quæ talia verba comitatur, & habet aliquo modo rationem mendacii.

Quæstio quinta. An multiloquium sit peccatum?

VI. R. Non est per se peccatum multis verbis uti: sed sæpè est occasio peccandi. *Prov. 10. 19.*

C A P. XXII.

DE PECCATIS OPERIS.

Quæstio prima. An externum opus peccati, cum interiori conjunctum, augeat ejus malitiam?

I. R. 1. Si quis efficacem habeat voluntatem peccandi, id est, in voluntate sua sic afficiatur, ut nihil ipsum retineat ab opere ipso externo, nisi quod occasio deest, ille quoad sese, atque peccare existimatur coram Deo, ac si opus illud perfecisset. Apparet hoc ex contrariis actibus

obedientiæ. *2. Cor. 8. 12. Hebr. 11. 17.*

II. 2. Quoad extensionem tamen illius peccati, majus redditur per opus externum. Sicut enim sanctificatio major est quam spiritum animam & corpus renovavit, quam si unam partem solam reformaret. *1. Thess. 5. 23. 1. Cor. 6. 20. 2. Cor. 7. 1.* sic etiam peccatum majus est hoc modo, cum corpus etiam invasit,

invasit, quam cum animam suam occupavit.

III. 3. Quoad noxam aut damnum, quod animis inferit vel per scandalum, vel per incommodum aliquod reale, majus etiam est peccatum in opere externo. 1. *Sam. 25. 32. 33.*

IV. 4. Quædam igitur pænæ rectè infliguntur, propter opus externum alicujus peccati, quæ in interno solo nullum locum habent. Ut divorcium sit propter adulterii actum, non propter ejus intentionem.

Quæstio secunda. An incommoda illa, quæ in eventu operis mali sequuntur, peccatum adaugent?

V. R. Incommoda illa quatuor modis possunt se habere ad voluntatem peccantis; primo, ut directè intenduntur: & tum augent peccatum in interna ejus natura, sive sequantur, sive non sequantur. Secundo, ut prævideantur, quamvis non directè intenduntur, ut cum quis ex furto quod intendit, videt innoxium aliquem gravia passurum: & tum per interpretationem, & indirectè hæc etiam

dicuntur intendi, atque adeo peccatum augent. Tercio, ut neque intenduntur, neque prævideantur, sed tamen possint ac debeant aliquo modo prævideri, & præcaveri: & tum etiam augent peccatum, quia aliqua ex parte præsumuntur prævisa. Quarto, ut sine culpa ignorentur: & tum ad culpam non imputantur.

Quæstio tertia. Quomodo abrumpitur actus peccati?

VI. R. 1. Non omni physica interruptione actus: si enim moraliter continetur, peccatum ipsum perseverat.

VII. 2. Non per simplicem cessationem ab intentionis aut voluntatis actu: hæc enim accidere potest ex inadvertentia & distractione ad alia.

VIII. 3. Abrumpitur igitur moraliter tantum per contrariam voluntatem & propositum. Quæ tamen abruptio non est perfecta; nulli talis sit commutatio voluntatis, qualis ad resipiscentiam veram potestulatur.

FINIS LIBRI TERTII.

ut ipsi honorem cum submissione & reverentia deferamus.

fuerint, civilis honor ipsis est exhibendus, secundum excellentiam illam, quæ ipsis inest.

IX. 2. Quidam tamen sunt affectus in quibus magis expresse affectus iste significatur, quam in aliis: illi scilicet in quibus nihil fere aliud respicimus nisi honorem Dei, ut prostratio, genus flexio, aut submissa inclinatio corporis coram Deo, quibus veneratio aut adoratio externa in scripturis denotatur.

XI. 2. Si verò absint, aut nobis non appareant, nullus omnino adorationis actus erga ipsos debet exerceri.

XII. 3. Sive verò absint, sive adsint, religiosus honor ipsis non debetur, quia quamvis singularem respectum habet ad excellentiam Dei, illa tamè excellentia est ipsis extrinseca, atque adeo honor, qui illi excellentiæ debetur non est ipsis deferendus. *Act. 10. Apoc. 19. & 22.*

Quæstio quarta. Qualis honor debetur hominibus & angelis sanctis?

X. R. 1. Si præsentibus nobis

Cultus
Angelo-
rum.

CAP. II.

DE FIDE.

Quæstio prima. Quomodo fides divina distinguitur ab opinione & fide humana?

I. R. 1. Fides divina nritur testimonio Dei. *1. Joh. 5. 9. 10.*

II. 2. Conjunctam semper habet piam affectionem erga Deum. *Hebr. 11. Rom. 4. 20.*

III. 3. Vincit mundum. *1. Joh. 5. 4. Rom. 4. 18.*

Quæstio secunda. Quænam sunt necessaria credita ad salutem?

IV. R. 1. Implicitè saltem credenda sunt omnia, quæ Deus proposuit credenda. *Act. 24. 14.*

V. 2. Explicitè credenda sunt illa, quorum cognitio & apprehensio necessitatem habet medii ad sa-

latem. *Ioh. 6. 53. 17. 3.*

VI. 3. Quæ cognitu credituque sint necessaria, ad illa percipienda & apprehendenda. *Rom. 3. 19. 20.*

Quæstio tertia. Qui modus & gradus cognitionis necessarius est in istis, quæ explicitè creduntur?

VII. R. Tripliciter possunt cognosci. 1. quoad substantiam sensus aut sententiæ, quæ continentur. 2. Secundum eam declarationem, quæ distinctè explicantur in scripturis ad ædificationem fidei. 3. Secundum difficultates, quæ circa illa solent aut possint moveri. Jam verò sufficit ad salutem cognoscere prædicta quoad rei substantiam, easque necessariam declarationem, e.g. Satis est

tis est ad salutem, si intelligatur Patrem, Filium, & Spiritum sanctum esse unum essentia Deum, tribus personis distinctum: Christum esse verum Dei filium, verumque hominem in una persona; quamvis de subtilioribus circa ista disquisitionibus parum aut nihil intelligatur.

Questio quarta. An salvari possit, qui credit aliquid quod pugnat cum iis, quæ sunt necessaria creditu ad salutem?

VIII. R. Si intelligat ea pugnare, non potest utrumque credere. Si verò ex errore & institutionis defectu putet illa simul posse consistere, error ille non excludit à salute. Nemo enim est inter mortales, quin errori sit obnoxius: neque ullus est error in religione, quin aliquo modo pugnet cum religionis fundamentis.

Questio quinta. An illi possint servari, qui cætera illa nihil curant, quæ non sunt absolutè necessaria ad salutem?

IX. R. Fieri non potest ut illi veram fidem habeant de necessariis ad salutem, qui cætera neglectui habent. Nam 1. qui sollicitus est de sua salute, certissimam & maxime distinctam ejus cognitionem quæret. 2. Qui per veram fidem Deo adhæret, ille magni faciet voluntatem & præcepta Dei. 3. Qui veram fidem habet, ille non tantum suam salutem, sed & gloriam Dei quæret. 4. Fides vera (ut cætera omnia) conservationem & incrementum sui

quæret. 5. Homogeneis etiam & consentaneis omnibus delectatur.

Questio sexta. An fide divina possit quis credere falsum?

X. R. 1. Fides divina neque per se, neque per accidens, neque directè, neque indirectè est causa falsi assensus, quatenus est falsus. Sic enim Deus & veritas Dei esset causa falsitatis.

XI. 2. Potest tamen concurrere ut causa quoad substantiam actus assentiendi illi quod falsum est, ex accommodatione prava. Act. 21. 11. 12. sic se res habet in syllogismo, cujus propositio vera est ex fide divina, sed assumptio admittitur ex fide humana, aut opinione falsa. e.g. Quicquid in Scripturis revelatur verum est: sed in Scripturis revelatur sanctos martyres resurrecturos mille annis ante alios homines: ergo verum est.

Questio septima. An fide divina possit quis malè uti, referendo scilicet ad finem malum, inanem gloriam, aut alium similem?

XII. R. Fides ipsa divina per se non potest ad malum finem referri: sed aliqua scientia per illam acquisita potest ita perverti. 1. Cor. 8. 1. 2. & 2. Cor. 12. 7.

Questio octava. Qualis certitudo sit in fide divina?

XIII. R. 1. Ex parte objecti, certitudo major est fidei, quàm cujuslibet cognitionis naturalis.

XIV. 2. Ex parte etiam subjecti, sua natura firmiorem assensum in nobis efficit, quàm scientia naturalis,

ralis, quia nititur causa certiore.

XV. 3. Quia tamen intellectus hominis maiorem proportionem habet ad res naturaliter cognitās, & plenius illas consequitur, ideo non utitur semper lumine fidei, cum illa certitudine, quā utitur scientiā naturalē.

XVI. 4. Hinc est quod hæsitationes, & dubitationes, involuntariæ, ut indeliberatæ, cum vera fide consistere possint, propter fidei imperfectionem, & infirmitatem intellectus.

Quæstio nona. An fidelis sit certus infallibili certitudine se habere fidem?

XVII. R. 1. Ex naturā rei, & ordine communi, ille qui credit, novit se credere. Intellectus enim reflectitur super suum actum, & quasi per evidentem experientiam percipit quid agit, sicut etiam quid voluntas vult. Quemadmodum enim per scientiam naturalem certissimus non tantum de objecto, quod directè scimus, sed etiam nos illud scire, & scimus etiam utrum voluntas in illud objectum feratur necne, sic etiam in fide. Alias nemo posset dicere credo ut ille qui fuerat cæcus, *Job. 9. 38.* credo Domine.

XVIII. 2. Præcipitur etiam omnibus fidelibus, non tantum ut credant, sed etiam ut certo sciant se credere. *2. Cor. 13. 5.*

XIX. 3. Nemo potest dubi-

tare de certitudine suū assensus, qui non dubitat etiam de objective veritate: qui dubitat, an certò credat Christum esse Deum, ille etiam aliquo modo dubitat, an Christus sit Deus.

XX. 4. Certitudo ista experimentalis non tantum haberi potest de substantia actus, sed etiam de ratione ejus formali, quod fides quæ habetur, sit verè divina. Quia intellectus per actum suum reflexum, non ipsum tantum actum percipit, sed etiam modum & rationem ejus objectivam, una cum affectu ex quo proficitur.

XXI. 5. Præter certitudinem istam experimentalem, est etiam alia certitudo fidei ex testimonio Spiritus sancti. *Rom. 8. 6.* cum enim testatur nos esse filios Dei, testatur etiam nos illam fidem habere, quæ propria est filiorum Dei.

XXII. 6. Est etiam certitudo fidei, quæ oritur ex propriis ejus actibus distinctè perceptis. Ut cum quis novit se paratum esse ex affectu pio, omnem carnalem rationem, & semetipsum totum abnegare, ut Deo possit secundum ejus voluntatem in verbo revelatam adherere.

XXIII. 7. Potest tamen esse defectus talis in reflexione intellectus, super suum actum: talis defectio Spiritus sancti: & talis intermissio actuum fidei, ut homo fidelis ad tempus ignoret se credere, quod credit, imò talis judicet se esse inidelem.

CAP. III.

De Externa professione fidei.

Questio prima. An externa professio sit necessaria?

I. R. Multas ob causas est necessaria. 1. Quia Deus præcepit. *1. Petr. 3. 15.* 2. Quia promissionem habet salutis. *Matth. 10. 32. Rom. 10. 10.* 3. Quia neglectus huius officii maximam habet comminationem adjunctam. *Marc. 8. 58. Luc. 9. 26. & 18. 8.* 2. *Tim. 2. 12.* 4. Quia professio ista facit ad ædificationem aliorum hominum, & ejus neglectus scandalum ipsis ponit. *Phil. 1. 12. & 2. 15. 16.* 5. Quia facit etiam professio fidei ad gloriam Dei, *Philip. 1. 20.* & ejus abnegatio maximam contumeliæ nomen ejus afficit, quasi esset res pudenda. *Luc. 9. 26.*

Questio secunda. An ista professio semper, & ubique sit necessaria?

II. R. 1. Semper & ubique requiritur, ne fidem abnegemus, aut contrarium fidei veræ ullo modo profiteamur, aut præ nobis feramus. 2. Vbiq; tamen sine discrimine profiteri quod credimus, neque necessarium est, neque conveniens. *Matth. 7. 6.* ut si quis furiosus insingeret evaginato gladio, & diceret, qui fateatur se Christianum esse, interficeretur, apud eum tum temporis fidem profiteri, non esset consultum. Sed

tum demum, quando aliqua saltem spes est, professionem nostram cessuram in gloriam Dei, & ædificationem proximi. Medii enim necessitas censetur ex relatione, quam habet ad finem.

Questio tertia. An de fide publice rogatus ab eo, qui in autoritate constitutus est, confessionem edere teneatur?

III. R. Ex ordine communi tenetur. *1. Petr. 3. 15.* quia pertinet ad gloriam Dei, & aliorum salutem. *Matth. 10. 18.*

Questio quarta. An aliquis necessitate adactus, damnato cultui possit adesse, si mentem ab eo conservet alienam?

IV. R. Si sine discrimine adsit, eodem modo sese gerens, quo illi solent, qui illum cultum profitentur, graviter peccat. 1. In proximos *1. Cor. 8. 10.* & 2. in Deum *1. Cor. 10. 20. 21. 22.*

Questio quinta. An liceat ad periculum declinandum, caeremoniis uti ad talem cultum spectantibus?

V. R. Non licet. Caeremoniarum enim proprius finis est professio: qui igitur caeremonia utitur idololatrica, ille aliqua ex parte professionem facit idololatriæ.

VI. Quamvis igitur licitum sit, qualibet

qualibet infidelium, aut idololatrarum veste uti civili, illa tamen veste, quæ est proprium symbolum religionis, ex institutione sua religiosum, sub illa specie uti nemo potest sine peccato.

Iuga in
Persecu-
tione.

Quæstio sexta. An liceat in persecutione fugere, maximè pastori?

VII. R. 1. Licitam esse aliquam fugam, apparet 1. ex directione Christi. *Matth. 10. 16. 23.* 2. ex Christi ipsius exemplo. *Matth. 12. 14. & 14. 13. Joh. 10. 39.* 3. Ab exemplo sanctorum, Moïsis, *Hebr. 11. 27.* Eliæ, *1. Reg. 19. 3.* prophetarum variorum *1. Reg. 18. 13.* & Apostoli Pauli. *Actor. 9. 25.* 4. Ratione, quia lege naturæ tenentur homines vitam suam tueri, usque dum manifesto apparet Deum ac Dominum vitæ eam reposcere, id est, donec necessitas, aut utilitas gloriæ Dei & salutis Ecclesiæ, contrarium suadet.

VIII. 2. Non licet iis fugere, quorum præsentia est necessaria, ad ædificationem Ecclesiæ. Quia hoc esset non tam persecutionem declinare, quam officium detrectare.

IX. 3. In persecutione communi, non personali, turpe est pastori, metum singulare præ se ferre, qui debet esse toti Ecclesiæ fortitudinis, & constantiæ exemplum.

Quæstio septima. An propter veritatis confessionem captus & in custodiam missus, carcerem effringere, aut custodes fallere licitè possit?

X. R. Non potest. 1. Quia jam vocatus est ad confessionem edendam. 2. Quia hoc esset vim facere publicæ authoritati. 3. Quia Apostoli & sancti alii, quorum exempla nobis commendantur, ab huiusmodi consiliis semper abstinuerunt.

Quæstio octava. An liceat homini fideli, in tali casu, redimere sese pretio?

XI. R. 1. Non semper hoc licere, apparet ex Pauli exemplo. *Act. 24. 26.*

XII. 2. Aliquandò tamen licitum esse videtur, ex rei natura. Si enim ille, qui potestatem habet dimittendi, lucris & questibus cupidus, præmium dimissionis querat, & circumstantiæ tales sint, ut ipsam dimissionem gratis acceptare liceat, tum pecuniæ iactura, eam procurare, non minus licet, quam à latrone vitam redimere.

XIII. 3. In hoc, & similibus casibus, Honor Dei, ædificatio Ecclesiæ, & conscientiæ propriæ dispositio, in hanc aut illam partem semper debent valere.

Quæstio nona. An homines infideles compelli debeant ab iis, quibus subjiciuntur, ad veræ fidei professionem?

XIV. R. 1. Non debent eo compelli. 1. Quia fides ipsa non potest coactione ingenerari. Actus fidei veræ provenit semper ex libera voluntate, non ex metu aut vi. *Psal.*

47. 10. *Act. 2. 41.* 2. Quia professio externa sine interna fide est hypocrysis. 3. Quia Ecclesia hac ratione corrumpitur, cum obtunduntur ipsi pro membris, qui non sunt idonei.

XV. 2. Possunt tamen allici benignitate, & privatione favoris commoveri, ut serid cogitent de fide

amplectenda.

XVI. 3. Possunt etiam compelli ad institutionem de fide audiendum. Hac enim institutio non tollit libertatem.

XVII. 4. Possunt etiam compelli ne blasphement veram fidem, aut impediant ejus propagationem.

C A P. IV.

D E H A E R E S I.

Questio prima. Quis sit pro haeretico habendus?

I. R. Ut quis sit haereticus eo sensu qui in Ecclesia obtinuit, requiritur 1. ut aliquam professionem faciat Christianismi, id est, ut sit vel baptizatus, vel saltem catechumenos. Haeresis enim graeca vox est, & significat electionem, ita ut haereticus denotet illum, qui deserta veritate quam profitebatur, ex aliqua parte, eligit sibi postea contrariam opinionem cui adhaeret. Qui autem nunquam veritatem est professus, quamvis idem sentiat cum haeretico, non dicitur tamen haereticus, sed infidelis.

II. Requiritur 2. ut errorem amplectatur, non tantum contra doctrinam in Scripturis traditam, sed etiam contra illam doctrinam, quae spectat ad summam & substantiam fidei aut morum. Distinctio enim hujusmodi, inter principales

& minus principales doctrinas traditur ab Apostolo. *1. Cor. 3. 10. 11.* Quamvis autem fidei propriè adversetur haeresis, ad mores tamen debet extendi: quia erroris in moribus fundamentum est error aliquis in fide. *1. Tim. 4. 1. 2. 3. 4.* Debet verò esse contra fidem, ita ut necessariò evertat illam. Alias error est in fide, aut circa fidem, non haeresis contra fidem.

III. Requiritur 3. ut error ille conjunctam habeat pertinaciam, & obstinationem animi. *Tit. 3. 10.*

IV. Pertinax autem ille jure censetur, qui cum veritas non solum in Scripturis manifestè revelatur, sed etiam ipsi sufficienter proponitur & manifestatur, ita tamen suo errori adhaeret, ut vel Scripturae sese opponat, vel sententiam ejus ex pravitate animi percipere nolit. Pertinax enim est, qui non est paratus captivare intellectum & rationem suam omnem

sacra

sacra Scriptura.

V. Hæreticus igitur potest quis esse materialiter, dum assensum præbet errori pernicioso, vel ex simplici facilitate, levitate, ac temeritate: hæreticis credendi, qui sub honesta aliqua specie fallunt, vel ex ignorantia, qui formaliter non est hæreticus, cum pertinacia, & obstinatio animi deest, atque aded pro simpliciter hæretico non est habendus.

Quæstio secunda. An Pontificii sint hæretici?

VI. R. 1. Papismus prout à Concilio Tridentino, fuit confirmatus, est perniciosa hæresis. Primò, quia fidem veram & salvificam directè evertit, dum fidem & fiduciam in creaturis collocandam esse docet: & opera, ac traditiones humanas, fidei loco obtrudunt, sicut & Pontificem Romanum & ejus creaturas loco Christi. Secundò, quia præcipuam partem pietatis evertit variis modis in falso cultu, & idololatria. Tertiò, quia tantam pertinaciam in istis erroribus tutandis, & propagandis exercet, ut Scripturam ipsam variis modis acculet, populo Dei auferat, & authoritati ac arbitrio suo subiciat.

VII. 2. Quod non solet inter hæreses numerari, hoc inde fit. Primò, quia non est una aliqua singularis hæresis, sed quasi corpus quoddam, ex variis hæresibus conflatum & productum. Sicut enim Mahometismus est antecedentium hæreseon

mixtura, in oriente & meridie, sic Papismus, quamvis alia specie, variarum hæreseon sentina est in occidente & septentrione. Secundò, quia non sumit & semel exoritur, sed paulatim & pedetentim invalescebat. Tertiò, quia multos perniciosos errores non tam palam verbis profitetur, ac reipsa fovet in mysterio. Quartò, quia Ecclesiam publicè non impugnavit, sed ipsam Ecclesiam invalit, occupavit, & titulum ejus sibi vendicavit.

VIII. 3. Quia tamen multi sunt inter Pontificios, qui mysterium Papismi non intelligunt, sed partim ex periculi metu & partim ex consuetudine, & simpliciter adherent Papismo, idcirco omnes Pontificii non sunt absolute pro talibus hæreticis habendi, quibus nulla spes est salutis: quamvis viam salutis eos insistere ex eorum professione, non possumus affirmare.

Quæstio tertia. An Anabaptistæ habendi sint pro hæreticis?

IX. R. Non sunt propriè hæretici, quia per do baptismum simpliciter negant, quamvis error ille sit in Ecclesia non tolerandus: quia summam fidei ad salutem necessariæ hoc errore non evertunt. Sed quæ negant peccatum originale, & humanam naturam Christi, ex beata virgine genitam, & similia, sunt hæretici.

Quæstio quarta. An Remonstrantes sint hæretici?

X. R. Remonstrantium sententia,

tenda, prout à vulgo ipsi faventium recipitur, non est proprie heresis, sed periculosus error in fide, ad heresim tendens. Prout verò à quib. idam eorum defenditur, est heresis Pelagiana: quia gratiæ internæ operationem efficacem, necessariam esse negat ad conversionem, & fidem ingenerandam.

Quæstio quinta. An Lutherani sint heretici?

XI. R. Qui inter illos pertinaciter defendunt ubiunitatem humanæ naturæ Christi, non possunt ab heresi exulari: quia illa sententia directè evertit humanam naturam Christi. Sed quia multi inter eos ab illâ sententia sunt alieni, & alii ex contentione potius defendunt, quàm ex animo credunt, idcirco vel stupiditatis & furoris, schismatis potius, quàm hereticos sunt accusandi.

Quæstio sexta. An heretici sint à Magistratu civili puniendi?

XII. R. 1. Reprimendos esse hereticos ab omnibus piis, secundum illam vocationem & potestatem, quam acceperunt à Deo, satis appa-

ret ex natura rei: quia omnes pii à militiam christianam vocantur, ut in suis stationibus opponantur singuli regno tenebrarum.

XIII. 2. Magistratus locus & officium postulat, ut reprimat improbos turbatores gladio, vel potestate publicâ, & externâ, si opus fuerit. *Rom. 13. 4. 1. Tim. 2. 2.*

XIV. 3. Si igitur heretici sint manifesti, & publicè noxii, debent à Magistratu publicâ potestate coerceri.

XV. 4. Si verò etiam manifestè blasphemii sint, & in illis blasphemiiis pertinaces ac præfracti, possunt etiam affici supplicio capitali. Lex enim illa *Lev. 24. 15. 16.* quamvis non obliget christianos, quatenus est lex, quatenus tamen est doctrina à Deo profecta, pertinet ad christianorum directionem in ejusdem generis causis. Quod igitur gloria Dei, & salus Ecclesiæ hujusmodi penam postulat, potest, ac, remediis aliis frustra tentatis, debet etiam à Magistratu Christiano adhiberi.

C A P. V.

DE APOSTASIA.

Quæstio septima. Quis habendus sit pro apostata?

I. R. Ille propriè est Apostata, qui fidem veram antea professus, ab ea in totum recedit. Apostata enim

idem sonat, quod desertor & transfuga. Talis fuit Julianus, qui cognomen habuit apostatæ: tales sunt qui ex Christianis vel Judæi, vel Mahumetani fiunt.

II. Sed

II. Sed per analogiam, ille etiam ita vocatur, qui in plenitudine recedit à vera fide: ut qui à veritate Evangelii ad Pontificios deficiunt. Apostata igitur totum illud secum trahit quod hæreticus, quoad essentiam: sed aliquid insuper addit.

Quæstio octava. Qualis est differentia graduum inter infideles, hæreticos, & apostatas? id est, quinam inter istos gravius peccant?

III. R. 1. Defectio gravius est peccatum quàm subjectionis negatio. In defectione enim plùs Dei rejicitur: plura vincula conjunctionis violantur: & Deus ipse tacite accusatur quasi iniquus. *Mich. 6. 3. 2.* Ceteris igitur paribus, gravissimè omnium peccant apostata. *2. Petr. 2. 21.* præsertim si ad abnegationem agnitæ veritatis, accedit etiam ejus oppugnatio. *Act. 26. 11. 1. Tim. 1. 20.*

IV. Hæretici autem proximè accedunt ad apostatas, quia simul cum ipsis deficiunt à veritate agnitæ, & à fide sacrosanctis vinculis obstricta. Sed Apostata à pluribus deficiunt.

V. Judæi & Pagani quoad extensionem infidelitatis magis peccant, quàm hæretici, quia in pluribus erro-

ribus versantur: sed intensive gravius tamen est peccatum hæretici: quia lege fidei magis fuit obligatus, quàm illi à quibus nunquam fuit recepta.

VI. Similis est ratio inter Judæorum & Paganorum infidelitatem. Pagani enim in pluribus errant, sed Judæi gravius peccant, quia veritatem à Prophetis receperunt, & aliquo modo profitentur, atque addò legi fidei magis subjiuntur, quàm Pagani.

VII. Eadem etiam proportio observanda est inter ipsos christianos, qui vel verbis, vel factis, abnegant Christi veritatem. Quò perfectius enim instituti fuerunt in veritate, eò gravius peccant, cum ab eà deficiunt.

Quæstio nona. Quomodo intelligendum est illud *2. Joh. 10. ne ave ei dicite?*

VIII. R. De Apostatis, & Hæreticis, præcipuè. De extraneis enim non similiter judicabant Apostoli. *1. Cor. 5. 12.*

IX. Erga ipsos etiam Hæreticos & Apostatas, non prohibentur necessaria humanitatis officia, sed detestationis constans significatio mandatur, & commercium illud interdicatur, quod consilium non potest cum detestatione justâ.

CAP. VI.

DE SPE.

Questio prima. Quenam sint signa spei veræ?

I. R. 1. Si innitatur soli gratiæ Dei, & ejus gratuiti promissionibus. *1. Petr. 1. 13.*

II. 2. Si curam ingereret Deo in omnibus placendi. *1. Job. 3. 3.*

III. 3. Si mediis a Deo ordinatis diligenter uti suadeat, & ab aliis abstinere. *Hebr. 10. 23. 24. 25.*

IV. 4. Si ex illis mediis non pendeat, sed ex Deo vel per illa, vel sine illis operante. *Eph. 4. 14.*

Questio secunda. An spes ista non aliqua ex parte, nitatur nostris conatibus?

V. R. Non nititur nostris conatibus, tanquam causis, vel meritis rei speratæ sed tanquam signis vel argumentis, quibus erigitur & confirmatur in certa expectatatione gratiæ Dei. *Hebr. 10. 22. 23.*

Questio tertia. An spes ista sit certa?

VI. R. 1. Spes divina quoad certitudinem objecti est certissima, quia nititur potentia & fide Dei, quibus promissiones suas certissime semper præstare se & posse & velle revelavit. *Rom. 4. 21. 2. Tim. 2. 13.*

VII. 2. Quoad certitudinem subiecti, debet esse omni modo certissima, & firmissima. *Heb. 6. 18. 19.*

VIII. 3. Absolutè & in se considerata, est etiam infallibilis, & certa. *Psal. 25. 2. 3.* quia innititur eadem certo & infallibili fundamento cum fide. *Rom. 4. 18. 19. Heb. 11. 1.*

IX. 4. Propter imperfectionem tamen nostram, & varias tentationes quibus percellimur, habet sæpe dubitationem aliquam comitantem, quæ facit ut quoad sensum nostrum, non sit semper certa. *Psal. 73. Lam. 3. 18.*

Questio quarta. An cum eadem certitudine versetur spes, circa omnia illa quæ sperat?

X. R. 1. Principale objectum spei divinæ est æterna beatitudo, circa quam eadem debet esse certitudo spei, quæ est fidei, id est maxima. Vnde est quod ipsa beatitudo vocetur spes. *Eph. 1. 18. Col. 1. 5. Tit. 2. 13.* & spe dicantur fideles servati etiam dum isthuc vivunt. *Rom. 8. 24.*

XI. 2. Secundaria objecta sunt omnia illa, quæ ad eam beatitudinem sunt essentialiter necessaria, ut gratiæ, & perseverantiæ in gratia supeditatio: quæ eadē certitudine sunt apprehendenda, cum ipsa beatitudine æterna. *Rom. 8. 38.*

XII. 3. Secundarii etiam objecti rationem induunt externa & corporalia illa bona, quatenus gloriæ Dei,

rie Dei, & beatitudini nostræ promovende, & fovendæ inserviunt. Quia verò, hoc nobis non liquet sæpè in particulari, idcirco, particularia boni hujus generis, non possumus, nec debemus absolute sperare, sed cum illa limitatione, qua sunt à Deo promissa. 2. *Tim. 4. 18. Phil. 1. 20. 25.*

Quæstio quinta. An spiritualis etiam gratia certo sperari possit, in particulari, ad hoc vel illud officium præstandum, aut ad hanc vel illam tentationem superandam?

XIII. R. 1. Potest, ac debet quoad rem ipsam: quia Deus promisit se in istis spiritualibus, quæ suâ naturâ certam & essentialem connexionem habent cum vitâ æterna, nobis adfuturum. *Phil. 4. 13.*

XIV. 2. Sed quoad gradum, aut modum non essentialem, non potest. 2. *Cor. 12. 8. 9.* quia spes divina sua natura non fertur in istiusmodi circumstantias, tanquam in suum objectum, sed per electionem humanam & errori obnoxiam, ad illas applicatur.

Quæstio sexta. Quam certitudinem spei, de aliis hominibus possit quis habere?

XV. R. 1. Prout signa in iis apparent veræ fidei, sic justum est ut nos de illis speremus. *Phil. 1. 6. 7.*

XVI. 2. Quia autem externa ista signa, quæ in aliis apparent, non possunt nobis tam certam fidem facere de ipsis, atque interna illa experientia, quam in nobis ipsis habemus, gratiæ Dei, & quia Spiritus sanctus obsignat fidelibus suam propriam adoptionem, non aliorum, idcirco spes ista de aliis in particulari concepta, non est eodem modo & gradu infallibilis, quo est illa spes, quam de nobismetipsis habemus. Nititur enim, ex parte, humana credulitate. 1. *Petr. 5. 12.*

XVII. 3. Quia tamen certitudo ista, quam sæpè habemus, de aliorum internis affectibus, est moraliter certa, quomodo filii certo persuasum habent se à parentibus suis sincerè diligi, & amici etiam idem certo judicant de suis amicis, idcirco sine actuali dubitatione, spem optimam fovere debemus de iis, qui indicia præbent fidei sinceræ. *Hebr. 6. 9. & 11.*

XVIII. 4. Si spes hujusmodi de aliis concepta aliquandò fallat, non est igitur putandum spem divinam esse incertam: quia hæc spes ex illa tantum parte fit inita, qua in applicatione aut determinatione, humanis nititur conjecturis. 2. *Timoth. 2. 19.*

CAP. VII.

De Patientia erga Deum.

Questio prima. Quænam sint signa hujus patientiæ?

I. R. 1. Sineque contemnamus castigationem Domini, neque murmuramus adversus Deum, quomodo cumque nobiscum agat, sed in omnibus ipsi benedicamus. *Hebr. 12. 6. Job. 1. 21. 22.*

II. 2. Si constanter persistamus in officio nostro faciendo, qualiscunque fuerit successus. *Jac. 5. 8. Hebr. 12. 12.*

III. 3. Si ab ipso Deo finem optatum expectemus. *Jac. 5. 11. Hebr. 10. 36.*

IV. 4. Si non præsternamus, vel ad media illicita confugientes, vel animos despondentes. *Hebr. 10. 38. Esai. 28. 16.*

V. 5. Si denique à Deo consilium, & directionem quæramus, in omnibus angustiis. *Jac. 1. 4. 5.*

Questio secunda. Quibus argumentis corroborari possit animus ad patientiam istam?

VI. R. 1. Quia peccata nostra graviora merentur. *Lament. 3. 59. Mich. 7. 9.*

VII. 2. Quia Deus in suis castigationibus, exhibet se nobis, ut patrem sui filijs. *Hebr. 12. 7.*

VIII. 3. Quia non deserit suos, sed bonum exitum dabit. *Lam. 3. 25. 26. 27.*

IX. 4. Quia pusillum tantum tempus erit expectationis nostræ. *Hebr. 10. 37.*

X. 5. Quia hac via Christus ipse, cum omnibus sanctis, ad gloriam pervenerunt. *Hebr. 12. 1. 2.*

XI. 6. Quia Deus ipse patiens est erga nos. *2. Petr. 3. 9.*

XII. 7. Quia hæc patientia est necessaria ad salutem. *Hebr. 10. 36.*

CAP. VIII.

DE TIMORE.

Questio prima. An debeant homines timere damnationem æternam, & alia supplicia Dei?

I. R. 1. Peccatores impenitentes, debent dum in illo statu manent, ista timere, & expectare.

Rom. 13. 4. Job. 3. 36.

II. 2. Fideles non debent vel expectare æternam damnationem, vel simpliciter dubitare, an eos maneat necne? *Rom. 8. 1. Hebr. 2. 15.*

III. 3. Debent tamen fideles pavere,

pavere, horrere, cavere, & fugere iram Dei, & damnationem, ut ipsis propter peccata sua debitam. *Hebr. 12. 29. 2. Corinib. 5. 11. Eph. 5. 6. Col. 3. 6.*

IV. 4. Cum gravius Deum offendunt, debent etiam timere gravem & acerbam Dei castigationem. *1. Cor. 11. 29.*

V. 5. Dum jacent in peccato aliquo enormi, sine resipiscentiæ renovatione, debent etiam singulari modo timere iram Dei, & ipsum damnationem æternam: quia jam in illa ipsa viâ versantur, quæ tendit ad condemnationem, & si procederent,

in eam necessitudo pervenirent. *Gal. 5. 21. & 6. 8.*

VI. 6. Hic autem timor ex conditione suspenditur, & eadem etiam mitigatur, quia metuitur condemnatio, nisi per resipiscentiâm avertatur: non est igitur mere incredulitatis, sed fidei languentis timor: non est timor servilis, sed filii inobedientis.

VII. 7. Ad fiduciam, non timorem pœnæ, vocantur fideles, quæ sint tales. *Eph. 1. 18.* sed ad timorem pœnæ detruduntur, quatenus peccatum in ipsis viget.

CAP. IX.

De Desperatione, & Prasumptione.

Questio prima. An qui aliquid eorum, quæ sperare debemus desperat, totam rationem spei tollit?

I. R. Eadem ferè est ratio desperationis ad spem, quæ est hæreticos ad fidem. Nam sicut omnis error circa illa, quæ sunt credenda, non tollit fidem, & hæresis est censenda; sic neque omnis dissidentia circa res sperandas tollit spem, & in statum desperationis inducit. Sed ut pertinax error circa fidei fundamenta, facit hæreticum, sic pertinax dissidentia circa primaria spei objecta, i. e. beatitudinem æternam, & quæ ad illam sunt necessaria, facit hominem desperatum.

Questio secunda. An omnes illi habendi sint pro desperatis, qui dicunt sese desperare?

II. R. Nequaquam. Sicut enim vel ex perturbatione valida, vel ex ignorantia, aut infirmitate judicii, potest fidelis aliquis ad tempus sibi metipsi videri fidei expertus; sic etiam eadem ratione potest ille, qui spem habet veram, existimare tamen se ab omni spe esse derelictum. Sunt deliquia spei & fidei, in quibus actus eorum non apparent, cum tamen internæ virtutes non sunt extinctæ. Fieri igitur potest, ut quoad finem & conceptum proprium videatur sibi in statu damnationis, qui

revera est in statu salutis.

Quaestio tertia. Qua in re consistit praesumptio?

III. R. Ille propriè praesumit, qui sibi persuadet se beatitudinem æternam consecuturum, quamvis non adhareat illis mediis, quæ Deus in illum finem ordinavit. Illud sibi sumunt, quod Deus ipsis nullo testimonio sui verbi dedit aut promissit.

Quaestio quarta. An tantum periculum sit in praesumptione, quantum est in desperatione?

IV. R. Gravius est periculum sæpè praesumentis, quam desperantis. 1. Quia praesumens, non videt

aut sentit se praesumere; desperans autem suum vitium sentit. 2. Praesumens sibi met maximè placet, nihil dubitans, quin sit in optima via, atque adeò non querit meliorem: sed desperans suæ miseriæ pertæsus aliam conditionem optat. 3. Praesumens non cupit admittere saniora consilia: desperans cupit, si possit. 4. Plures pereunt praesumendo, quam desperando. Meliùs igitur sperandum est de iis, qui videntur sibi met desperare, quam de illis, qui praesumunt. Praesumentes sunt eo magis desperati, quò minùs sunt desperantes.

C A P. X.

De Charitate erga Deum.

Quaestio prima. An Deus sit diligendus propter bonitatem, & perfectionem suam in se consideratam, vel propter bonitatem suam erga nos, & beneficia illa, quæ nobis confert?

I. R. 1. Perfectissima ratio charitatis est in eo, ut diligamus Deum propter semetipsum: id est, ut ratio formalis dilectionis nostræ sit (ut loquuntur Scholastici) diligibilis natura Dei: & dilectio nostra feratur in eum, tanquam in ultimum finem.

1. Quia hic est amor perfectissimus, qui vocari solet amor amicitiae. 2. Quia si diligamus Deum tantum propter bonitatem ejus erga nos, tum

diligimus eum propter nos, atque adeò nosmetipsos magis diligimus, quam Deum. 3. Quia talis est dilectio divina inter Patrem, Filium, & Spiritum sanctum. *Prov. 8. 30.* 4. Quia talis est dilectio Dei erga nos, quatenus nihil boni à nobis ipsi propriè accreseat.

II. 2. Quia tamen nos sumus adeò imperfecti, ut ad illam contemplationem Divinæ perfectionis, non possimus immediate animos nostros elevare, sed per illa media, quibus bonitas, & perfectio Dei nobis innotescit; & quia maximè innotescit in communicatione bonorum; iisque etiam bonis maximè afficimur, quæ nobis

nobis communicantur; idcirco beneficia Dei erga nos sunt etiam ratio & (ut loquantur) motiva charitatis nostræ erga Deum, & quoad ordinem, prima, quamvis non quoad dignitatem, præcipua, ultima, & summa, sed talia, ut ab iis, & per illa, debeamus ascendere ad divinam naturam ipsam Dei, in se, & propter se diligendam, ut ibi ultimo acquiescamus. *Job. 4. 8. 9. 10. 11. 16. 19.*

Quæstio secunda. Quanam sint signa charitatis erga Deum?

III. R. 1. Quatenus est amor unionis, apparet. 1. In affectu desiderii erga omnia illa media, quibus Deus sese nobis exhibet. *Psal. 48.* 2. In aversione & fuga eorum omnium, quæ separant nos à Deo, i. e. peccatorum, eo ipso nomine, quia hoc faciunt. 3. In desiderio vere ac spiritualis unionis, & conjunctionis cum Ecclesia, & populo Dei. *1. Job. 3. 14.* 4. In dolore concepto ex sensu efficaciz Spiritus Dei in nobis aliquo modo deficiente, vel imminato. 5. In desiderio perfectæ fruitionis præsentiz Dei, in vita futura.

IV. 2. Quatenus est amor complacentiz, apparet 1. in delectatione illa, quam sentimus, ex unione & communione Dei, cum ex interna gratia & operatione Spiritus percipitur. 2. In suavitate & gaudio quod percipimus in exercitiis pietatis. *Pf. 122. 1.* Ratio redditur. *Prov. 13. 19.* 3. In sanctorum societate magni

facienda. *Psal. 16. 3.* 4. In fastidio & abominatione eorum omnium, quæ Dei voluntati adversantur. *Pf. 119. 128. 163.*

V. 3. Quatenus est amor benevolentiz, apparet 1. in zelo gloriæ Dei. 2. In obedientia. *Job. 15. 10.*

Quæstio tertia. Qua ratione amandus sit Deus super omnia?

VI. R. 1. Ita debemus Deum diligere, ut omnibus aliis eum præponamus, & affectu vel voluntate, & effectu vel opere. *Deut. 6. 5.* Affectui autem omnibus præponitur Deus, 1. quandò nullus affectus erga creaturam aliquam, potest nos eo allicere vel impellere, ut Deum offendere velimus. *Matth. 10. 37.* 2. Quandò pluris æstimamus amorem Dei, quam alicujus alterius, ita ut ex affectu, quem habemus erga Deum, parati simus in ejus gratiam, vel ejus causa deferere omnia illa, quæ sunt nobis charissima inter res creatas. *Luc. 14. 26.* Effectu omnibus præponitur Deus, quandò ille affectus efficaciter sese ostendit, in vita & conversatione nostra externa. *1. Job. 5. 3. 2. Cor. 5. 14. Job. 21. 15.*

VII. 2. Ita debemus Deum diligere, ut fortior, firmior, & magis in corde radicans sit iste amor, quam alius qualiscunque affectus, quem habemus erga creaturas. Hoc autem tum fit, cum magis procedit ab intimo spiritus & immobilis est, ita ut non possit deponi. *Psalms. 103. 1. 2. Cor. 7. 3.*

VIII. 3. Tàm tenere debemus Deum amare, ut minima læsio aut violatio, vel ipsius Dei vel amoris nostri erga eum, magis nos afficiat, quàm si in aliis rebus magnam jacturam, aut vim pateremur. *Psal. 119. 136.*

IX. 4. Tàm vehemens & fervens debet esse amor noster erga Deum, ut comparatione factâ, alia amemus, quâ amaremur. *1. Cor. 7. 29. &c.*

Quæstio quarta. Quomoddò consilendum est conscientis piorum hominum, qui sibimetipsis videntur aliquandò majore amore ferri in creaturas quasdam, quàm in Deum?

X. R. 1. Distinguenda est amoris æstimatio, fortitudo, ab illâ commotione affectus, quæ major aliquandò potest esse in amore minore. Si enim quis ita sit animatus, ut Deum non velit offendere, aut deferere, quàmvis propter eum alia omnia essent deferenda, si ille magis commoveatur aliquandò in aliis rebus, eas tamen non magis amat. Non fuit igitur solida & logica, sed militaris argumentatio illa Joabi, *2. Sam. 19. 7.* quam petiit à commotione Davidis erga Absalonem.

XI. 2. Distinguenda est soliditas amoris, ab ejus levi titillatione: sicut læticia vulgaris distinguitur à serio gaudio. Vbi spiritus magis intimè afficitur, & affectus fundatur & radicatur, ibi major est amor. *Eph.*

3. 18.

XII. 3. Distinguere debemus inter amorem spiritualem, & sensualem. Spiritualis enim potest esse tenerior & vehementior in suo genere, quàm est sensualis in suo, quàmvis corporei sensus in eo minùs afficiantur, quàm in isto: sicut sensualis affectus ita potest esse vehemens in suo genere, ut spiritus interim parum aut nihil afficiatur. Dum hic vivitur, talis est infirmitas nostra, per peccatum introducta, ut ordinariè sensus & spiritus nostri vitales ac animales, magis afficiantur rebus sensibilibus, quàm spiritualibus. Hoc tamen nihil impedit, quin spirituali bono magis interim spiritus nostri afficiantur, si illi adhereant eo modo, qui antea fuit declaratus.

XIII. 4. Distinguendum etiàm est inter habitum amoris, & ejus actus. Actu enim potest affectus unus magis aliquandò moveri, quàm alius aliquis à quo dispositione internâ multis modis superatur.

Quæstio quinta. Quomoddò & quatenus timor opponitur charitati?

XIV. R. 1. Non quatenus culpa, vel offensa Dei metuitur, & cavetur: eatenus enim est effectum & fructus charitatis. Sed 1. quia charitatis est querere unionem, & communionem cum Deo, & metus culpæ fugit illud quod separat à Deo. 2. quia charitas omnem honorem Deo vult & jubet deferri, & iste metus fugit illud, quod honori Dei adversatur. 3. quia charitas acquiescit

in bo-

De op-
positio-
ne chari-
tatis &
timoris.

in bonitate Dei, & iste metus fugit illos motus, quibus aliquid antepōnitur Deo.

XV. 2. Non quatenus timor sonat reverentiam immensę Dei Majestatis: eatenus enim debetur Deo ab omni creaturā, & reperitur in angelis, ac spiritibus beatis, qui charitatem habent perfectam. *Esai. 6. 2.*

XVI. 3. Non quatenus pro statu imperfectionis, & fragilitatis nostrę præsentis, ira Dei timetur. Quamvis enim iste metus opponatur charitati consummate, *1. Joh. 4. 18.* non tamen simpliciter charitati: quia charitas dum est imperfecta in luctu illa, quam habet adversus imperfectiones, ab isthoc timore juvatur.

XVII. 4. Timor ille, qui facit nos fugere à Deo, adversatur charitati, quā Deo adheremus.

XVIII. 5. Timor ille, qui tam terribilem nobis Deum apprehendit, ut acquiescere non possumus in ejus bonitate, adversatur charitati, qua complacentiam habet in Deo.

XIX. 6. Timor ille, qui afficit hominem cruciati, adversatur charitati, quā gaudium adfert & pacem.

De odio
Dei.

Quæstio sexta. Quomodo Deus potest odio haberi?

XX. R. 1. Quando Deum non esse animo concipitur, tanquam jucundum gratum.

XXI. 2. Quando Deum quis cupit, & optat Deum non esse tale, qualis est, i. e. peccati justum vindicem & ultorem.

XXII. 3. Quando quis oppōnit sese voluntati Dei, & vult contrarium iis, quę Deus vult.

Quæstio sept. Quinam hac tertiaratione habentur pro osoribus Dei?

XXIII. R. 1. Omnes illi, qui scientes volentes violant præcepta Dei. *Exod. 20. 5.* cum *6.* quia charitas est observare præcepta Dei.

XXIV. 2. Qui alieni sunt à cognitione, & cultu Dei. *Joh. 21. 14. 15.*

XXV. 3. Qui odio habent disciplinam, & veram vitę reformationem. *Psal. 50. 17. Prov. 9. 8.*

XXVI. 4. Qui non studiōse quarunt sapientiam. *Prov. 8. 36.*

XXVII. 5. Qui odio prosequuntur illos, qui Deum amant. *Psal. 139. 27. &c. 1. Joh. 4. 12. & 5. 1. Matth. 25. 40.*

XXVIII. 6. Qui amant alia magis, quàm Deum. *2. Tim. 3. 4.*

XXIX. 7. Qui Deum negligunt, & adherēt mundo. *Luc. 16. 13.*

CAP. XI.

De auditione verbi Dei.

Questio prima. Qualis attentio requiratur ad verbum Dei ritè audiendum?

I. R. 1. Attentio religiosa, quæ æ majestatis Dei consideratione, & reverentia ipsi debita proficitur: ita ut non gradu tantum, sed & toto genere distet ab attentione illâ, quæ verbis hominum, quamvis auctoritate præcellentium, debetur. *Actor. 10. 33. Jud. 3. 20. 1. Thess. 2. 13.*

II. 2. Non sufficit igitur attentio ad verba tantum, n. quæ ad sensum verborum, sed requiritur etiam attentio ad Divinam illam obligationem, quæ variis nominibus nobis incumbit, voluntatis Dei nobis propositæ religiose observandæ. *Dent. 32. 46. 47.*

III. 3. Fundamentum hujus attentionis consistit in actu exercitio timoris, ac reverentiæ Dei. *Esaï. 50. 10.*

IV. 4. Hinc talis attentio requiritur, quæ postulat præparationem aliquam antecedentem. *Exod. 19. 10. 11. Eccles. 5. 1.*

Questio secunda. Quamam inquisitio, aut consultatio requiratur in istâc attentione?

V. R. Non est in consultationem vocandum, utam præstanda sit voluntas Dei, necne, talis enim consultatio non caret impietate: sed

inquirendum tantum ut intelligamus, quamam sit voluntas Dei. *1. Joh. 4. 1.* De hominibus quorumcunque verbis judicium ferri debet, quo discernatur an sint bona & observanda, vne, *1. Thess. 5. 21.* Id Dei verbum nullum aliud judicium admittit, nisi quo discernatur esse verbum Dei. Ex Dei enim verbo de aliis omnibus judicamus, sed nosmet ipsos ei submittimus judicandos.

VI. In hominibus audiendis, quatuor modis versari homines dicuntur: vel enim sunt *spongie*, sugendo attrahentes omnia, tam mala, quam bona: vel *depsydræ*, qui quod aure una accipiunt, altera sinunt effluere: vel *sacci facum*, qui solas retinent feces, bonum autem vinum, patiuntur effluere: vel *cribrum*, qui quæ nihili sunt prætermittunt, bonamque retinent farinam. Et in ista quatuor genera auditorum, ultimum tantum quod est cribrantium approbatur: sed in puro Dei verbo audiendo, primum tantum approbatur, eorum scil. qui attrahunt sibi totum, instar spongie, aut terræ imbrem venientem imbibentis. *Hebr. 6. 7.*

Questio tertia. Quamam requiratur intentio voluntatis, in auditione verbi Dei?

VII. R. 1. Intentio nostra non debet

debet precipue & ultimo fieri in cognitionem, sed in praxin. *Iac. 1. 22. paralogismum* turpissimum, & periculosissimum admittunt, qui in cognitione acquiescunt. *ἡ ἀληθὴς ἐλπίς ἐστὶν ἐν ἔργῳ.*

VIII. 2. Intentio faciendi illa, quæ Deus vult ut faciamus, debet esse absoluta & universalis, sine ulla limitatione, aut distinctione. *Deut. 5. 33. 35. Jerem. 42. 3. 5. 6. Iac. 2. 10.*

IX. 3. Tàm firma debet esse hæc intentio, ut vim habeat voti vel juramenti. *Psal. 119. 106.*

X. 4. Non debet morâ, vel cunctatione aliqua tardari, *Psal. 119. 60.*

XI. 5. Intentio ista non debet niti nostris propriis viribus, sed gratia & potentia D. i. *1. Thess. 1. 5.*

XII. 6. Debet hæc intentio actu renovari, quoties Verbum Dei audimus. *Psal. 27. 8.* hæc etiam ratione possumus inter audiendum, singula Dei mandata cordibus nostris insingere.

XIII. 7. Continuari debet hæc intentio, per assiduam & diligentem verbi auditi meditationem. *Ipsal. 1. 2. & 119. 15. 109.*

CAP. XII.

De Superbia adversus Deum.

Questio prima. An possit creatura aliqua adversus Deum creatorem suum superbire?

I. R. 1. Superbia est propriæ excellentiæ inordinata affectio.

II. 2. Affectio ista excellentiæ duplici ratione exeritur. 1. Cum quis effert sese supra alium. 2. Cum arrogat sibi aliquid supra se.

III. 3. Priore modo, superabit aliquis vel directè, cum simpliciter præfert sese alii: vel indirectè, & interpretativè, cum non vult se subijcere alteri, cui subijci debet.

IV. 4. Ultima ista ratione, superbiunt adversus Deum omnes, qui subijci nolunt ejus voluntati, aut ver-

bum ejus audire. *Exod. 5. 2. Iere. 13. 15. & 43. 5. 5. & 2.*

Questio secunda. Quomodo ista superbia in omnibus illis locum habeat, qui verbum Dei nolunt audire, cum aliæ multæ cupiditates, sint causæ hujus inobediendiæ?

V. R. 1. Sicut peccatum; sic etiam peccati causæ dupliciter consideratur: vel enim respicitur aversio à Deo, vel conversio ad aliud oppositum Deo. Multæ autem cupiditates sunt causæ inobediendiæ, quoad conversionem: sed superbia est initium omnis inobediendiæ, quoad aversionem à Deo, & subjectionem ipsi debita.

VI. 2. Concupiscentiæ & cupiditates

piditates aliæ, dum inducunt hominem ad Dei voluntatem negligendam, inducunt etiam ad superbiam quandam, & contemptum Dei. *2. Sam. 12. 9.*

VII. 3. Aliæ cupiditates (maximâ saltem ex parte) ad peccandum inducunt, quatenus feruntur in præstantiam aliquam apparentem, *eritis sicut Deus*, in cuius appetitu aliqua superbiæ ratio reperitur.

Questio tertiâ. Quanam sunt propria media, quibus ista superbiâ

possit retardari?

VIII. R. 1. Consideratio magnitudinis, & potentie Dei. *Iob. 39. 35. Rom. 9. 20. 21.*

IX. 2. Consideratio vilitatis nostræ. *ibid. vers. 37.*

X. 3. Consideratio obligationum illarum, quibus tenemur subiacere nos totos Deo, ut creatori, sustentatori, ac Domino nostro,

XI. 4. Consideratio iræ Dei adversus superbos, & gratiæ ega submissos. *1. Petr. 5. 5. 6.*

C A P. XIII.

De Consultatione Diaboli.

Questio prima. Quando consultitur Diabolus?

I. R. Non solum quando vel petitione directâ, vel pacto expresso, implorant homines opem Diaboli, sive ad res occultas cognoscendas, sive ad res arduas perficiendas: sed etiam quando tacito vel implicito pacto idem tentatur. Sicut enim in Consultatione Dei, non tantum ab ipso dicimur inquirere, cum immediate cum adimus, sed & cum mediis illis utimur voluntatis ejus cognoscendæ, & perficiendæ, quæ sunt ab ipso instituta: sic etiam Diabolus consultitur, cum iis mediis utimur aliquid vel cognoscendi vel efficiendi, quæ à Diabolo sunt introducta. Differunt hæc duo tantum ut varii gradus ejusdem actus.

Questio secunda. Quando tacite, & implicitè consultitur, & auditur diabolus, loco Dei?

II. R. 1. Generali quadam ratione hoc fit, quandoque deserimus viam illam, quam à Deo habemus præscriptam, & suggestionem diaboli sequimur, alia via incedentes, aut aliis mediis felicitatem querentes: Sicut videre est in tentatione, & lapsu primorum parentum.

III. Specialiter autem & propriè hoc fieri dicitur, quando vel illi homines consultuntur, qui communionem habent cum Diabolo, vel illa media utuntur, sive ad cognitionem, sive ad effectiorem rerum, quæ talem usum non habent, vel ex natura suâ, vel ex institutione Dei, & nulla extraordinaria Dei operatio cum illis

cum illis possit ex fide expectari. Ratio est, quia talia media non habent vim illam, quam præ se ferunt à Deo, neque ut in ordine naturæ, neque in ordine gratiæ, neque extra ordinem per omnipotentiam suam operantes: neque possunt talem vim ab hominibus accipere: quia homines non possunt illam virtutem, quam ipsi non habent aliis communicare: neque à sanctis Angelis talem vim accipiunt, quia illi nihil agunt, nisi tanquam ministri Dei. Sequitur igitur Diabolum authorem esse & operationum & significationum illarum, quæ à talibus medijs pendent, & Diabolum consuli ab iis, qui ab illis tale quiddam expectant.

Quæstio tertia. Quenam est malitia hujus actionis?

IV. R. 1. Prima malitia, quæ in istiusmodi peccato reperitur, est infidelitas. Fides enim & spes non ponuntur in Deo, cum deseritur via ab ipso præscripta, & quaeritur alia nova.

V. 2. Præcipua autem malitia est, quod qui hunc in modum Diabolum consulit, ille aliquo modo submittit sese Diabolo, & tribuit illi excellentiam quandam divinam, atque adeò honorem & cultum per interpretationem dicitur ipsi deferre.

VI. 3. Via etiam quasi directè sternitur, ad efficaciorum Diaboli deceptionem, & pleniorum Dei dejectionem.

Quæstio quarta. An hujus generis

sint prædictiones Astrologiæ judiciariæ?

VII. R. Prædictiones ex astris de actionibus voluntariis, aut etiam de contingentibus in particulari, quamvis temeritati & imprudentiæ possunt aliquandò ascribi, si tamen serio adhibeantur, non possunt excusari ab omni participatione hujus peccati. Astra enim quamvis generalem quandam dispositionem aut inclinationem inferre possunt inferioribus naturis, tanquam causæ communes, non possunt tamen certè esse causæ, aut signa naturalia hujus vel illius effectû in particulari, non magis quam gallina incubans varii generis ovis, causa est aut certum lignum, quod alius pullo ex uno ovo, & alius ex alio nascatur.

VIII. Similis est ratio prædictionum ex elementis: ex structura humani corporis membrorum: ex insomniis, ex portentis, &c.

IX. In his enim & similibus aliquid inesse solet naturale, ex quo alia possint in generali concludi: sed nihil certi, in particulari, de contingentibus futuris, iis præsertim, quæ pendent ex electione voluntatis.

Quæstio quinta. Quibus in rebus admitti aut participari solet istud peccatum, à simplici, ignara, & credula plebe in observationibus vanis?

X. R. 1. Quando magni fiunt omnia vulgaria, tanquam fausta, vel infausta: id est, læta vel tristia futura conjectantur ex fortuitis dictis, aut factis

factis antecedentibus. Vt si certum aliquod animal, ut lepus, aut felis occurrat, aut transcurrat: si salinum in mensa evertatur, aut vinum effundatur: si cum primo mane domo exierint, sternutaverint, aut pedem in limine offenderint.

XI. 2. Quando certi quidam dies habentur fausti, vel infauti ad opus aliquod incipiendum, eo nomine tantum, quia sunt tales dies hebdomadae, vel anni, vel mensis, tali sancto consecrati.

XII. 3. Quando certis orationum formulis, & conditionibus annexis, efficacia tribuitur hoc aut illud singulariter procurandum. Hujus generis inter Papistas, sunt brevia collo appensa, Ave Maria cum oratione Dominica in globulis, ad certum numerum recitata.

XIII. 4. Quando ex rerum inutilium circumgestaltunge, commoditas aliqua expectatur: ut cum Papiste reliquias quasdam ad colla solent gestare, ut ex illarum vi mutentur adversus pericula, morbos, aut tentationes.

XIV. 5. Quando figuris, imaginibus, characteribus, verbis, carnalibus, aut descriptionibus, virtus tribuitur, morbos depellendi, aut alia realia effecta producendi.

XV. 6. Quando herbas, aut alios medicamentis, non commodè applicatis, sed aliquo modo incantatis, vel certa forma sepositis, similis ascribitur virtus.

XVI. 7. Quando fanaticorum hominum praedictionibus fides adhibetur, quasi essent oracula Dei.

C A P. XIV.

De Promissione Deo facta.

Questio prima. Quam re consistit hujusmodi promissio?

I. R. 1. Essentialiter consistit in proposito sancto coram Deo representato. *Psal. 119. 30. 57.*

II. 2. In illa representatione, contineri debet voluntas nosmetipsos obligandi, qualis est in juramento. *Psal. 119. 106.*

III. 3. Accedere solet ejusmodi voluntatis expressio. *Genes. 28. 20. 21. 23. Allegorismo Dei.*

Questio secunda. An necessarium requiratur in oratione pia ut hujusmodi promissio Deo fiat?

IV. R. Requiritur, saltem implicite, quoad propositum voluntatis. Quia petere aiquid à Deo, sine proposito illud ipsum omni legitimo conatu nostro attingendi; aut sine proposito, nomen ejus glorificandi de petitione concessa; aut Deum verbis laudare de ejus beneficiis nobis communicatis, sine proposito factis etiam

C A P. XIV.
D E O R A T I O N E.

Questio prima. Quam recon-
sistit essentia ipsa orationis piæ?

I. R. Oratio quoad naturam
suam internam, essentialem, & com-
munem, nihil aliud est quam religio-
sus motus voluntatis nostræ in Deum,
ad illum simul quasi commovendum.

II. In eo differt ab auditione
verbi Dei, quod ibi movetur volun-
tas nostra in Deum, ut nos ab ipso
commoveamur: sed hic terminus
motus immediatus est ipse Deus, ut
ipse afficiatur nostris desideriis.

III. Hinc per singularem appro-
piationem, vocatur, *elevatio cordis
ad Deum: ascensio mentis in Deum:
appropinquatio ad Deum*: & effi-
caciter apud Deum dicitur *valere*,
tanquam sacrificium, ex quo Deus
percipit odorem gratum, quo affi-
citur, vel movetur.

IV. Quia enim non est nostrum,
Divinam voluntatem aut virtutem
applicare ad hoc aut illud, vel im-
perando, sicut ille nobiscum agit in
suo verbo, quod est superiorum erga
suos inferiores; vel familiari postula-
tione, quod est æqualium inter se
mutuo agnitionum; vel ullo alio mo-
do, quo obligationem ipsi impona-
mus, aut inclinationem ad hoc aut
illud, reali aliquo conatu; hoc tan-
tum superest, ut per modum sub-

millæ & religiose affectuum nostro-
rum representationis, occasionem &
materiam hujus aut illius operatio-
nis ipsi præbeamus. Hoc autem fa-
ciendum, non cum illa tantum sub-
jectione, quæ necessaria est in omni-
bus actionibus observantiæ, sed &
specialiter, illa submissione, quæ re-
ligionis actum decet.

Questio secunda. Qualis intentio
voluntatis requiritur ad orationem
piam?

Intentio
quæ requi-
ritur in
orando:

V. R. Requiritur 1. intentio
Deum honorandi: non tantum ge-
neraliter ut in aliis omnibus.

VI. 2. Requiritur intentio de-
siderii boni, honesti, decentis, id est,
divinæ bonitati & voluntati consen-
tientis, Deo representandi.

VII. 3. Requiritur intentio ta-
lium affectuum in nobismetipsis ex-
citandorum, quales Dei præsentia,
& rei quam ipsi proponimus naturæ
conveniunt.

VIII. 4. Requiritur inten-
tiones illæ omnes, quæ fidem, spem,
& charitatem immediatè & essentia-
liter consequuntur.

IX. 5. In omnibus istis inten-
tionibus non nobismetipsis, & ora-
tionibus nostris, sed Christo niti de-
bemus.

Intentio
quæ re-
quiritur

Questio tertia. Qualis attentio
mentis

mentis requiritur.

X. R. 1. Requiritur attentio ad Deum qui oratur.

XI. 2. Attentio ad rem de qua oratio habetur.

XII. 3. Attentio ad nosmet ipsos, & dispositiones illas affectuum nostrorum, ex quibus oramus. Attentione enim invigilare debemus intentioni quam habemus.

XIII. Hinc ille qui rectè orare cupit, debet necessariò in seipso esse collectus, non distractus, aut sensibus dissipatus & vagus.

Quæstio quarta. An huiusmodi attentio sit ita necessaria, ut illius defectus orationes nostras frustraneas reddat.

XIV. R. 1. Attentio hæc duplex est, actualis, qua ad singula animi distinctè & constanter advertimus: & virtualis, qua persistimus in eadem dispositione attendendi, qua incepimus: prior illa est maximè laudabilis: sed si posterior hæc adiit, quamvis illa ex parte deficiat, oratio retinet suam virtutem.

XV. 2. Distractiones & vagationes sunt duplicis generis, vel enim nostra negligentia & incuria accersuntur, vel irrepunt in mentes nostras, ita ut eas inviti & cum dolore patiamur. Priores illæ convertunt orationem in peccatum: posteriores annumerandæ sunt infirmitatibus fidelium, quæ consolationem eorum non excludunt.

Quæstio quinta. Quo sensu tenet

mut continuò, vel sine intermissione orare, omni tempore. *Ephes. 6. 18. 2. Thess. 5. 17.*

XVI. R. 1. Quoad dispositionem & præparationem cordis ad orandum, debemus perpetuò illam retinere. Quia nunquam omninò desistere aut desectere possumus absque peccato à cordibus, & desideriis nostris verius Deum dirigendis.

XVII. 2. Quoad actum orationis, debemus occasionem omnem capere, & captare, illius exercendi. *ἀδιαλείπτως, ἐν παντί καιρῷ.* Similis est phralis, 2. *Sam. 9. ult. Mephiboscheth semper comedeat in mensa regis. Luc. 2. 37.*

Quæstio sexta. An ullum sit præceptum de oratione statâ quotidie habenda?

Oratio
stata
quotidie
habenda.

XVIII. R. 1. Præceptum est generale, ut serviamus Deo cunctis vitæ nostræ diebus. *Luc. 1. 75.* Ille igitur cultus, qui commodè possit quotidie frequentari, non debet ullo die omitti: sed oratio est talis. Ergo:

XIX. 2. Instituitur in oratione Dominicâ, petere quotidie panem nostrum quotidianum. *Da nobis bodiè.* Et magis adhuc instanter querendum est regnum Dei, ac iustitia ejus. *Matth. 6. 33.*

XX. 3. In veteri testamento sacrificium iuge publicè celebrari debuit quotidie, *Num. 28.* & simul etiam fuit hora precreationis. *Act. 3. 1.* Orationis etiam typus fuit ipsum sacrificium, & iustus ei conjunctus.

Psal.

Psal. 51. 17. & 141. 2. *Heb.* 13. 15.

XXI. 4. Pii homines quotidie solebant semper orare. *Psal.* 55. 17. *Dan.* 6. 10.

XXII. 5. Communis hic est instinctus omnium, qui speciem aliquam habent religionis: ut inter Pontificios, & ipsos etiam Mahumetanos.

XXIII. 6. Quotidie à Deo variis beneficiis invitamur: ab hostibus animarum nostrarum variis periculis urgemur: à defectibus etiam nostris, & aliorum necessitatibus excitamur: & à natura ipsa orationis,

in qua singularem & suavissimam communionem habemus cum Deo, exercitium omnis gratiae, & animarum nostrarum refectionem, ac reparationem habemus, ad quotidianum hoc exercitium allicimur, & quasi vi gratia permovemur.

XXIV. Virtute igitur præcepti officium hoc quotidianum omnibus incumbit: & quamvis pro varietate conditionum vite, ab omnibus non possit eadem mensura & eodem modo præstari, res ipsa tamen penitus non debet omitti.

CAP. XV.

DE CONFESIONE.

Questio prima. An confessio sit in omni oratione necessaria?

I. R. Confessio expressa & explicata non est semper necessaria, sicut apparet ex variis formulis orationum, quas in Scripturis habemus probatas, in quibus nulla confessio directè explicatur: implicita tamen, & tacita saltem confessio necessario debet adesse. 1. Quia oratio est actus religionis, atque adeo submissionem, & dependentiam nostram à Deo debemus in illà consistere, saltem per tacitam agnitionem. 2. Quia humiliatio coram Deo, & paupertas spiritalis necessariò requiritur ad orationem piam: *Luc.* 1. 53. *Jac.* 4. 10. 1. *Petr.* 5. 6. 3. Quia nihil propriè possumus à Deo querere verà fide,

quod non prius agnoscimus esse suum meritum & sufficientiam nostram.

4. Quia & nos, & preces nostræ peccatis variis inquinatæ, non debent Deo representari, sine indignitatis nostræ confessione.

Quæstio secunda. Quandò requiritur, ut peccata nostra distinctè & expressè confiteamur?

II. R. 1. Quandocunque conscientie nostræ peccatorum reatu onerantur, & eorum querimus remissionem, ut conscientie possint exonerari. *Jerem.* 3. 8. *Prov.* 28. 13. *Psal.* 32. 5. Ratio est, quia non possumus serio, & prout oportet remissionem peccatorum querere, nisi prius afficiamur eorum sensu. Hunc autem sensum confessio pia, & explicando demon-

demonstrat, & commemorando infigit. 2. Quia Deus in verbo suo iudicavit peccata, & peccatores, neque vult iudicium illud remittere, per condonationem, nisi prius à peccatoribus agnoscat iustum, & in conscientia ipsorum aliquo modo peragatur. 1. *Cor. 11. 31.* vult igitur ut nosmetipsos de peccatis acculemus, convincamus, & condemnemus in confessione nostra, ne accusationem Diaboli, & sententiam Dei irati subire cogamur. *Si tu ipse fueris accusator, & Deus liberator, quid eris Diabolus, nisi calumniator?* Aug. *serm. 48. de temp.* 3. Quia confessio peccatorum gloriam Deo tribuit, & iustitiæ in iudicando, & misericordiæ in remittendo: *Nehe. 9. 33. Psal. 51. 6. Dan. 9.* atque adeò sua natura viam facit ad reconciliationem cum Domino quem offendimus, sicut inter homines videre est. *Gen. 41. 9.*

Quæstio tertia. Quales conditiones requiruntur in istiusmodi confessione?

III. R. 1. Debet esse nuda, sine occultatione. *Prov. 28. 13.* quamvis in perpetratione peccatum celare melius est, quàm enunciare, *Esa. 3. 10.* in confessione omnia coram Deo sunt enuntianda, & nihil celandum.

IV. 2. Debet esse humilis, cum submissione animarum nostrarum, ad iudicium Dei, quod peccatis debetur. Atque adeò cum dolore & de-

testatione peccati, quasi in pulvere & cinere. *Job. 42. 6.* & cum pudore faciei. *Ezech. 9. 6. 15. Dan. 9. 7. 8. 9.* Si ista conditio absit, enunciatio peccatorum, non est confessio; sed potius professio.

Quæstio quarta. An necessarium sit, ut peccata nostra singulariter confiteamur, & nominatim?

V. R. Gravia & nota peccata singulariter sunt confitenda: sed alia satis est generaliter confiteri. *Psal. 19. 13. 1. Sam. 12. 19. 21.*

Quæstio quinta. An & quatenus confessio peccatorum etiam coram hominibus sit necessaria, ut oratio nostra sit Deo grata?

VI. R. 1. Quicumque sincere coram Deo confessus est sua peccata, ille etiam paratus haud dubie semper erit eadem aliquo modo coram hominibus confiteri, ad Dei misericordiam celebrandam: *Psal. 32. 6.* Non tamen semper hoc requiritur in particulari. Illa enim peccata, quæ Deo soli nota sunt, Deo soli, ex ordine, sunt confitenda. Cum enim confessio sua natura pertineat ad reatum peccatorum tollendum, & noxam illam amovendam, quæ peccatorum admissione fuit illata; nullum habet usum per se, nisi erga eum, qui læsus est & offensus illis peccatis, idque habet perspectum.

VII. 2. Per accidens tamen fieri potest, ut peccata illa, quæ soli Deo nota fuerunt, coram hominibus patefieri debeant. 1. Cum Dei gloria singulari

singulari aliquâ ratione hoc videtur postulare. *Joh. 7. 19.* & 2. Cum necessitas nostra idem suadet, id est, cum particulare consilium, & consolationem hujus aut illius hominis circa peccata nostra utilem nobis futuram judicamus. *Act. 10. 18. Jacob. 5. 16.*

VIII. 3. Peccata autem illa, quæ publicè fuerunt nota, debent etiam confessione publicâ damnari; quia ad quos malum ipsum exempli contagione pervenerat, ad eos etiam penitentia ac emendationis documentum, si fieri possit debet transmitti. Studium gloriæ Dei, & salutis hominum, officium istud fidelibus

extorquet. *Act. 19. 19. 1. Tim. 5. 20.*

IX. 4. Illa verò peccata, quibus singularem aliquam & notam injuriam huic aut illi intulimus, debemus etiam singulariter ipsi, si fieri possit, confiteri, ad refarciendam charitatem, quæ nostra culpa dissilivit. *Matth. 5. 23. 24.*

X. 5. Publica etiam confessio coram Ecclesia, necessaria est, post scandalum publicum admissum. 2. *Cor. 2. 6. 7.* Hæc iisdem rationibus nititur cum prioribus: & præterea debetur ministeriali illi judicio, quod Christus in Ecclesia, & per Ecclesiam exercet. *Matth. 18. 17. 18.*

CAP. XVI.

De Promissione Deo facta.

Questio prima. Quia in re consistit hujusmodi promissio?

I. R. 1. Essentialem consistit in proposito sancto coram Deo representato. *Psal. 119. 30. 57.*

II. 2. In illa representatione, contineri debet voluntas nosmetipsos obligandi, qualis est in juramento. *Psal. 119. 106.*

III. 3. Accedere solet ejusmodi voluntatis expressio. *Genes. 28. 20. 21. 23.* 4. Solemnis expressio hujus voluntatis maximè convenit rebus, & affectibus majoribus: cum vel in magnis angustiis versamur, ex quibus petimus liberationem. *Psal. 66. 14.*

vel in magnâ lætitiâ ex singulari aliquâ Dei benedictione. *Psal. 118. 27.*

Questio secunda. An necessariò requiratur in oratione pia ut hujusmodi promissio Deo fiat?

IV. R. Requiritur, saltem implicite, quoad propositum voluntatis. Quia petere aliquid à Deo, sine proposito illud ipsum omni legitimo conatu nostro allequendi; aut sine proposito, nomen ejus glorificandi de petitione concessa; aut Deum verbis laudare de ejus beneficiis nobis communicatis, sine proposito factis etiam honorem ipsi tribuendi, aut denique, voluntatem ullam nostram

Deo representare, ut illius ratio habeatur coram ipso, sine proposito voluntatem ejus observandi, & convenienter tali actioni vivendi, hoc nihil aliud esset quam Deum aliquo modo irridere.

Quæstio tertia. Qualia debent Deo promitti?

V. R. 1. Non actio mala, vel res fœda aut vilis. *Deut. 23. 18.*

VI. 2. Non impossibilia, inevitabilia, neque illa quæ ex vocatione & facultate à Deo nobis collata, præstare non & possumus, & parati sumus. *Num. 30. 3. 4. &c.*

VII. 3. Omnia illa sunt promittenda, quæ à Deo nobis præcipiuntur: quod intelligi debet quatenus præstari possint per gratiam Dei absque speciali privilegio. Non licet enim simpliciter promittere abstinentios nos penitus ab omni peccato: quamvis debeamus spondere omnem curam & diligentiam pro nostra virili, vel potius infirmitate, per gratiam Dei in peccatis omnibus vitandis, & omni bono cōsistendo. *Ps. 119. 106.*

VIII. 4. Omnia etiam illa possint voveri, quæ quamvis non sint omnibus præcepta, omnibus tamen circumstantiis expensis, media possint esse nobis, vel Deum honorandi, vel præcepta ejus melius observandi.

Quæstio quarta. In rebus bonis & præceptis, quomodo potest nostra promissione, aut voto, obligatio addi obligationi illi, quæ nobis incumbit ex lege Dei?

IX. R. Non additur propriè in istis nova obligatio, neque augetur in sese prior: sed magis agnoscitur & recipitur à nobis, passive in istis æquè fuimus antea obligati: sed activa recognitione arctius nobis applicatur à nobismetipsis.

Quæstio quinta. An res non præceptæ sint apta materia voti?

X. R. 1. Si simpliciter considerentur ut indifferentes, non debent Deo voveri: quia sic nihil habent conveniens, utile, aut aptum ad honorem Dei promovendum.

XI. 2. Quatenus tamen sunt media ad finem aliquem bonum, quo Deus glorificatur, iure ordinata, sunt apta materia voti.

Quæstio sexta. Qualis obligatio inducitur in hujus generis votis?

XII. R. Si votum sit licitum, obligatio est gravissima. Quia religionis vinculum in voto continetur: atque adeo illud quod antea fuit liberum, jam propter votum, factum est aliquo modo cultus Deo debitum. Quamvis enim subiecta materia, aut res quæ vovetur, per se sit indifferens & ad aliam aliquam virtutem per vorum dirigatur, illius tamen voti observatio directe pertinet ad honorem illum, quem Deo ex religione debemus. Hujus igitur voti violatio, est perfidia profana adversus Deum. Perfidia, quia promissio non impletur: & profana, quia Deo facta est illa promissio, & pertinet ad ejus honorem.

CAP. XVII.

De Oratione mentali, & vocali.

Questio prima. An sufficiat cordi & mente orare?

I. R. 1. Sufficit ad essentiam orationis: quia religionis virtus, quæ in oratione exercetur, actu interno exeri potest, quamvis nullus externus actus accedat. 1. *Sam. 1. 13. Neb. 2. 4.* Deus etiam internum actum satis percipit, quamvis nullo externo signo exprimitur. *Psal. 139. 4.*

II. 2. Sed non sufficit semper ad officium orantis explendum: 1. quia Deus est glorificandus & religiose colendus à nobis, non tantum animis, sed & corporibus, atque adeo voce nostra. 1. *Cor. 6. 20.* 2. quia quamvis ad brevem ejaculationem desiderii, sufficere possit actus internus; difficile tamen est persistere in desideriorum nostrorum continuata representatione coram Deo, nisi externus homo ab aliis rebus avocetur, ut simul cum interno, hoc officium attendat. 3. Quia vox à corde profecta, auditur deus & recipitur in ipsum, ita ut medium sit excitandi, continuandi, & augendi, affectum illum pium, ex quo emanat. 4. Quia sæpè cum aliis orandum est, qui vocis nostræ beneficio aedificentur, & in ejusdem nobiscum orationis participationem admittuntur.

Questio secunda. Qualis attentio

requiratur in oratione vocali?

III. R. 1. Præcipua attentio non debet esse ad verba & vocem:

1. Quia illa sunt adjuncta tantum orationis, & possunt eodem modo usurpari ab eo qui non orat, ut ab amante, dormiente, infante, ludente. 2. Quia in tali attentione, studetur magis nostræ inani gloriæ, quam gloriæ Dei. 3. Quia hac ratione, non promovetur, sed impeditur, minuitur, aut tollitur internus ille affectus, in quo orationis essentia consistit.

IV. 2. Aliqua tamen attentio ad verba requiritur: 1. Ut sint decentia, ne aliquid Deo & cultu ejus indignum iis immisceatur. 2. Ut sermo, quantum fieri possit, talis sit, qualem docet Spiritus sanctus. 1. *Cor. 2. 13.* 3. Ut humano modo proferantur, sed spirituali tamen habitu naturæ rei accommodato, qualia vestiuntur. 4. Ut si cum aliis oratur, eorum inserviant aedificationi.

Questio tertia. Quale multiloquium sit, quod prohibetur à Domino, *Matth. 6. 7.*

V. R. 1. Non prohibetur omnis oratio proluxa: Christus enim ipse solebat atiquando in oratione pernoctasse. Neque ejusdem orationis repetitio ingeminata: illud enim Chris-

Cura verborum.

Multiloquium.

tus

stus etiam suo exemplo approbavit
Matth. 26. 44.

VI. 2. Sed prohibetur. 1. affectatio prolixitatis, & multiplicis repetitionis. 2. Istiusmodi rerum aestimatio, quasi valerent ad exauditionem. 3. Prolixitas & repetitio, quæ non procedit ex abundantia interni affectus, sed ejus vacuitate.

De præ-
scripta
forma o-
rationis.

Quæstio quarta. An in precibus adhibenda sit certa aliqua, & præscripta forma verborum?

VII. R. 1. Licitum hoc esse aliquandò, manifestum est, ex approbata sanctorum praxi, quam in præscriptis Psalmis, & benedicendi formulis, Scriptura nobis commendat.

VIII. 2. Utile etiam & necessarium est quibusdam, istiusmodi formam sequi, quamvis ex libello sit renotanda. 1. Quia sunt quidam fideles adeò indies, ut non possint sua desideria commodis verbis, ulla ex parte explicare.

IX. 3. Alii sunt, qui quamvis possint hoc præstare, quatenus ipsis privatim sufficiat; si tamen cum aliis orandum sit, vel facultate idonea destituantur, vel eam exerendi libertate. 3. Non desunt etiam, quibus utile est, ut hujusmodi medio in suis meditationibus ac desideriis quasi regantur.

X. 4. In isthoc tamen orandi modo, non debet quisquam acquiescere: sed eo potius uti, ut possit animi insistentis, abiq; hujusmodi adminiculo

coram Deo explicare. 1. Quia formula præscripta dum affectus nostros internos non plene sequitur, sed ducit, minus perfecte illud agit, quod est ex natura orationis. 2. Quia formula præscripta, non possunt explicari particularia illa omnia, quæ nostra interest proponere coram Deo. 3. Quia etiam inter orandum Deus solet in cordibus nostris excitare speciales affectus, qui sæpe impediuntur, & extinguuntur, si præscriptæ formulæ perpetuò adhæreamus. 4. Quia hæc ratione, obrepit nobis olcantia, & trepiditas, & torpor quidam inter orandum, ita ut formula dicatur tantum ex consuetudine, & pro forma.

Quæstio quinta. An Oratio Dominica sit formula nobis præscripta, & observanda?

XI. R. 1. Christus illam orationem docens, non voluit nobis præscribere formulam verborum constanter observandam: sed exemplar, vel ideam, secundum quam orationes nostras dirigere debemus. Hoc inde satis apparet, quod non legamus Apostolos illam formulam unquam usurpassè.

XII. 2. Non expedit huic formulæ adhærere, 1. quia particulariter magis, prout occasio datur, sæpe debemus orare. 2. Quia hæc ratione apud Pontificios quasi incantandi carmen evasit. 3. Quia sic non proficitur in spiritu ac dono orandi.

CAP. XVIII.
DE ORATIONIS GESTU.

Questio prima. An in omni oratione sit aliqua ratio gestus corporis habenda?

I. R. 1. In brevioribus ejaculationibus desiderii nostri coram Deo, gestus externus nec potest attendi, nec usum ullum habet, nisi qua naturaliter, & sine intentione destinata, sua sponte sequitur ex interno animi motu.

II. 2. In oratione secreta, quæ Dei cognitioni tantum præstatur, præsentibus tamen aliis, gestus & signa externa, quantum potest, debent occultari. *Neb. 2. 4.* ne scilicet suspicionem præbeamus vel hypocritæ, vel affectationis inanis gloriæ, cum Phariseis. *Mat. 6. 5.*

III. 4. In oratione privata, solitaria, aliqua cura gestuum est utilis, propter nosmetipsos: quia sicut voce, sic etiam gestu & habitu corporis, interni affectus vel excitantur, vel sustentantur, & continuantur. *Dan. 6. 11.*

IV. 4. In oratione cum alijs habenda, sive sit privata, sive publica, exteriorum gestuum & signorum strictior observatio est adhibenda, propter alios: partim ne illis præbeamus malam suspicionem non curantiae: aut eos aliquo modo perturbemus, aut scandalizemus; & par-

tim ut eorum devotionem nostro exemplo adjuvemus. *Psal. 95. 6.*

Questio secunda. Qualis gestus requiratur?

V. R. 1. Gestus (in genere) tales debent esse, ut sanctè exprimant internos animi motus.

VI. 2. Quia autem in omni oratione requiritur humilitas singularis, idcirco communis gestus solennis orationis, debet esse huic demissioni consentaneus, qualis est detectio capitis: & maxima ex parte, genuflexio, corporis incurvatio, aut erectio. Sessio per se, non est gestus orandi: quia nullam exprimit reverentiam, neque in Scripturis approbatur.

VII. 3. Quia etiam in omni oratione, desiderium nostrum cum fiducia, ac spe, in Patrem nostrum cœlestem dirigitur, idcirco oculorum & manuum elevatio, convenit etiam omni orationi solenni.

VIII. 4. Particulares alij gestus singulares, in oratione cum alijs, non sunt adhibendi: propter causas ante dictas. In oratione privata, non tam sunt affectandi, quam ex animi impulsu admittendi.

Questio tertia. Quis usus sit faciei regendæ inter precandum?

R. Nullus alius, nisi ut vel caveamus

veamus nobis ab avocationibus, quæ per oculos possint insinuari; vel ceteris singulares illos gestus, qui nobis aliquando sunt necessarij, sed alijs

inepti aut hypocritici viderentur. Istis occasionibus demptis, testio faciei convenit potius mulieribus, quam viris. 1. Cor. 11. 4. 5.

CAP. XIX.

DE CANTU.

Questio prima. Quem usum habet cantus, supra communem pronuntiationem?

I. R. 1. Suavem quandam delectationem adfert animis pijs. *Psal. 104. 34.*

II. 2. Meditationem habet magis distinctam, & fixam. *ibid.*

III. 3. Magis copiosam & amplam habet pietatis professionem. *Col. 3. 16.*

IV. 4. Majorem habet ædificationis mutue communionem, si cum alijs fiat. *Ephes. 5. 19.*

Questio secunda. An cantus æquè conveniat animo ægro, atque læto?

V. R. Magis propriè convenit lætitia: *Jac. 5. 13.* propter suavem illam dilatationem cordis, quam præ se fert: convenit tamen tristitia ante acta utiliter commemorande: ut patet ex Psalmis illis qui dicuntur penitenciales: & aliquando etiam tristitia tollende. *Prov. 25. 20.*

Questio tertia. Quomodo debeamus cantare Psalmos illos historicos, qui ad alios homines, & alia tempora spectant?

VI. R. 1. Si ita de illis medite-

mur, ut consolationem & spem inde percipiamus. *Rom. 15. 4.*

VII. 2. In istum autem finem debemus cogitatione quasi induere personam vel eorum, de quibus illi Psalmi componebantur, vel eorum qui eos componebant: ita ut quicquid ibi dicatur, aliquo modo nobis dictum cogitemus.

Questio quarta. Quomodo possimus rectè cantare Psalmos illos, qui continent diras imprecationes?

VIII. R. 1. Possimus ex imprecationum illarum occasione cum timore & tremore meditari de horrendis Dei judicijs in impenitentium hominum peccata.

IX. 2. Possimus inde in patientia & consolatione proficere, adversus tentationes, quæ oriri solent ex prosperitate impiorum, & piorum afflictione.

X. 3. Possimus etiam Deum simul precari, ut justam suam vindictam accelerare velit (non adversus nostros privatos inimicos sed) adversus impios & incurabiles Ecclesiæ hostes.

CAP. XX.

DE PETITIONE.

Questio prima. Quomodo spiritualia, sunt à Deo petenda?

I. R. 1. Eo modo omnia sunt petenda, quomodo sunt promissa. Spiritualia igitur bona quatenus sunt ad salutem necessaria, ad salutem debent absolute peti: quia sunt absolute promissa fidelibus, & petentibus. *Luc. 11. 13.*

II. 2. Spiritualia illa bona, quæ gradus admittunt, non possunt in omni gradu absolute peti: quia res ipsæ, non gradus earum, sunt absolute necessariae, & à Deo absolute promissæ. 2. *Cor. 12. 8. 9.*

III. 3. Illam tamen gratiæ Dei mensuram, quæ necessaria est nobis, ad crimina aut scandala vitanda, & conscientiam bonam retinendam, absolute petere debemus. *1. Jac. 1. 5. 6. 1. Cor. 10. 13. Psal. 19. 14.*

Questio secunda. Quomodo temporalia sunt à Deo petenda?

IV. R. 1. Temporalia sunt tantum secundaria objecta spei nostræ: quatenus nempe faciunt ad beatitudinem spiritualement: quod quia nobis non est certo notum, idcirco illa non possumus petere cum illa firmitudine spei, in particulari, qua spiritualia petimus: neque debent peti affectu tam acti & intenso, sed secundario, & remissione. *Matth. 6. 33.*

V. 2. Quatenus possimus sperare, temporalia nobis ad salutem, profutura, & in gloriam Dei celsura, eatenus possumus illa petere. *Orat. Dom. Pet. 4.*

VI. 3. Petitio talis non est formaliter conditionalis, vel verbis, vel sensu. Quia sicut conditionalis assertio nihil certo asserit aut ponit de antecedente; sic conditionalis petitio, nihil petit.

VII. 4. Neque est generalis tantum petitio, ut Deus ageret nobiscum, sicut novit expedire, ad suam gloriam, & salutem nostram. Sic enim agrotus aliquis non magis peteret liberationem à morbo, quam ejus continuationem, aut augmentum.

VIII. 5. Est igitur petitio absoluta, sed adjunctam habens vel expressam, vel tacitam subjectionem ad Dei sapientissimam ordinationem.

Questio tertia. An omnia desideria nostra legitima, possint Deo in petitione representari, ut impleantur?

IX R. Nequaquam quadam enim desideria sunt licita, quorum contraria sunt eligenda. *Philip. 1. 23. 24. 25.* quadam etiam desideria licita sunt ita laxa, ut Deo non debeant commendari: quale est vincendi desiderium in lutoria aliqua

An omnia
quæ desi-
derati pos-
sunt, pos-
sint etiam
à Deo peti?

De pe-
titione
tempo-
ralium
bonorum.

contentione.

Quæstio quarta. Pro quibus orare debemus?

X. R. 1. Pro omnibus & singulis qui sunt in vivis, orare possumus aliquo modo: quia bonitas aliqua Dei extenditur ad omnes. 1. *Tim.* 4. 10.

XI. 2. Non possumus pro omnibus hominibus collectivè precari, ut ferventur: quia constat nobis ex Scripturis non esse omnes salvandos.

XII. 3. Possumus tamen pro singulis speciatim orare, ut salvi fiant (nisi extra ordinem, contingat aliquid quod impediatur) quia de singulis,

ex charitate, optimè sperare debemus.

XII. 4. Possumus ac debemus iisdem bona spiritualia precari, quibus temporalia bona auferri justè rogamus, dum per illa vel sibi vel aliis nocent. Et hæc est ratio pro potentibus Ecclesiæ hostibus orandi.

Quæstio quinta. An eodem planè modo pro aliis, & pro nobismetipsis possumus orare?

XIV. R. Possumus ac debemus hoc facere eadem charitate: sed eadem fide, ac spe non possumus: quia fide non tam propriè aliis, quam nobis metipsis apprehendimus & applicamus promissiones Dei.

C A P. XXI.

D E I E I V N I O.

Quæstio prima. Qualis abstinentia requiratur in jejuniis religioso?

I. R. 1. Major abstinentia requiritur, quam communis regula temperantiæ præscribit. Temperantia enim debet esse perpetua: sed jejunium extraordinarium est, & ex occasione singulari.

II. 2. Abstinentia hæc non tantum circa cibum & potum versatur, sed etiam circa alia omnia, quibus voluptati corporis indulgetur.

Dan. 10. 3.

III. 3. Talis ac tanta debet esse abstinentia, ut ex illa reddamur

aptiores ad extraordinariam humiliationem. *Ezr.* 8. 21.

IV. 4. Quia verò omnes & singuli non sunt ejusdem temperamenti & constitutionis; idcirco hæc aptitudo ad religiosam humiliationem, varietatem aliquam infert abstinentiæ: ita ut ille gradus abstinentiæ quibusdam sit utilis & necessarius, qui aliis esset impedimento: neque possit certa regula particularis de gradu & mensura abstinentiæ, omnibus & singulis præscribi.

Quæstio secunda. Qua in re consistit religio jejunii?

V. R. 1. Religiosum jejunium, à naturali,

à naturali, & civili, in eo differt, quod à religione imperatur: id est, directè, & immediatè, ad cultum & honorem Dei refertur.

VI. 2. Non tamen ita refertur ad Dei honorem, ut pars cultus, sed tantum ut medium, quo verus cultus promovetur.

VII. 3. In Testamento Novo, non est propriè medium cultus, vel qua efficit aliquid, vel ex institutione significat, vel coram Deo, vel coram hominibus: sed quatenus disponit ad extraordinarium exercitium cultus.

VIII. 4. Disponit autem præcipuè impedimenta illa removendo, quæ extraordinariæ Dei invocationi repugnant.

Quæstio tertia. An liceat hujusmodi jejunia publicè indicare?

IX. R. Non ad placitum: quia nihil est religiosum, quod omninò pendet ex voluntate humana: sed ex causa extraordinaria, vocare homines ad extraordinariam Dei invocationem, hoc & licitum est & pium.

Quæstio quarta. Quibus de causis præcipuè improbanda sunt Pontificiorum jejunia?

X. R. 1. Quod stata quædam tempora ex ordine recurrentia jeju-

niis dicantur: quod naturæ extraordinarii exercitii, ex occasione speciali pend. ntis, plane repugnat: ita ut formam jejunii, sine vi & potestate ejus, introducat.

XI. 2. Quod illa tempora nunquam producant, ultra spatium, vel exercitio extraordinario, vel abstinentiæ jejunii congruens: ut in quadragesima: unde etiam forma illa jejunandi necessariò redditur magis inanis.

XII. 3. Quod in illis temporibus, delectum quendam habent ciborum, & ridiculum, dum carne abstinentes, vino, & cupedijs utuntur: & impium, quia carne abstinent, tanquam pro illo tempore, immunda, quæ est doctrina demoniorum.

XIII. 4. Quod hæc tempora, & hunc ciborum delectum, legibus humanis, & conscientiam obligantibus, toti Ecclesiæ obtrudunt: eaq; magis rigidis & severis pœnis sanciunt, quam legem ipsam Dei.

XIV. 5. Quod cultum collocent in ipsa abstinentiâ, quam præscribunt.

XV. 6. Quod satisfactionem & meritum suis jejunis acerbunt.

CAP. XXII.

DE JURAMENTO.

Quæstio prima. An juramentum sit licitum Christianis?

I. R. Est evidenter licitum ex natura sua: 1. Quia non est intrinsecè

fecit malum ex natura sua: nihil enim continet, præter confirmationem testimonii nostri, per invocationem testimonii Dei. Si etiam intrinsecè malum esset, tum nunquam fuisset licitum: cum tamen nemo Christianus negabit, quin licitum fuerit sub veteri testamento.

II. 2. In veteri testamento, non fuit pars legis vel cæremonialis, vel judicialis: quia nihil habet proprium Judæorum; ergo juris fuit moralis: quod æquè ad Christianos pertinet, atque ad Judæos.

III. 3. Quia nulla ratio reddi potest cur olim licitum fuerit jurare, quæ non æque locum habet inter Christianos.

IV. 4. Quia laudata sunt exempla juramenti adhibiti in testamento novo. 2. *Cor.* 1. 23. *Apoc.* 10. 6.

V. 5. Cum Christus vetat omnino jurare, *Mat.* 5. 34. formulas illas jurandi simpliciter vetat, quas nominat, cum earum similibus: & simul juramentum ullum admiscere in familiaris sermone, aut sine necessaria causa: quoniam Judæi putabant mandatum tertium non violari si hunc in modum jurarent: sed tantum si prejerarent. *7ac.* 5. 12.

Questio secunda. An licitum sit per creaturas jurare?

VI. R. Pontificii docent, posse aliquem per creaturas, duplici ratione: per creaturas irrationales, præsertim sacras, & Deo dicatas, in ordine & relatione ad Deum. Per

creaturas autem quasdam rationales, i. e. angelos, & sanctos in cælo regnantes, absolute.

VII. Nonnulli etiam ex nostris, quamvis absolutum illum modum per creaturas jurandi damnent: relativum tamen admittunt: ex *Mat.* 5. 34. & 23. 16. &c.

VIII. Sed neutra sententia est admittenda. Quamvis enim creaturæ possint inter jurandum nominari, ut 2. *Cor.* 1. 23. non possunt tamen absolute spectari, sine sacrilegio, & idololatria: sicut ex natura rei patet. Neque relative adhiberi loco Dei ipsius, sine peccato:

XI. 1. Quia nullam approbationem habemus hujusmodi formularum in Scripturis. Christus enim *Matth.* 23. 16. non formas approbat faciendas, sed factas obligare tantum docet. Apostolus 1. *Cor.* 15. 31. non proprie jurat, sed probat se morti obnoxium fuisse. & 1. *Tim.* 5. 21. Angelos in testes appellat, sicut homines præsentés possunt per obtestationem nudam appellari.

X. 2. Quia jurare per creaturam in relatione ad Deum, est religiose invocare creaturam in relatione ad Deum. Hoc autem in Scripturis (ex omnium nostrorum consensione) ubique damnatur.

XI. 3. Scandalum adferunt tales formulæ: & jurantibus eo modo ad exemplum aliorum, sine distinctione relativi juramenti ab absoluto: & etiam audientibus, qui non possint

possint dignoscere, quando licite, & quando illicite juratur.

XII. 4. Tales formulæ, minuunt reverentiam juramentorum & hac ratione efficiunt, ut nimis familiariter, ac temere adhibeantur, etiam ab iis qui non sunt profani: sicut videtur est in Judæis.

XIII. 5. Hæretici primi auctores fuerunt istiusmodi formularum, in Ecclesia Dei: qui etiam eo nomine damnati fuerunt. Elixai (qui Oss. norum hæreticorum sectator, tempore Trajani vixit) docuit, jurandum esse per salem, aquam, panem, terram, calum, æthera, ventum: quem refutavit Epiphanius lib. 1. per solum Deum jurandum esse contendit, secundum illud in lege: non erunt tibi Dii alii. De Manichæis etiam inter eorum novitates refertur, ab August. lib. 19. contra Faust. cap. 22. quod jurabant sapissime, nulloq; mentis scrupulo, per creaturas.

XIV. 6. In iure civili, ab optimis interpretibus, damnantur huiusmodi formulæ. Wessembec. dig. l. 12. tit. 2. Imperatores, Arcad. & Honor. in l. si quis major, c. de transactionibus, sic edicunt: eos etiam huius legis vel iactura dignos esse jubemus, vel munere, qui nomina nostra placitis inferentes, salutem Principum, confirmationem, initium juraverint esse pactitionum.

Object. Quid igitur sentiendum de iis formulis in quibus mentio fit

animæ, vitæ, salutis, mortis, damnationis, &c?

XV. sol. In istis formulis excretoriis, per Deum directe juratur: & istis additionibus, efficaciter ostendunt jurantes, quod se vero Dei iudicio se exponunt, ut si fallant, vel rebus optimis priventur, vel maximis malis afficiantur. Cum vero attestatio ipsa, per creaturam fit, hoc nulla ratione potest excusari.

Questio tertia. Quid sentiendum de formulis illis usuratis, in fide, in veritate, in conscientia?

XVI. R. Non sunt juramenta: quia novam attestationem non addunt testimonio confirmando, sed illud tantum serium, deliberatum, sincerum, & certum declarant. Ab iis tamen formulis, in quibus particula per ad creaturam refertur, abstinendum est, tanquam à specie mali, & scandalo.

Questio quarta. Quid sentiendum, de usurata illa formula, qua sacramentum, aut tale quid nominatur, jurandi causa?

XVII. R. Præter commune peccatum quod semper admittitur, cum per creaturas juratur, accedit etiam vel superstitiosa opinio de talibus rebus, vel saltem communicatio quadam cum illa superstitione.

Questio quinta. An liceat in jurando uti equivocatione, vel amphibologia?

XVIII. R. 1. Equivocatio in iura-

De equivocatorio juramento.

in juramento duplici ratione adhibetur: 1. cum verba ipsa quæ usurpantur sunt ambigui sensus, & illo sensu accipiuntur à jurante, quem audientes cupit celare, ut alio sensu ab ipsis accipiantur. Vt, si Gallus aliquis de gente sua rogatus, juraret se non esse gallum, intelligens gallum gallinaceum. Aut si quis rogatus an Petrus esset domi, responderet non est, i. e. non comedit. 2. cum verba ipsa quæ adhibentur unum simplicem habent sensum, sed per tacitam restrictionem, aut interpretationem quam sibi in mente reservat, in alium commutantur: quomodo Franciscum illum monachum fecisse scribunt, qui rogatus, quæ perrexisset quidam homicida, qui juxta eum transierat, manus in manicas immittebat, respondit, non transisse illac, intelligens, non transisse cum per illas manicas. Quomodo etiam Jesuitæ, plerique detrahunt, sacerdotem rogatum an sit sacerdos, si vel à non juridice rogetur, vel rationabilem habeat causam veritatem dissimulandi, posse respondere, se non esse sacerdotem, dummodo intelligat, se non esse sacerdotem Baal, aut Ilium, aut non esse sacerdotem ut alteri dicat. Prior illa vocari potest verbalis equivocatio, & altera mentalis.

XIX. 2. Mentalis equivocatio, in juramento, sine gravissimo peccato non potest adhiberi. 1. quia in juramento, testimonium aliis perhibemus maxime solemne, cum

autem nihil certi verbis explicamus, sed fictum aliquid & simulatum, tum nihil aliis ex intentione testamur: juramenti igitur natura per istam simulationem violatur, & evertitur in primo ejus fundamento. 2. quia mentalis hujusmodi equivocatio, est mendacium directum & manifestum, quia verbis testatur tam contra mentem & conscientiam testis, quam contra rem ipsam. 3. quia fidem falsam suo testimonio audientibus ingenerare studet: quod non est permittere tantum eos decipi & falli, sed illos directe fallere ac decipere. 4. quia gravis est erga Deum injuria, & provocatio, adferre ejus testimonium, quanquam fictum, ad rem falsam comprobendam, & propterea illud exterius juramentum fecit supra mendacium grave, cum magna divini invocati testimonii illusione: 5. quia hac ratione aperitur janua omnibus mendaciis fovendis. Nihil enim est (ut Azor: Jes: observat) tam falsum quod non queat ab omni mendacio liberari, si aliquid, arbitratu nostro, mente tacitum retineamus. Possemus enim quicquid à nobis petitur, quamvis id apud nos habeamus, dissimulare nos habere, intelligentes, *ut demus*: quicquid fecerimus, videmus, cogitaverimus, decreverimus, de eo rogati, possemus dicere, non fecimus, non vidimus, non cogitavimus, non decrevimus, eo nimirum sensu, *ut tibi dicamus*. Ob. 1. Ex oratione vocali, & restrictione mentali,

mentali, fit una oratio composita, & totalis, in qua nulla falsitas est: ut cum sacrificulus affirmet verbis se non esse sacrificulum, intelligens, *ut alteri dicat*. Liberum autem est homini orationem suam componere ex terminis vocalibus & mentalibus.

XX. Sol. Quamvis oratio hujusmodi mixta possit pro axioma admitti, quando quis secum aliquid commentatur, aut quando cum Deo solo negotium habemus, quia Deus & spiritus noster totum illud quod est in mente aequè percipiunt, ac si verbis exprimeretur; nullum tamen locum habet in testimonio coram hominibus ferendo: quia reservatio mentalis nihil testatur audientibus: qualiscunque igitur illa fuerit, testimonium est mendacium, & si juramento confirmetur, perjurium, cum illud quod in testimonio oratione vocali significatur, conscientiae testis repugnat.

XXI. 3. Verbalis æquivocatio, est etiam illicita in juramento. 1. Quia nihil certi testatur: & sine testimonio certo, juramentum saltē est vanum. 2. Quia non tendit ad juramenti finem, ut sit *controversia terminus, veritatem confirmando*: *Hebr. 6. 16.* sed in contrarium. 3. Quia fallit ac decipit audientes, quod juramenti naturæ adversatur: *si sciens fallo*. 4. Quia affirmatio aut negatio questionis propositæ, si ex conscientia respondentis, non verè conformetur sensui rogantis aut que-

rentis, est mendacium. Quæstio enim ipsa, eo sensu quo proponitur, est sententiæ testanda: & affirmatio, vel negatio ejus, quæ cum illo sensu consistere non potest, est falsitas, quæ si sit contra conscientiam testantis, non potest non esse mendacium completum. 5. Quia juramentum istiusmodi mendacium confirmans, perjurium est manifestum, ex natura rei: & ex ipsa intentione jurantis, est prophæratio nominis divini.

Obj. Si minùs juridicè rogemur, aut injuria nobis inferatur, fas & integrum nobis est, nostro bono consulere, dummodò ambigüè loquamur.

XXII. Sol. Nulla injuria nobis ab hominibus illata, justam causam nobis præbere potest, injuriam faciendi homini divino. Gravis autem sit injuria Deo, in mendacii peccato, & multo gravior in perjurio.

Quæstio sexta. Quo sensu accipi debent verba juramenti?

XXIII. R. Eo sensu quem audientes concepturos judicamus: id est regulariter, eo sensu quem habent in communi hominum usu. Quia verborum significatio pendet ex hominum usu.

Quæstio septima. An liceat aliquando respondere ad intentionem petentis præcipuam & remotam? verbigr. cum civitas aliqua non admittit cives alterius civitatis, quam fallò putat peste infectam, si rogetur aliquis inde veniens an ab illa civitate

venerit, possit tuto juratus negare, vel quia civitas infecta, vel quia civitate infecta, novit semetipsum esse immunem, & sic principali intentioni rogantis satisfacit cum veritate?

XXIV. R. Non licet. Quia questio proponitur, & juramentum non exigitur propriè circa finem, qui præcipue intenditur, sed circa medium illud singulare, quod ad finem illum spectare videtur. Questio autem & affirmatio aut negatio ejus unum & idem constituunt axioma.

Questio octava. An strictè semper sint accipienda verba juramenti, prout sonant?

XXV. R. 1. Juramentum propter periculum perjurii, est strictè juris & interpretationis, ita ut non admittat latiores illas explicationes, quæ in factis, aut dictis aliis, sæpè locum habent.

XXVI. 2. In juramento tamen subintelligi sæpè debent conditiones illæ, quæ ex more & consuetudine receptæ, concipi præsumuntur ab iis, ad quos juramentum spectat. Ex. gr. 1. In omnibus promissoriis juramentis, subintelligitur illa conditio, *si Deo placuerit*. 2. In iis rebus, quæ superioris potestati subjiciuntur, subintelligitur, *si ipsi etiam placuerit*. 3. De rebus ita mutabilibus, ut rem promissam faciant illicitam subintelligitur, *si res in eodem statu permanferint*. 4. Qui jurat se statuta societatis alicujus servatu-

rum, subintelligere judicandum est, prout illa statuta sunt in more posita, & approbata consuetudine ab aliis observantur. 5. Qui jurat stare præceptis aut statutis alicujus vel hominis, vel societatis, eo sensu debet intelligi, ut juramentum non extendatur, nisi ad verisimiliter cogitata, non ad ea, quæ si cogitationi jurantis occurrerent, verisimile est, eum non promissurum.

Questio nona. An omne juramentum obliget jurantem, ad impletionem suæ?

XXVII. R. Obligat omne juramentum, quatenus aliquid licitum & possibile testatur: sed non ultra. Hinc 1. Obligat juramentum tale, cuiusvis per vim, aut metum extorqueatur, tamen cum injuria conjungatur. Duplex enim in juramento promissorio est obligatio, una homini, altera Deo. Quamvis autem in injuria facta tollat obligationem respectu hominis injuriam inferentis, quoniam in injuria nullum jus fundatur; manet tamen obligatio Deo facta, quæ sine irreverentia & injuria Dei, non potest & admitti, & insuper haberi. Hic est casus hominis à latronibus ad juramentum adacti, de redemptionis pretio solvendo. Vel non jurare debet, vel juramentum quod licitum habet, religiose observare.

XXVIII. 2. Quamvis error circa substantiam rei, quæ in juramento spectatur, vel circa propriam causam,

causam, promissionis obligationem tollat, qui casus est matrimonium contrahentis cum una persona particulari, quam putat esse aliam: Error tamen circa circumstantiam aliquam, vel causam extrinsecam & accidentariam, non tollit obligationem: qui casus fuit Israëlitarum, erga Gibeonitas, *Jos. 9.* & est ejus, qui matrimonium contrahit cum plebeia, aut paupere, putans eam nobilem, aut divitem esse. In primo errore, testimonium nullum fuit: sed in secundo, testimonium licitum adhibetur.

XXIX. 3. Juramentum posterius, contra juramentum, aut etiam promissionem antecedentem & honestam, non obligat: quia tale juramentum est planè, ex intrinseca sua natura, ex supposita promissione antecedente, illicitum.

XXX. 4. Juramentum de peccato aliquo committendo, aut officio omitendo, non tantum non obligat, quia res mala nullam vim accipit à juramento: sed si observetur, auget reatum: quia tum duo peccata committuntur: unum ejus speciei, cujus est factum per se consideratum; & alterum contra religionem, ex irreverentia, & abusu nominis Dei, quatenus propositum malum auctoritate Dei firmatur.

XXXI. 5. Juramentum tamen licitè factum, quamvis observatio ejus majus bonum impediatur, debet impleri, nisi illud bonum tale

sit, ut generalem inferat obligationem & generaliter, tanquam exceptio, in promissione tali, subintelligatur.

Quæstio decima. An juramentum defuncti, obliget heredes, & successores?

XXXII. R. 1. Non propriè obligat, sub ratione juramenti: quia juramentum est vinculum personale. Cives igitur non sunt propriè perjuri, si non impleant statuta, à majoribus jurata, quæ ipsi non jurarunt.

XXXIII. 2. Obligat tamen aliquandò ratione rei, quæ causam propriam dedit juramento. Si scilicet contractus ratio intercedat, qui casus est illius, qui jurat se hoc aut illud soluturum, aut facturum, modo tali commodo illa ratione fruatur. Haeredit enim si illo commodo frui velint, eodem juramento tenentur.

Quæstio undecima. An, & quomodo, auferri possit obligatio juramenti?

XXXIV. R. 1. Nulla absolutio à juramento, propriè sic dicta, vel per dispensationem, (quæ est simplex vinculi solutio) vel per commutationem, (quæ est vinculi ab una materia in aliam translatio) potest ab humana auctoritate expectari. Quia religio juramenti pertinet ad forum divinum, atque ad id non subest foro humano. In dubitationibus illis, quæ incidere solent circa juramenta, consilium peritiorum multum juvat: sed auctoritas vinculum

juramenti, vel ex toto per dispensationem, vel ex parte, per commutationem, solvendi, nullo generi aut ordini hominum est concessa.

XXXV. 2. Datur tamen irritatio juramenti aliquando per superiores, si in illa ipsa materia sint superiores, circa quam juramentum versatur. Sic Parentes, mariti, Domini, Principes, irrita pronunciare possunt, vel juramenta, vel vota, à filiis, uxoribus, servis, subditis facta, sine ipsorum consensu, in iis rebus, quæ ipsorum potestati subjiuntur.

XXXVI. 3. Quum aufertur ratio formalis juramenti, juramentum cessat ratione eventus: qui casus est eorum, qui jurarunt se obedituros Domino, aut Principi alicui, qui postea cessat esse talis.

XXXVII. 4. Quum juramentum factum, spectet solummodo obsequium, vel commodum hominis, cui aliquid promittitur, tum cessat obligatio, ex remissione vel consensu illius hominis, cui promissio est facta. Ratio est, quia fundamentum hujusmodi promissionis cessat: & ex natura rei, includitur semper illa conditio in tali promissione, nisi alter condonaverit, aut remiserit. Hic est casus creditoris erga debitorem, & similia. Sed non potest hoc ad sponsaliorum contractum extendi: quia ibi non utilitas hominis tantum spectatur, sed & institutum D. i.

Quæstio duodecima. An liceat

alicui eum inducere ad jurandum, quem novit, aut vehementer suspicatur, contra conscientiam juraturum?

XXXVIII. R. Non licet unquam determinatè petere, ut juret hoc quod falsum est. Neque licet indifferenter petere, ut talis juret an hoc sit necne, nisi necessaria causa intercedente: quia & Deo injuriam faceret, & esset fratris homicida. Necessaria autem causa est judici hoc exigenti ad instantiam actoris, cum nullum aliud remedium potest adhiberi: quia non exigit tum in sua persona, sed nomine actoris. Actori etiam aliquando potest esse causa necessaria hoc postulandi, cum scilicet non potest alia ratione, grave incommodum vitare. Privato autem, illud credenti, privatum id exigendi, nulla potest esse necessaria causa: quia privata nulla utilitas potest inde redundare.

Quæstio decima tertia. An privato homini liceat eum ad jurandum inducere, quem scit, falsum quidem juraturum, sed bona fide deceptum? e. g. Titius novit, Sempronium hoc anno non fuisse Frankeræ: scit præterea Caium bona fide putare, se eum hoc anno Frankeræ vidisse: quæritur an Titio fas sit, Caium hortari, & rogare, ut juret Sempronium hoc anno Frankeræ fuisse?

XXXIX. R. Non est hoc licitum: quia quamvis jussurandum hoc in Caio culpa vacaret, in Titio

tamen

tamen suatore vel monitore, haberet rationem perjurii. Ille quidem non tantam injuriam faceret Caio, ac si eum induceret ad illud jurandum, quod ipsemet novit esse falsum: sed eandem injuriam faceret Deo, cujus nomine sciens abuteretur ad confirmationem falsi.

Quæstio decima quarta. An liceat homini Christiano, jusiurandum accipere, & exigere, ab eo, quem scit per idola juraturum?

X L. R. Licet hoc facere ex gravi causa, sicut Jacob fecit. *Gen. 31. 53.* 1. Quia perversitas juramenti ab eo cui juratur non respicitur, sed confirmatio testimonii & fidei datur. 2. Quia uti malo, ad bonum, non est per se malo. 3. Quia non tam perversitate juramenti, quam communi ejus natura utitur ille, qui postulat simpliciter jusiurandum, non tale, jusiurandum.

Quæstio decima quinta. An liceat judici, exigere à reo juramentum, de crimine ipsi objecto? Juramentum hoc *inquisitorium*, & *ex officio* vocatur.

X L I. R. 1. Non licet omnino de crimine planè occulto. Quia solus Deus judicat de occultis.

X L II. 2. Non licet juramentum alicui deferre, quo semetipsum de crimine cogeretur accusare. 1. Quia est contra naturam, ut quis subimet penam accersat. 2. Quia hac ratione, plerique inducerentur ad pejerandum.

X L III. 3. Accusatione præeunte, non licet hujusmodi juramentum à quoquam exigere, loco probationis, quia in testibus, & argumentis illis, quæ testimonii vim habent, omne judicium debet fundari. *Deut. 19. 15. 2. Cor. 13. 1.*

X L IV. 4. Prævia infamia, aut probatione non sufficiente, & plena deficiente, potest quis admitti ad juramentum purificationis, si eo sese offerat paratum: *Exod. 22. 11.* sed non potest eo cogi.

X L V. 5. Si delictum sit notorium, potest quilibet, generaliter, etiam sub religione juramenti, interrogari de auctore. *Deut. 21. 7.*

Obj. 1. Adjurare licuit uxorem suspectam. *Num. 5. 19.*

X L VI. R. Fuit hoc singulare institutum, extraordinariæ dispositionis, propter duriæ cordis Judæorum concessum, sicut repudium non adulteræ.

Object. 2. Jehosua postulat ab Achane, ut suum crimen agnosceret. *Jos. 7. 19.*

X L VII. R. Post accusationem & judicium, suadet tantum confessionem.

Obj. 3. Dominus Pontifici adjuranti respondet: *Matth. 26. 63. 64.*

X L VIII. R. 1. Non quia legitime fuit adjuratus. *Joh. 18. 20. 21.* 2. Non aliter quam Pilato non adjuranti. 3. Non ut fateretur crimen, sed ut testimonium veritatis præberet. *Joh. 18. 37.*

CAP. XXIII.
DE SORTE.

Questio prima. Quomodo possit licite usurpari?

I. R. 1. Sorsilla, quæ mittitur ad inquisitionem quid sit de jure, nullo modo est licita. Quia verbum Dei est medium a Deo constitutum, ad regulam vitæ hominibus patefaciendam: neque unquam hanc suam voluntatem sorte revelavit.

II. 2. Sors consultatoria, vel divinatoria, ad veritatem occultam præsentiam, vel ad aliquem eventum futurum præcognoscendum adhibita, non potest esse licita, nisi fiat ex inspiratione divina. Quia medium hoc est extraordinarium, atque adeò non habet regulam ordinariam, neque potest adhiberi absque extraordinaria directione, sine temeraria tentatione Dei.

III. 3. Sors divisoria, quæ mittitur ad aliquid de factò determinandum, potest esse licita, vel illicita, secundum circumstantias, quibus vestitur. Illicita est, 1. Si fiat prava intentione, decisionem questionis, vel à fortuna, vel ab alia aliqua causa, præterquam à providentia divina expectando. Quia tum vel est vanitas mera, vel superstitutionem habet admixtam. 2. Si fiat sine justa necessitate, aut prætermittis aliis ordinariis mediis providentiæ divinæ.

Tum enim temeritatem habet admixtam, & pertinet ad tentationem Dei. 3. Si fiat indubito modo, sive cum fraude, sive absque reverentia providentiæ divinæ. Est autem licita, si fiat 1. ex recta intentione, directionem Dei spectando. 2. ex causa necessaria, quia non invenitur melior modus difficultatem ac dubitationem tollendi. 3. in materia congruâ, ubi nullum est periculum injustitiæ: quia talium questionum decisionem habemus in verbo Dei. 4. cum debita reverentia, ut admittatur id quod fors tulerit, tanquam ex divina voluntate profectum.

Questio secunda. Quenam est causa iusta sortis divisorie mittendæ.

IV. R. Cum nulla alia ratio occurrit, grave aliquod incommodum vitandi, Gravitas autem incommodi, aliquandò pendet ex gravitate rei ipsius: ut cum sorte eligitur, quis ex ministris idoneis, permanere debet in civitate, tempore pestis grassantis. Pendet autem sæpè ex hominum affectu: ut cum inter socios, & omni modo pares, mittitur fors ad jurgia vel discordiam tollendam.

Questio tertia. An sortes lusoriæ, vel ludi illi qui fortuna, aut contingentia mera nituntur, sint liciti? Sortes lusoriæ.

V. R. Istiusmodi ludi, sive merè nituntur

nitantur fortuna, qui dicuntur aleares, sive principaliter illa nitantur, qui vocantur quasi aliares, ut ludus chartarum, & tabularum cum taxillis, sunt sua natura illiciti. 1. Quia non debet illud in ludum verti, quod sua natura, singularem respectum habet ad specialem Dei providentiam. At vero fors ex sua natura questionis determinationem expectat, à speciali Dei providentia. Mera enim contingentia per se, nullam omnino aptitudinem habet ad questionem aliquam determinandam. Neque præter meram contingentiam, quidquam spectari potest in sorte, præter specialem Dei providentiam, aut opem Diaboli, vel ficti alicujus numinis, in illa contingentia dirigenda. 2. Quia in istiusmodi ludis, ratio ipsa fortis, occasionem præbet variis peccatis: ut blasphemæ ejusdem execrationis fortune, quando fors est adversa; prædicationis bonæ

fortune, quando fors favet; & pertinacis contentionis, propter expectationem fortis æquioris.

Questio quarta. Quid judicandum de sortilegiis illis publicis, quibus multa bravia vel præmia expendantur sortito consequenda?

VI. R. 1. Eo modo possint forsitan institui, ut essent licita. Si nempe opus sit contributione ad usum aliquem pium; & ad incommoda vitanda, permetteretur negotium sorti, quinam contribuerent; & illi etiam qui sortes mitterent, illud tantum exponerent quod non illicite donarent, atque adeo, non ex spe lucrandi, sed ex intentione largiendi, accederent ad sortitionem.

VII. 2. Pro ut nunc usurpantur, videntur illicita: quia fraude, & fallacia, ad questum comparantur; & occasionem præbent multis malis.

CAP. XXIV.

Hactenus de primo Præcepto. In secundo, 1. de Ecclesia.

Questio prima. An teneatur fidelis, adungere sese certæ alicui Ecclesiæ particulari?

I. R. Vel maxime ad hoc teneatur. 1. Respectu institutionis Dei, *Matth. 18. 17.* in qua non præceptum tantum, sed & modum necessitatis quedam continetur.

II. 2. Respectu præsentis Dei,

& Christi. *Apoc. 1. 13.* si enim ad Deum accedamus, ad illum etiam cœtum accedere debemus, ubi Deus est singulari modo præsens ut à querentibus eum possit inveniri.

III. 3. Respectu gloriæ Dei, quæ hac ratione publice promoveatur & propagatur. Sicut enim nomen Dei in veteri testam. pro collocatum

catum fuit Hierofolymis, fic nunc in Ecclefiafticis certibus, quamvis non in hoc aut illo loco.

IV. 4. refpectu fcedis & promiffionis Dei. Qui enim funt in Ecclefia, quali directè fubjiciuntur benedictionibus Dei, ut in ipfos effundantur. *Pfal. 65. 5. & 133. 3.*

V. 5. Refpectu profelfionis noftræ: quoniam alias fieri non potelt, quin conturbentur figna illa, quibus fideles ab infidelibus difcerni poffint. *1. Cor. 5. 12.*

VI. 6. Refpectu mutue ædificationis, quæ fequitur per fe, ex fidelium combinatione. *Hebr. 10. 24. 25. 1. Cor. 11. 17. & 12. 25. 27. Rom. 1. 12.*

Quæftio fecunda. Quali Ecclefie debemus nos adjungere?

VII. R. 1. Non nifi veræ, i.e. fidem veram poffidenti.

VIII. 2. Ex veris, eligere deus puriorem, quantum in nobis elt fitum.

IX. 3. Quamvis Ecclefie illi adjungere nos poffimus in qua multi defectus funt neceffariò tolerandi, non tamen illi in qua neceffariò participare debemus peccata. *Eph. 5. 11.* neque illo animo accedere licet ad ullam Ecclefiam, ut ullos defectus noftro fentio foveamus, fed ut (quantum fieri poffit cum ædificatione) illam tollendis operamur.

Quæftio tertia. An illius Ecclefie communio fit admittenda, quæ to-

lerat improbos, & bonis adverfatur?

X. R. 1. Toleratio notoriæ improbitatis, elt grave Ecclefie peccatum. *Apocal. 2. 20.* & fua natura tendit ad Ecclefie corruptionem. *1. Cor. 5. 6.*

XI. 2. Polluit in fe communionem, iis improbis qui tolerantur, & illis etiam qui in caufa funt, ut tolleretur. *Hag. 2. 13.*

XII. 3. Participant iftam pollutionem, omnes illi, qui non ftudent, quantum in ipsis elt, fcandala talia temovere. *1. Cor. 5.*

XIII. 4. Mixtura illa, quæ ex ifta toleratione exoritur, minuit confolationem, & ædificationem piorum.

XIV. 5. Omnes igitur omnibus legitimis mediis contendere debent, ut in illis Ecclefiis vivant, ubi res pretiofa feparatur à vili. *Jerem. 15. 19.*

XV. 6. Ab illa tamen Ecclefia, ubi impii quidam tolerantur, & pii deprimuntur, feparatio ftatim non elt faciunda. *3. Job. 9. 10. 11.* 1. Quia error potelt elfe aut infirmitas Ecclefie. 2. Quia patientia & longanimitas elt adhibenda ciga particulatam fratrem, offenfa aliqua præoccupatum: *Gal. 6. 1.* multò igitur magis erga integram focietatem fratrum, vel Ecclefiam. 3. Quia temerario piorum difcedu, correctio malorum non promovetur, fed impeditur. 4. Quia ab illo cætu ad puriorem, non datur fapè transitus, fine gra-

sine gravissimis incommodis: quæ caveri semper debent, quantum possunt absque peccato: imò faciunt aliquando ut præceptum affirmativum destinat obligare, quod alias non possit non obtemperari sine peccato.

XVI. 7. Si quis vel vexatione iniqua fatigatus, vel suæ consulens ædificationi, vel in testimonium adversus improbitatem, à tali cœtu, ad puriorem, tandem discedat, sine condemnatione Ecclesiæ illius quam relinquit, non est idcirco vel schismaticus, vel peccati alicujus arguendus.

Quæstio quarta. An illi Ecclesiæ adherere liceat, cui potestas admittitur scandala removendi, & improbos expurgandi?

XVII. R. 1. Potestas ipsa, de jure vel quoad actum primum, non potest ab Ecclesia vera separari: quia immediate & necessario fluit ab ipsa essentia. Fædere enim illo continetur, quo fideles in Ecclesiam aggregantur.

XVIII. 2. Usus hujus potestatis, non potest adimi, sine gravi peccato auterentium, & atque injuria eorum quibus aufertur.

XIX. 3. Neque debet Ecclesia in eo acquiescere, quod inique ab aliis oppressam se videt: pertinet enim ad officium Ecclesiæ, tueri libertatem illam, qua donata est à Christo.

XX. 4. Si tamen pro libertate

sua contendentes fideles, non possint jus suum in illa parte obtinere, nec sine gravissimis incommodis, ad liberiores Ecclesias accedere, & à peccati approbatione se abstinere, atque etiam defectum illum quantum in ipsis est studere supplere, non peccant, si tali Ecclesiæ se adjungant, aut in ea persistant.

Quæstio quinta. An illi Ecclesiæ adherere liceat, in qua desunt instituta quedam Christi, & eorum loco, humana quedam sunt introducta.

XXI. R. 1. Defectus quorundam institutorum, quamvis non debeat approbari, potest tamen tolerari. Quia imperfectio, sive sit in privatis, sive in publico statu, non tollit rationem illam officii, quæ in personis, aut statu aliquo absoluto reperitur.

XXII. 3. Humana instituta, si sint Ecclesiæ & cultui extrinseca, & faciant ad instituta Christi, & ædificationem Ecclesiæ promovendam, tum admitti, & approbari debent, tanquam civilia media, ad spirituales fines adhibita & applicata. Si verò statum habeant religiosum, & intrinsecè pertineant ad cultum, vel eandem naturam præ se ferant cum institutis Christi, eorum locum occupantia, tum nullo modo debent approbari.

De Ecclesiis
non satis
puris.

CAP. XXV.

De Vocatione ad Ministerium.

Questio prima. An vocatio sit necessaria?

I. R. 1. Vocatio singularis non requiritur, ad Evangelium ex occasione docendum & prædicandum. *Act. 8. 4. & 11. 19. 21. & 18. 24.*

II. Ratio est 1. quia hoc est officium omnium Christianorum, ut quantum possint promoveant regnum Dei, atque adeo alios doceant theologiam. 2. Quia aliquando necessarium est, ut homines arguantur erroris, & in veritate instituantur antequam possit vocatio rite institui. 3. Quia populus aliquando ministro destitutus, non potest sine ædificationis incommodo, alia ratione sublevari, nisi eorum institutionem admittat, qui necdum sunt ad ministerium rite vocati.

III. 2. Prædicatio non tantum privata, sed etiam publica sine singulari vocatione potest exerceri, 1. in Ecclesia constituenda. 2. in Ecclesia etiam constituta, cum illius approbatione, si vitetur confusio, & ordo observetur. *1. Corinb. 14. 23. & 6. Act. 13. 15.* pertinet enim ad Ecclesie ædificationem, ut ii qui donis excellunt cæteris, exerceant illa dona coram cæteris, ad eos juvandos, & exhortandos.

IV. 3. Ministerii tamen singu-

lare munus invadere, sine vocatione singulari, hoc est planè illicitum.

Hebr. 5. 4. Tit. 1. 5. Jere. 14. 14.

1. Quia requiritur hic separatio Dei singularis. *Act. 13. 2. & 20. 38.*

Rom. 1. 1. 2. Requiritur singularis & gravissimæ functionis susceptio: cujus auctor dispensator est Deus ipse. *Eph. 4. 11. 1. Cor. 12. 5. 6. Matth. 9. 38.*

3. Requiritur singularis fiducia assistentiæ Dei. 4. Requiritur singularis expectatio benedictionis à Deo. *Matth. 28. 20.*

5. Requiritur singularis fides & alacritas. *1. Tim. 4. 14.* 6. Requiritur ut Ecclesia illa, cui ministratur certior fiat de voluntate Dei, qua hunc aut illum ministrum ipsi destina-

vit, ut ex conscientia possit illi se subdicere. *Hebr. 13. 17.* 7. Requiritur denique ordo. *1. Cor. 14. 40.*

Questio secunda. Quamam necessarium requirantur in vocando, vel in eo, qui rite vocari possit ad ministerium?

V. R. 1. Integritas vitæ talis, ut non tantum scandalo careat, sed etiam testimonium habeat bonum.

1. Tim. 3. 7. per testimonium autem intelligitur illa fides quam fecit hominibus de sua integritate, per conversationem honestam & piam.

VI. 2. Doctrinæ Christianæ notitia,

notitia, five peritia, supra fidelium vulgus. 2. *Timoth. 3. 16.* ad quam etiam accedere debet intelligentia eorum, quæ pertinent ad suum officium, in Ecclesia gubernanda. 1. *Timoth. 3. 16.*

VII. 3. Dexteritas aliqua docendi, five aliis communicandi notitiam illam quam habet. 1. *Tim. 3. 2. 2. Tim. 2. 2.*

VIII. 4. Voluntas aliquo modo parata, ad ministerium suscipiendum, & exequendum. Quæ voluntas, oriri debet non ex inopia aut similis incommodi metu, vel ex cupiditate superioritatis, famæ, aut lucri, & similibus. 1. *Petr. 5. 2.* hæc enim voluntas est aliquo modo coacta, & non propriè ac directè fertur in opus ministerii: sed ex amore & zelo puro. *Job. 21. 15. 16. 17.*

IX. 5. Differentia in istis requisitis, talis est; ut 1. doctrina notitia cum aliqua dexteritate docendi, necessariò requiratur, ad ipsam essentiam ministerii, quia sunt propria fundamenta vocationis. Sed integritas vitæ ad bene esse tantum necessaria est ut medium, quamvis ad ipsum esse sit etiam necessaria ex præcepto Dei. 2. De doctrina & dexteritate iudicium ab aliis potest ferri. Sed de voluntatis inclinatione præter ipsum vocandum, nemo potest certo & semper iudicare. 3. Doctrina & dexteritas non potest ab aliis subito procurari. Sed voluntas ex aliquo metu aut modestia reluctans, potest

ac debet hortationibus excitari. Qui possunt & non volunt, de iis vocandis rectè laboratur: sed non de iis, qui volunt & non possunt.

Quæstio tertia. An qui legere norunt, vel ex præscripto aliorum, concionem memoriter recitare sint instructi donis ad ministerium necessariis?

X. R. Nullo modo. Nam 1. donum legendi, & memoriter recitandi, non est donum ministerii, sed donum sapientiæ & cognitionis. 1. *Corinth. 12. 8.*

XI. 2. Minister debet necessariò facultatem habere, applicandi verbum Dei, secundum diversitatem auditorum, temporum, locorum, & aliarum circumstantiarum, cum illa varietate, quam occasiones variæ requirunt. 2. *Tim. 2. 15.* hoc autem legendo vel recitando ex alterius præscripto, facere non potest.

XII. 3. Debet etiam paratus esse rationem reddere eorum quæ docet, cuilibet postulanti, & convincere contradicentes. *Tit. 1. 9.* quod legendo & recitando non potest præstare.

XIII. 4. Debet Ecclesie præire in iis donis, quæ ab omnibus fidelibus sunt affectanda & querenda. 1. *Tim. 4. 13. 14. &c.* sed omnes fideles debent eo niti, ut sermo Domini in ipsis habitet copiosè. *Col. 3. 16.*

XIV. 5. Nemo potest vel advocati, vel medici munus tueri, formulas præscriptas recitando. Minister

ster autem est & advocatus & medicus spiritualis.

Quæstio quarta. An liceat petere ministerium?

Ambitus
ministerii.

XV. R. 1. Ambire locum in ministerio, vel propter honorem, vel propter commodum quod secum adfert, hoc est planè damnum. Hoc enim est quaestui habere pietatem. 1. Tim. 6. 5.

XVI. 2. Opus ministerii desiderare, ex studio & zelo Ecclesiæ ædificandæ, & Deum glorificandi hoc pium est, & laudandum. 1. Cor. 16. 15. 1. Tim. 3. 1.

XVI. 3. Offerte sese aliorum iudicio explorandum, & probandum ad ministerium, honestati ministerii nullo modo repugnat.

XVIII. 4. Qui testimonium habet bonum suæ apudicitatis ad ministerii opus, potest etiam sine conscientie latione, Ecclesiæ alicui operam suam modeste deferre. Esai. 6. 8. Deus enim tales Ecclesiis offert.

XIX. 5. Importune tamen urgere suam vocationem, & artificio aliquo eandem procurare, hoc est planè alienum ab animo ritè ad ministerium comparato. 2. Cor. 2. 16.

XX. 6. Fraudulentia vel violentia, obtinere se Ecclesiæ invitat, hoc est planè Diabolicum.

XXI. 7. Ita pervenire ad ministerii officium, sicut ad rem emptioni & venditioni subjectam, hoc est vitium Simoniacum. Quia officium curæ animarum est spirituale

Dei donum, quod à Deo solo propriè communicatur: & proinde idem in genere, & ex natura rei est illud officium emere, cum eo quod fecit Simon. Act. 8.

XXII. 8. Simonia committitur, non tantum per munus à manu, quando pecunia datur ad officium tale procurandum; sed etiam per munus ab obsequio, quod in illum finem alicui præstatur, & etiam per munus à lingua, quando intercessione & precibus procuratur, ita ut dignitas non præcipuè spectetur.

Simonia.

Quæstio quinta. Penes quos est jus & potestas ministros vocandi?

Ius mi-
nistros
vocandi.

XXIII. R. 4. Summum jus vocationis est penes Christum solum, qui est Ecclesiæ caput, & ministerii auctor, ac dominus ministrorum.

XXIV. 2. Jus delegatum non potest propriè esse vel Episcoporum Diocesanorum, vel Patronorum, vel Magistratum, quæ sunt tales: quia Christus qui ministerium instituit, de istis ordinibus nihil singulare præscripsit, nihil novi juris ipsis communicavit, & Ecclesiam sine illis optime ordinatam reliquit.

XXV. 3. Jus delegatum est penes Ecclesiam illam totam, cui minister vocandus debet inservire. Nam 1. Ministri dati sunt Ecclesiæ à Christo, ut eadem ordinaria & cetera ratione, possint ab omni Ecclesia procurari. Sed si ab alijs penderet vocatio,

vocatio, Ecclesia sepe destitueretur certa ratione ministris sibi met procurandi, & proinde talis Ecclesia esset à Christo instituta, quæ non esset sibi met sufficiens in seipsa. 2. Si penes alios homines esset jus vocandi, tum Ecclesia non immediate acciperet ministros à Christo, sed ab illis, quorum jus hoc esset. 3. Alia ratione, non potest fieri, ut Ecclesia semper ex libera voluntate subiciat sese suis ministris: quod tamen in ministerio non minus est necessarium, quam in conjugio.

XXVI. 4. Jus hoc vocandi, ita quoad proprietatem in Ecclesia manet, ut non possit vel auctoritate aliena eripi, vel voluntaria concessione amitti, vel alienæ fidei plane committi. Actus enim Ecclesiæ est causa necessario ad vocationem Ecclesiasticam requisita.

XXVII. 5. Actus tamen varii ad vocationem pertinentes, possunt aliis committi, & ex ordine debent à principibus Ecclesiæ membris, vel presbyteris præstari. Cura etiam ut omnia recte fiant, pertinet ad Magistratum.

Quæstio sexta. Quis est actus, in quo proprie consistit vocatio?

XXVIII. R. Vocatio proprie & essentialiter consistit in electione. Nam 1. Voluntaria illa relatio, quæ inter ministrum & Ecclesiam intercedit, non potest aliud fundamentum habere, quam voluntariam electionem. 2. Ecclesia li-

bera, libertate salva, non potest alicui subijci, nisi per liberam electionem. 3. Omnes alii actus, qui pertinent ad vocationem, vel tendunt ad electionem, ut nominatio, præsentatio, examinatio, vel ab electione pendunt, ut ordinatio, institutio, vel immissio, quæ nihil aliud est, quam electionis complementum, & declaratio sollemnis, ut coronatio Regis, aut inauguratio Magistratus, atque adeo pro electione aut vocatione, metonymice solet usurpari.

Quæstio septima. Vbi libertas electionis, ab Episcopis, Magistratu, patronis, immunitur, qualis potest esse vocatio?

XXIX. R. Quamvis Electio non sit eo modo & gradu libera, quo oportet; contentus tamen voluntarius, ut in conjugio, sic in ministerio, quamvis iniquis rationibus procuretur, essentiam habet electionis & vocationis necessario requisita.

Quæstio octava. Cum multi sint idonei, quis ex omnibus est eligendus? Quis eligendus?

XXX. R. 1. Ille qui est maxime idoneus, in consuetudine electoris, bene informata, quia aliter facere esset acceptio personarum, quæ cum à Deo sit plane aliena; à rebus divinis profus debet abesse. Sed hoc ita intelligi debet, ut comparatio fiat, inter illos, qui omode possunt haberi.

XXXI. 2. Ut ite maxime idoneus iudicetur, qui quamvis simplicitate & absolute sit inferior, in relatione tamen ad suam Ecclesiam cui

quaritur minister, omnibus circumstantiis expensis, aprior invenitur.

Quæstio nona. An vocatio ad ministerium institui possit ad certos annos?

XXXII. R. 1. Ut hoc exprimat in ipsa vocatione, aut directè includatur, repugnat planè ministerii naturæ. Nam 1. Minister non Ecclesiæ præcipuè, sed Christo suam operam addicit. Christus autem suam voluntatem de ministerii tempore definito, nusquam revelavit. 2. Istiusmodi vocatio, minuit affectum, & curam ministri erga populum, & populi vicissim erga ministrum. 3. Minuit etiam dignitatem ministerii, dum specie saltem reddit illud mercenarium. 4. Varia pericula, tam ministro quam populo, secum infert. Minister enim hinc iusta causa possit dimitti; & populus etiam intempestivè deseri possit.

XXXIII. 2. Ut tamen implicitè subintelligatur dimissionis honeste impetrandæ facultas, ex conditione aliqua, cujus necessitatem adfert vel vocati, vel vocantium, vel Ecclesiæ communis conditio, nihil est quod absolute vetat.

Quæstio decima. An ad ministerium ritè vocato, licitum sit postea ministerio se abdicare?

XXXIV. R. 1. Non licet hoc cuiquam pro arbitrio suo tentare. 1. Quia obligatus est Deo in illa vocatione, neque potest ejus injussu deferre suam stationem. 2. Obligatus est etiam Ecclesiæ, non pacto humano, sed fœdere divino. Eamque non magis deferre potest, quam ab ipsa deseri.

XXXV. 2. Si tamen causa talis intercedat, quæ vel ineptum aliquem reddit ad ministerium exercercendum; vel exercitium ejus impossibile reddit; vel peccandi necessitatem adfert exercenti; tum nutu divino, ministerio solvi videtur.

Quæstio undecima. An liceat ministro migrare de una Ecclesia in aliam?

XXXVI. R. Aliud est migrare, aliud transferri. Migrare non licet, dum vocationis prioris fundamenta manent. Sed transferri tamen potest aliquis ex judicio aliarum Ecclesiarum, & consensione illius cui est obligatus, ad majorem fructum communis ædificationis.

C A P. XXVI.

DE CONCIONIBVS HABENDIS.

Quæstio prima. Quis debet esse textus, vel argumentum concionis?

I. R. 1. Quum nihil prædicari debeat, à ministro Christi Ecclesiæ Christi, præter verbum & voluntatem

tem Christi, & verbum illud non sit quærendum nisi in Scripturis, necessario sequitur, solas Scripturas pro concione esse tractandas.

II. 2. Quamvis catechismus quo contracta Scripturæ summa, quæ maxime est omnibus necessaria, necessario debeat cum omni diligentia inculcari; differentia tamen semper observari debet inter istiusmodi formulas humanas, & sacram Scripturam. Non est igitur consentaneum, ut catechismus eodem modo pro textu in Ecclesia proponatur, quo solet ipsa Scriptura.

III. 3. Propter honorem igitur Scripturæ, efficaciam veritatis prædicatæ, & periculum scandali quod ex illo more nasci potest, consultissimum est, ut selecti Scripturæ loci pro fundamento catechetice institutionis proponantur, & catechismi doctrina ex ipsis eliciatur tanquam documentum Scripturæ.

Quæstio secunda. An probanda sit illa consuetudo, quæ in Papatu obtinuit, & adhuc in quibusdam Ecclesiis reformatis observatur, pro concione ex ordine tantum explicare pericopas & lectiones quasdam Dominicales, quæ usitate Evangeliorum & epistolarum nomine appellantur?

IV. R. 1. Sectionum harum lectio publica, reliquis Scripturis præteritis, repugnat expresse Dei mandato, qui iussit integrum librum legis lætitari. *Deut. 31. 10. 11. 12.* & veteris Ecclesiæ praxi. *Neb. 8.*

2. *Chr. 34. 30. Actor. 15. 21. Col. 4. 16.*

V. 2. Sectionum istarum expositio non est sufficiens ad debitam Ecclesiæ adificationem. Multa sunt enim necessaria scitu, quæ in illis sectionibus non continentur. 2. *Tim. 3. 16.*

VI. 3. Sunt perversæ sectiones, quatenus membra quædam à suis integris corporibus ita separantur, ut per se proponantur mutila, sine capite & cauda.

VII. 4. Qui istis sectionibus adherent, ii divinum ordinem & modum Scripturæ negligunt, & populum celant, cum magno religionis detrimento.

VIII. 5. Hoc institutum ex Dominicalibus tantum concionandi, depravatis Ecclesiæ temporibus in tenebris fuit introductum, non sine superstitioso quodam respectu ad solemnitates certas ab hominibus excogitatas, contra Scripturæ regulam, & praxin Ecclesiæ primitivæ.

IX. 6. Experientia docuit, & docet adhuc, cognitionem Dei magis abundare, in illis Ecclesiis ubi isthoc agendi modo relicto, Scripturæ partim per integros libros ordinè continuato, partim ut occasio & necessitas aliqua singularis exigit, libere tractantur.

Quæstio tertia. An ex postillis liceat conciones parare?

X. R. 1. Emendicare, aut verbatim recitare concionem ex alterius præscripto,

præscripto, hoc ministro Evangelii est planè indignum. 1. Quia hæc ratione non exercentur dona illa quæ Deus hominibus dedit ad ministerium, sed memoriæ tantæ & pronuntiationis. 2. Quia sic agentes non possunt recte secare verbum Dei per accommodationem ejus aptam ad conditionem auditorum, secundum occasionum varietatem. 3. Quia vis & efficacia illius concionis perit, quæ non depromitur ex certo judicio & intimo affectu dicentis; quod ab iis non potest expectari, qui omnia ex præscripto loquuntur. 4. Quia hæc agendi ratio facit ut ministri non proficiant in scientia, sed memoria tantum. 5. Facit etiam ut apud multos contemptui habeantur.

XI. 2. Commentaria tamen & conciones etiam pie, ab aliis habite, magno possunt esse usui concionatori minus exercitato. 1. Quia imperfectiores tiones exemplo perfectiorum veteranorum excitantur, & in via recta diriguntur. 2. Quia varia occurrunt in istiusmodi scriptis, quæ minus exercitati in luum ulum possunt transferre. 3. Quia majore cum fiducia quadam à tiro-nibus proponuntur, cum eadem vident à gravissimis theologis uturpata.

Postillæ. XII. 3. Sed concionibus illis, quæ vulgo postillæ vocantur, ne tantum quidem est tribuendum, ut inter singularia concionum administranda numerentur. 1. Quia pleræque

harum postillarum vel à Pontificiis hominibus scribuntur, qui vim & efficaciam Evangelii ignorant; vel ab aliis heterodoxis; quorum declarationes majore cum periculo, quam fructu ab imperitis leguntur; vel denique à levioribus quibusdam doctoribus, qui sine magno judicio tempori sese hoc in parte temperant. 2. Quia istæ postillæ ad sectiones Dominicales tantum accommodantur, quibus minime Evangelii non debet adherere. 3. Quia neque continent theologiam docendam, nisi ex minima ejus parte, neque modum docendi tradunt certum, & adificationi intavientem, sed qui comparatur ad vanissimis hominibus placendum. 4. Quia in illis Ecclesiis ubi maxime sunt in usu, vera religio in suo vigore non habetur sed vel ignorantia, vel forma quedam religionis obtinet, potestate ejus abnegata.

Quæstio quarta. An Ethnicorum scripta dictaque in concionibus ecclesiasticis sint alleganda?

XIII. R. In concione ordinaria, apud auditores harum rerum imperitos, qui divinam Scripturæ auctoritatem agnoscunt, abstinendum est plane ab istiusmodi allegationibus. 1. Quia non sunt medium aptum ad fidem & vitam spirituales generandam, aliendam & conservandam. 2. Quia neque Moyses qui doctus fuit in omni sapientia Ægyptiorum, neque Christus, in quo

Ethnicorum
Scriptorum
citas.

erant

erant omnes cognitionis thesauri, tale quidquam unquam assererebat. 3. Quia fit injuria Christo, quasi ille solus non esset audiendus. 4. Injuria fit Scripturæ, quasi per se non sufficeret ad Ecclesie ædificationem. 5. Quia scandalum hac ratione inferitur Ecclesie, dum promiscue audit Ethnicorum testimonia cum oraculis Dei misceri, quasi similis essent auctoritatis. 6. Quia occultanda est humana sapientia in Evangelii prædicatione; 1. Cor. 2, 1. 2. Cor. 2, 4. quia spiritus demonstrationi, & prædicationis efficaciam ad-versatur.

Allegatio
patrum.

Quæstio quinta. An Patrum sententias in concionibus promiscue afferre liceat?

XIV. R. 1. Non possunt adferri probationis loco: quia fuerunt homines erroribus obnoxii, atque adeo non faciunt fidem certam & divinam. 2. Illustrationem nullam possunt adferre, apud vulgares auditores, quibus vel nomina ipsa Patrum sunt ignota. 3. Exomationis causa non possunt adduci: quia mixturæ humanæ non ornant sed contaminant. 4. Aliquando tamen ad peritiam quorundam convincendam, ad calumnias adversariorum refellendas, & ad imbecillitatem infirmorum sublevandam, necessarium potest esse istiusmodi testimonia usurpare. Sed tum ita debent profari, ut plane appareat ministerium coactum egredi Scripturæ

cancellos, & ex abundanti hoc facere propter causas modo dictas, verbo Dei, & fidelium ædificatione nihil tale directe postulante.

Quæstio sexta. An intermiscere liceat concioni vocabula artium, verba latina, græca, hebraica; &c?

Vocabula
exotica.

XV. R. Apud imperitos non licet. 1. Quia peregrinæ voces impediunt intelligentiam, & interturbant attentionem auditorum. 2. Quia si non explicentur, tum non faciunt ad ædificationem imperitorum, si vero explicentur, tempus inutiliter consumunt. 3. Quia ostentationem sapiunt in ministro, & imperitis occasionem & argumentum suppeditant, ignorantiam suam fovendi & excusandi.

Quæstio septima. An allegoriæ studio humano inventæ sint pro concione proponendæ?

Allegoriæ?

XVI. R. 1. Continuata metaphora (quæ maxime proprie allegoriæ vocantur) quatenus in sermone modificando consistunt, si sint apte, non possunt ulla ratione improbari. Si enim uti metaphora licet, licet etiam eandem continuare. 2. Allegoriæ rerum interpretationes, quæ in ipsa Scriptura non habent certum fundamentum, non debent pro certis proponi. 1. Quia sunt inventa humana, non verbum Dei. 2. Quia verbum Dei à suo proprio scopo detorquent. 3. Quia subijciunt eloquia divina vanorum hominum arbitrio, ut huc aut illuc pro
Y
ipsorum

ipsorum libitu trahantur. 4. Quia cum ex verbo Dei non proferantur, sed ab hominibus eidem inferantur, nullam efficaciam habent spiritualem in conscientiis hominum afficiendis. 5. Quia nihil possunt in sese doctrinæ sanæ habere, nisi quod in aliis Scripturæ locis cum certo fundamento habetur, & proinde cedunt in illius doctrinæ præjudiciū, quæ inepte, & extra suum locum tractatur, absque fundamento, quasi nullum usquam haberet. 6. Quia nullam fidem possunt facere, præter illam quæ in sapientia hominum consistit. 7. Quia solidam & salutarem prædicationis Evangelii simplicitatem, imperitis hominibus, qui istiusmodi lubibus capiuntur, inspidam reddunt & ingratham.

Exordia.

Quæstio octava. An exordiorum habenda sit ratio in concionibus instituendis?

XVII. R. 1. Exordium ab ipsis oratoribus non habetur pro orationis humanæ parte necessaria & interna: magnus igitur iudicii defectus in iis, qui exordium volunt necessarium in concione sacra.

XVIII. 2. Captatio benevolentiae, docilitatis, attentionis, (in qua finis exordiorum collocatur) apud fideles bene institutos, pastorem suum agnoscetes, precibus privatis, & publicis, ad verbum Dei audiendum preparatis, & excitatis, nullum necessarium habet usum.

XIX. 3. Exordium si alienum

lità re tractanda, ab omnibus damnatur; si rem aliquam tractet, quæ in textu continetur, tum vel perversam ordinis perturbationem, vel tautologiam inducit.

XX. 4. Proverbia, apophthegmata, sententias, vel selectas historias quarere, ad exordia concionum per accommodationem earum conficienda, non tantum humanum aliquid sapit, verbo divino indignum, sed puerilem quandam affectationem habet, quæ in gravioribus hominum orationibus non probatur.

XXI. 5. Connexionis aut dependentiæ textus explicatio, quæ pars est analysæ, utilissime proponi potest vulgariū exordiorum loco. 6. Brevis etiam insinuatō aliquando potest adhiberi, quia aliquid ex occasionē singulari ter ad propositum spectans indicatur: sed non ex ordinario instituto.

Quæstio nona. Quis textus sit eligendus?

XXII. R. 1. Quoad qualitatem textus, ex conditione auditorum, locorum, & temporum electio dirigi debet. Maxime enim necessaria vel utilia, maxime semper debent inculcari.

XXIII. 2. Quoad quantitatem, brevitās aut paucitas verborum nulla ratione debet affectari. 1. Quia quo plus verbi commode explicatur, eo magis ædificantur auditores.

2. Quia planius & efficacius demonstrari

monstrari possunt varia documenta excusari.

proponenda, ex textu variarum propositionum quam unius. 3. Quia inuiles & ingratae vel tautologiae, vel digressiones ex hac brevis textus afflictatione sequuntur. 4. Quia ostentationem quandam olet, multa sem perex paucis videri velle protulisse.

Quaestio decima. An ex Scripturis & ratione omnia quae possunt ad rem afferri, sint pro concione proponenda?

XXIV. R. Scripturae testimonia & rationum firmamenta non sunt absque prudenti discretionem accumulanda. Nam 1. Solicite illud inter fideles probare de quo nemo fere Christianus dubitat, hoc esset tempus conterere, & auditores fatigare sine ullo fructu.

XXV. 2. In eo confirmando quod probationem desiderat, delectus & modus debet abhiberi, ne vel memoria auditorum obruatur, vel firmæ & aptæ probationes infirmiorum & alienarum commixtione aliquo modo labefactentur.

XXVI. 3. Accumulatio vel probationum aut illustrationum non necessaria, vel iudicii defectum, vel ingenii & memoriae ostentationem aliquam præ se fere videtur.

XXVII. 4. Alia quæ majoris essent edificationis propter hæc omituntur, quæ omittio cum non possit defendi, angustia temporis sponte quaesita & accersita, ridicule solet

Quaestio undecima. In qua parte maxime sit insistendum, in explicatione textus, in doctrinis tractandis, vel in earum usu & applicatione?

XXVIII. R. Occasio aliqua efficere potest explicationem alicujus textus, aut doctrinae alicujus tractationem prolixam valde necessariam: sed regulariter, & ex ordine ac instituto, præcipua opera concionis, non catechetice est in usu & applicatione collocanda. 1. Quia usus est finis tam explicationum, quam doctrinarum. Finis autem est præcipue curandus & illa quæ intime spectant ad finem, cetera etiam omnia ad illum sunt dirigenda.

XXIX. 2. Quia majorem habet difficultatem, & necessitatem, in maxima parte auditorum. Talis enim est cæcitas & perversitas hominum, ut eorum animi nihil difficilius admittant, neque conditio eorum quidquam magis desideret, quam efficacem accomodationem verbi ad conscientias eorum voluntati divinae in omnibus subjiciendas. Facilius multo in aures & intellectum, quam in cor & manus hominum ingreditur verbum Dei. 3. Quia sic Christus, Prophetae, & Apostoli conciones suas instituisse leguntur: omnia enim ad usum & praxin vite dirigebant, & in illa praxi persuadenda, maximam operam collocabant.

Quaestio duodecima. An ornamenta rhetorica locum habeant in concione

concione facta?

XXX. R. Illa rhetorica quam videmus in Scripturis à Prophetis & Apostolis usitatam, magnum usum habet in concionibus sacris, si cum simili prudentia exerceatur. In Scripturis autem frequens est usus troporum, & figurarum sententiæ: sed figurarum dictionis, quæ in sonorum resonantū dimensione ac repetitione consistunt paucissima exempla occurrunt. Ratio est 1. quia elocutionis harmonia est levior pars rhetoriæ, quæ rebus ac personis levioribus magis convenit quam gravibus, sacris, & divinis. 2. Quia delectationi naturali tantum inveniunt, non spiritali ædificationi. 3. Quia demonstrationi spiritali & potenti repugnat. Ineptè igitur faciunt, qui in suis concionibus affectant sonos similiter cadentes vel detinentes, maxime autem qui tales rythmos ignotis latine græcæ lingue verbis proponunt.

Efficacia
concionis.

Questio decima tertia. Quam maxime ratione efficax redditur concio in conscientis hominum afficiendis?

XXXI. R. Post evidentiam veritatis ac voluntatis divinæ ex Scriptura depromptæ, nihil magis penetrare facit concionem, quam cum ex intimo cordis affectu sine ulla affectatione procedere eam apparet. Huc autem maxime facit, si ad quotidianam praxin pietatis accedat serena meditatio, & oratio attentæ, ad illas ipsas res cordibus no-

stris ingerendas, quas aliis dicendo persuadere conamur.

Questio decima quarta. Quomodo controversiæ debeant pro concione tractari?

Contra-
versia.

XXXII. R. 1. Nullæ controversiæ sunt movendæ, quarum justam occasionem non habemus in textu, aut doctrina ex eo deducta.

XXXIII. 2. Occasio maxime necessaria est, quando tacitis auditorum cogitationibus, & objectionibus, aut calumniis vulgo sparsis, quæ doctrinæ propositæ opponi possint, auditorum ædificatio occurrendum esse monet.

XXXIV. 3. Questiones obscure, subtiles & sublimis non sunt in concionibus tractandæ.

XXXV. 4. Hæreses veteres, & jam pridem sepultæ, pro concione non sunt ordinariè nominandæ, ne dum operose refellendæ & ab inferis resuscitandæ: neque enim tantum ovis est conciatori fideli ab erroribus & vitiis jam vigentibus, ut aliunde querat materiam pugnandi, neque facit ad ædificationem plebis, ut in blasphemis audiendis & hæresibus discendis detineatur.

XXXVI. 5. In controuersis necessariis, populus non debet multis argumentis & objectionum dilutionibus onerari.

XXXVII. 6. Modus controversias tractandi apud rudem populum convenientissimus est simplicissime & brevissime errorum ostendere

dere discrepantiam à fundamentis doctrinæ Christianæ.

XXXVIII. 7. In multis controversiis tractandis illa prudentia debet adhiberi, ut veritatis confirmatio omnibus pateat, & illi qui noverint contrarios errores, intelligant qua ratione refelli possint: qui verò nō noverint, in sua permaneant simplicitate, habeantque ad manum quo se tueantur, si forsan ex illa parte tentarentur.

XXXIX. 8. Si necessarium sit ad pleniorē erroris alicujus refutationem descendere, tum verus controversiæ status ita debet imprimis explicari, ut ab omnibus intelligi possit, & quis sit, & quanti momenti in religione. Et argumenta illa præcipuè debent profertur, quæ conscientiam efficaciter movent.

XL. 9. In modo agendi, zelus veritatis temperari debet cum lenitate, & moderatione illa, quæ causam decet, & simpliciter errantes ab impie blasphemantibus distinguit.

Quæstio decima quinta. An præter solemnem verbi prædicationem, à ministro habitam è suggesto, sit alia aliqua Scripturarum tractatio audiente Ecclesia suscipienda?

XLI. R. 1. In Ecclesia primitiva, fuit exercitium quoddam propheticum à concionibus distinctum. *1. Cor. 14. 31. 32. & c.*

XLII. 2. Ad hoc exercitium habendum admittuntur non tantum ministri, sed & ex fratribus

primarij vel maxime approbati, pro donis illis, quæ habuerunt sibi collata. *ibid.*

XLIII. 3. Licet etiam alijs Ecclesiæ vijs, discendi gratia modeste & ordine dubia sua proponere, ut à peritioribus docerentur. *ibid. vers. 35.*

XLIV. 4. Hoc exercitium ubi commodè possit in Ecclesias introduci, non debet contemni. *1. Thess. 5. 20.* 1. Quia maximè consentaneum est ordini Ecclesiæ primitivæ, ab Apostolis approbato. 2. Quia singulariter facit ad dona spiritualia in singulis fidelibus excitanda, fovenda, & augenda. 3. Quia negligentiam ac invidiam tollit, & charitatem fovet.

Quæstio decima sexta. An in comuni & publica verbi prædicatione acquiescere debeat minister fidelis, quasi institutionis officio satisfaciens?

XLV. R. Accedere etiam debet privata singulos instituendi cura, prout occasio tulerit, & necessitas eorum postulaverit. 1. Quia in hoc officio Apostoli nobis præverunt, & nobis reliquerunt exemplum imitandum. *Act. 20. 20. 31. 1. Thess. 2. 10.* 2. Quia iidem etiam hortati sunt ut hujus officii curam habeamus. *1. Tim. 5. 1. 2. & 2. Tim. 4. 2.* 3. Quia per privatam institutionem accommodatur magis verbum Dei ad singulorum conditionem & necessitatem, quam in publi-

Institu-
tio privata.

Exerci-
tium pro-
phetiæ.

ca fieri potest. 4. Quia privata in- eandem etiam reddit multo effica-
stitutio viam facit ad publicam, & ciorum, quam alias esset.

CAP. XXVII.

DE BAPTISMO.

Quorum sit baptizare, disputatum satis est alibi, adversus Bellarminum; nec non de necessitate, & forma baptismi. Restat igitur de hoc capite, quæstio una tantum aut altera, breviter expedienda.

Quæstio prima. Quinam sunt baptizandi?

I. R. 1. De adultis non potest esse quæstio: quia in illis requiritur intelligentia veræ fidei, & voluntas baptismi suscipiendi distinctè declarata.

II. 2. De infantibus (supponentes hoc in loco quod à baptismo non sint excludendi, cujus sententia fundamenta in Medulla theologiæ sunt satis declarata) illud imprimis requiritur, ut sint in fœdere gratiæ, quoad externam professionem ac æstimationem, ratione parentum; & ut spes sit, illos in eodem fœdere postea instructos & educatos iri. Baptismus enim est signum & sigillum fœderis gratiæ.

III. 3. Pertinet igitur Baptismus maxime propriè ad illos infantes quorum parentes, vel eorum saltem alter est intra Ecclesiam, non extra.

IV. 4. Incuria illa idcirco nequam potest excusari, qua promif-

cuè & sine discrimine admittuntur ad Baptismum quicumque & à quibuscumque offeruntur.

V. 5. Expolititii, quorum parentes sunt ignoti, si inter Christianos nati fuerint, ex charitate habendi sunt pro filiis Christianorum, si non sit iusta causa contrarium præsumendi.

VI. 6. Qui aliquo modo in professione sua ad Ecclesiam pertinent, sed fœdus tamen Dei aperte violant, eorum infantes cum aliquo discrimine debent baptizari. Ita scilicet ut quod fœdus requirit, & in ipsis deest, per alios quantum fieri potest suppleatur. Nam 1. distinctio aliqua inter puros & impuros debet in sacris omnibus observari, ad bonorum consolationem, correctionem malorum, & omnium ædificationem. 2. Instituta Dei non possunt aliter ab omni pollutione conservari.

VII. 7. Infantes illegitime nati, ita debent baptizari, ut vel parentes eorum

eorum poenitentiam p. oſiteantur, vel ab alijs piiſ eorum educatio ſuſcipiatur.

VIII. 8. Excommunicatorum contumacium liberi, non expedit baptizari, niſi ſponſorum idoneorum interventu.

IX. 9. Infantes Pontificiorum & ſimilium, qui ſunt ſemichriſtiani, ſi idoneum ſponſorem inveniant, in cujus poteſtate ſita eſt eorum educatio, poſſunt baptizari. Quia non ſunt plane alieni à ſœderis profeſſione, & ad puriorem ſœderis obſervationem hac ratione deducuntur.

Quæſtio ſecunda. An baptiſmus

infantium poſſit pro arbitrio parentum diſſerri?

X. R. Baptiſmus infantium abſque cauſa gravi, & aliquo modo cogente, non eſt diſſerendus. 1. Quia æquitas octavi diei circumciſioni deſtinatæ, prohibet huiusmodi procrastinationem. 2. Quia hæc procrastinatio vix poteſt diſtingui aut excuſari ab inſtituti huius viſi-pendio & contemptu. 3. Quia tam profeſſionis promptitudini, quam zelo Deum glorificandi, & etiam conſolationi parentum (de liberis nempe ſuis Deo ſolemniter conſecratis) multum adverſatur.

CAP. XXVIII.

DE COENA DOMINICÆ.

Præteritis hic etiam illis quæ alibi ſunt diſputata.

Quæſtio prima. An frequens uſus cœnæ Dominicæ ſit neceſſarius?

I. R. Studere debent omnes pii, ut quoties commodè fieri poſſit, religioſè utantur hoc Sacramento. 1. Quia præceptum illud indeterminati temporis: *hoc facite*, nullam aliam limitationem admittit, quam occaſionis defectum, aut juſtum aliquod impedimentum. 2. Quia Chriſto, ejusque bonis, continuo & indiſſimulenter paſci opus habemus. 3. Quia ſolemniſ profeſſio fidei noſtræ, ſecundum inſtitutum Dei, eſt officium

quod promptiſſimè præſtare debemus ex omni occaſione juſta. 4. Quia infirmitas noſtra hanc ſœderis renovationem, & mentis cordiſque excitationem poſtulat frequentem. 5. Quia conſtat in Eccleſia primitiva cœnam Dominicam ſingulis diebus Dominicis fuiſſe celebratam, neque ulla ratio reddi poteſt rarioris ejus uſus, præter fidelium tepiditatem, & in Eccleſiis variis oneroſam populi redundantiam.

Quæſtio ſecunda. An litigium ſive privatum, ſive publicum & torrenſe, vel etiam inimicitia juſte ſint cauſæ

De causis
à mensa
D. absti-
nendi.

causæ à communione abstinentiæ

II. R. 1. Nulla iusta potest esse causa cur quis sua sponte abstinere à cœnæ participatione, præter conscientiam indignitatis, ex proprio peccato oriundæ. Indignitas enim illa sola, quæ est culpabilis & conscientie malæ, excludit à communione.

III. 2. Disceptationes & controvertiæ litigiosæ, siue privatz sint, siue forenses, non magis per se impediunt usum cœnæ quam orationem piâ. Charitas enim erga proximos necessariò requiritur ad utrumque.

IV. 3. Si igitur litès alicui sint, non quod injuriam aliis fecerit, aut de injuria facta satisfacere nolit, aut à reconciliatione & pace sit alienus, sed ex aliorum iniquitate, hoc non potest esse iustum communions impedimentum. Nam culpa unius non potest alium privare beneficiis Christi, & privilegiis Christianorum.

V. 4. Si quis ira aut vindictæ cupiditate præoccupatus sit ex occasione alicujus liis, non debet propter illam à communione abstinere, sed eam quamprimum deponere propter communionem: alioqui bis peccando augetur suam culpam; & videtur p'uris facere inordinatam suam perturbationem, quam sanctam cum Christo communionem.

Preparatio
ad cœnam
D.

Questio tertia. Quæ & qualis preparatio requiratur ad pium usum cœnæ Dominicæ?

VI. R. 1. Preparatio adhiben-

da in tribus actibus ab Apostolo collocatur. 1. *Corinth. 11. 27. 28. 29.* Requirit enim 1. discretionem corporis Domini. 2. Explorationem nostrum ipsorum. 3. Dignam dispositionem.

VII. 2. Discretio consistit in idonea intelligentia & judicio de Sacramenti natura, usu, & necessitate. Quia verò non possunt hæc intelligi, nisi ex fundamentis Christianæ religionis, de peccato, & miseria inde secuta; de gratia Christi, & benedictione inde fluente; nec non de officio nostro in gratitudine & obedientia erga Deum; idcirco cognitio præcipuorum fundamentorum religionis, quæ necessaria est ad salutem, necessariò etiam requiritur ad istam discretionem Sacramenti.

VIII. 3. Exploratio nostrum ipsorum consistit in examine serio, an ita simus dispositi, ut cum fructu possimus uti Sacramento, quod jam discernimus esse tam divinum. Norma hujus examinis est verbum Dei, qua spectat ad Sacramenti hujus institutionem. Dispositiones in hoc examine præcipue spectandæ, sunt fides, resipiscencia, charitas, & studium obedientiæ novæ.

IX. 4. Dispositio digna, non consistit in perfectione, quæ si adesset, minor foret usus hujus Sacramenti; sed congruentia nostrorum affectuum ad actionem tam sacram, quæ congruentia consistere potest cum imperfectione magna. Requiritur

ritur autem 1. ut renovemus resipiscientiam nostram tam communiter ob omnia nostra peccata, quam singulariter ob peccata recens admitta, & adhuc nobis adherentia, vel quibus maxime obnoxii sumus. 2. Ut excitemus in nobis ipsis esurientem & sitim gratiæ divinæ in Christo, tam ad condonationem & monitionem horum peccatorum,

quam ad omnem vitæ emendationem & novitatem: 3. Ut fidem nostram congruenter excitemus ad promissiones Euangelii apprehendendas. 4. Ut cum omni humilitate, reverentia, devotione, & gratiarum actione, recipiamus Sacramentum, tanquam sigillum gratiæ & promissionum divinarum.

CAP. XXIX.

DE DISCIPLINA.

Questio prima. An necessarius sit clavis ligantis & correctionis usus singularis erga quasdam personas in specie, cum pro concione ira Dei, & exclusio ex regno Dei omnibus impenitentibus denunciatur?

I. R. 1. Non est necessarius iis, qui teneras habent conscientias, & verbi prædicatione communi ad maturam penitentiam excitantur. Quandoquidem enim nihil directe præter justam resipiscientiam spectari debet in disciplina, frustra quaereretur per plura, quod per pauciora potest obtineri. Sic particularis usus clavis solventis, vel absolutionis, non est necessarius, ubi generalem efficacem esse apparet.

II. 2. Propter duriem, & fraudulentiam cordis, quæ in plerisque peccantibus reperitur, necessaria est personalis applicatio eorum quæ fa-

ciunt ad correctionem peccati, in exercitio disciplinæ, ad securitatem excutiendam, & seriâ curam sanctitatis excitandam.

III. 3. Quia ordinatio Christi, de personali disciplina exercenda, quamvis primario & directe tendat ad emendationem lapsi, secundario tamen & indirecte spectat ad ædificationem aliorum, quæ eam impediunt submovendo, & quæ eandem juvant promovendo; idcirco hujus disciplinæ exercitium necessarium etiam evadit eorum respectu.

Questio secunda. Quale sit peccatum, quod postulat usum hujus disciplinæ?

IV. R. 1. Non infirmitates illæ, quæ sunt omnium fere Christianorum communes: istarum enim singularis curatio & emendatio, neque expectari potest, neque ab iis exigi, qui iisdem aut similibus subjiciuntur.

jiciuntur.

V. 2. Non tantum atrocia illa crimina, quæ legibus humanis coerceri solent: quia disciplina ecclesiastica pars est administrationis regni Christi, & proinde spiritualement habet naturam, & perfectionem querit majorem, quam quæ in honestate civili collocatur.

VI. 3. Non tantum personales injuriæ, quæ dissidia faciunt inter Ecclesie membra, aut alios à communione ejus avertunt: quia sunt alia peccata, quæ vel æquæ, vel magis etiam requirunt correctionem.

VII. 4. Proprium & adæquatum objectum hujus censuræ est scandalum datum à fratre. *Mat. 18. 15. si peccaverit in te frater. Lev. 19. 17. Gal. 6. 1.* finis enim discipline est per correctionem peccantis tollere scandala, ut fideles inoffenso pede in cursu pietatis pergant, & alii ad eandem viam alliciantur, offendiculis impediuntibus è medio sublatis.

Quæstio tertia. An correctio scandalii incipere debeat ab admonitione privata?

VIII. R. 1. Ab admonitione semper incipere debet: quia indicatio culpæ primum est medium emendationis, & resipiscentiæ genuina causa.

IX. 2. In scandalis privatis, præcedere semper debet admonitio privata, *Matth. 18. 15. si in te peccaverit, inter te & ipsum.* Fratri enim fama sine necessitate non est laudanda, neque animus ejus irritandus,

neque scandalum amplificandum, neque denique calumniæ & defamationis suspicio frustra subeunda.

X. 3. In scandalis publicis, & notoriis non est necessarium incipere ab admonitione privata. *1. Tim. 5. 20.* Medicina enim proportionem debet habere ad morbum, cui tollendo inservit.

Quæstio quarta. An quilibet scandalum præbens, à quolibet fidei debeat admoneri?

XI. R. 1. In Ecclesiis bene institutis & ordinatis, potest & debet hoc officium à singulis erga suos fratres ex occasione præstari. Omnes enim hoc in mandatis habent à Christo.

XII. 2. In Ecclesiis illis, quæ discipline defectu, confusione laborant, non est semper necessariū, ut ille in quem peccatur, admoneat peccantem, quia frustra sæpe inciperet quod nullam habet perficiendi potestatem.

XIII. 3. Præceptum igitur peccantem fratrem solemniter admonendi, tum demum obstringit, cum spes est aliqua, eandem vel immediate, vel mediate, ad scandalum tollendum valituram. Medium enim eatenus est bonum, quatenus facit ad suum finem assequendum.

XIV. 4. Omnes tamen tenentur aliquo modo significare, scandalum admissum sibi ex conscientia erga Deum serio displicere. *Eph. 5. 11.* charitas enim & zelus Dei huiusque omnes pios constringit.

Quæstio

Quaestio quinta. An post privatam admonitionem rejectam, res ad Ecclesiam debet statim deferri?

XV. R. Nequaquam: secundus enim gradus correctionis, ex ordine à Christo instituto, est assumere unum aut duos, & coram ipsis admonitionem urgere. *Matth. 18. 16.* 1. Quia corum testimonio admonitio illa confirmatur, vel firmitior efficitur, vel apud fratrem corrigendum, vel apud Ecclesiam postea correcturam. 2. Quia hac ratione magis consilium charitati, dum studetur emendationi fratris, cum minimus ipsius infamia.

Quaestio sexta. An sufficiat semel privatum, & semel coram testibus fratrem offendentem admonuisse?

XVI. R. Eiusque cum patientia & longanimitate debet hunc in modum admoneri, dum vel poenitentiam, vel contumaciam suam fecerit manifestam. *Matth. 18. 15. 16. 17. si te audierit; si te non audierit; si neglexerit eos audire.*

Quaestio septima. Quomodo contumaciter sese gerens ad Ecclesiam sit deferendus?

XVII. R. Ordine illo observato, ut per illos Ecclesiam aedamus, qui totum cœtum repræsentant, & qui ex ordine directionem & administrationem publicorum negotiorum habent sibi commissam. *Disce Ecclesia.*

Quaestio octava. An qui contumax est adversus Ecclesiam, debeat

statim excommunicari?

XVIII. R. 1. In gravioribus flagitiis, publicè notis, Apostolus sic videtur judicasse. *1. Cor. 5. 2.*

XIX. 2. In aliis peccatis, cum patientia magna procedendum est, ad remedium hoc extremum.

XX. 3. Suspendio igitur ab usu cœnæ Dominicæ, & similibus Ecclesiæ privilegiis, quæ nihil aliud est, quam gradus excommunicationis, & idcirco vocari solet à multis excommunicatio minor, quamvis non ex singulari Christi instituto, ex equitate tamen, & rei ipsius natura, præcedere debet, & aliquandiu continuari, ubi scandali ratio ferre potest moram.

Quaestio nona. Quinam habent potestatem excommunicandi?

XXI. R. 1. Jus & potestas est propriè penes illam Ecclesiam, cujus membrum est persona excommunicanda. *Matth. 18. 1. Cor. 5.* Nam 1. Eiusdem est ejicere ex communione, cujus est in eandem admittere: sed Ecclesia propriè singula membra in societatem & communionem admittit. 2. Eorum est expurgare fermentum, quorum officium est puritatem massæ conservare: sed hoc est integræ societatis. 3. Eorum est de causa communionis negandæ judicare, quorum est communionem negare: sed hoc est Ecclesiæ totius. 4. Absque Ecclesiæ consensu, nulla excommunicatio potest efficaciter attingere suum finem: quia negatio

communione est actus liber communitalis.

XXII. 2. Ex ordine tamen, administratio censuræ pertinet ad Ecclesiæ præfectos, qui vocantur ad Ecclesiæ gubernationem, cujus non minima pars est exercitium discipline.

XXIII. 3. Classium & Synodorum est, quando difficultas aliqua subest, communi consilio declarare, & decernere, quinam debeant excommunicari.

Quæstio decima. Quid faciendum sit Pastori, ubi vel presbyterium idoneum deest, vel plebs non consentit in excommunicationem justam?

XXIV. R. Solemnis processus potest omitti: eo tamen omnimodo anniti debet Pastor bonus cum reliquis fidelibus membris, ut essentia rei hæcenus conservetur, ne sancta dantur canibus & porcis. *Matth. 7. 6.* & ut omnia scandala publica, publicè arguantur.

Quæstio undecima. An excommunicari possint integræ Ecclesiæ, vel alterius Ecclesiæ membra?

XXV. R. 1. Non possunt propriè excommunicari: 1. Quia Ecclesia omnis habet in se: communionem, ex qua non magis ejici potest, quam ex semetipsa. 2. Quia potestas excommunicandi fuit ab aliqua superioritate: sed Ecclesiæ omnes aequali planè jure sunt à Christo constitutæ. 3. Quia membra unius Ecclesiæ, neque regimini alte-

rius subijciuntur, neque immediate pertinent ad aliarum communionem, sed suæ propriæ Ecclesiæ communionem intercedente.

XXVI. 2. Possunt tamen propter manifestas hæreses, aut flagitia, damnari, deferri, rejici, quod est analogum excommunicationis.

Quæstio duodecima. Quousque excommunicatio separat excommunicatum à communionem sanctorum?

XXVII. R. 1. Ex natura sententiæ, separat ab omni communionem, quæ propria est sanctorum, & ab iis inter se mutuò exercenda, quales sunt. Declarat enim hominem contumaciter impenitentem, atque adeo eodem loco habendum cum ethnicis & publicanis. *Matth. 18.*

XXVIII. 2. Quia tamen separatio est medicinalis, non reliquo corpori tantum, sed & membro ipsi amputato. 1. *Cor. 5. 5.* idcirco ex ordine, cum singulari spe resipiscentiæ adhibetur, & aliquam differentiam ponit inter excommunicatos, & meros Ethnicos.

XXIX. 3. Quoad externam igitur communionem & fraternam separat absolute: sed quoad internam, non nisi ex conditione impenitentia plenarie obstinate.

XXX. 4. Ecclesiastica proinde communicatio denegari debet homini legitime excommunicato; & omnis etiam voluntaria ac libera conversatio qua singularis animi propensio in personam alterius & status ejus appro-

approbatio declarari solet, debet vitari. 1. *Cor.* 5. 11. 2. *Theff.* 3. 14. non autem vel politica, vel economica illa communio, quæ vinculum obligationis habet à lege naturæ, qualis est mariti & uxoris, parentum & libetorum, dominorum & servorum, ac Magistratuum & subditorum.

Quæstio decima tertia. An omnes resipiscientiam profitentes in gratiam & communionem Ecclesiæ sint re-

cipiendi?

XXXI. R. Verbalis professio pœnitentiæ non sufficit: quia sic sanctissima Dei instituta impiorum ludibrio possint exponi, & ecclesiasticæ actionis virtus tota in externa forma collocaretur. Illa igitur signa requiruntur, quæ iudicio charitatis veram & seriam resipiscientiam ostendant, & probabiliter admodum testatam reddunt.

C A P. XXX.

De Modo Cultus: & primo, de Preparatione ad cultum.

Quæstio prima. An præparatio ad cultum sit necessaria?

I. R. Ad cultum solemniorum requiritur præparatio. *Prov.* 24. 27. *Exod.* 19. 10. 11. & 30. 20. *Eccles.* 5. 1. 2. 1. Quia dispositio apta requiritur in subiecto, ut capax sit boni ipsi communicandi. Quicquid enim recipitur, recipitur secundum modum recipientis. 2. Quia nos ex infirmitate & corruptione naturæ, inepti sumus ad omne bonum. *Jer.* 4. 3. 3. Quia præcellens dignitas eorum, quæ ad Deum spectant, curam postulat plusquam vulgarem. *Eccles.* 5. 1. 2. 4. Quia Diabolus omni modo studet avertere animos nostros vel à cultu Dei, vel à debito & fugifero ejus modo. *Luc.* 8. 12.

Quæstio secunda. Quibus in rebus consistit hæc præparatio?

II. R. 1. Requiritur imprimis consideratio naturæ officii, quod agredimur, & eorum quæ ad illud spectant. *Ecc.* 5. 2. *ne acceleres, & animus tuus ne festines*: id est, ne agas inconsiderate. *Alt.* 10. 1. 1. *Theff.* 2. 13.

III. 2. Requiritur intentio recta, illud ipsum querendi, ad quod specialis ille cultus in quo vertamur sumus natura sua tendit. e. g. qui ad concionem accedit, non ut voluntatem Dei discat eique se subiciat, & affectus illos induat, eamque viam sequatur, ad quam per verbum Dei vocatur, non est mirum si talis vel discedit à concione, qualis accessit, vel etiam pejor: nam concessi potest id cujus gratia accessit, hominum approbationem, fortassis etiam aliquam delectationem, &

leviorem nonnunquam speculationem. *Esaï. 3. 31. 32.* sed verbum fit ipsi non odor vitæ ad vitam, sed potius odor mortis ad mortem. 2. *Corint. 2. 16.* professionis in isto genere optimæ, sed hypocriticæ, habemus. *Ier. 42. 3. 5. 6. 20.*

IV. 3. Requiritur ut repugnan-

tes cogitationes affectusque non tantum illiciti, sed & alias liciti, qui tum possint esse impedimento, quantum fieri possit, amoveantur, & deponantur. *Exod. 3. 5. 1. Pet. 2. 1. Matth. 13. 22. 1. Petr. 1. 13.*

V. 4. Requiritur denique cor honestum ac bonum. *Luc. 8. 15.*

CAP. XXXI.

DE REVERENTIA CULTVS.

Questio prima. An & quatenus religiosa reverentia deferenda sit rebus iis, quæ spectant ad cultum, ut Scripturæ verbis, codici sacro, aquæ Baptismi, pani ac vino in cæna Dominica?

I. R. 1. Reverentia, vel honor, triplici sensu vocatur religiosus: vel quia elicitur à religione, ita ut sit proprius ejus ætus, continens in se virtutem & directam relationem illam, quæ est in cultu religioso: vel tantum quia imperatur à religione, tanquam aliquid congruens illius naturæ: vel denique, quia & imperatur à religione, & fundamentum habet in relatione rei aut personæ alicujus ad religionem & cultum sacrum. Primo sensu, religiosus honor, soli Deo debetur. Secundo modo, honor etiam civilis qui in quinto præcepto imperatur, & hominibus superioribus præcipue debetur, recte dicitur religiosus. Tertio vero sensu debetur omnibus iis, quæ

proprie spectant ad cultum.

II. 2. In usu sacro, quamvis honor divinus non sit sacris rebus deferendus, neque illæ res habendæ sint pro proximis objectis illius cultus, per quæ ad Deum deferatur, neque denique inferioris generis cultus in illas transferendus: qui omnes sunt Pontificio: cum errores, dum Eucharistiam colunt ut Deum, imagines ut terminos proximos, quamvis non ultimos religiosi cultus; & vasa sacra observantia quadam religiosa; honor tamen ille qui Deo debetur, non potest ipsi debito modo exhiberi, nisi cum singulari reverentia tractentur ejus instrumenta, propter æctam illam connexionem & relationem, quæ inter æctam aliquem, & instrumentum æctus intercedit.

III. 3. Extra usum sacrum, quia nullam rem exteriorem habemus ex divina institutione consecratam, & in religioso statu collocatam, co

tam, eo modo, quo arca, altare, templum, & similia fuerunt sub veteri testamento, ideo nullus positivus honor ex religione ulli rei externæ debetur. Privativa tamen est quadam reverentia, quæ necessario sequitur ex religioso Dei honore: illa scilicet, quæ cavetur, ne quidquam fiat circa res illas, quæ spectant ad cultum, extra usum sacrum, cujus ratione minuat, aut violetur illa re-

verentia, quæ in sacro usu vel cultu debet observari. Hujus generis est illa cura, quæ cavetur, ne verba, aut phrasæ sacræ, misceantur jocis; ne codex sacer conculectur, vel ad usum aliquem applicetur, qui speciem aliquam fœditatis, aut dedecoris habet conjunctam, ne panis ipse, vel vinum post communionem relictum, alicui contumeliæ exponatur, &c.

CAP. XXXII.

DE DEVOTIONE.

Quæstio prima. Quibus in rebus consistit devotio?

I. R. 1. Ad devotionem requiritur ut quis firmâ & absolutam habeat intentionem sese Deo, & ejus cultui tradendi, ita ut ab hoc proposito nullis vel illecebris vel periculis velit averti. Hoc respectu, devotio est fortitudo religionis: & ex illa sequitur constantia, & patientia, illa quæ propria est religionis, & officiorum ejusdem. Proportionem habet cum improba devotione: illa cuius mentio fit. *Act. 23. 12.*

II. 2. Requiritur, ut non acquiescant in quolibet gradu pietatis, ex tepiditate, pigritia, aut lentitudine, sed aspiret semper ad summam perfectionem. Hoc respectu, devotio est zelus religionis. *Apoc. 3. 15. 16. 19.*

III. 3. Requiritur compla-

centiam, delectationem, & gaudium habeat in exercitiis religionis. *Esai. 58. 13. Psal. 122. 2. Esai. 12. 3. 1. Chron. 29. 9.* Hæc est spiritualis voluptas religionis.

IV. 4. Requiritur ut frequens & multus sit in iisdem exercitiis. *Act. 10. 3. Luc. 2. 37. Psal. 199. 164.* Hæc est diligentia religionis.

V. 5. Requiritur ut in illis exercitiis cogitationes & affectus suos præsentens quantum fieri possit detineat, & hoc agentes, sine evagationibus, & distractionibus mentis. *Altor. 16. 14. Eph. 6. 18. 1. Tim. 4. 15.*

VI. 6. Requiritur ut animam & conscientiam habeat tenerram, quæ secundum specialem occasionem quæ in aliquo exercitio occurrat, pie commoveatur. *2. Reg. 22. 19.*

VII. 7. Requiritur denique ut omnibus

omnibus viribus vitam instituere nitatur, sicut decet eos qui Deum colunt. 2. *Tim.* 2. 19.

Quæstio secunda. Quibus mediis possit ista devotio per gratiam Dei, à nobis comparari?

VIII. R. 1. Necessarium est imprimis, ut corda nostra quantum fieri possit perpetuo custodiamus, ab illis cogitationibus & affectibus libera, qui religioni, aut fervori ejus repugnant.

IX. 2. Necessarium etiam est, non tantum frequenter cum Deo versari, in exercitiis pietatis; sed etiam intermedio tempore dum aliud agimus, conservare aliquo modo calorem illum, quem in illis exercitiis adepti sumus; & renovando continuare sanctas illas cogitationes, quas sensimus in nobis excitatas. Qui aliter facit, ejus vita transigitur in texenda & retexenda eadem tela, sine progressu ad ullam perfectionem.

X. 3. Necessarium est etiam ut subinde corda nostra elevemus ad Deum, brevibus illis votis ex omni occasione utentes, quæ orationes succinctæ, ac jaculatoriæ vocantur, & possunt ad Deum in omni loco & tempore emitti. Neque inutile est, præterim infirmioribus, vericulos quosdam ex Psalmis decerptos, quos maxime efficaces in corde suo

sensit, habere semper in promptu, ut per illos in Deum ex occasione animus ejus elevetur.

XI. 4. Plurimum conducit, si exerceamus nosmetipsos, ad occasionem captandam ex rebus vulgaribus, cogitatione & mentis discursu, ad spirituales assurgere meditationes. Cujus rei exempla varia in historia Evangelii reliquit nobis Christus.

XII. 5. Utile est, certa tempora habere constituta, ad privata exercitia pietatis, eaque non ex consuetudine observare, sed serio impendere ad pietatis incrementum. De istis autem quamvis regula certa tradi non possit, communi tamen instinctu omnium Christianorum, matutinum & vespertinum sacrificium omnibus commendatur.

XIII. 6. Plurimum interest delectum facere eorum quibuscum familiariter conversamur, ut scilicet tales sint à quibus redeamus, non frigefacta, sed excitata in animis nostris pietatis cura.

XIV. 7. Iuvat etiam non parum, subinde nosmetipsos revocare ad rationes reddendas in conscientis nostris coram Deo, progressuum & defectuum nostrorum in studio pietatis.

CAP. XXXIII.

DE DIE DOMINICA.

Suppositis eis quæ de hoc instituto disputata
sunt in Medulla Theologiæ, sit

Questio prima. Quanam sit differentia inter observationem diei & dominicæ, & eorum temporum quæ in aliis diebus, cultui publico destinantur?

I. R. 1. Alia tempora sunt ab hominibus designata: sed dies dominica ab ipso Domino. **2.** Alia tempora non tam sunt instituta, quam prudenti consilio electa secundum singularum Ecclesiarum commoditatem: sed dies dominica institutionis rationem habet accuratam. **3.** Alia tempora personalis tantum sunt obligationis, juxta cuiusque opportunitatem: sed dies dominica est obligationis generalis, ita ut cæteræ occupationes cedere debeant ejus observationi.

Quæstio secunda. Quanam alias licitæ, sunt illicitæ in die Dominicæ?

II. R. 1. Occupationes illæ omnes quæ notabiliter impediunt hominem, quo minus possit Deo & ejus cultui, vel publico, vel privato vacare, sunt regulariter & ordinariè illicitæ, ex natura & fine hujus institutionis.

III. 2. Nulla hic est differentia inter opus mechanicum aut corpo-

rale, quod propriè servile vocatur, & opus illud quod vocari solet liberale. Quamvis enim servile opus nominatim prohibeatur, hoc tamen exemplo synecdocice designantur omnia illa opera, quæ pariter adversantur fini illi, qui spectatur in sanctificatione septimæ diei.

IV. 3. Quæ ad voluptatem & recreationem spectant, si talia sunt ut impediunt hominem ne Deo illa die vacet, non minus prohibentur quam ordinariæ occupationis labores.

V. 4. Itinera facere, quæ non spectant ad cultum Dei commodius exercendum, sed vel ad negotia vulgaria conficienda, vel ad oblectationem, non minus aliena sunt ab hujus diei observatione, quam idem temporis spacium in seculis negotiis, aut voluptatibus consecrandis locare.

VI. 5. Nundinæ, mercatus, & actus mercandi operosi eadem ratione cum laboribus & occupationibus quotidianis, hujus diei sanctificationi repugnant.

VII. 6. Illa, quæ pertinent ad strepitum forensem ejusdem sunt naturæ.

VIII. 7. Non externæ tantum occupationes, quibus circa res istas versamur, prohibentur, sed & sollicitæ curæ, quæ eodem spectant.

Quæstio tertia. Quæ causæ sint excusantes hujusmodi occupationes, ut die Dominica licite possint exerceri?

IX. R. 1. Necessitas præsens, vel imminens: quæ neque fingitur, neque consilio accersitur, sed per providentiam Dei nobis imponitur, *Luc. 14. 5.*

X. 2. Hæc autem necessitas 1. est mediæ ad finem, non respiciens lucrum, aut voluptatem, ut finem, sed maxime proprie incommodi alicujus extra ordinem incidentis evitacionem. Nihil igitur juvat eos qui lucrum cessans damnum reputantes, ne occasiones lucri præterire sinant, in vulgaribus occupationibus exercentur. 2. Est necessitas evidens, non ex incerta conjectura concepta. Non facit igitur pro agricolis, & similibus, qui vel sementis, vel messis tempore, diem hunc laboribus impendunt, quia periculum metuant ex dilatione.

XI. 3. Necessitas ista non intelligitur tantum qua spectat ad nosmetipsos, sed etiam ad proximum: quomodo medici, chirurgi, pharmacopolar, in sublevandis ægris licite occupantur; & ad rempublicam aut civitatem: quomodo in militia, multa opera servilia necessaria evadunt.

XII. 4. Quia necessitas mediæ, alicujus in quo servorum aut subditorum opera ad superioribus exigitur, non potest ab ipsis judicari, idcirco si extra ordinem imperentur ipsis officia laboriosa, quæ necessitatem suam possint habere, pro necessariis ab ipsis debent haberi.

XIII. 5. Opera misericordiæ & necessariis sunt annumeranda, & etiam officiis pietatis.

XIV. 6. Opera servilia, quæ necessaria sunt ad cultum Dei celebrandum, non tantum necessitate sua, sed & ab ipso cultu cujus sunt adjuncta, licita redduntur.

XV. 7. Communis honestatis officia, quibus ordinaria & modesta læticia vitæ fovetur, & pietatis exercitia non impediuntur, & necessaria sunt respectu finis, & libera sua natura: quia instituta Dei, quæ faciunt ad spirituales vitam promovendam, temporali vitæ non adversantur. Sed lautiores apparatus ad convivium extraordinaria operose instruenda, non possunt consistere cum hujus diei debita quiete.

XVI. 8. Exigua & brevis aliqua occupatio, qua quis circa res temporales ex occasione versatur, ita potest dirigi, & meditatione pia temperari, ut religionis officia non impediatur, sed potius juvet. Et quidem talis occupatio, cum tali modo, non abstrahit animum à cultu divino.

Quæstio quarta. Quenam requiruntur ad hujus diei sanctificationem?

XVII.

XVII. R. 1. Exercitia cultus quæ sunt quotidiana, non debent quidem omitti; non tamen sufficient, sed singularibus exercitiis sunt cumulanda. *Num. 28. 6. 7. 8. 9. 10.*

XVIII. 2. Exercitia publici cultus, in Ecclesia bene constituta, & libertate fruente, debent tam postquam ante meridiem celebrari. *ibid. Psal. 92. 2. Actor. 20. 7.* Vbi autem solemnes conventus defunt, ibi omnis occasio captanda, defectus illius quoad fieri possit supplendi. *Actor. 16. 13.*

XIX. 3. Quæ necessaria sunt ad fructum justum ex his exercitiis

percipiendum, tam in præparatione antecedente, quam in recordatione consequente, pro connexionis ratione, quam cum ipsis exercitiis habent, tanquam partes eorum debent haberi.

XX. 4. Singularis meditatio operum Dei, in ordine ad religionem, singulariter pertinet ad hujus diei sanctificationem. *Psal. 92.*

XXI. 5. Ita debemus in istis exercitiis versari, ut spirituales inde refectionem percipiamus, cujus virtute aptiores reddamur ad reliquam septimanam sancte transigendam. *Esai. 58. 13. Exod. 31. 13. Es. 56. 2.*

FINIS LIBRI QUARTI.

LIBER QUINTUS,

D E

OFFICIIS HOMI-
NIS ERGA PROXIMUM.

CAP. I.

DE IURE.

I. **V**Ox ista *jus* deducitur à *jussu*, quia vim notat alicujus auctoritatis jubentis hoc aut illud fieri. Accipitur igitur 1. pro lege jubente. 2. Pro objecto & effecto justitiæ, vel pro actione quam lex præscribit & requirit. Hoc sensu dicimur *jus* suum cuique tribuere. 3. Pro peritia legum secundum illud vulgatum: *jus* est ars æqui & boni. 4. Pro facultate aut potestate quam quisque habet hoc aut illud secundum legem agendi: quo sensu dicimus aliquem uti *jure suo*. Cui acceptioni affinis est applicatio hujus vocis ad privilegium aliquod significandum, vel à lege vel aequali auctoritate concessum: cujus generis inter veteres Romanos *jus* fuit *trium liberorum*.

II. Prima & secunda acceptio, non re, sed ratione tantum differunt: quia rectitudo eadem in utraque designatur, sed cum duplici existentia 1. in lege ut in efficiente ac regula, & 2. in actione tanquam in effecto conformi. In tertia & quarta acce-

ptione metonymia est subiecti pro adjuncto, & causæ pro effecto. *Jus* prout amplissime consideratur, dividitur in *jus* divinum, cujus Deus est author, & *jus* humanum, cujus homo est conditor.

III. *Jus* divinum dividitur in *jus* naturale, & *jus* positivum.

IV. *Jus* naturale est, quod naturali instinctu luminis naturalis, cognoscitur esse faciendum, aut vitandum; vel saltem per consequentiam evidentem deducitur ex illo lumine naturali. Ita ut hoc *jus* partim consistat ex principiis practicis naturalibus, & partim ex conclusionibus inde deductis.

Jus naturale.

V. *Jus* divinum positivum est *jus* additum naturali, per specialem revelationem Dei.

Jus divinum positivum.

VI. *Jus* naturale, vel lex naturalis est eadem quæ dici solet lex æterna. Sed æterna dicitur, quatenus est in ipso Deo ab æterno: naturalis autem quatenus indita est, & impressa naturæ hominum ab autore naturæ.

VII. *Jus* quidem positivum fuit etiam

etiam ab æterno in mente divina: sed quia hoc non tam facile percipitur à ratione nostra, ideo non solet vocari lex æterna.

VIII. Jus naturale & positivum divinum, in eo differunt, quod positivum est mutabile, & varium pro beneplacito Dei, aliud enim olim fuit in Ecclesia Judaica, quam jam est in Ecclesia Christiana. Jus autem naturale semper idem est & sui simile. Et hac etiam ratione vocatur lex æterna.

Jus naturale an mutabile?

Quæstio prima. Annon jus naturale mutatum fuerit, quando Abrahamo præceptum fuit, ut filium suum mactaret; & cum Israëlitis permittebatur Ægyptiorum bona auferre?

IX. R. Non fuit in istis mutatio legis, aut etiam dispensatio proprie dicta: sed mutatio materiæ circa quam vita innocentis quæ non fuit subiecta potestati Abrahami ut causæ principali, subiacebat ipsi ut instrumento dominii & beneplaciti divini.

X. In posteriore exemplo, bona Ægyptiorum, propter voluntatem Dei, qui dominus est omnium absolutus, definiebant esse Ægyptiorum, & incipiebant esse Israelitarum: Israelitæ igitur dum illa accipiebant, non res alienas, sed suas accipiebant.

Quæstio secunda. Annon mutetur jus naturale, quando gladius depositus & repetitus ad homicidium

patrandum non redditur, neque reddi debet?

XI. R. Non mutatur jus de deposito reddendo: sed impeditur, aut retardatur, per jus aliud magis observandum, de non occidendo.

XII. Similis fere est ratio præscriptionis, vel usucapionis, qua fit, ut post certum tempus exactum, denegetur actio veto domino, rerum suarum à possessore injusto repetendarum. Impeditur enim processus juris particularis, propter jus & bonum publicum, ad lites infinitas rescindendas. Per meram tamen usucapionem non transfertur dominium in foro conscientiæ. Qui enim sciens, volens, retinet alienum, proprio dominio invito, peccat contra jus naturale. Neque a legibus hoc præcipitur, sed tantum permittitur.

Quæstio tertia. An recte dicatur à Jurisconsultis, jus naturale esse quod natura omnia animalia docuit?

De definitione juris naturalis Iustiniani.

XIII. R. 1. In brutis animalibus juris ratio propria non magis habet locum, quam in plantis aut in rebus inanimatis. Quia neque ratio distinguens inter bonum & malum, neque voluntas aut electio unius præ alio, neque denique iustitia ulla brutis magis quam rebus inanimatis inest.

XIV. 2. In omnibus tamen rebus est inclinatio, potentia, & operatio, quæ diriguntur certa ratione, prout convenit eorum naturæ & fini, & hoc respectu omnes res create dicuntur

cuntur habere legem sibi impostam: quæ tamen lex vel jus in ipsis tantum passive regetur, atque adeo quoad ipsos per similitudinem tantum & proportionem lex & jus appellatur. *Psalm. 148. 6. Job. 38. 10. 11. 12. Jer. 33. 20. 25.*

XV. 3. Quia tamen quædam sunt inclinationes, operationes, quæ communes sunt hominibus cum brutis, & non cum plantis, aut rebus aliis inanimatis, cuius generis sunt custodia & defensio vitæ, ac libertatis, conjunctio maris & feminae, &c. Quorum etiam apprehensionem quandam habent animalia per instinctum naturæ, sicut homo habet per judicium rationis; idcirco speciali quadam proportionem jus naturale tribuitur brutis magis quam plantis & rebus inanimatis.

XVI. 4. Hinc est quod peccatum hominis facientis contra illas inclinationes naturales, quas cum brutis habet communes, ex hac ipsa comparatione rectissime & gravissime exaggeratur. *Esai. 1. 3. Jerem. 8. 7. Roman. 1. 26. 2. Tim. 3. 3. ἀσποποι. Jud. 10.*

Quæstio quarta. An jus gentium sit idem quod jus naturale?

XVII. R. 1. Jus gentium si accipiat pro illo jure, quo omnes gentes utuntur, complectitur sub se non jus naturale tantum, sed & positivum. Sic servitus à Jurisconsultis dicitur esse de jure gentium, & tamen constat eam introductam esse con-

suetudine & jure positivo. Eadem est ratio divisionis possessionum, & similium.

XVIII. 2. Si accipiat jus gentium pro eo quod à gentibus communi consensu & consuetudine est introductum, tum mediam quandam naturam habet inter jus naturale, & positivum illud, quod est unius aut alterius gentis proprium. Cum jure naturali hoc habet commune, quod absque certa autoritate & promulgatione ubique recipiatur, & si contrarium fiat, omnes judicent male fieri. Cum jure tamen positivo hoc habet commune, quod ex communi consensu eorum, quorum interest possit mutari, vel abrogari. Divisio rerum est de jure gentium. Potest tamen alicubi fieri justa de causa, consensu communi, ut omnes fere possessiones sint communes. Jus etiam gentium est, ut tempore belli legati utriusque partis pacifice recipiantur: quia præsupponitur eos agere de pace, quæ est finis belli; aut saltem ad causam dicendam venire, quod nulli reo est denegandum. Et tamen ex causa justa, & communi consensu eorum qui bellum gerunt, potest nonnunquam huic juri obrogari.

Quæstio quinta. An juris naturalis præcepta recte statuuntur: honeste vivere, alterum non ledere, suum cuique tribuere?

XIX. R. Confusa & imperfecta admodum est hæc enumeratio. Nam. 1. Nihil præcipitur de Deo colendo, quod

quod tamen est principium juris naturalis. 2. Honestè vivere, (prout à Philosophis & Theologis hæc phrasis accipitur) idem est quod virtutem colere. Virtus enim est honestas, aut bonum honestum, prout distinguitur à bono utili, & jucundo: eodem etiam sensu vocatur bonum absolutum, & bonum justum. Honestè vivere igitur si hoc sensu accipiat, nihil aliud est quam justè vivere: ita ut cum juris præceptum dicitur honestè vivere, nihil aliud dicatur, quam jus præcipere ut justè vivamus; & sic nihil omnino dicitur, quia idem per idem explicatur. Si vero sic accipiat hæc phrasis, prout à vulgo intelligitur, pro honore scilicet & laude ab hominibus comparanda, tum nullum certum præceptum continet, sed ut quisque velificetur suo honori & exultationi, secundum futilem & inconstantem opinionem vulgi. 3. Non lædere alterum, quid sit, præceptis juris explicari debet: nam eo ipso quod officium facimus erga aliquem, ipsum non lædimus. Si autem non faciamus officium, lædimus eum, quia jus ejus ipsi non tribuimus, quamvis forsitan nobismet ipsis videamur bene de ipso mereri. Hoc igitur est præceptum nimis confusum. 4. Suum cuique tribuere, nihil aliud est quam jus cuique tribuere, id est facere quod jus & justum est. Non magis igitur est præceptum juris, quam legi præceptum dicendum sit legitime vel

secundum legem vivere.

Quæstio sexta. An illud præceptum sit juris naturalis: Quod tibi fieri vis, id alteri feceris: Quod tibi fieri non vis, id alteri ne feceris?

Quod tibi fieri vis, id alteri feceris.

XX. R. Hoc præceptum est naturale, & plane divinum. *Mut. 7. 12. Luc. 6. 31.* De eo tamen observandum. 1. Quod non exhaustiat totum jus naturale, sed tantum illam partem qua officium nostrum erga homines continetur. 2. Quod voluntas qualiscunque nostra non sit regula officii erga alios præstandi (sic enim qui turpe aliquid vellet sibi, similiter etiam faceret aliis; qui vellet inebriari, alios inebriaret; qui vellet ad scortationem invitari, pelliceret aliam ad impudiciam) sed voluntas naturalis bene ordinata nulla perturbatione infecta, qua vere bonum nobis optamus. 3. Quod non præcipiatur, ut omnia eadem in particulari faciamus aliis, quæ cupimus nobis exhiberi (sic enim domini servirent suis servis, & cessarent esse domini) sed eadem ex proportionem; vel eadem ex suppositione, si scilicet nos in eorum loco essemus. *Radix justitiae, & omne fundamentum equitatis (ait lactantius in Epist. cap. 3.) est illud: Vide ut ne facias ulli, quod pati nolis: sed alterius animum de tuo metieris. Si acerbum est, injuriam ferre, & qui eam feceris videtur injustus, transfer in alterius personam, quod in te sentis & in tuam, quod de altero judicas: & intelliges*

sunt &c

tam te injuste facere, si alteri noceas, quam alterum si tibi. Hac simente volumus, innocentiam tenebimus, in qua iustitia velut in primo gradu consistit. Primus est enim, non nocere proximo, sed officiose prodesse. Alexander Severus (ut refert Lampridius) clamabat saepius, quod à quibusdam, sive Judæis, sive Christianis audierat, & tenebat; idque per praconem, cum aliquem emendaret, dici jubebat: Quod tibi non vis, alteri ne feceris. Quam sententiam usque adeo dilexit, ut in palatio, & in publicis operibus perscribi iuberet.

Jus civile.

Quæstio septima. Quomodo se habeat jus civile ad jus naturale?

XXI. R. 1. Jus civile est, quod quæque civitas aut hominum societas sibi constituit. Tale jus est non tantum Romanorum, sed & Atheniensium, Anglorum, &c. qui nullam rationem habent juris Romani.

XXII. 2. Jus hoc civile, quatenus rectum est, à jure naturali derivatur. Jus enim non est quod non est iustum & rectum. Rectum autem in moralibus est quod cum recta ratione practica consentit. Et recta ratio practica est jus naturale.

XXIII. 3. Derivatur autem jus civile à naturali, vel ut conclusio specialis ex generali propositione deducta, vel ut specialis determinatio & accommodatio axiomatis generalis.

XXIV. 4. Jus illud quod à jure naturali derivatur, solummodo per viam conclusionis, si consequentia sit bona, totum suum vigorem habet à lege naturæ, sicut conclusio suum firmamentum habet à præmissis. Illud vero quod à jure naturali derivatur per determinationem & accommodationem, est ex parte nova constitutio: sicut species omnis suam propriam habet formam, & essentiam præter illam quæ actu in genere continetur.

XXV. 5. Cum igitur tam in conclusionibus, quam in determinationibus istis, humana ratio imperfecte judicet, & sæpe hallucinetur, hæc omne jus humanum obnoxium est imperfectioni, errori, ac injustitiæ. Hoc juris Romani auctores de suis legibus fateantur. *Omnia quæ constituta sunt, ratio reddi non potest. l. non omnibus d. de legibus. Multa jure civili, contra rationem disputandi, pro utilitate communi recepta esse innumerabilibus rebus probari potest.* Ad leg. Aquil. l. 51.

XXVI. 6. Imperfectio optimi juris civilis in eo consistit. 1. Quod non continet in se totum jus naturale, sed illud tantum quod hi aut illi homines approbaverunt, & suis moribus accommodaverunt. 2. Quod non internos affectus, sed externos tantum actus respiciat. 3. Quod omnia vitia non cohibeat, sed illa sola quæ reipublicæ pacē & quietem turbare possent videntur; neque omnium virtutum

virtutum omnes actus præcipiant, sed eos solos qui illis virtutibus aduersantur. 4. Quod non faciat viros bonos, sed cives tantum aut subditos bonos Jus. 5. Quod in multis additionem, deductionem, & correctionem ex occasione admittat.

Quæstio octava. Quomodo se habeat lex moralis ad legem naturæ?

XXVII. R. 1. Præcepta omnia moralia sunt de jure naturali, præter determinationem dici, in quarto præcepto, quæ est juris positivi. Nam. 1. Nihil in illis reperitur, quod non pertineat ad omnes gentes, per omnia secula: ita ut non singularem aliquam conditionem hominum, sed naturam ipsam concernant. 2. Nihil in illis continetur, quod non est necessarium nature humane, ad finem suum consequendum. 3. Nihil est in illis quod in recta ratione non ita radicatur, ut etiam humanis ratiocinationibus, solide fulciri possit & corroborari; nihil quod à serena ratione non possit doceri. 4. Omnia quæ in eis habentur ab ipsis Ethnicis intelligentioribus, quoad substantiam, approbantur. 5. Omnia faciunt ad summam humani generis utilitatem in vita præsentis, ita ut si hæc præcepta observarentur, non opus esset legibus aliis humanis. De secundæ tabulæ præceptis, memorabilis est illa sententia, sive Hieronymi, sive Paulini, apud Hieron. ad Celant. de instit. matrisfam. *Omnia inquit quæcunque vultis ut faciant vobis*

homines, hæc & vos facite illis. Conjungi vult inter nos, atque conelli per mutua beneficia charitatem, adeo ut tota justitia, & præceptum hoc Dei communis sit utilitas hominum. O miram clementiam Domini, & inestimabilem Dei benignitatem: premium nobis pollicetur, si nos invicem diligamus, id est si nos ea præstemus invicem, quorum vicissim indigemus. Et nos superbo & ingrato animo, ejus venimur voluntati, cujus etiam imperium beneficium est.

Ob.* Si lex moralis sit lex naturæ, tum nihil opus fuit, ut vel voce, vel scriptione promulgaretur: quia scribitur in omnium hominum corde & natura.

XXVIII. Sol. In natura quidem integra nihil opus fuisset hujusmodi promulgatione. Sed post naturæ corruptionem, talis est cæcitas mentis, & perversitas voluntatis, affectuumque perturbatio, ut in omnium cordibus reliquæ tantum hujus legis manserint, tanquam picturæ cujusdam exolete, quæ idcirco debuit voce ac auctoritate Dei, quasi novo penicillo renovari. Nulli igitur invenitur recta ratio practica, omnibus suis partibus pura & completa, præterquam in lege Dei scripta. *Psal. 119. 66. præstantiam rationis & scientiæ doce me.*

Quæstio nona. Quomodo se habeat lex judicialis ad jus naturale?

XXIX. R. 1. Lex judicialis dicitur proprie, quæ ferebatur de judiciis

dicii & rebus politicis eo spectantibus: sicut lex caeremonialis, quæ ferebatur de caeremoniis, & lex moralis, quæ de moribus aut officiis communibus ferebatur.

XXX. 2. Ista lex judicialis, quæ per Moysen tradita fuit Israëlitis, ut eorum propria, fuit ipsis accuratissima determinatio & accommodatio juris naturalis, secundum illius populi singularem conditionem.

XXXI. 3. Fuit igitur Israëlitis quoad usum similis naturæ, cum bonis legibus civilibus apud alias gentes: sed majoris multo perfectionis, quoad autoritatem, quam à Deo immediato ejus latore accepit.

XXXII. 4. Ista lex ad Christianos non pertinet sub ratione legis specialiter obligantis, sed tantum sub ratione doctrinæ, quatenus vel generali sua natura, vel proportionis æquitate, exhibet semper nobis optimam naturalis juris determinationem.

XXXIII. 5. Lex ista judicialis non accuratè distinguitur à morali, & naturali, ex eo, quod lex moralis à Deo fuerit sua voce publice promulgata, & bis in tabulis lapideis scripta, ac decalogo exprimitur, judicialis autem postea tradita Moysi, & per Moysen populo, sine hujusmodi sollemnitate. Leges enim de commodato, ac deposito reddendo,

de ponderibus ac mensuris justis, de mercede operario danda, & similes aliæ multe, quæ in decalogo non exprimuntur, non magis sunt judiciales, aut minus morales ac naturales, quam *non furaberis*, &c.

XXXIV. 6. Judiciales leges propriè illæ fuerunt, quæ cum non fuerunt caeremoniales, singularem ad populum Judaicum respectum habere, ita ut ratio causæ & fundamentum earum positum fuerit in illius populi peculiari aliqua conditione.

XXXV. 7. Non tamen est illa regula omnino certa (quæ à non-nullis tradi solet) ubi ratio legis redditur moralis, ibi lex ipsa est moralis, sicut videre est *Lev. 11. 44.* Potest enim generali ratione confirmari specialis quælibet determinatio; & legislatoris immutabilis natura, in legibus mutabilibus stabiliendis, suum locum & virtutem habet. Sed ubi specialis interna & propria legis ratio est moralis, ibi semper sequitur legem ipsam esse moralem.

XXXVI. 8. Leges igitur illæ, quæ judicialibus annumerari solent, & tamen in ratione sua nullum singularem respectum habuerunt ad conditionem Judæorum, magis quàm aliorum populorum, illæ omnes sunt juris moralis ac naturalis, omnium populorum communes.

CAP. II.

DE IUSTITIA.

Questio prima. An rectè definiatur iustitia, perpetua constansque voluntas jus suum unicuique tribuens?

I. R. 1. Hæc non est definitio iustitiæ generalis, quæ rectitudinem notat virtutis, atque aded unum idemque sonat cum virtute in genere. Non est enim de essentia virtutis omnis, respicere jus alterius: sicut palam est in liberalitate.

II. 2. Non est accurata definitio iustitiæ alicujus particularis: quia non ponit genus proximum specialis alicujus virtutis. Quum enim perpetua & constans voluntas, idem notet quod habitus, & inter habitum ac specialem virtutem, virtus intercedat ut genus, perpetua & constans voluntas, non potest esse specialis alicujus virtutis genus immediatum.

III. 3. Jurisconsulti, qui istam definitionem tradunt iustitiæ, sibi metipsis in eo misere contradicunt, quod cum iustitia æquè latè pateat ac jus, quod habet pro suo objecto, & illi tres actus tribuant juri, honeste vivere, neminem lædere, & jus suum unicuique tribuere, iustitiam tamen per unum solum actum definiant, jus suum unicuique tribuere.

IV. 4. Si ita corrigatur hæc descriptio, ut per voluntatem perpetu-

am, & constantem intelligatur virtus, & per unumquemque, designetur proximus, & per jus ejus, officium quod ipsi prestare debemus, tum denotat iustitiam secundæ tabulæ, & coincidit cum definitione nostra: *iustitia est virtus, qua inclinamur ad debitum officium proximo præstandum.*

Questio secunda. An iustitia semper sit ad alterum?

V. R. 1. Omnis virtus suo modo ordinatur ad rectitudinem & perfectionem habentis. Iustitia igitur non sic est ad alterum, ut nullum respectum habeat ad illum ipsum, qui iustitiam exercet.

VI. 2. Ex eo ipso etiam quod iustus tribuit alteri suum, necessario sequitur, ut idoneum se præstet ad hoc faciendum, atque adco sibi metipsi etiam suum jus cum moderatione conserve.

VII. 3. Quia tamen peculiaris difficultas est, in alterius jure ac bono procurando, quæ in proprio bono querendo non reperitur, & quia iustitia non subsistit in propria utilitate operantis, sed extenditur ad alios, idcirco per bonum alterius proprie definitur.

Questio tertia. An æquitas vel *inclinatio* veram habeat iustitiæ rationem?

tionem?

VIII. R. 1. Lex illa quæ est justitiæ regula, duplicem finem habet. Alterum intrinsecum & immediatum, quem immediate respicit in se legislator: alterum extrinsecum & mediatum. Sic lex de non aperiendis portis alicujus urbis tempore belli, finem immediatum habet, ne hostes iruant in urbem. Finem remotum habet, salutem & incolumem statum civitatis. Justitia legalis stricte sumpta, respicit tantum finem proximum: sed epickia respicit finem remotum.

IX. 2. Quia finis remotus prius & magis principaliter intenditur à legislatore, idcirco absolute & simpliciter loquendo, epickia plus habet in se justitiæ legalis stricte sumptæ. Si igitur certum sit, ex ingressu partis alicujus copiarum hostilium, victoriam, & salutem civitatis consecuturam, justius est portas eo usque aperire, quam claudas omnino tenere.

X. 3. Justitia legalis stricte sumpta, respicit verba legis prout scripta sunt: aequitas vero respicit finem, scopum; & materiam legis: atque adeo plus habet legis in se, quam stricte sumpta justitia legalis.

XI. 4. Justitia legalis stricte sumpta, quatenus opponitur aequitati, est iniquitas. Cum enim aequitas sit virtus, necesse est, ut quod illi contrariam naturam habet, vitii aliquo modo annumeretur.

XII. 5. In proverbio illo, quo

summum jus summa injuria nominatur, summum jus non accipitur pro accuratissima ratione juris, sed potius pro summitate vel superficie & cortice juris, id est, pro eo quod verba & literæ legis sonant, intra quem sonum & superficiem summa injuria sæpe later intus.

XIII. 6. Optima est igitur justitia, ita adherere verbis legis, ut parati simus altiorem directionem accipere, à voluntate legislatoris, secundum justitiæ æquitatem.

XIV. 7. In multis tamen quæ pertinent ad commune bonum, non est (ex ordine) in potestate subditorum, discedere à verbis legis: quolens recte dicitur: lex non habet mentem præter verba.

Quæstio quarta. Quænam differentia sit inter justitiæ distributivam, & commutativam?

XV. R. 1. Justitia distributiva est quasi totius ad partes. Commutativa autem est partis ad partem. Distributio enim honorum & præmiorum incipit à toto, ut majore, sed commutatio aequalitatem juris respicit inter partes commutantes.

XVI. 2. In justitia distributiva, traditur quod debetur, non quasi antea fuerit in possessione aut dominio recipientis, aut illi applicatum, sed ex æquitate applicandum. Sed in commutativa, redditur debitum, tanquam jam proprium, applicatum, & possessio alterius.

XVII. 3. In distributiva justitia, direc-

tia, directe observatur proportio quam habet persona una ad aliam, respectu rei tradendæ. Sed in commutativa nihil directe observatur, nisi proportio rei acceptæ & redditæ.

Q. 5. Ad utram harum specierum pertinet remuneratio, & punitio?

XVIII. R. Collatio præmiorum, quæ libere donantur secundum æquam proportionem, pertinet ad justitiam distributivam. Sed collatio præmiorum, quæ jure possunt exigī pro servitio impenso, tanquam pro merito condigno, pertinet ad justitiam commutativam. Quia tum attenditur æqualitas ejus quod quis accipit, ad illud quod impendit. Punitio vero, quia respicit semper injuriam irrogatam, ut pari supplicio plectatur, idcirco non pertinet ad justitiam distributivam sed potius ad commutativam. Quia tamen ista commutatio sæpe est coacta, & fit ut loquantur per contra passionem, non per actionem parem, idcirco rectius refertur ad singularem speciem justitiæ correctivæ, quæ à commutativa proprie dicta distinctam habet rationem.

Q. 6. Quenam sit differentia inter justitiam civilem, & criminalem?

XIX. R. 1. Civilis justitia præcipue corrigit injustitiam rei. Justitia autem criminalis præcipue corrigit injustitiam persone.

XX. 2. Injustitia aliquando re, actione & opere tantum continetur, aliquando vero non in opere tantum

vel actione, sed etiam in intentione versatur. Si actio sola & opus sit injustum, ita ut intentio non appareat injusta, tum justitia illam injustitiam corrigens est *civilis*. Si vero non actio tantum sed & intentio arguatur injusta, tum, quia crimen puniendum intercessit, justitia qua talis injustitia corrigitur, quatenus crimen habet pro objecto, recte vocatur *criminalis*.

XXI. 3. Hinc est, quod actiones civiles rei persequendæ, causa instituantur & sint reales, actiones vero criminales poenæ causa instituantur, ex obligatione delicti proficiscentes, & sint personales.

XXII. 4. Hinc est quod civiliter agi dicatur, quando privatum commodum, aut propria utilitas partis læsæ vel agentis petitur; criminaliter autem, quando id agitur, ut poena reo infligatur, & si commodi aliquid inde sequatur, sibi publico applicetur, non parti agentis.

XXIII. 5. Hinc etiam in causa civili potest quis injustitiæ reus esse sine scandalo aut peccato, quia intentio mala deest: sed in causa criminalis injustitia, semper secum trahit iniquam intentionem, in qua peccati ratio manifeste continetur.

XXIV. 6. Quamvis autem toto genere differant ista duo, conjungi tamen possunt in una & eadem causa, ut in actione damni vi manifestata dati, ubi & rei, & poenæ causa simul agitur.

CAP. III.

DE VINDICTA.

Questio prima. Adquam speciem justitiæ pertineat vindicta?

I. R. 1. Vindicta, vindicatio vel ultio (qua delicta pro meritis corriguntur) sumitur aliquando pro actu judicis, qui publica auctoritate potest eam legitime exequi; aliquando pro actu hominis privati, quo petit ut ultio à judice legitime exerceatur; aliquando etiam pro actu hominis privati, quo penas exigit à suo inimico.

II. 2. Vindicatio in judice, non est actus justitiæ distributiæ: quia nulla est tibi bonorum distributio, & mala apud judicem non sunt proprie deposita ut distribuuntur. Habet tamen similitudinem quandam justitiæ distributiæ, quatenus graviora scelera gravius, & leviora levius puniuntur.

III. 3. Vindicatio in judice quoad rem ipsam est quali actus justitiæ commutativæ: 1. quia æqualitas spectatur inter culpam & penam. 2. Quia redditur quod debetur ex merito precedente. 3. Quia resp. recuperat suum honorem quantum fieri potest, ex restitutionis paritate. 4. Quia vindicta reddit partem læsam, cui injuria fuit illata, quantum fieri potest, aliis civibus

quoad immunitatem æqualem.

IV. 4. Petitio vindictæ per judicem exercendæ, est etiam nonnunquam in privata persona actus justitiæ commutativæ. e. g. qui graviter læsus est in sua fama, & famam suam habet aliis obligatam, quia non potest officium suum exequi si maneat infamis; tenetur ex justitia illa commutativa qua aliis obligatur, petere vindictam. Similis est ratio illius qui vel injuria gravi afficitur, vel alios affici novit ab eo cujus emendatio non potest alia ratione expectari. Pertinet enim ad justitiam curare, ne resp. sit plena hominibus perniciosus.

V. 5. Petitio tamen vindictæ, quando non est necessaria ad publicum bonum, neque ad delinquentis emendationem, neque ad partis læsæ immunitatem, non est actus justitiæ. Ratio est, quia in tali casu nihil est, quod obligat privatum ex debito legali, ad vindictam petendam: imo ex adverso multa sunt, quæ cum obligant ad injuriam condonandam.

VI. 6. Vindicta privata, præsertim in publica societate est injusta. *Rom. 12. 17. & Rom. 13. 4. 1. Petr. 2. 14.* Ratio 1. Quia vindicare alterius maleficium pertinet ad eum, qui est potestate superior: sed privati

Vindicta
privata.

privati omnes sunt jure aequales. 2. Quia vindicta est actus judicii, & nemo est idoneus judex in sua propria causa. Quae etiam ratione fit, ut qui vindictam petit à iudice, non recte petat nisi sub ista conditione, si (causa cognita) ita fuerit iudicatum. 3. Quia privatus non potest per se, ad proprios fines vindictae pertingere. Cum enim in alienis injuriis vindicandis, haec tria spectari debeant à lege & magistratu, ut cum quem punit emendet *Rom. 13. 4.* ut poena ejus, ceteros meliores reddat *Deut. 19. 20.* & ut parti laese, ac aliis in reliquum securitas praestetur; *Exod. 21. 18. Rom. 13. 4. 1. Tim. 2. 2.* nihil horum assequitur ille, qui privatam vindictam exercet. Adversarium enim magis magisque iritat, aliis exemplum praebet scandali plenum; & vexationem sibi & aliis accersit, nullis finibus terminandam. 4. Quia vindicta est propria Dei *Deut. 25. 35. Rom. 12. 19. Hebr. 10. 30.* non igitur suscipienda est, nisi ab iis quibus est à Deo commissa, quorum vindictio est ultio Domini. *Num. 31. 2.*

VII. 7. Publica ipsa vindicta, siue à Magistratu exerceatur; siue à privato petatur, si vel ex livore, odio, cupiditate, aut crudelitate procedit, vel alia ratione vitatur in causa impulsiva, formali, aut finali, eatenus privata & illicita evadit.

Quaestio secunda. An vindicta possit iuste exerceri in eos qui à culpa

sunt immunes?

VIII. R. 2. Vindicta sua natura est poena: poena autem iusta in formali sua ratione respectum habet ad culpam antecedentem, ut effectum ad suam causam impellentem, aut meritorium, ut adjunctum ad suum subiectum, ut simile, aut proportionatum, ad suam similem regulam ex qua mensuram habet; ut actus corrigens, ad suum objectum corrigendum; nullum igitur locum potest habere, ubi nulla culpa praecessit.

IX. 2. Vindictae tamen simile quid, quatenus medicinae rationem habet, & est necessaria vel ad praefervandum à peccato futuro, vel ad promovendum in bono, exerceri potest, nulla singulari culpa praecedente. Sicut enim inciditur vena, ut cordi prospiciatur, sic externa quadam commoda quibusdam subduci possunt ex occasione, vel ad majora incommoda cavenda, vel majus bonum procurandum. Sic leprosus amovetur à publica administratione, & privata hominum conversatione, & tamen lepra non est culpa.

X. 3. Quod filii nonnunquam calamitatem iuste patiuntur, ex illa culpa, quae propria est parentum hoc inde fit, quia filii politice considerati, sunt quasi membra suorum parentum, ita enim dependent à parentibus, ut non possint parentes puniri, sine damno liberorum. Sicut enim pater non potest morte multari, quin liberi

liberi fiant orbi, ita nec bonis potest privari, quin illi fiant pauperiores.

XI. 4. Quod Regibus delirantibus plectantur Achivi, id est subditi luant poenas Dominantium, hoc fit propter aliqualem participationem culpæ, vel per consensum exprellum, vel per dissimulationem, vel per de-

fectum debite redargutionis.

XII. 5. Quod leges quædam liberos à culpa pœne tamen obstrictos teneant, hoc vel injuste fit, vel medicinae tantum, & exempli rationem habent tales mulctæ, non pœne proprie dictæ.

CAP. IV.

DE RESTITVTIONE.

Questio prima. Quid sit restitutio?

I. R. 1. Restituere aliquando significat idem quod reddere, sive id fiat ex iustitiâ, sive ex charitate, & liberalitate, sive ex officio communis. Sed à Theologis, & jurisconsultis, strictius hæc vox usurpatur, ut significet actum iustitiæ, quo reparatur injuria, vel iniustitiâ facta, & statuitur aliquis in possessione rei suæ injuste ipsi ablatae. Eodem sensu dicitur satisfactio, & recompensatio.

II. 2. Est proprie actus iustitiæ commutativæ. 1. Quia recompensatio debet fieri secundum æqualitatem rei, non secundum dignitatem personæ. 2. Quia restitutio est rei directe debita.

Questio secunda. Quibus in rebus habeat locum ista restitutio?

III. R. Primo & maxime proprie congruit rebus externis & corporeis: sed per analogiam recte etiam extenditur ad bona interna corporea,

ac spiritualia, nec non externa illa quæ in honore & fama consistunt, id est, ad omnia illa ad quæ aliquis jus habet, quia illa sunt æque res ipsius, atq; externa & corporea ejus bona.

Questio tertia. An sit necessarium ut fiat restitutio?

IV. R. 1. Restitutio sua natura est necessaria necessitate præcepti: quia retentio rei absque invito domino, est actio illicita, species furti, & specialiter prohibetur. *Rom. 13.7.8.*

V. 2. Actualis restitutio per accidens aliquando desinit esse necessaria: quando scilicet non est in potestate ejus qui damnum dedit, idem refarcire.

VI. 3. Animus ad restituendum paratus, si potestas fieret, est absolute necessarius. Neque enim vere poenitet cum injuriæ factæ, qui eandem abolere cum potest non vult; neque iustitiæ & proximi amor est in eo, qui non illum animum habet, ut velit cuique suum tribuere. Hoc sensu,

sensu, non male dicitur: *non remittitur peccatum, nisi restituatur ablatum.*

Quæstio quarta. Quis restituere teneatur?

VII. R. 1. Omnis qui rem alienam injuste acceptam, retinet etiam injuste, si ve accepit mala fide, si ve bona. Sed tamen inter malam fidē & bonam, quoad restitutionē, est differentia. Nam malæ fidei possessor absolute tenetur ad rem ipsam restituendam, una cum damno emergente, & lucro cessante: bonæ autem fidei possessor non tenetur ad rem illam restituendam, quæ in ipsius manu perit, sine ejus culpa, sed illud solum quod ex illa re lucratus est, idq; seposita propriæ industriæ ratione.

VIII. 2. Omnis, qui rem justè acceptam ultra statutum tempus retinuit; & antea etiam, si illa conditione accepit, ut si perire non domino, sed accipienti periret.

IX. 3. Omnis, qui alteri damnum intulit injustè, id est, per vim dolum, fraudem, aut negligentiam.

X. 4. Non tantum ille, qui immediate dānum intulit, ad restitutionem tenetur, sed etiam (si actio ipsa ex qua damnum sequitur sit injusta) sex genera personarum. 1. Qui jussit, aut consensit damnum inferre.

2. Qui ratam habuit talem actionem suo nomine patratam. 3. Qui ita consensit, ut ejus consensus & favor, cause fuerint impulsivæ actionis injustæ. 4. Qui ita cooperatus est,

ut sciens volens particeps fuerit illius actionis.

XI. 5. Qui non impedit, cum possit, & ex officio debeat impedire.

XII. 6. Qui non manifestat, si testimonium ejus vel à judice, vel à rei natura, & sua propria conscientia requiratur.

Quæstio quinta. Quid sit restituendum?

XIII. R. 1. Ipsa res si existat, & nihil extraordinarii sit impediementi.

XIV. 2. Pretium aut valor ejus, si vel perit, vel peior facta sit culpa detinentis.

XV. 3. Illud quod interfuit alterius suum habuisse.

Quæstio sexta. Cui facienda sit restitutio?

XVI. R. 1. Vero domino si existat, & possit inveniri. *Hebr. 5. 23. 1. Sam. 12. 3. Neh. 5. 11.*

XVII. 2. Legitimo heredi aut vindici ejus. *Num. 5. 8.*

XVIII. 3. Si facta debita inquirendo domino, aut heredibus ejus diligentia, non inveniat, tunc Deo restitutio est facienda, rem ablatam vel piis impendendo, *Num. 5. 8. vel pauperibus. Luc. 19. 8.* Ratio 1. est, quia Deus semper offenditur in eo peccato quod adversus proximum admittitur. Deo igitur quantum fieri potest restitutio debetur. 2. Sinceritas respicientiæ erga Deum non patitur, ut injuste partum, quod temper nobis peccatum

tum exprobrat, libenter apud nos habeamus. 3. Eo magis postea debemus pietatis & charitatis operibus abundare, quo magis antea per injustitiam deliquimus.

Quæstio septima. Quæ causæ excusant à restitutione?

XXIX. R. 1. Libera debiti remissio per eum facta, cui debetur: sed non coacta, neque per dolum, fraudem, aut metum extorta. Hæc autem remissio est vel expressa, vel tacita & virtualis. Virtualis autem, tacita, implicita, vel interpretativa remissio fit, quando ex probabilibus indiciis judicatur, damnificatum nolle à tali persona, vel ratione talis injuriæ, sibi fieri restitutionem. Talis censenda est, ex ordine, voluntas, parentum, fautorum & amicorum, in rebus levioribus.

XX. 2. Impotentia restituendi, sive sit absoluta, sive talis, ut minus aliquid non possit restitui, sine multo majore damno.

XXI. 3. Equivalens commodum creditori collatum, compensationis loco.

XXII. 4. Incommodum illius cui facienda est restitutio, si ex ipsa restitutione sequeretur, dilationem restitutionis necessariam facit.

Quæstio octava. An, & quomodo, qui læsit alterius famam contra 5. præc. tenetur ad eam restituendam?

XXIII. R. 1. Si fama quoad rem ipsam notabiliter læsa sit, si

contra justitiam hoc factum sit, & si non sit aliunde recuperata, tum ille qui famam læsit, ad ejusdem restitutionem obligatur.

XXIV. 2. Restituitur fama, per retractationem, & compensationem. -

XXV. 3. Retractatio est per confessionem vel mendacii, vel saltem temeritatis & iniquitatis.

XXVI. 4. Compensatio fit, 1. in eodem genere, cum infamator prudenter procurat, ut sepeliatur infamia, & ex occasione honorifice loquatur de persona infamata, sine ulla specie affectationis; 2. in pecunia (ex sententia judicis, vel viri boni,) non proprie pro ipsa fama, quæ non potest æstimari, sed pro iis damnis, quæ ex infamia consequuntur, & ad animum læsum placandum, si sit illius conditionis ut possit eam recipere cum honore.

Quæstio nona. An, & quomodo ille qui læsit alterius vitam, contra 6. præcept. teneatur ad restitutionem?

XXVII. R. 1. Qui læsit vitam proximi spirituales, ex eo, quod fuit ipsi causa peccandi, vel præbuerit ipsi scandalum, tenetur facere quod potest, ad eum in illum saltem statum restituendum, ex quo ipsum seduxit. Justum est enim, ut qui causa est mali, sit etiam ejusdem quoad poterit, reparator. Justissimum etiam est, ut qui proximo propinavit venenum, remedium ipsi quam primum querat. Hinc est, quod

quod confessio, retractatio, deprecatio, & admonitio pia, in solemnī pœnitentia de scandalo vel verbis, vel factis dato, necessario requirat Ecclesiastica disciplina.

XXVIII. 2. Qui læsit vitam proximī corporalem, vel homicidio completo, vel incompleto, tenetur 1. ad damna omnia restituenda homicidio, vel ex illa læsione subsecuta. Ratio est, quia præter judicalem punitionem & justitiam vindicativam, quæ spectat bonum commune, particulare etiam bonum quoad fieri poterit, est in integro collocandum. 2. Quia vero damna ista sunt duplicis generis, realia scilicet ut expensæ curationis, victus, funeris, & lucra cessantia, quæ possunt æstimari; & personalia, qualia sunt desolatio, afflictio, deformatio, mutilatio, ac vitæ privatio, quæ æstimationem justam non admittunt; idcirco restitutionis illa est differentia, 1. ut in realibus restituatur æquale, vel quantum debetur; in personalibus autem æquivalens, vel quod potest restitui, & ex usu, & arbitrio prudentium, & bonorum, restituendum esse judicatur. 2. Ut realia præstentur etiam cujuscunque generis hæredibus, quamvis sint creditores, homini læso defuncto; sed personalia tantum qui ita sunt conjuncti, ut quasi unam personam constituent cum defuncto.

Quæstio decima. An & quomodo qui læsit alterius castitatem,

contra præcept. 7. teneatur ad restitutionem?

XXIX. R. 1. Quia pudicitia semel corrupta, non magis potest restitui, quam vita ablata, idcirco restitutio in hoc genere injustitiæ, damna illa spectat quæ ex tali impuritate sequuntur.

XXX. 2. Damna consequentia, sunt & in honore, & in bonis temporalibus: ex stupro enim noto, semper sequitur irreparabilis infamia, & sæpe etiam ex stupro, aut adulterio, partim ratione infamie, & partim ratione prolis inde sequentis, multa & magna damna consequuntur.

XXXI. 3. Inter illas personas, quibus absque graviore incommodo licet inter sese contrahere matrimonium, illa restitutio est maxime probanda. *Exod. 22. 16.*

XXXII. 4. Secundus gradus restitutionis est idonea dotatio. *Exod. 22. 17.* una cum injuriæ parentibus ac custodibus puellæ factæ, (honestæ quatenus fieri potest) compensatione. *Deut. 22. 28. 29.*

XXXIII. 5. Tertius restitutionis gradus est, alimonium prolis præstare, & aliorum damnum ex tali prole sequutum, quantum fieri possit, cavere.

XXXIV. 6. Magna differentia est, quoad restitutionis obligationem, inter eum, qui inductus fuit ad puellam vitandam, & illum qui eam eo induxit. Inducens enim per vim, dolum, fraudem, aut sollicitationem

in ipso est) discrimen inter merita bona, & mala.

Quæstio tertia. Cui iustitiæ opponitur acceptio personarum?

VI. R. Acceptio personarum quâvis maxime proprie dicatur de iis, qui peccant in iustitiam distributivam, circa dijudicationem rerum & personarum; recte tamen, & secundum Scripturæ phrasin, ad omne iudicium, electionem aut sententiam, quæ de hominibus fertur, non secundum regulam quam debet sequi, sed secundum affectus hanc aut illam qualitatem respicientes, quæ ad tale iudicium nihil spectat.

Quæstio quarta. Quando peccatur acceptio personarum in electione aut promotione hominum ad officia vel Ecclesiastica, vel secularia?

VII. R. 1. Si quis vel sciens, volens, vel ex negligentia, eligat indignum. Indignus autem est ille qui aptitudine vel scientiâ, vel probitatis vel dexteritatis vel propriæ tudinis quæ requiritur ad tale officium hic & nunc (uti loquuntur) exercendum. Hac autem electione, 1. Deus privatur suo honore, quem pro officii ratione sustinere debent omnes qui munere publico funguntur. 2. Bonum commune ad quod munera publica ordinantur, hac ratione impeditur. 3. Injuria fit dignis, quibus officiorum publicorum honor tanquam premium debetur. 4. Injuria fit ipsi virtuti, cujus proprium alimen-

tum (honor) ipsi negatur, & perversè transfertur ad ejus contemptum fovendum.

VIII. 2. Peccatur etiam, quando (in oppositione) prætermisso digniore eligitur minus dignus. Ratio est, 1. Quia dignus in comparatione ad digniorem est indignus. 2. Quia dignior magis respondet fini, qui in electione debet spectari. In Ecclesiasticis electionibus hoc palam est: quia Eccles. semper debet quantum fieri potest ædificari per suos ministros. Eph. 4. 11. 12. 13. 14.

IX. 3. Hæc tamen differentia inter electionem indigni, & minus digni; quod eligere indignum sit intinsece peccatum; sed eligere minus dignum, non sit ita simpliciter & intinsece peccatum, ut non possit licitum evadere ex circumstantiis quibusdam superveniens. v. g. Si sint quatuor in electione præsentati, vel nominati, indignus, dignus, dignior, & dignissimus, & si ego præsto suffragium dignissimo, & non adjuvo volentes eligere digniorem, aut etiam dignum, sequetur electio minus digni, aut etiam indigni, tunc licet, & expedit mihi dignissimo prætermisso, eligere digniorem, aut dignum. Ratio est, quia ego non tenor eligere illum qui non potest eligi, quamvis sit dignissimus: teneor autem quantum in me est impedire electionem indigni, vel minus digni. Sed tale suffragium ita est moderandum, ut

De re-
spectu
persona-
rum in
electione
ad mu-
nera pu-
blica.

testimonium interim idoneum præbeatur dignissimo, aut digniori: quia honor debitus cuique deferri debet, secundum suam dignitatem: & voluntatem optimam boni maximi communis procurandi, vel exempli causa debet quisque reddere testatam.

Quæstio quinta. An in exhibitio-
ne honoris & reverentiæ, locum ha-
beat peccatum acceptionis perso-
narum?

X. R. 1. Peccatum in isto ge-
nere etiam vulgare nimis esse testatur
aperte *Jacobus. cap. 2. vers. 2. 3. 4.*

XI. 2. In honore simpliciter
debito, (qualis ille est qui paren-
tibus, & majoribus debetur) res est
manifesta: quia in hujus honoris di-
stributione injustum est, propter in-
debitam causam, denegare alicui te-
stimonium illud excellentiæ quod
meretur.

XII. 3. In honore etiam ex
suppositione debito, quamvis libere
exhibito, eatenus locus est acceptioni
personarum, quatenus locus est in-
juriæ, aut contumeliæ. Huic igitur
vitio affine est, non refutare salu-

tantem, secundum modum & con-
suetudinem patriæ; vel etiam non
salutare secundum differentias perso-
narum, & dignitatum.

Quæstio sexta. An divites hono-
randi sunt propter divitias?

XIII. R. Simpliciter propter
possessionem divitiarum non sunt
honorandi, sed propter earum usum,
& propter statum quem habent in
republica ratione divitiarum, debent
honorari.

Quæstio septima. An in iis quæ
relinquuntur arbitrio judicis, contin-
gat acceptio personarum?

XIV. R. In iis circumstantiis,
quæ nihil pertinent ad litigantes, ac-
ceptio personarum nullum habet lo-
cum. Sed in iis quæ litigantium in-
terfunt, & tamen legibus non defi-
niuntur, sed necessario relinquuntur
prudentiæ judicis, cujus generis
est temporis prorogatio, aut restri-
ctio, & similia, si hanc intuitu perso-
næ, (ut sæpiissime solent) pecca-
tum admittitur acceptionis perso-
narum.

CAP. VI.

DE INJURIA.

Quæstio. An injuria possit fieri
volenti?

I. R. 1. Per volentem hic intel-
ligendus est sciens, & libere vel sponte
consentiens in factum. Difficultas

aliàs nulla esset. Quod enim sit vel
ex ignorantiâ, vel ex terrore & violen-
tia, censetur involuntarium saltem
ex parte: atque adeo ex illa parte in-
juriam admittit ex omnium con-
sensu.

sensu.

II. 2. Injuria si generaliter accipiat pro violatione juris, & injusti perpetratione, non pendet ex voluntate patientis, siue consentiat, siue dissentiat, sed ex regula justitiæ. Hoc igitur sensu palam est, injuriam, vel injustum fieri posse volenti & consentienti. Exemplum est in Amalecita, qui Saulem id perentem interfecit. 2. Sam. 1.

III. 3. Multa sunt in quibus homo non potest pro suo arbitrio cedere juri suo: illa scil. quorum non habet plenum dominium, sed custodiam potius, & tutelam: cujus generis sunt vita & membra nostra. In istis voluntatis consensus non tollit injuriæ rationem.

IV. 4. Præter voluntatem rationalem, quæ oritur ex consilio, est inclinatio quædam naturalis; quæ vocari potest voluntas naturæ: quia

scil. virtualiter semper in sese continet pondus voluntatis, & aliquo modo sese exerit, dum nemo dir. ete consentit in suum incommodum, quæ tale, aut in malum pœnæ, quæ est malum. Consensus igitur voluntatis rationalis, non semper tollit rationem injuriæ.

V. 5. Quod à Philosophis, & Juridicis hoc affirmetur scienti scil. & consentienti injuriam non fieri, hoc inde est quia per injuriam intelligunt violationem juris, quæ sit per vim ac necessitatem coactionis. Sed omnimoda coactio non requiritur ad injustum patiendum.

VI. 6. Volens quidem & consentiens est faciens, vel agens: sed non sequitur inde quod nullo modo sit patiens. Christus in morte subeunda, fuit volens, consentiens, agens: & tamen injuriam passus est maxime atrocem.

C A P. VII.

De Charitate erga proximum.

Qvæstio prima. Quis intelligendus est per proximum?

I. R. 1. Proximus est aliquo modo omnis homo, cui aliqua ratione possumus commodare. Luc. 10. 29. 37. Act. 17. 26.

II. 2. Proximus ut objectum idoneum charitatis absoluta est homo, quæ capax est nobiscum beatitudinis supernaturalis. Hæc enim est

conjunctio in ordine ad Deum ex charitate dilectum. Talis autem omnis homo vivens haberi debet, sine differentia generis, affectus, aut morum, nisi contrarium extra ordinem certo nobis constare possit.

III. 3. Quia vero peccati natura huic capacitati unice adversatur, idcirco homines quæ tales, vel sub illa ratione non sunt diligendi, sed

sed odio habendi, & averfandi.

Quæftio fecunda. Quo fenfu proximus eft diligendus *ficut* nofmetipfi?

IV. R. 1. *Sicut* in ifto præcepto non denotat omnimodam paritatem, fed fimilitudinis proportionem. Hæc autem fimilitudo in tribus præcipue confiftit. 1. Ut nihil mali proximo vel faciamus vel optemus, magis quam nobifmetipfis. 2. Ut omnia vera bona proximo velimus, & quantum in nobis eft, procuremus. 3. Ut hæc velimus ex fincero affectu erga proximum, ipfius commodum, non noftum, querentes aut fpectantes.

Quæftio tertia. An non liceat aliquando malum proximo velle?

V. R. 1. Non licet malum alicui velle fub ratione mali: fed fub ratione boni aliquando licet. Sic 1. licet velle & defiderare malum temporale alicui, ob fpiritualem emendationem ipfius: fi fcilicet ejus emendatio illa fola ratione probabiliter poffit fperari, ut liquis p. opter favorem hominum quorundam negligat officium erga Deum, defiderare licet ut exideret illo favore.

VI. 2. Licet malum temporale quibufdam optare, propter aliorum bonum. Ut li quis perditus fit aliorum corruptor, licet optare ut è medio tolleretur, ne alios perdat fecum.

VII. 3. Simile quid etiam, nonnunquam licet, ex zelo juftitiæ, & gloriæ divinx.

Quæftio quarta. Quomodo gra-

duf majoris & minoris charitatis debeant obfervari.

VIII. R. 1. Quoad bonum ipfum quod optandum eft proximo, nullus eft locus imparitati in te ipfa: fummum enim bonum cuique proximo debemus velle, ficut nobifmetipfis. Hoc etiam eft cuiufque officium, ut quantum in ipfo eft, falutem proximi ftudeat promoverè. Ordinis tamen eft differentia in ifthoc bono volendo: quia pii immediate, impiis autem mediante fide & refipifcentia felicitatem iftam velle debemus.

IX. 2. Quoad affectum optandi ac volendi bonum, nulla debet effe imparitas intentionis & remiffionis: quia habitus ipfe virtutis fecundum fe æqualiter inclinatur ad fudum actum, fine ulla differentia quoad majorem ac minorem intentionem.

X. 3. Quoad exercitium & effecta hujus affectus, imparitas frequentix, ordinis, & extenfionis datur, prout circumftantiarum concursus neceffariam facit actionem aut operationem charitatis. Nam 1. frequentius actum ipfum charitatis elicere & exercere debemus erga eos, in quibus frequentius nobis occurrunt rationes & caufæ veræ dilectionis. 2. Ordo debet obfervari, fecundum occafionem quæ præbatur, & actum ad objecta fua proportionem. 3. Extenfio ad plura aut nobiliora effecta requiritur, fecundum eorum neceffitatem, & dilectorum

lectorum dignitatem.

Questio quinta. An & qui sint casus, in quibus quoad exercitium & effectum, tenetur aliquis proximum magis diligere quam semetipsum?

XI. R. 1. Dantur tales casus: quia proximus variis rationibus potest esse in extrema, aut gravi necessitate, ita ut non sit negligendus, nec tamen expectandum sit ut quisquam illi possit aut velit subvenire, nisi nos cum periculo nostro hoc faciamus.

XII. 2. Proximo extreme in spiritualibus periclitanti, tenetur quilibet subvenire cum quovis dispendio temporali, si probabile sit, suum auxilium profuturum. *1. Job. 3. 16.* Nos debemus pro fratribus animas deponere.

XIII. 3. In extrema etiam necessitate, tenetur quilibet communis conditionis homo (sed imprimis ille cui tale officium singulariter incumbit) vitam suam obicere periculo probabili, ad impediendam cer-

tam alterius mortem. Majus enim est malum certa mors alterius, quam propria incerta. Hinc non licet pastori, tempore pestis, aut persecutionis, deferere Ecclesiam, nisi forsan sit alius idoneus, qui suscipiet illam curam.

XIV. 4. In bonis temporalibus tenetur quisque personam publicam, vel communitatem sibi metipsi præferre. Bonum enim totius, plurius faciendum est, quam bonum unius alicujus partis. Personis autem publicis annumerandi sunt illi, quos constat valde utiles esse reipublicæ.

XV. 5. Honestum etiam est aliquando, vitam corporalem certo periculo exponere, ad servandam vitam corporalem amici, quamvis sit æqualis conditionis. *Johan. 15. 13.* Quamvis enim vita mea sit mihi magis conservanda, quam alterius vita per se, non tamen quam alterius vita, & mea virtus.

C A P. VIII.

De Precatione pro aliis.

Questio prima. Pro quibus orare debemus?

I. R. 1. Pro omnibus quos spes est posse nostris precibus juvari. Oratio enim est medium à Deo institutum, ut adhibeatur ad impetranda sperata. Hinc nemo viventium ab orationibus nostris est plane exclu-

dendus nisi constare nobis possit, quod sit omnino desperatus.

II. 2. Pro inimicis nostris injustis singulariter debemus orare. *Matth. 5. 44.* 1. Quia singulariter afficimur eorum peccato, ex quo periculum imminet ipsis. *Luc. 23. 34.* 2. Quia hac ratione & facimus,

& testatur nos facere, quod nobis est necessarium ad remissionem nostrorum peccatorum. *Mat. 6. 12. 14. 15.* 3. Quia hac etiam ratione excludimus ex animis nostris illicitam vindictæ cupiditatem. *Rom. 12. 19. 20.* 4. Quia hoc est Deo causam nostram committere in charitate.

III. 3. Pro amicis tamen & conjunctis magis tenemur orare: quia in talibus multæ causæ repetiuntur quæ directe & per se faciunt ad charitatem eliciendam, ita ut dilectionem aliquam pariant in ipsis ethnicis & publicanis. *Matth. 5. 46. 47.*

Quæstio secunda. An & quatenus liceat alicui malum imprecari?

IV. R. 1. Deliberata imprecatio mali sub ratione mali, contra homin. quæ est formalis maledictio, non potest non esse mala. 1. Quia provenit ab odio, quod est malum oppositum charitati. 2. Quia non magis licet optare, quam facere malum, quæ malum. 3. Quia benedictio nostræ vocationi adversatur. 1. *Peir. 3. 9.*

V. 2. Temerariæ illæ & vulgares maledictiones, quæ sunt multis in usu (pestis te arripiat, abi in ma-

lam rem, utinam suspensus esses &c.) sunt professiones odii aut malevolentiae, indicia perturbationis in corde regnantis, & in proximum contumeliosæ, atque adeo non possunt à gravi culpa excusari.

VI. 3. Imprecatio mali sub ratione boni est ex se se licita. Sic ratione gloriæ Dei, boni publici, aut etiam privati, quod est majoris momenti, licet minus malum haic aut illi optare. Hoc tamen sic debet intelligi, 1. Ut conditio aliquo modo subit, si nempe bonum illud per hoc malum & nonnisi per hoc sit consecuturum. 2. Ut voluntatem nostram subjiciamus voluntati Dei.

VII. 4. Maledictiones in creaturas irracionales jactatæ, si respectum habeant ad Deum, & ejus providentiam, quæ circa illas creaturas versatur, sunt blasphemiae; si ad hominem qui est dominus earum, tum sunt injuriæ; si ad ipsas creaturas per se simpliciter consideratas, tum sunt indicia cordis, & oris amarulentia plenæ. *Rom. 3. 14.* si ad malum aliquod per illas existens, tum vel figuratæ locutiones debent esse, ut 2. *Sam. 1. 21.* vel sunt impatientiæ motus improbandi, ut *Job. 3.*

C A P. IX.

De Correctione fraterna.

Quæstio prima. Quenam personæ cadant sub correctionem fraternam?

I. R. 1. Primo & maxime proprie

prie fideles, & inter fideles præcipue illi qui sunt ejusdem nobiscum Ecclesie membra. Ratio est, quia tales magis fraternam nobiscum habent conjunctionem quam alii.

II. 2. Infideles tamen sunt etiam ex occasione corripiendi. 1. Quia cum sint proximi nostri, & charitate vera diligendi, non debent à comuni actu & officio charitatis excludi. 2. Quia Eleemosyna spiritalis non magis debet esse restricta, quam corporalis: sed corporalis quibilibet fieri debet in gravi necessitate. 3. Quia bos aut pecus proximi errans, à vidente, si fieri possit, debet reduci, *Deut. 22. 1.* tum multo magis proximus ipse, quum errat est, reducendus in viam. 4. Quia ille qui maxime errat maxime indigere solet institutione: & jus ipsum naturæ postulat, ut maximis necessitatibus proximorum succurrere conemur.

Quæstio secunda. Quæ conditiones requirantur ad correptionem necessariam reddendam?

III. R. 1. Notitia peccati, quæ saltem debet esse ita probabilis, ut sit moraliter certa, id est, talis quæ moraliter satis judicaretur ad credendum sine temeritate proximum peccare. In suspitione dubia tamen, officii ratio sæpe postulat, ut quis prudenter innotet proximo, quæ sit suspicio, & quo pacto debeat removeri.

IV. 2. Spes alicujus fructus. Si enim nulla sit spes emendationis, tum

ejus respectu non est adhibenda correptio. *Prov. 9. 7. 8. Matth. 7. 6.* Sæpe tamen accidit, ut illi qui sunt incorrigibiles corripi debeant, respectu aliorum, quorum periculo hac ratione est subveniendum.

V. 3. Opportunitas temporis, & convenientia circumstantiarum reliquarum.

Quæstio tertia. Quinam debent alios corrumpere?

VI. R. 1. Officium hoc pertinet aliquo modo ad quoslibet homines, qui habent usum rationis: quia præceptum est juris naturalis, est opus charitatis, & generale officium proximi erga proximum quatenus est talis. Hinc fidelis tam fidelem quam infidelem, & infidelis etiam tam fidelem, quam alium infidelem debet monere. *Gen. 20. 16.* inferiores ipsi & subditi, cum reverentia debent superiores suos admonere. *Job. 31. 13.*

VII. 2. Eis tamen præcipue incumbit, qui vel ratione munitis tenentur aliorum bono consulere, vel ratione donorum aptiores sunt ad hoc officium cum fructu præstandum. *Ezech. 33. & 34. Gal. 6. 1. Tit. 2. 4.*

VIII. 3. Ille ipse qui eodem, vel majore peccato laborat, non plane eximitur ab hujus præcepti obligatione. Nemini enim sua malitia prodesse potest, ut excusetur à naturali præcepto, quale hoc est. Sed debet hoc facere cum singulari peni-

pœnitentiæ, & compassionis professione, semetipsum prius & magis quam alterum accusans, ne incurrat in reprehensionem illam Domini. *Matth. 7. 3. 4. 5. Hypocrita ejice prius trabem ex oculo tuo & tum dissicipis ut ejicias festucam ex oculo fratris tui.* Exemplum insigne est *2. Sam. 16. 17.*

Quæstio quarta. Quo modo debet correctio adhiberi?

IX. R. 1. Debet admonitio fundari in verbo Dei vel sermone Christi. *Col. 3. 16. Sermo Christi inhabitet in vobis copiose, docendo & admonendo.*

X. 2. Debet perfundi charitate fraterna. *2. Thessal. 3. 15. 2. Cor. 2. 4.*

XI. 3. Condiri debet mansuetudine ac lenitate. *Gal. 6. 1 2. Tim. 2. 25.*

XII. 4. Roborari debet perseverantia. *2. Petr. 1. 13.* Toties, & tamdiu admonendus est frater, dum fructus inde sperari potest.

Quæstio quinta. Quomodo recipi debet correctio?

XIII. 1. In charitate & sancta estimatione. *1. Thess. 5. 13.*

XIV. 2. Cum humilitate. *Heb. 13. 22.*

XV. 3. Cum fructu pietatis: ita ut semper cedat nobis vel in medicinam, (*ἰάμα*) vel in cautelam, (*προφυλακτήριον*) vel saltem in testimonium (*διαμαρτυρίαν*.)

C A P. X.

De Communionem cum aliorum peccatis.

Quæstio prima. Quinam communicant cum aliorum peccatis?

I. R. 1. Omnes qui directe ad illa peccata cooperantur. Causa enim locia, vel conjuncta, dum vim suam in commune confert ad producendum peccatum, cum iisdem peccatis non potest non communicare, & culpa, & reatu. Hinc 1. Qui mandat vel suadet peccatum, particeps est peccati: quia & velle illud habet quod coram Deo est facere, &

etiam eandem voluntatem, quantum in ipso est, alteri immittit, atque adeo est author peccati. *2. Sam. 13. 28. 1. Reg. 12. 30. & 13. 35.* ad peccandum induxit Isaaclem. *Jerem. 28. 16.* 2. Non tantum authores, sed & ministri peccatorum, cum eisdem habent communionem. Quandoquidem enim sunt cause adjuvantes, & administrantes, & vim aliquam communicant peccato, directam etiam communionem habent cum eodem peccato. *Esa. 10. 1. 1. Sam. 22. 17.*

18. cum. Psalm. 52. 2. Reg. 1. 9.
Matth. 28. 4. Act. 12. 18. 19.

II. 2. Omnes qui indirecte co-
operantur, id est, qui aliquid omit-
tendum faciunt, aut faciendum omit-
tunt, ex quo sequitur peccatum. Per
interpretationem enim moralem, ille
etiam dicitur causa peccati, qui non
adhibet diligentiam debitam ad il-
lud cavendum aut impediendum. 1.
Sam. 3. 13. Ez. 33. 6. 8. Act. 20.
26. 27.

III. 3. Hoc peccato coinquin-
nantur maxime Concionatores, Ma-
gistratus, parentes, heri, præcepto-
res, quando non faciunt officium, ad
præveniendâ peccata, in eis qui fidei
ipsum sunt committi.

IV. Omnes qui peccatum jam
admissum approbant suo consensu.
Rom. 1. 32. Qui enim probat, ac
laudat factum, ille indicat volunta-
tem suam promptam ac paratam ad
idem faciendum, aut saltem ad ejus-
dem effectum suadendam, si opus
& occasio esset. Est etiam causa con-
servans, defendens, promovens pec-
catum jam factum. Ad approba-
tionis consensum refertur etiam ces-
satio ab officio in reformatione aut
correctione peccatoris. 1. Chron. 5.
2. 6. ita ut non solum opera, sermo-
ne, & exemplo, verum etiam silen-
tio, & dissimulatione vel conniven-
tiâ communionem possimus habere
cum aliorum peccatis.

V. In isthoc etiam genere pec-
cant non raro & concionatores, qui

consuunt pulvillos sub cubitis pecca-
torum, ac prædicant ipsi pacem; &
superiores omnes qui nimia indul-
gentia dissimulant, aut nimis molli-
ter animadvertunt in delicta eorum
quos sub sua cura habent; & illi et-
iam omnes qui fratrem nam correptionem
sine justa causa omittunt.

VI. Ex istis principiis explicari
facile potest, quomodo cum uno
manifeste peccante, multi plectun-
tur, non tamen propter aliena pec-
cata propriè plectuntur, sed propter
sua, illa nempe (sepiissime) quibus
communione aliquam habet cum
alienis. Hoc modo, pie, ac docte

ostendit quidam ex nostris, Judas
Machabeum, & Judæos, 2. Mach.
12. 43. non pro peccatis mortuo-
rum obtulisse sacrificium (ut Ponti-
ficii vellent) sed pro peccato suo, &
superfluum, quod ex eorum qui fue-
rant mortui, contagione contraxe-
rant, atque cujus fortasse merito se
aliqua ex parte autores poterant ju-
dicare. Nemo enim (proprie lo-
quendo) plectitur ob alienum pec-
catum; ut nemo alieno morbo mori-
tur, sed suo. Verum ut homines
suos sæpe morbos contrahunt ex al-
ienis, (multaque corporibus transi-
tione nocent) ita in morbis istis ani-
morum, homines sua quoque con-
trahunt peccata ex alienis.

VII. Ex istis etiam instituuntur
fideles ad profundiorum humiliatio-
nem, in peccatorum hujus generis
confessione. Hujusmodi confessio-

D. Rai-
noldus cœ-
sura lib.
apoc. præf.
198.

nis piā formulam] proponit G. Par. quæ doctrinam istā illustrabit: *Domine Deus meus, quod est malum cuius ego reus non sum, vel perpetrando illud opere, vel volendo illud perpetrare? & hoc in memetipso, ac per memetipsum; vel in alio, volendo scil. & consentiendo, ut illud ipse committeres; vel laudando ipsum malum; vel adulando ipsi, qui illud commisset; vel non arguendo illum, cum hoc ad me ex officio pertineret; vel non compatiendo ipsi peccanti; vel (quod deterius est) gaudendo de peccato alterius; vel omnino non curando; quod erat infidelitas erga te gravissima. Non enim licere mihi poterat, videre unam ex ovibus tuis percurrentem, & à lupis infernalibus devorari, & non quantum potuissem resistere. In simili quoque damnatione me esse agnosco de bonis. Quod enim est bonum, quod in me, non extinxi, vel in alio persecutus non sum, impediendo ne fieret, vel detrahendo jam factū, vel permittendo extingui, vel gaudendo si exstinguebatur in ipso? Domine misericordia, quot bona perierunt, vel me procurante ut non essent, vel me non juvante ut essent, vel non nutriende ea, aut ab-*

strahente eis auxilium meum? Peccavi etiam contra ea D. Deus, vel non congaudendo eis, vel tibi (quo auctore fiebant) gratias non agendo pro eis.

Quæstio secunda. An ex peccato alieno gaudere liceat, aut ex eo capere voluptatem?

VIII. R. De peccato, quatenus est peccatum, nunquam licet gaudere, sed quatenus à Deo convertitur in occasionem alicujus boni: Vt si quis antea superbus, aut arrogans fuerit, sed post aliquem lapsum resipiscens modestius agat; si post enorme aliquod flagitium optima lex feratur, quæ alias non fuisset lata vide Phil. 1. 15. 16. 17. 18.

Quæstio tertia. An liceat abuti aliorum peccatis?

IX. R. Quando necessitas aliqua urget, licet, modo non foveamus illa peccata quibus abutimur. Sic Jacob cum recepit iuramentum Labani per falsos Deos jurantis, sine suo peccato Labanis peccato abutebatur. Gen. 31. 53. Sic Jer. 41. 8. decem innocentes homines abutebantur Ismaëlis rapacitate. Sic multi necessitate coacti honeste abutuntur iniquitate Danistarum.

C A P. XI.

De Exemplo bono, & Scandalo.

Quæstio prima. Quinam tenentur exemplum bonum alijs præbere?

I. R. 1. Pertinet hoc ad omnes pios,

pios, respectu omnium quibus vita ipsorum innotescere possit. 1. Quia omnes debent Deum suis operibus glorificare. 1. *Petr.* 2. 12. 2. Quia nemo est quin aliquid possit in sua vita exhibere, quo alii in pietate vel promoveantur, vel confirmantur. Nam ex formicæ contemplatione homines possunt edificari. *Prov.* 6. 6. 3. Quia singuli in suis stationibus occasiones habent singulares aliquid præstandi, quod alii ex simili occasione debent imitari. *Prov.* 2. 20. *Psal.* 34. 7.

II. 2. Præcipue tamen officium hoc eis incumbit, qui vel ætate, vel donis, vel munere aliquo sunt aliis superiores. *Tit.* 2. 4. 7. 1. *Tim.* 4. 12. 2. *Thess.* 3. 9. 1. Quia cui multum datum est ab eo exposcitur multum. *Luc.* 12. 48. 2. Quia quo magis quis eminere, eo magis est spectabilis, & minus occultatur. *Mat.* 5. 14. 3. Quia illi qui ordine aliis præponuntur, aliis præcundo viam rectam debent monstrare. 1. *Thess.* 1. 6. 7. 8. 4. Quia inferiores à superioribus pendere solent, & componere se à eorum exemplum. *Prov.* 29. 12.

Quæstio secunda. An opera nostra bona studiose debeant aliis significari, ut sint ipsis exemplo?

III. R. 1. Opera bona alia sunt publica, alia privata: privata ex ordine non debent à nobismetipsis prædicari, quia hæc esset ambitio gloriæ inanis. *Mat.* 6. 1. 2. *Eccl.* Publica

tamen opera, quia ex conditione sua aliis innotescunt, possunt, & aliquando etiam debent aliis modeste & caute representari.

IV. 2. Representatio operis boni, cujuscunque generis fuerit, si in illa gloriam nostram spectemus ut finem, non est probanda; sed quatenus ad Dei gloriam & ædificationem aliorum facit, non potest improbari.

Quæstio tertia. An Scandalum omne sit peccatum?

V. R. 1. In omni scandalo necesse est ut sit aliquod peccatum: quia pertinet semper ad ruinam aut detrimentum proximi spirituale.

VI. 2. Potest tamen esse scandalum passivum, vel acceptum, sine peccato agentis: ut quum factum unius est alteri occasio peccandi, præter intentionem facientis, & conditionem facti. Et potest esse scandalum activum, sine peccato alterius quem respicit illud scandalum: ut quum unus, quantum in se est, suo facto inducit alterum ad peccandum, & alter tamen non patitur se induci.

Quæstio quarta. An scandalum sit speciale peccatum?

VII. R. 1. Speciale peccatum est, & plane Diabolicum, quando quis intendit proximi ruinam. Hæc enim est specialis differentia constituens peccatum quod vix cadit in quenquam, præterquam in Diabolum ipsum.

VIII. 2. Speciale etiam est, quando

quando factum illud unde proximus scandalizatur, non habet unde sit malum, nisi ex proximi ruina, cujus occasionem alter tenebatur non dare. Nam per istam differentiam, actus talis per se primo efficitur malus, atque adeo ad certam speciem determinatur.

IX. 3. In aliis peccatis, scandalum ratio est circumstantia tantum, opposita illi charitati, quæ generaliter exigitur in omni parte conversationis nostræ cum proximo. Hac circumstantia peccata publica non mutantur, aut multiplicantur, sed aggravantur tantum.

Questio quinta. An vivere quis possit sine scandalo?

X. R. Per gratiam Dei potest fidelis immunis vivere à scandalo passivo; quia potest tam firmiter adherere Deo, ut factis aliorum non dimoveatur unquam à bono ad malum. Potest etiam immunis vivere à scandalo activo; quamvis non ab omni peccato: quia infirmitates omnium piorum communes, quando ipsis non indulgetur, non habent in se aptitudinem ad alios inducendos in peccatum.

Questio sexta. Quæ regulæ observandæ, ne scandalum demus?

XI. R. I. Ad scandalum vitandum, nullum peccatum unquam debet admitti, quamvis leviusculum possit videri. Hoc enim nihil aliud esset, quam ut ego peccem, ne alius peccaret, quam facere malum ut bo-

num inde consequatur: contra doctrinam Apostoli. *Rom. 3. 8.* Hinc nulla compensatio criminum est admittenda: qualis fuit senis Gabconite in causa Levitæ. *Jud. 19. 14.* & Lothi in causa Angelorum. *Gen. 19. 8.*

XII. 2. Nihil boni aut liciti est omittendum propter scandalum acceptum hominum Pharisaico ingenio præditorum. *Matth. 15. 14.*

XIII. 3. Ad vitandum scandalum pusillorum, omnia illa faciendæ sunt, vel omittendæ, quæ sine peccato fieri vel omitti possunt. Hæc est obligatio charitatis. *1. Cor. 8. 13.*

XIV. 4. Pusilli habendi sunt illi, qui non sunt sufficienter instituti circa libertatem nostram. *1. Cor. 8. 7.*

XV. 5. Non sunt omnes illi sufficienter instituti, quibus iusta ratio redditur facti. Fieri enim potest, ut quidam nondum sint capaces rationis redditæ, qui idcirco, quamvis ratio sit illis redditæ, habendi sunt adhuc pro pusillis.

XVI. 6. Nulla autoritas humana, vel tollere potest scandalum rationem, ab eo quod alias esset scandalum, vel peccati rationem à scandalo dato. Nullus enim homo potest vel charitati & conscientiis nostris imperare, vel periculum scandalum dati præstare.

XVII. 7. Non est tale periculum scandalum, in humanis inventis negligendis, quale Apostolus fuisse olim tradit in ceremoniis legis abjiciendis.

ciendis. Nulla enim conscientia talis potest haberi de inventis hominum, qualem Judæi habebant de institutis Dei.

XVIII. 8. Nulla datur talis perplexitas, ut necessarium sit pio homini, sive hoc vel illud faciat, sive non faciat, scandalum alicui dare.

Quæstio septima. Quæ regulæ observandæ, ne scandalum accipiamus?

XIX. R. 1. Cavendum est, ne pendeamus ab hominibus, cujusque sunt perfectionis, cōse in nimia habeamus æstimatione, ita ut eorum lapsu, casu, vel defectione, corda nostra nimis perturbentur. Huc igitur dirigendæ sunt meditationes nostræ de gravibus peccatis in quæ prolapsi sunt, non tantum illi qui videbantur & non fuerunt, sed & qui fuerunt eximii Dei servi, ut David, Salomon, Petrus, &c.

XX. 2. Damnanda & hor-

renda est illa perversitas judicii, quæ solent multi quorundam labentium casu, aut hypocrisios defectione, alios professionem similem facientes, hypocritas idcirco pronunciare. Hoc enim est plane Diabolum imitari in piis accutandis, & iniqua suspicione gravandis. *Job. 1. 11.*

XXI. 3. Quamvis insistere juvet vestigiis piorum, hoc tamen non est faciendum cæca quadam imitatione, sed cum discretâ illâ cautelâ, sicut illi regulam Christi sequuntur. *1. Cor. 11. 1.*

XXII. 4. Iterum atque iterum cogitandum est, quam indignum sit, ob spem aut metum hujus mundi, vel desistere, vel etiam deflectere à via recta.

XXIII. 5. Revocandum ex omni occasione in memoriam, scandala nobis in istum finem à Deo obijci, ut per illa fidelitatem & constantiam nostram exploret. *Deut. 13.*

CAP. XII.

DE SCHISMATE.

Quæstio prima. Quid est schisma?

I. R. Schisma dicitur à scindendo & est scissio, separatio, disjunctio, aut dissolutio unionis illius, quæ debet inter Christianos observari. Quia autem hæc scissio maxime perficitur & apparet in debita communione Ecclesiastica recusanda, idcirco illa

separatio per appropriationem singularem, recte vocatur schisma.

Quæstio secunda. An & quomodo ab hæresi differt schisma?

II. R. Schisma quatenus in genere notat dissidium omne in Ecclesia damnandum, complectitur etiam hæresin, & istæ voces uno & eodem sensu usurpantur. *1. Corinth. 11. 18.*

E c

Proprie

Proprie tamen in eo distinguuntur, quod hæresis opponatur fidei, & schisma charitati; hæresis sit in dogmate perverso, schisma vero in facto perversæ separationis; ita ut hæreticus quis possit esse, & non schismaticus, ut si fidei articulum negans adhærere vult Ecclesiæ veram fidem consentienti; & schismaticus potest esse, qui non est hæreticus, ut si quis credens omnes articulos fidei, nolit tamen cum Ecclesia vera communicare in actionibus piis. Talis distinctio ab Apostolo innuitur. *Galat.* 5. 20.

Quæstio tertia. An omne Schisma sit peccatum?

III. R. 1. Schisma proprie dictum est peccatum gravissimum. 1. Quia adversatur charitati erga proximum, & privat eum spirituali bono. 2. Adversatur ædificationi illius, qui facit separationem, quatenus privat semetipsum communione in bono spirituali. 3. Adversatur honori Christi quatenus unitatem corporis ejus mystici suo modo tollit. 4. Viam facit ad hæresin & separationem à Christo.

IV. 2. Secessio tamen etiam ab Ecclesia vera est aliquando licita & necessaria. 1. Si quis non possit in ejus communione manere sine communicatione in peccatis. 2. Si manifestum sit periculum seductionis. 3. si oppressione & persecutione sceedere cogatur.

V. 3. Secessio vero totalis, cum

absoluta renunciatione, aut rejectione omnis communionis, non potest licite adhiberi erga Ecclesiam veram: sed partialis tantum, quatenus communio non potest absque peccato exerceri.

Quæstio quarta. An schismatici sint membra Ecclesiæ?

VI. R. Schisma in tantum separat ab Ecclesia, in quantum renunciat communioni. Si igitur 1. separatio fiat à certis quibusdam vel actionibus, vel personis tantum, quamvis schismatica sit illa separatio, non tamen statim separat ab Ecclesia.

VII. 2. Si separatio fiat ab Ecclesia una, aut pluribus particulis, possunt tamen aliarum Ecclesiarum membra manere: quando scilicet causa separationis non est aliis Ecclesiis cum eis à quibus separatur communis.

VIII. 3. Si separatio pertinaciter fiat vel ab omnibus Ecclesiis veris, vel ab ulla propter causam omnium communem, tum tales schismatici (quamvis fieri possit, ut fidem retinentes sint membra Ecclesiæ catholicæ) non possunt pro visibilibus Ecclesiæ membris haberi.

Quæstio quinta. Quatenus schismatici debent vitari?

IX. R. Eatenus saltem, ne ex nostro consortio, vel in suo schismate illi conferuntur, vel nos in eodem communionem habeamus, vel denique alios ad schismatis approbationem allectemus.

Quæstio

Quæstio sexta. An Ecclesia schismatica habenda sit pro Ecclesia vera?

X. R. Dum retinet fidem veram, habenda est pro Ecclesia, atque adeo quæ in illa Ecclesiastice præ-

stantur, quoad substantiam, rata & firma debent haberi: sed quia est schismatica, idcirco non est habenda pro Ecclesia legitima & approbata.

CAP. XIII.

DE HONORE PROXIMI.

Quæstio prima. Quid sit honor qui proximo d. betur?

I. R. 1. Honor ex communi suo conceptu testificationem quandam notat excellentiæ & præstantiæ alicujus. Et quia testificatio ista non redditur coram hominibus, nisi externis signis verborum, & factorum, idcirco in vulgari usu, externa excellentiæ signa ista voce notantur: sicut etiam in ipsa Scriptura. *Lev. 19. 32. 1. Petr. 3. 6.*

II. 2. Quia tamen hæc testificatio externa, quæ in verbis & factis versatur (si non sit simulatio, & inanis ejus larva, qualis histrionia jam apud plurimos honoris locum & nomen obtinuit) includit in sese congruum judicium & affectum interternum, cui etiam inest testificatio quædam coram Deo, idcirco solidum honoris officium præcipue nititur interna dignitatis aut excellentiæ alicujus agitione. *Levit. 19. 3. Rom. 13. 5. 9. 10.*

Quæstio secunda. Quibus hominibus d. betur honor?

III. R. 1. Maxime proprie, ac

plene, honorandi dicuntur illi, qui sunt in dignitate nobis superiores, ut parentes, & similes: quia talibus debetur non tantum æstimatio & testificatio absoluta præstantiæ, quæ ipsis inest, sed ejusdem illustratio per submisionem, & observantiam ex imparitatis nostræ confessione proficiscentem.

IV. 2. Sed tamen expressum Dei verbum habemus, quod omnes sint honorandi. *1. Petr. 2. 17. 1.* Quia potest alicujus excellentia considerari non solum per comparationem ad honorantem, ut scilicet sit excellentior eo qui honorat, sed etiam per comparationem ad alios, & hac ratione honor debetur à nobis nostris vel æqualibus, vel inferioribus, quia sunt aliis superiores. 2. Quia vix quisquam reperitur, in quo non possumus aliquid observare, in quo nobis est superior, si ex humilitate judicium feramus. *Phil. 2. 3.* 3. Quia infirmi quique possunt singularem aliquam relationem habere ad Deum, cujus respectu sunt honorandi. *Marc. 9. 41. 1. Petr. 3. 7. Esai. 39. 9. 4.*

Ecce 2

Quia

Quia in omnibus, & singulis, quia scilicet communione nobiscum habent in eadem natura, & capaces sunt communionis in eadem gratia, apparet illud quod prohibet contemptum, atque adeo aliquem exigit honorem. *Job. 31. 13. 14. 15. Matth. 18. 6.*

Obj. Docentur pii contemnere impios. *Psal. 15. 4.*

V. Sol. 1. Contemnendi sunt impii eodem plane modo quo sunt odio habendi: sub illa scilicet formalitate, qua sunt impii. Non sunt igitur honorandi, vel quia sunt impii, vel ita ut impietas eorum nostro honore alatur, confirmetur vel armetur *Prov. 5. 9. & 6. 33. & 26. 1. 8.* sed quatenus boni aliquid habent, justum ejus testimonium non est ipsis denegandum. *1. Tim. 6. 1.*

VI. Hinc quædam signa honoris simpliciter debiti, propter eorum nequitiam possunt eis jure denegari. *2. Reg. 3. 14.* Quod tamen intelligendum est de insigniter improbis, in quibus honoris causæ turpitudinis opposita quasi obruuntur; & cum illa moderatione, ut animus monstretur paratus ad omnem honorem exhibendum, si impietatis obstaculum removeatur.

Quæstio tertia. An & quatenus proprium nostrum honorem debemus curare?

VII. R. 1. Honor mundanus, si in comparationem veniat cum honore illo, qui à Deo querendus est, debet omnino contemni. *Job. 5. 4. & 12. 43. Rom. 2. 26.*

VIII. Hinc 1. Propter honorem hujus mundi, nullum peccatum debet admitti.

IX. 2. Propter honorem hujus mundi, bona opera non sunt facienda. *Matth. 6.*

X. 2. Ex cura solidi honoris, abstinendum est ab omni peccato, & præcipue ab eo quod turpis dehonorationis notam singularem secum fert. *1. Thess. 4. 4. 1. Cor. 6. 18. 19. Prov. 5. 9. & 6. 33.*

XI. 3. Studere debemus iis omnibus quibus Deus verum ac solidum honorem adjungit. In Scripturis autem annexitur honor generaliter pietati erga Deum. *1. Sam. 2. 30. Prov. 4. 8. & 8. 18.* 2. In specie, illis partibus pietatis, quæ in mundo habentur maxime probrosæ, & cum dedecore conjunctæ: qualia sunt admittere correctionem: *Prov. 13. 18.* desistere à contentione. *Prov. 20. 3.*

CAP. XIV.

DE FAMA.

Questio prima. An & quatenus quisque debet suam propriam famam curare?

I. R. Fama bona sua natura est testimonium de virtute: & fama mala est testimonium de vitio. Illa igitur est optanda & querenda: hæc autem fugienda & cavenda. Non potest fama plane contemni, nisi virtus etiam contemnatur. *Prov. 22. 1. Eccl. 7. 3. Phil. 4. 8. 2. Cor. 8. 20. 21.*

II. Sicut igitur omne testimonium suum pondus accipit à teste, sic etiam fama bona, apud bonos est vere bona fama, & maxime curanda: laudari scilicet à laudato viro. *2. Cor. 8. 18.*

III. Non tamen negligendum est testimonium alienorum, minus improborum. *1. Tim. 3. 7.*

IV. Fama etiam bona, quia non est virtus, sed testimonium virtutis tantum, debet semper virtuti & officio postponi. *2. Cor. 6. 8.* non debemus famam placare deferendo virtutem.

V. Fama potro bona querenda est imprimis in corde, & conscientis hominum, potius quam in facie. *2. Cor. 4. 2. & 5. 11. 12.* ex solidis operibus virtutis, magis quam ex arte captata commendatione. *2. Cor. 3. 1. 2. 3.*

VI. Fama insuper bona, querenda, ac tuenda, non propter se, neque propter nos, quasi aliis majorem fidem habetemus de nobis, quam nobismetipsis; sed propter gloriam Dei. *Gal. 1. 24. 2. Thess. 1. 12.* & ut aliis vel exemplo, vel opera nostra, magis prodicere possimus. *1. Thess. 1. 7.*

VII. Hinc illi singularem curam habere debent fame sue, qui muneris sui ratione, singulariter vocantur ad Dei gloriam, & hominum salutem promovendam. *Neh. 6. 10. 11. 1. Tim. 3. 7. 1. Sam. 2. 17. 22. 23. 24.*

VIII. Hæc tamen differentia est observanda, ut minor cura habeatur fame, circa illa quæ minus faciunt ad Dei gloriam, & major circa illa quæ magis eo spectant. Sic Paulus & humane scientiæ, & eloquentiæ famam contemnens. *1. Cor. 2. 2. & 2. Corinth. 11. 6.* curabat famam solidæ cognitionis Christi: ibid. & maxime sollicitus fuit circa vocationis, fidelitatis, & constantiæ suæ famam. *2. Corinth. 1. 17. 18.* Neque revera læditur propriæ fame cuiuspiam, ex eo quod pauper, ignobilis, minus doctus, eloquens, aut ingeniosus, immerito & cum injuria habeatur: quia fama bona est testimonium

virtutis, non divitiarum, nobilitatis, aut cruditionis.

I X. Infamiam suam injustam, potest quis aliquando cum silentio tolerare: quando scil. commodum occasio cum fructu obsistendi non datur; & spes est, infamiam illam sua sponte sic post evanituram, ut in aliorum bonum potius quam malum sit cessura. *Mat. 27. 12. 13.* Qui autem sine tali causa, infamiam suam injustam negligit, cum aliorum scandalo, is non tam patiens habendus est, quam prodigus & crudelis.

X. Qui infamat semetipsum, imponendo sibi crimen falsum, non

tantum peccat mentiendo in veritatem; sed etiam in proximum, scandalum ipsi præbendo; & in semetipsum, dum spoliatur se bono conferendo; & in Deum, cujus gratia hac in parte negatur, & cujus nomen forsitan hac ratione potest blasphemari. *Iob. 27. 5.*

X I. Potest quis tamen aliquatenus infamare semetipsum, occultum crimen revelando, si fiat cum causa. e. g. si in magnis angustiis fiat ad petendum consilium, vel tristitiam levandam; aut si necessarium hoc sit ad grave incommodum alterius vitandum.

C A P. X V.

D E I U D I C I O T E M E R A R I O.

Questio prima. Quid sit iudicium temerarium?

I. R. 1. Est opinio vel assensus de alterius malitia sine iusta ratione.

II. 2. Opinio vel assensus vocatur, quia iudicium privatum potest esse in animi sententia, sine ullis verbis, aut sententiæ pronuntiatione, quæ in publico iudicio debet semper adesse.

III. 3. Objectum ejus collocatur in malitia alterius, quia solummodo malum culpæ bonæ famæ proprie adversatur. Generaliter autem dicimus malitiam, quia potest iudicium ferri non tantum de

facto aliquo quod sit peccatum, sed etiam de statu alicujus quod sit in statu peccati. *Luc. 19. 7.*

IV. 4. Differentia consistit proprie in levitate aut insufficientia rationum quibus nititur iudicium: quæ etiam ratione proprie vocatur temerarium, quod si firmis argumentis niteretur, esset prudens & iustum. Hæ autem rationes non subesse tantum debent in re ipsa, sed & notæ esse illi qui iudicium fert. Iudicium enim verum potest esse temerarium, sicut assertio vera mendacium.

V. 5. Rationes autem leves & insufficientes æstimandæ sunt, quæ ex prudenti

prudenti consideratione omnium circumstantiarum, non sunt idoneæ ad talem assensum parendum, qualis habetur. Rationes enim quæ leviores sunt, quam ut opinionem aliquam malam persuadeant de uno homine, possunt esse graves & justæ de alio. Quæ leves sunt ad unam opinionem malam suadendam, ad aliam possunt esse graves. Quæ leves sunt ad assensum firmum, justæ possunt esse ad levio- rem assensum; aut ad suspici- onem, quæ est concitatio animi ad assentiendum; aut ad dubitationem, qua animus hæret in medio suspen- sus, & neutram in partem inclinat.

Quæstio secunda. An & quomodo judicium temerarium sit peccatum?

VI. R. 1. Peccatum est levita- tis adversus prudentiam.

VII. 2. Adversatur principio illi naturali, quod tibi non vis fieri, alteri ne feceris. Nemo enim est, qui vellet proximum temere de se & suis factis judicare.

VIII. 3. Imminuit proximi bonum, & juri ejus adversatur. Quis- que enim jus habet ad famam inte- gram, tanquam ad bonum deposi- tum in mentibus aliorum, usque dum ipsemet suis factis eam inde ab- stulerit.

IX. 4. Generat contemptum pro- ximi, *Rom. 14. 3. 10.* quo fit ut sine causa indignus habeatur officiis & beneficiis.

X. 5. Est usurpatio judicii & authoritatis Dei, quatenus vel judi-

cat de occultis & soli Deo notis, vel judicandi legem statuit, non accipit, quod est proprium Dei. *Rom. 14. 4. Jacob. 4. 11. 12.*

Quæstio tertia. Quanam diffe- rentia peccati sit in temere judi- cando?

XI. R. 1. Judicium temerarium aliquando oritur ex simplici errore intellectus, aut inadvertentia, qua fit ut illa indicia mali alicujus habeantur sufficientia, quæ non sunt talia. Hoc est peccatum levius ex commu- ni defectu proficiens. Signum ejus est, si quis sit paratus post melio- rem informationem, opinionem il- lam plane deponere.

XII. 2. Aliud est judicium te- merarium, quod provenit vel ab a- nimæ perversitate, qua quis proclivis est ad maligne de aliis judicandum; vel à personali malevolentia, qua quis facile credit malum de hoc aut illo, erga quem est male affectus. Hujus signum est pertinacia, qua quis libenter negligit examen ratio- num, vel indiciorum, quibus nritur ejus judicium, & vult persistere in opinione mala. Istiusmodi judicium temerarium est plane voluntarium & grave peccatum.

Quæstio quarta. An & quomodo dubia in meliorem partem sint inter- pretanda?

XIII. R. 1. Dubia de rebus se- cundum momenta rationum debent assimari, sine inclinatione in alteru- tram partem.

XIV. 2. Dubia de personis, in eis quæ pertinent ad earum bonam vel malam existimationem, absolute sunt interpretanda in meliorem partem. 1. *Cor. 13. 5.*

XV. 3. Hoc tamen non ita debet accipi, quasi speculative & positive debeamus certò judicare illos esse probos, de quorum probitate nullum certum indicium habemus (quia sic teneretur credere falsum) sed quod negative & practice debeamus in dubiis bene judicare: i.e. 1. ut saltem non male de proximo judicemus. 2. ut sic erga illum nos geramus, in communibus officiis, ac si esset probus, cum de contrario nobis non constat. Hoc est iudicium charitatis.

XVI. 4. Huic iudicio charitatis non repugnat iudicium illud prudentiæ, quo in ordine vel ad emendationem, vel ad cautelam ali-

cujus mali, sic nos gerimus erga quosdam in dubiis ac si male de eis suspicaremur, ut cum moderate nostris rebus attendimus ab hominibus ignotis, quæ si essent fures, aut severius agimus cum quibusdam quos pro bonis habemus, in ipsorum aut commune bonum. Sic enim non interpretamur dubia positive in deteriorem partem, sed ex suppositione possibili, prævertimus partem deteriorem. Hoc autem non tantum licitum est, sed etiam in quibusdam casibus necessarium, tam necessitate præcepti, quam mediis ad finem ex officio procurandum: ut in casu vigilantis attentionis adversus illos, qui sub specie aliqua simulata, incautis imponunt, vel ut Apostolus monet *per blandiloquentiam & assentationem corda minime malorum seducunt. Rom. 16. 18.*

CAP. XIV.

DE DETRACTIONE.

Questio prima. Quid est detractio?

I. R. 1. Proprie loquendo detractio est injusta & occulta violatio alienæ famæ. Sed quia præcipuus est modus lædendi famam proximi, idcirco synecdochice potest ac solet etiam sic accipi, ut complectatur contumeliam quamlibet apertam; quæ eadem ratione differt à detra-

ctione propriè dicta, quæ rapina distat à furto, quod scilicet fiat scienti & renitenti.

II. 2. Hinc eo gravius est peccatum detractiois. 1. Quo magis est injusta. Vt si fiat in eos, qui illarum dignitatis statum habent vita & moribus comprobatum; aut si fiat cum directâ intentione famam alterius lædendi non ex temeraria levitate aut lo-

ant loquacitate. 2. Quo magis laedit, ut in materia ex qua grave sequitur famæ detrimentum; & eo modo quo possit ad plurimos pervenire, & cui difficile quis occurrere potest, ut in libellis famosis.

Quæstio secunda. An ille sit vere detractor, qui revelat peccatum verum, sed occultum?

III. R. 1. Qui sine justa causa hoc facit est detractor: quia quum nullus alius finis justus apparet, judicandum est ex natura rei, quæ in tali revelatione, nihil est aliud, quam ablatio famæ ad nocendum.

IV. 2. Si vero vel ad peccatoris emendationem ordine fiat, vel ad aliorum periculum grave præcavendum, vel ex pari aliqua causa justa, non est peccatum: quia hæc ratione minus bonum negligitur, ut majus procuretur; & malum serpens aliquo modo reprimitur, non promovetur.

Quæstio tertia. An ille sit vere de-

tractor, qui ad malam famam pertinentia, quæ ab aliis audiverat, aliis refert absque alia asseveratione?

V. R. Si quis absque causa gravi eo modo talia referat, ut audientes merito induci possint ad illa, quæ refert, credenda; aut si verisimile sit, ex tali narratione malam suspensionem in animis hominum suborituram, est detractor: quia est causa concurrens ad famam injuste detrahendam.

Quæstio quarta. Quando licet aliorum peccata diffamare?

VI. R. 1. Quando sunt publica, sive ex sententia judicis; sive ex evidentiâ notorii facti. Nam criminis author, tali modo infamatus, amittit jus ad famam bonam.

VII. 2. Quando improbi homines per dissimulationem suæ nequitie, & fictam speciem virtutis, querunt sibi famam bonam cum aliorum periculo manifesto.

CAP. XVII.

De Humilitate erga homines.

Quæstio prima. Quæ & qualis sit hæc humilitas?

I. R. Differt ab humiliatione nostri coram Deo, & respectu Dei: quia respectu Dei, subjiciendæ sunt animæ nostræ, & nos non tantum inutiles agnoscere debemus, *Luc. 17. 10.* sed & nihil *Prov. 30. 2. 3. 1. Cor. 3. 7. Gen. 18. 27.* atque etiam

abominandos. *Job. 42. 6.* sed respectu hominum, talis abjectio non habet locum. Paulus enim proficitur se utilem fuisse Ecclesiis & meruisse ut ab iis diligeretur, & in honore haberetur.

II. Ab illa tamen humiliatione coram Deo, dependet humilitas erga homines. *1. Pet. 5. 5. 6. Prov. 22. 4.*

non tantum quia ex conscientia erga Deum submissè nos gerere debemus erga fratres: sed etiam, quia sensus & agnitio vilitatis & indignitatis nostræ coram Deo, facit nos vere submissos, & sic ad veram humilitatem omni respectu nos disponit.

III. Humilitas erga homines est virtus qua quis cavet ne efferat semetipsum supra suum gradum. *Matth. 23. 12. Luc. 14. 11. & 18. 14. Rom. 12. 3. 2. Cor. 10. 13. 14. 15.* semetipsum non libenter commendat. *2. Cor. 10. 12.*

IV. Humilis igitur non affectat

externa signa eminentiæ. *Matth. 23. 6. 7. 8. Luc. 14. 7.*

V. Alios magni facit, & illis inservire studet. *Phil. 2. 3. Mat. 23. 11.*

VI. Patienter fert contemptum sui, quatenus pertinet ad ipsum. *2. Cor. 5. 12. 13. & 12. 10.*

VII. Non adspirat ad alta. *Psal. 131.*

VIII. Non tamen abnegat dona Dei sibi communicata. *2. Cor. 11. 5.* neque ex abiectione animi refugit munus ullum ad quod vocatur. *1. 6. 7.*

CAP. XVIII.

De Superbia, & Invidia.

Questio prima. Qua in re consistit superbia adversus proximum?

I. R. Superbia in communi est, qua quis inordinate supergreditur illud quod est. Vnde etiam definiri solet, propriæ excellentiæ affectatio inordinata. Ex hac dispositione immediate sequitur, quod superbus recuset aliis subjici. Et hoc respectu præcipue Deum respicit, cui subjicere se omnes debent: & interpretative saltem in omni peccato reperitur: quia ille qui peccat, recusat subjici voluntati divinæ.

II. Respectu hominum autem, quamvis similis quædam sit ratio superbiæ quoad superiores, quibus

homines superbi nolunt subesse; est tamen & alia ratio quoad inferiores, quibus nolunt se prout oportet submittere; & quoad æquales, quibus cupiunt superiores esse vel videri.

III. Hæc superbia prout est in corde, cogitatione & affectu, dicitur elatio cordis. *2. Chr. 25. 19. Ezech. 28. 1.* prout in externis gestibus est, dicitur elatio oculorum. *Prov. 6. 17.* prout est in verbis dicitur jactantia. *Prov. 12. 9. & 20. 6.*

IV. Eadem superbia quatenus versatur circa famam & inanes laudes, dicitur inanis, seu vana gloria: quatenus versatur circa honores & dignitates dicitur ambitio: quatenus versatur circa ostensionem virtutis alicujus

alicujus grandis, quæ non adest, dicitur præsumptio.

V. Peccatum hoc tum directe proximum lædit, quando superbus immerito se proximo præponit: præsertim vero si hoc fiat cum contemptu, contumelia, aut vilipendio proximi.

VI. Quia vero proprius iste superbæ affectus, quo quis se proximo præponit, singulariter apparet in pertinacia, qua quis suæ opinioni

aut causæ adherere vult, contra sententiam aliorum, sine ratione, & hinc omnes fere discordiæ & contentiones oriuntur; idcirco etiam hæc ratione superbia est causa multorum peccatorum in proximos. *Pr. 13. 10.*

VII. Ex superbia etiam proprie fluit invidia, qua fit, ut superbus nolit, aut non possit æquo animo videre bonum alienum, quia (scil.) illa ratione ipsius excellentia minui videtur.

CAP. XIX.

De Mutua obligatione inter ætate vel donis tantum superiores, & suos inferiores.

Questio prima. Quale est officium talium superiorum?

I. R. 1. Omnes hujusmodi superiores, debent studere ut eminenti quodam exemplo, in bene vivendo suis inferioribus præire possint. *Tit. 2. 4. 1. Petr. 5. 3.* Ratio est, quoniam ab illis qui plus acceperunt, plus etiam requiritur, *Luc. 12. 48.* idque in aliorum bonum, præcipue autem eorum qui minus acceperunt. Sed qui donis est superior majora accepit media bene vivendi: & qui ætate sola superior est, experientiam saltem habet majorem. Ab utroque igitur plus aliquid requiritur, quam ab inferioribus potest expectari: quod ad eorum bonum conducit per modum eminentis exempli.

II. 2. Qui dono aliquo excel-

lit, debet idem ad aliorum utilitatem promptè impertiri, Ratio est, quia dona illa quæ accepimus à Deo, non sunt plane nostra, quasi eorum essemus Domini absoluti: sed eorum sumus dispensatores, & in illa dispensatione respicienda est voluntas donatoris, & Domini, quæ postulat ut ad ipsius gloriam referantur, in recto ipsorum usu, adversus alios homines. *Rom. 1. 14. Debitor sum.*

Quæstio secunda. Quale est officium inferiorum erga tales superiores?

III. R. 1. Debent ipsis inferiores submissam reverentiam, vel honorem cum submissione. Ratio est, quia omnes honorari debent secundum suum gradum: & superiorum istorum gradus est supra alios: honor igitur qui ipsis debetur conjungi

jungi debet cum agnitione superiori-
tatis, qui est honor aut reverentia
submissa.

IV. 2. Reverentia ista non tan-
tum interna aestimatione, sed verbis,
gestibus, & factis debet præstari.

V. 3. Inferiores debent etiam
ab istiusmodi superioribus libenter
illa discere ex quibus proficiant in
bene vivendo, & quæ didicerunt, ex
occasione iusta, grato animo profi-
teri. *Ast.* 18. 26.

C A P. XX.

De Mutua obligatione inter potestate superiores, & eos qui ipsis subjiciuntur.

Questio prima. Quodnam est
officium huiusmodi superio-
rum?

I. R. 1. Debent iis quos subdi-
tos habent quantum in ipsis est pro-
curare, ut tranquillam & quietam
vitam degant cum omni pietate &
veneratione. *1. Tim.* 2. 2. Ratio est,
quia superior potestate, est Dei mini-
ster aliorum bono. *Rom.* 13. 4. Om-
nem igitur potestatem suam eo
imprimis dirigere debet, ut illa Deus
cujus minister est honoretur; & ut ad
subditos ex eadem potestate maxi-
mum bonum possit venire.

II. 2. Hinc debent quantum in
ipsis est, 1. procurare subditis suis
omnia media bene vivendi. Potesta-
tis enim superioris inter homines fun-
damentum, & actus primus est com-
municatio boni, cujus ratione, illi
quibus id communicatur, pendunt à
communicante, eique subjiciuntur.
2. liberos ipsos præstare à periculo
& metu in bene agendo. Hæc enim
est protectio, quæ est conservatio

boni quod ipsis adest, atque adeo
genus quoddam boni communican-
di, saltem quoad ejus continuatio-
nem. 3. iustis omnibus mediis, in-
citare ad bonum, & retrahere à ma-
lo. In eo enim est procuratio finis
mediorum suppeditationis, & con-
servationis eorum.

Questio secunda. Quodnam est
officium subditorum erga illos qui
potestate sunt superiores?

III. R. 1. Debent illis specia-
lem illam reverentiam, quæ non
tantum respicit eorum eminentiam
in gradu (qualis etiam ætate ac do-
nis superioribus debetur) sed etiam
originalem eminentiam ex qua tan-
quam ex causa aliquo modo pen-
dent, quoad suum bene esse.

IV. 2. Debent illis subjectionem,
qua potestatem & authorita-
tem ipsorum sic agnoscant, ut can-
dem studeant illatam conservare.
Potestas enim & authoritas superio-
ris non magis consistere potest actu,
sine hac subjectione, quam relatum
unum,

num, sine suo correlato. Huic autem subjectioni, non tantum violenta omnis infusio, sed etiam contemptus, & vilipendium adversatur. Quamvis enim subiectio erga homines non sit proprie ipsius anime, debet tamen ab anima proficisci. *Ephes. 6. 6. 7. Col. 3. 23.*

V. 3. Debent illis obedientiam, qua prestare parati sunt, quæ ab illis præscribuntur. Hæc obedientia distinguitur à subjectione, tanquam speciale à generali. Subiectio enim in communi respicit auctoritatem ac potestatem superioris: sed obedientia respicit præceptum aut mandatum ab illa auctoritate profectum.

VI. 4. Hinc 1. subiectio potest

esse, ubi non est obedientia aut in submissa reculatione obedientiæ, quando illicitum esse constat, quod à superiore mandatur.

VII. 5. Hinc etiam 2. regula obedientiæ, & ratio cur in illicitis obedientia non est prostanda fluit: quia scilicet nemo tenetur cuiquam obedire, nisi quatenus illi subjicitur: sed ad illicita facienda, vel ad peccandum, Deus non vult ut homines hominibus subjiciantur.

VIII. 6. Debent illis submissam gratitudinem, qua beneficia illa quorum participes facti sunt ex ipsorum potestate, student pro viribus compensare.

CAP. XXI.

De Mutua obligatione inter conjuges.

Questio prima. Quomodo se gerere debeat maritus, erga suam uxorem?

I. R. 1. In omnibus debet uxorem habere pro socia conjunctissima, & quasi parte sui, vel ejusdem totius, in paritate quadam honoris. *Eph. 5. 28. 29.* Hinc 1. Socialis & maxime intima dilectio intercedere debet inter maritum & uxorem. 2. atrox, gravis, aut contumeliosa tractatio uxoris aliena est plane à conjugii natura. *Col. 3. 19.* 3. Honor singularis præctice debetur uxori à

marito. *1. Petr. 3. 7.*

II. 2. In omnibus tamen gerere se debet tanquam caput uxoris. *1. Corin. 11. 3. &c.* Hinc 1. debet excellere scientia ac prudentia ut possit recte præire, præesse, & dirigere uxorem à se pendentem. *1. Petr. 3. 7. 1. Cor. 14. 35.* Ex qua etiam prudentia cedere sæpe debet suo juri, & consulere uxoris infirmitati, & in tolerantia defectuum uxori præire. *1. Petr. 3. 7.*

III. 3. 2. Debet eidem pro sua facultate & conditionis ratione in

E f 3

omni-

omnibus necessariis providere. *1. Tim. 5. 8.* 3. Debet eam gubernare in eis, quæ pertinent ad bonos mores, & administrationem domus. *Num. 30. 14.*

Quæstio secunda. Quomodo se gerere debeat uxor erga suum maritum?

IV. R. Præter commune officium socialis & intimæ dilectionis, debet 1. subicere se marito tanquam capiti suo. *1. Cor. 11. 3. Eph. 5. 22. Col. 3. 18. 1. Petr. 3. 6.*

V. 2. Debet ita se gerere, ut honorem, & (si fieri possit) emolumentum adferat suo marito. *Prov. 12. 4. & 14. 1. & 31. 10. 11. 12. & c.*

VI. 3. Debet cum timore, ac submissa reverentia cavere, ne maritum offendant. *Ephes. 5. 33. 1. Petr. 3. 2.*

VII. 4. Debet in omnibus ita se gerere, ut maritus in ipsa conquiescere possit, tanquam in altero ipso. *Psal. 45. 11. 12.*

C A P. XXII.

De mutua obligatione inter parentes & liberos.

Quæstio prima. Quanam tenentur parentes suis liberis præstare?

I. R. 1. Tenentur imprimis liberis alimenta subministrare, usque dum idonei fuerint ad semetipsos sustentandos. *1. Tim. 5. 8.* Hoc officium oritur ex ipsa naturæ propensione, quæ est homini cum belluis communis: quia ipsæ feræ, sevæ ac immanes bestię prolem nutrire solent, usquedum adoleverit. Ex eadem ratione sequitur, peccare matrem, quæ non alit liberos ubere suo proprio, nisi cauta iusta sit impedita.

II. 2. Tenentur vel per se, vel per alios, nutrire ipsos in disciplina, & admonitione Domini. *Eph. 6. 4.* Ratio est, quia non tantum curare debent parentes ut liberi sui vivant,

sed etiam ut bene Deo vivant. Hinc 1. debent (pro ipsorum captu) instituere illos in principiis religionis, ut semina saltem conscientię, pietatis, & bonorum morum concipiant etiam à teneris annis. *2. Tim. 3. 15. 1. Reg. 18. 12. Prov. 4. 3. 4. & 31. 1. 2. & c.* 2. Debet etiam idoneis mediis detertere eos à malo, & incitare ad bonum. *1. Sam. 3. 13.* Hinc etiam correctio non solum verbalis, sed & realis est in suo loco necessaria. *Pr. 13. 24. & 19. 18. & 22. 15. & 23. 13.* Sed tamen illa moderatio semper debet adhiberi, ne liberorum animi exacerbentur. *Eph. 6. 4. Col. 3. 21.*

III. 3. Tenentur patriam suam potestatem sic exercere, ut cedat in maximum commodum filiorum, non

non tantum dum sunt sub dominio parentum, sed etiam postea. Huc autem illa duo præcipue spectant.

1. Ut prospiciant ipsis de honesta, & apta occupatione vitæ. *Prov. 22. 6. 2.* Ut quando opus fuerit, honestum & aptum conjugium ipsis procurent. *1. Cor. 7. 38.*

Quæstio secunda. Quæ & qualis sit patria potestas?

IV. R. 1. Patria potestas, est jus quod parentes acquirunt in suos liberos ratione generationis, & educationis. Hinc omnis patria potestas sua natura, est ad liberorum bonum procurandum, regendo, & coercendo; neque potest extendi ad jus vitæ ac necis.

V. 2. Maxima est potestas patria in liberos, dum adhuc desituuntur recto usu rationis: tum enim omnes liberorum actiones sunt sub dominio parentum: quia semetipsos regere non possunt.

VI. 3. Cum jam pervenerunt ad perfectum usum rationis, potestas patria in eis præcipue versatur, quæ ad communis familiæ statum aliquid momenti habent. Quoad alia potestas est minor in parentibus; sed obsequii vinculum augeri videtur in liberis: quia tunc magis intelligunt quid parentibus debent.

VII. 4. Postquam ex parentum consensu, vel expresso, vel tacito, in sua potestate sunt constituti, tum patria potestas proprie sic dicta cessat, quamvis nunquam cessare pos-

sit debitum gratitudinis, observantiæ, & pietatis filialis.

Quæstio tertia. Quænam tenentur liberi suis parentibus præstare?

VIII. R. 1. Debent parentibus, sicut & parentes ipsis, singularem amorem, cujus privatio *ἀσπλγία* inter vitia maxime detestanda numeratur. *Rom. 1. 31.*

IX. 2. Debent reverentiam & honorem singularem: sicut verba quinti præcepti sonant: cui ut abominanda peccata opponuntur, contemptus. *Lev. 20. 9. Dent. 27. 16. Prov. 20. 20.* irrisio & sublatio. *Prov. 15. 5. & 30. 17.*

X. 3. Debent subjectionem, & obedientiam. *1. Tim. 3. 4. Tit. 1. 6. Eph. 6. 1. Col. 3. 20.*

XI. 4. Debent singularem tolerantiam in ferendis & regendis infirmitatibus parentum. *Prov. 23. 22. Gen. 9. 22.*

XII. 5. Debent timorem. *Lev. 19. 3.*

XIII. 6. Debent ipsis cum omni gratitudine vicem rependere in bene illis faciendo, quando opus est. *1. Tim. 5. 4. Matth. 15. 4. 5. 6. Marc. 7. 12.*

XIV. 7. Omnia hæc officia sic præstari debent à liberis, ut rationem quandam habeant pietatis. *1. Tim. 5. 4.* Quia Parentes respectu liberorum suorum singularem imaginem gerunt Dei, quatenus est creator, sustentator, & gubernator.

fideles, & pios, non debent inde occasione ullam capere subjectionis & obedientiæ suæ deminuendæ, sed potius augendæ: quia tam ipsorum charitas, quam dominorum meritum & gratitudo hac ratione augeatur; atque adeo cum domini sint magis digni, & servi magis obligati, officia non debent remitti, sed eo magis intendi, *1. Tim. 6. 2.*

VIII. Dominorum officium est generale, absolutum imperium in suos servos nec exercere, nec sibi permissum imaginari; sed dominium limitatum, cujus rationem reddere debeant Deo tanquam Domino communi ipsorum & servorum suorum. *Eph. 6. vers. 9. Col. 4. 1.*

IX. Debent suis servis præstare quod justum est. *Col. 4. 1.* id est, omnia quæ pro labore jure debentur. *Jac. 5. 4.* qualia sunt alimenta servitio aut famulatui congruentia, quo nomine victus, vestitus, & habitatio comprehenduntur. *Prov. 31. 15.*

X. Debent etiam ipsis præstare quod æquum est. *Col. 4. 1. i. c.* illa quæ à servis non possunt exigi, quasi jure suo debita, sed ex recta ratione debentur: qualia sunt benevolentiam singularem declarare erga servum fidelem & prudentem. *Prov. 14. 35.* cumque ad honorem promovere. *Prov. 27. 18. & 17. 2.* Non desistere servum agrotantem. *Mat. 8. 6.*

XI. Debent insuper curare, ut servi instituantur in doctrina religionis, & assueant ad exercitia pietatis; nec non ducere ipsos in via recta, & abducere à peccato. *Decal. præc. 4. Prov. 29. 12.*

XII. Debent humanitatem ac lenitatem exercere erga servos, non imperiose & minaciter, cum ipsis, tanquam cum pecudibus agentes. *Eph. 6. 9.*

XIII. Debent servos protervos corrigere *Prov. 29. 19.* aut si sint incorrigibiles expellere domo. *Psal. 101. 6.*

CAP. XXIV.

*De Mutua obligatione inter Ecclesiasticos præfectos,
& cetera Ecclesia membra.*

Questio prima. Quale sit officium præfectorum?

I. R. 1. Debent sic sese gerere erga Ecclesiam, ut decet ministros, non dominos. *1. Petr. 5. 3. 2. Cor. 4. 5.* Sunt autem servi aut famuli proprie Dei tanquam Domini. *Mat.*

20. 19. & Ecclesiæ tanquam objecti cui eorum servitium & opera impenditur. Hinc est quod quatenus considerantur ut delegati Christi, mandata ejus ex singulari commissione deferentes & exequentes, agant omnia ex autoritate. *Tif. 2. 15.*

G g

quam-

quamvis in semetipſis conſiderati, & in modo agendi, qui perſonas ipſorum ſpectat, ſunt omnium ſervi. 1. *Cor. 9. 19.*

II. 2. Debent omni modo anniti, ut miniſterium ſuum poſſint implere. *Col. 4. 17.* Tam intenſive, quoad zelum, & inſtantiam in officio faciendum; quam extenſive, in omni parte officii curanda. 2. *Tim. 4. 2.* Idque conſtanter, ſine animo reſpectandi. *Luc. 9. 62.*

III. 3. Debent ſe in omni officio pietatis exemplaria præbere regi. 1. *Tim. 4. 12. 1. Pet. 5. 3.*

IV. 4. Debent maniſeſtam diſſerentiam facere inter bonos & malos, ita ut malos à ſua malitia abducant, & bonos in ſua via confirment. *Jer. 15. 19. 23. 14. 15. 17. Ez. 13. 18. 22.*

V. 5. Debent etiam diſcernere inter perfectiores, & imperfectiores ex ipſis bonis, & congruenter ſeſe in omnibus accommodare. 1. *Corinth. 3. 1. 2.*

VI. 6. Debent in omnibus iſtis diligentiam ſingularem præſtare, tanquam milites 2. *Tim. 2. 4.* agricolæ, 1. *Cor. 3. 9.* paſtores, vigiles, rationem omnium ſingularem Deo reddituri. *Hebr. 13. 17.*

VII. 7. Debent hæc omnia ſic facere, ut oſtendant ſe non reſpicere ſeipſos, ſed Dei gloriam, & Eccleſiæ exadificationem.

Quæſtio ſecunda. Quale ſit officium reliquorum Eccleſiæ membro-

rum erga præſectos?

VIII. R. 1. Debent ipſis ſingularem reverentiam, propter dignitatem illam in qua ſunt à Chriſto collocati, tanquam ejus vicem gerentes. *Eſa. 52. 7. Rom. 10. 15.* Hæc reverentia quamvis ſit proprie civilis, quia tamen non tantum imperatur à religioſo Dei cultu, ſed etiam ab eodem directe & immediate derivatur, & cum eo individuum habet connexionem, idcirco ſingularis eſt naturæ, id eſt, participative religioſa.

IX. 2. Debent eos ſupra modum charos habere. 1. *Theſſ. 5. 13. Galat. 4. 14. 15.* Qui enim magni beneficii participes ſunt, non poſſunt non magnopere diligere eos per quos, tanquam instrumenta, fuit ipſis communicatum.

X. 3. Debent ipſis obedientiam. *Hebr. 13. 17.* Hæc autem obedientia quatenus reſpicit voluntatem Dei per illos ad nos delatam & applicatam, debet eſſe ſpiritualis, in actibus pure internis. Sed in aliis etiam, quæ ad ipſorum officium ſpectant, & nullam apparentiam habent peccati, ſcandali, neq; notabile cuiquam adferunt detrimentum, conſentaneum eſt ut ipſis obedientia præſtetur.

XI. 4. Debent curare ut ſuppellant ipſis omnia neceſſaria ad vitam, & ſtatum honeſtum. 1. *Cor. 9. 11. Gal. 6. 6. Roman. 15. 27. 1. Tim. 5. 17.* Neque eſt iſta communicatio gratuita ex charitate, ſed ex juſtitia debetur. *ibid. 18.*

XII. 5.

XII. 5. Hæc omnia debent ita præstari, ut alacritatem animi addant ministris in officio suo fungendo. *Hebr. 13. 17.*

XIII. 6. Quia tamen non de-

bentur hæc ratione tituli, sed propter ordinationem divinam, & operam impensam; *1. Thess. 5. 12. 13.* idcirco neque hominum creaturis debentur, neque protus indignis.

CAP. XXV.

De Mutua obligatione inter Magistratus, & subditos.

Questio prima. Qualis sit potestas Magistratus?

I. R. 1. Potestas hæc est maxima inter humanas: quia reliquis omnibus supereminet, easque regit. *Rom. 13. 1.*

II. 2. Est à Deo instituta in communi, ut scilicet sint magistratus, vel publici gubernatores. *Rom. 13. 1. 2. 4.* quamvis in specie, quoad hanc aut illam formam, sit creatura humana. *1. Petr. 2. 13.*

III. 3. Hinc ista potestas non est absoluta, sed duplicem habet limitationem: 1. à voluntate Dei, cujus est minister, est omnis magistratus. *Deut. 17. 18.* 2. ab illa voluntate hominum, quæ conditionibus aut legibus illis continetur, in quibus imperii potestas fundatur.

IV. 4. Jus Regis. *1. Sam. 8. 9.* 11. quod (ex veteri versione) adfertur à quibusdam pro illimitata Regum potestate, non magis talem potestatem probat in Rege, quam eadem vox approbat iniquitatem sacerdotum. *1. Sam. 2. 13.*

V. 5. Negari non potest, quin

populus aliquis necessitate coactus, possit se vendere Regi, ut omnes sint plane servi ipsius. *Gen. 47. 23.* sed neque hoc unquam præsumi debet, quando non est manifestum; quia contra mores est, & contra naturæ inclinationem: neque licite honeste ab ullo principe quæri potest; quia ejus officium est communem utilitatem populi præcipue spectare, neque denique civitas aut politia esset, quæ illum in modum constitueretur, sed herile dominium, & servitium monstrosum.

Questio secunda. Quodnam sit officium Magistratus?

VI. R. 1. Debet subditis protectionem eminentem, qua tuti præstentur ab omni perturbatione, metu, & impedimento bene vivendi. *1. Tim. 2. 2. Esai. 32. 2.* Huc spectat coercitio & repressio improborum. *Psal. 101. 8.*

VII. 2. Debet ipsis eminentem directionem, prospiciendo scilicet ut suppetant illis omnia media, quibus possint in bene vivendo promoveri. *Psal. 72. 6. 7.*

VIII. 3. Prima Magistratus cura debet esse, religionem veram promovere, & impietatem prohibere. *Esa. 49. 23. Psal. 2. 11.* Exempla hujus curæ laudantur in Davide, Salomone, Josaphat, Hezekia, Josia, &c. Negotia Jehovah, & negotia Regis. *2. Chron. 19. 11.* non sunt ita disparata, quasi cura & cognitio eorum quæ sunt Dei, non pertineret ad Regem; sed ita distinguuntur, ut in modo procurandi Rex politice suas partes agat, & sacerdos ecclesiasticæ suas.

IX. 4. Debet Magistratus fovere etiam & promovere externam felicitatem subditorum, non exactionibus iniquis perturbare & evertere ipsorum fortunas. *Prov. 28. 15. 16.*

X. 5. In istos fines, incumbit Magistratui singularis cura legum, & judiciorum, ut cum omni iustitia & æquitate, tam constituentur, quam executioni mandentur. *Esa. 10. 1. Jer. 5. 1. Deut. 1. 16. 17. 2. Chron. 19.*

XI. 6. Debet exemplo bono subditis suis præire, coque pro ratione muneris eminenti. *Psal. 101. 1.*

XII. 7. In moribus debet se gerere ut fratrem reliquorum, & in officio ut patrem. *Deut. 17. 20. Esa. 22. 21.*

Quæstio tertia. Quodnam sit officium subditorum erga Magistratus?

XIII. R. 1. Debent pro ipsis singulariter orare, idque omni genere

orationis. *1. Tim. 2. 1. 2. Psal. 20.* Debetur autem hoc officium, non tantum qua subditorum bonum in ipsorum bono continetur: *Jer. 29. 7. 1. Tim. 2. 3.* sed etiam quas singularis honor Dei ex ipsorum potestate & administratione pendet. *1. Petr. 2. 17.*

XIV. 2. Debent ipsis singularem venerationem. *Prov. 24. 21. Rom. 13. 7.* Hujus autem fundamentum duplex est: 1. Ordinatio, & imago Dei, quæ in ipsorum eminentia elucet *Rom. 8. 3.* 2. Benedictiones illæ quæ ad subditos derivantur per ipsos, tanquam per instrumenta Dei. *Psal. 72.*

XV. 3. Debent ex singulari reverentia cavere, ne temerarium judicium ferant de ipsorum administratione *Exod. 21. 28. Eccl. 10. 20. 2. Petr. 2. 10. Jud. 8.* Fundamentum hujus cautionis est 1. candor ille qui cum erga omnes debet adhiberi, tum singulariter erga superiores. 2. Difficultas explorandi fontes & causas negotiorum publicorum. 3. Moderatio illa, qua leves infirmitates & offensiones tolerare debemus, & communi tranquillitati condonare.

XVI. 4. Debent ipsis subjectionem, & obedientiam. *Rom. 13. 2. 5. Tit. 3. 1.* Fundamentum hujus est 1. supereminentia potestatis quam magistratus acceperunt ad directionem subditorum, quæ finem suum consequi non potest absque subdito-

subditorum obedientia. *Rom. 13. 1.*
 2. Bonum commune quod ex hoc ordine imperii & subjectionis emanat. *ibid. v. 3. 4.* 3. Timor. 4. Conscientia erga Deum. *ibid. v. 5.*

XVII. 5. Debent ipsis officia præstare, & solvere tributa. *ibid. v. 6. 7.* Fundamentum est 1. cura debita boni communis. 2. Debitum gratitudinis, propter beneficia quæ ex publica administratione in omnes derivantur. 3. Debitum justitiæ propter operam publicam à Magistratibus navatam.

Quæstio quarta. An & quatenus leges humanæ obligent conscientiam?

XVIII. R. 1. Conscientiam propriæ, directæ, immediate, & per se, nihil obligat præter legem divinam. R. 1. Quia conscientia vel anima non propriè subicitur nisi Deo. 2. Quia regula conscientiæ est lex Dei in corde inscripta. *Rom. 2. 15.* 3. Quia homines non possunt de conscientia judicare. 4. Quia non possunt spirituales pœnam conscientiæ inferre.

XIX. 2. Leges tamen humanæ observandæ sunt propter conscientiam erga Deum. *Rom. 13. 5.* R. Quia lex Dei constituit hunc ordinem, ac potestatem, & subjectionem ac obedientiam eidem jubet præstari. *ibid.*

XX. 3. Quia autem lex Dei directè & immediate subjectionem imperat erga potestatem superemi-

nentem, ideoque in omnibus legibus humanis, obligantur subditi, ne eisdem sese opponant ex contemptu authoritatis publicæ, aut quidquam admittant, quod tale quid cum scandalo præ se ferat. *ibid.* R. Quia potestatis contemptus, & aliorum offensio, est per se peccatum adversus legem Dei.

XXI. 4. Leges illæ humanæ quæ vel urgent, vel declarant legem divinam, vel directè faciunt ad ejus conservationem, obligant etiam in conscientia. R. quia tales leges, quatenus sunt tales, participant naturam & vim legis divinæ.

XXII. 5. Aliæ leges humanæ quia possunt esse vel justæ, vel injustæ, vel partim justæ, & partim injustæ, idque ratione efficientis, materię, formæ, finis, & hujus aut illius subiecti, vel adjuncti, ideoque, non ita simpliciter alligant, ut earum quolibet violatio culpam lethalem inducat. Si enim sic esset, tum quot sunt leges tot esset laquei animarum, & qui sub legibus vivunt, pluribus multo peccatis essent obnoxii, quam qui in barbaris gentibus, vel absque legibus, vel cum paucissimis, transgunt vitam.

XXIII. 6. Legis hujus aut illius mere humanæ transgressio non est speciale genus peccati, secundum legis materiam; prout est violatio legis divinæ; sed eatenus tantum est peccatum, quatenus violat legem obedientiæ generalis ita ut omnes.

transgressionem talium legum ad unum genus peccati referantur.

XXIV. 7. Obligatio legis non potest extendi ultra intentionem & mentem legislatoris, eamque iustam. Presumendum autem est nullum hominem velle suos subditos ad lethalem reatum & damnationem obligare, propter quemlibet suae voluntatis neglectum. Imo si in aliquo casu magnum damnum, scandalum aut incommodum ex observatione quarundam legum sequitur, praesumitur non intendisse legislatorem, ut in illo casu observaretur.

XXV. 8. Si intentio legislatoris esset iniusta, intentio tamen aut finis legis, si modo sit legitima, semper est iustum, aequum, & bonum commune.

XXVI. 9. Intentio & obligatio legis non debet extendi ultra causam & rationem ejus; ita ut ratione, vel causa cessante, cesset etiam obligatio legis.

XXVII. 10. Obligatio legis cessat, quando vel per desertionem, vel per contrariam consuetudinem, ex tacito consensu, vel conniventia superiorum, habetur pro abrogata. Consensu autem censendi sunt superiores (saltem interpretative) in abrogationem legum suarum positivarum, quando passim & diu eas

negligi sciunt, & non reclamant.

XXVIII. 11. Multae leges sunt pure poenales, ita ut ipsis plane satisfiat, si poena solvatur. R. 1. Quia legis finis est detertere homines à communi & frequenti usu hujus aut illius rei; ad quem finem sufficit constitutio poenae. 2. In talibus etiam legibus est tacita conventio & pactum, de poena ferenda si contra fiat. Contra leges autem conventionales, aut sub conditione latas, venire quis potest absque peccato. 3. De talibus legibus, intelligentes homines nunquam faciunt scrupulum conscientiae, si absit contemptus, scandalum, & notabile damnum. Tales sunt leges de non venando, de non piscando, de volucribus aut feris non capiendis, de non utendo hoc aut illo genere vestium, ciborum; &c.

XXIX. 12. Non obligat lex poenalis ad poenam sustinendam, nisi post sententiam judicis illud ipsum definientem; & maxima etiam ex parte, quum illa sententia executioni mandatur. Obligat enim lex poenalis ex ordine tantum ad poenam patiendam, non sponte solvendam, aut querendam, quod esset ridiculum.

XXX. 13. In omni dubio, praesumendum est pro iustitia & aequitate legis, & moderata ejus intentione, aut vi obligante.

CAP. XXVI.

*De aequitate legum Mosaicarum, quæ sunt
appendices quinti præcepti.*

Quæstio prima. An æquum sit ut morte plectatur, qui percutit, aut maledicit parenti, secundum legem, *Exod. 21. 15. 17. Lev. 20. 9.*

I. R. 1. Legis hujus æquitas moralis approbati videtur à Domino; sub novo Testamento. *Matth. 15. 4. Marc. 7. 10.*

II. 2. Parricidium est omnium peccatorum adversus homines maxime horrendum. Sed percutere, aut maledicere parenti, est gradus quidam parricidii.

III. 3. Peccata contra naturam, aut legem naturæ, sunt gravissima: quia lex magis inscripta cordi, plus habet legis in sese, propter plenioris manifestatione & convictionem comitantem, qua major arguitur contumacia ejus à quo violatur. *Rō. 1. 26. 27. 1. Tim. 5. 8.* Æquum est igitur ut gravissima poena contra illos decernatur, qui hujusmodi peccata non metuunt patrare.

IV. 4. Multa peccata in istis involvuntur. Nam 1. Summum officium charitatis in suo primario objecto graviter violatur. 2. Summæ ingratitudinis crimen incurritur. 3. Inobedientiæ pessimæ professio clara perhibetur. 4. Reverentiæ omni palam renunciatur. 5. Imago Dei

turpiter violatur.

V. 5. Multorum etiam aliorum scelerum semina in isthoc peccato continentur. Nam 1. Domesticae disciplinae vinculis effractis, janua patet omni licentiæ peccandi. 2. Dispositio & habitus istis moribus contrahitur contumaciæ & rebellionis adversus omnes superiores, & Deum ipsū. 3. Parentum amor, & cura liberis necessaria, extinguitur.

VI. 6. Gravi hac poena in istud flagitium statuta, multa inde sequuntur bona. Nam 1. Liberi continentur in officio erga parentes. 2. Parentes redduntur diligentiores, & accuratiores in liberorum suorum educatione recta, ne ipsorum culpa tandem incidant in istam capitalem noxam. 3. Exerceantur juvenes ad reverentiam erga superiores suos omnes, & erga Deum ipsū; nec non ad peccati naturam ritè aestimandam.

Quæstio secunda. An æqua sit lex illa *Deut. 21. 18.* de filio contumaciæ morte afficiendo?

VII. R. 1. Æquitas hujus legis apparet ex causis. Nam agitur 1. de filio qui commellationibus, & compositionibus, familiam & statum parentum perturbat & perdit. *v. 20. Prov. 19. 26. & 28. 7. 24. & 29. 3.*

In tali

In tali autem filio furti & latrocinii crimen invenitur cum singulari aggravatione respectu eorum adversus quos admittitur.

VIII. 2. Agitur de filio incorrigibili, *vers. 18.* talis autem filius cum inobedientia pertinaci, desperationem sui conjunxit, ita ut nihil aliud possit de ipso expectari, quam ut a quæ perniciosa futurus esset reip. ac fuit antea familie paternæ, si diutius in vivis maneret.

IX. 3. Agitur de filio, qui ab alienavit à se animam parentum, eosque reddidit sibi severos accusatores: *vers. 19. Prov. 19. 26.* quod plerisque parentibus acerbius est morte. 2. *Sam. 13 1/2*

X. 4. Similis æquitas apparet ex conditionibus ab ista lege requisitis. Nam 1. Non in Magistratum arbitrio ponitur executio hujus legis, immediate, sed parentum indulgentia nimia, maxima ex parte, peccantium. 2. Parentibus non per modum mandati, imperati, sed per modum potestatis concessæ, hæc lex ferri videtur. 3. Non omnibus parentibus hæc potestas datur, sed illis solis, qui officium suum fecerunt in privata filiorum institutione & castigatione. Aliis non permittitur publicè con-

queri de filiorum dissolutione, quam sibi metipsis acceptam ferre debent, & incommoda inde sibi creata pro pœnis habere juxta Dei dispensatione inflictis.

XI. 5. Apparet etiam ex eventu, legem istam fuisse non iniquam. Quamvis enim non possit dubitari, quin filii familias hac ratione magis in officio continebantur, nullum tamen exemplum in toto veteri Testamento extat, alicujus filii, qui istam ob causam ad hunc modum, fuit morte multatus.

Quæstio tertia, An æqua sit lex illa *Deut. 17. 12.* de homine morte afficiendo qui non auscultat judici, aut Sacerdoti?

XII. R. 1. Æquitas legis illius facile apparebit, si observemus 1. non agi ibi de simplici inobedientia, sed de illa quæ petulantiam, arrogantiam, & seditionem habet conjunctam. 2. de inobedientia in illis rebus quæ ex legi Dei manifesto & clare determinantur. *vers. 11.* 3. de inobedientia eorum qui singulari fœdere, sponderant obedientiam.

XIII. 2. Quia tamen lex ista pendebat ex parte à peculiari statu illius populi, non potest in rigore ad omnes populos extendi.

CAP. XXVII

Præcept. 6.

*De Mansuetudine, patientia, longanimitate,
& placabilitate.*

Questio prima. Quænam sunt fundamenta harum virtutum?

I. R. 1. Mansuetudo illa erga Deum, qua compositis affectibus ejus verbum recipimus. *Jac. 1. 21. 22.* & ejus jugo nos subjicimus. *Mat. 11. 30.*

II. 2. Charitas erga fratres, qua omnia bona ipsis volumus, & miseret nos malorum ipsorum. *Gal. 3. 22. 23. Eph. 4. 2. Tit. 3. 2.*

III. 3. Humilitas qua parati sumus fratribus nos subicere in eorum bonum. *Eph. 4. 2. Col. 3. 12. 1. Petr. 5. 5. Phil. 2. 3.*

Questio secunda. Quomodo discernendæ sunt istæ virtutes ab alijs dispositionibus quæ earum speciem & nomina inducere solent?

IV. R. 1. Virtutes istæ alio & alio modo se habent, prout recta ratio suadet, & causa videtur postulare. *Gal. 4. 20. Jud. 22. 23.* Non est enim mansuetudo & patientia, sed stoliditas potius, quæ causas & rationes rerum non percipit, aut non rite perpendit.

V. 2. Virtutes istæ efficiunt quidem ut multa largiantur homines de suo jure, sed de jure Dei nihil volunt

detractum. *Gal. 4. 12. &c.* Non est enim Christiana mansuetudo aut patientia, quæ non cum zelo opponit sese peccato, sed stupida lenitudo. *1. Sam. 12. 13.*

VI. 3. Virtutes istæ sic afficiunt hominem, ut non impediunt eum, sed juvent, & dirigant in emendatione quaerenda fratris peccantis. *Gal. 6. 1.* Mollities enim est, non mansuetudo, quæ tanti facit quietem, ut negligat officii curam.

VII. 4. Istæ virtutes igitur quamvis nunquam plane debent abesse ab homine Christiano, aliquando tamen, quoad exercitium, debent intermitteri. *1. Cor. 4. 21.*

Questio tertia. Quibus argumentis excitatur animus ad studium harum virtutum?

VIII. R. 1. Si consideremus Dei erga nos mansuetudinem, patientiam & longanimitatem. *Eph. 4. 32. Col. 3. 13.*

IX. 2. Si consideremus nos ipsos, quales fuimus, *Tit. 3. 3.* & quales adhuc sumus. *Gal. 6. 1.*

X. 3. Si consideremus quomodo Deus gratiam suam dispensare potest ac solet. *2. Tim. 2. 25.*

CAP. XXVIII.

De Lentitudine & iracundia.

Questio prima. Quale peccatum est lentitudo?

I. R. 1. Est peccatum ex defectu iræ, quo prætermittitur officium iustitiæ, vel charitatis, ad quod quis tenetur, ut monere, corrumpere, punire peccatorem.

II. 2. Speciem quandam habet mansuetudinis: sed talem qualem audacia habet fortitudinis, & pertinacia constantiæ.

III. 3. Speciem etiam quandam habet longanimitatis, aut tarditatis ad iram. Sed hæc est differentia, quod longanimis tardus sit ad iram ex intelligentia. *Prov. 14. 29.* eaque non humana, sed cælesti. *1. ac. 3. 17.* sed lentitudo est vel ex naturæ tarditate, vel ex sapientia humana & carnali.

IV. 4. Propria igitur malitia lentitudinis, est omissio officii illius debiti, cujus est causa. *1. Cor. 5. cum 2. Cor. 7. 11.*

Questio secunda. Quale est peccatum iracundiæ?

V. R. 1. Peccatum est in excessu

iræ, quæ modum debiti non observat.

VI. 2. Peccatum autem est primo, ratione causæ impellentis, quando sine legitima ratione ira concitatur. *Math. 5. 22.*

VII. 3. Secundo, ratione gradus, aut mensuræ, etiam in causa iusta. *Gen. 49. 7.*

VIII. 4. Ratione finis, quando non dirigitur ad Dei gloriam, & coercitionem peccati, sed sit propriæ gloriæ, arrogantis, aut cōmodi causa. *Prov. 13. 14. & 21. 24. & 28. 25.*

IX. 5. Ratione effectuum directorum, ut quando prorumpit in execrationes, aut maledictiones. *Pf. 106. 33.*

X. 6. Ratione effectuum indirectorum, ut quando facit hominem animi impotentem. *Prov. 16. 32. Luc. 21. 19.* aut ineptum ad Dei iustitiam exequendam, id est, ad officia ill præstanda, quæ Deus præscripsit & requirit.

XI. 7. Ratione adjunctæ durationis, quando iusto tempore non sedatur. *Eph. 4. 26.*

CAP. XXIX.

De Concordia, & benevolentia.

Questio prima. Quæ in re constituit concordia?

I. R. 1. Concordia laudabilis non est in malo, sed in bono. Alias anim

enim si malum sit notum in quo sit conspiratio, est potius convectordia, quam concordia: si vero sit malum quod videtur aut apparet bonum, est concordia apparens tantum, non vera. *Phil. 1. 27. & 2. 2. & 4. 2.*

II. 2. Hinc vera concordia non est proprie nisi inter bonos: quia versatur circa bona, quæ à bonis tantum quaeruntur. Vnde etiam fit, quod solida nulla sit concordia inter improbos: quia objectum & fundamentum veræ concordia ipsi deest.

III. 3. Concordia est unio cordium aut voluntatum circa bonum appetendum. Quamvis igitur in multis conveniat cum pace, amplius tamen aliquid in se continet. Pacem n. habere possumus cum impiis, *Rom. 12. 18.* sed non concordiam.

IV. 4. Quia vero conjungi possunt voluntates hominum in bono, quamvis omni ex parte non habent sensus consentientes circa illa, quæ pertinent ad bonum quod appetunt, idcirco dissensio opinionum circa illa, quæ minus sunt necessaria, quamvis perfectionem concordia impediat, ipsi tamen concordia non repugnat. *Phil. 3. 15. 16.*

Quæstio secunda. An concordia

sit virtus distincta, & necessaria?

V. R. 1. Concordia prout effectum unionis inter diversos notat, non est virtus, sed aliquid fluens ex virtute diversorum. Sed studium concordia est virtutis actus. Ipsa autem inclinatio ac dispositio ad hoc studium ratione tantum differt à charitate.

VI. 2. Necessarium est studium concordia 1. ratione charitatis à qua fluit, & quam fovet, promovet, & implet. 2. Ratione iustitia, cuius impedimenta removet. 3. Ratione felicitatis tam communis quam privata, quæ unitis viribus concordium bonorum facilius procuratur.

Quæstio tertia. Qua in re consistit benevolentia?

VII. R. Consistit proprie in voluntate illa qua cupimus aliis bene esse. Sed 1. Vera & præcipua bona (qualia sunt spiritualia) tam aliis quam nobis sunt imprimis optanda, & reliqua prout intervniunt illis. *Job. 2.* 2. Bonum non est uni optandum, quod ullo modo cedit in malum aliorum. Opibus igitur aut potentia augeri illos, qui malum aliis moliuntur, & quorum bona sunt mala, non est optandum:

CAP. XXX.

DE AEQUANIMITATE.

Quæstio prima. Quid est æquanimitas?

I. R. 1. Equanimitas est illa moderatio in conversatione cum hominibus,

H h 2

minibus, qua concordia benevolentia & pax conservatur. *Phil. 4. 5.*

II- 2. Hæc moderatio consistit proprie in summi & rigidi juris relaxatione, prout ratio suadet, omnibus circumstantiis rite consideratis.

III. 3. Hæc autem relaxatio, ut virtutis naturam participet, debet moderatum tenorem observare inter duo extrema; ita ut neque nihil, neque tamen omnia sine discretionem relaxet aut condonet.

IV. 4. Ista moderatio imprimis in sermone debet observari; ne tantum arrogemus nobis verbis, quantum in rigore est juris nostri. *Philem. 18. 19.*

V. 5. Observari debet etiam in factis; ut ne jure quidem illo nostro quod verbis defendimus, re ipsa sem-

per utamur. *1. Cor. 9. 15.*

VI. 6. Similis moderatio observanda in aliorum infirmitatibus multis, quas sanare non possumus, placide tolerandis. *Rom. 15. 1. 1. Thess. 5. 14.*

VII. 7. Eadem æquanimitas exercenda est in aliorum delictis ac factis interpretandis; ut scilicet bona qualiacunque probemus; ambigua in meliorem partem, quoad fieri potest, accipiamus; mala non nimis exaggeremus. *1. Cor. 13. 5.*

VIII. 8. Exercenda est denique in injuriis manifestis (quando vel Dei gloria, vel publicum vel privatum hominum bonum inde potest expectari) dissimulandis & condonandis. *1. Cor. 13. 7.*

C A P. XXXI.

D E H O M I C I D I O.

Questio prima. Quid sit homicidium?

I. R. Per homicidium intelligitur illi ita hominis occisio, ad quam referri debet etiam mutilatio, tantquam occisio inchoata & imperfecta. Hinc homicidii peccatum non admittitur, si occidatur homo ex iustitia. Ad istam autem iustitiam ex ordine conditiones istæ requiruntur. 1. Ut causa sit gravis ac iusta. 2. Ut auctoritate publica fiat. 3. Ut ordine ac modis iustis fiat. 4. Ut

fiat ex intentione recta, & iustitiae zelo, non ex ira, odio, vindictæ private cupiditate, aut alia aliqua inordinata passione.

Quæstio secunda. Quenam est iusta causa hominis occidendi?

II. R. Illa sola in conscientia potest haberi pro iusta, quam Deus in lege sua approbavit pro iusta, vel expressis verbis, vel per consequentiam evidentem. Vita enim proximi non subicitur arbitrio cuiusque, nisi illius qui author est & dominus vitæ.

vige. Hominum omnium est, obedire legi, de non occidendo, nulla adhibita exceptione, quæ ab auctore legis non est approbata.

Quæstio tertia. Annon liceat aliquando occidere innocentem?

III. R. Ex intentione & consilio destinato, hoc facere nullo casu licet. Sed 1. licet aliquando tradere innocentem aliis à quibus occidatur. Vt si tyrannus devastaturus esset urbem, nisi illi tradatur innocens aliquis: ille innocens tenetur jure naturali pro totius reip. salute, se morti offerre: & resp. potest cum neque retinere, neque defendere, sed urgere eum, ut officium suum hac in parte præsteret. 2. Per accidens aliquando occidi potest innocens absque peccato. Sinempe necessarium officium requirat, ut nocens unus aut plures occidantur, & illi se defendant per innocentis alicujus interpositionem. Aut si quis fuga necessaria per iter angustum, consulens vitæ suæ, non possit vitare, quin alterum proteret in via.

Quæstio quarta. An aliquando liceat occidere hominem auctoritate privata?

IV. R. 1. Aliquando licet occidere alterum, nulla publica cognitione præcedente: sed tum solum quando causa evidenter postulat, ut hoc fiat, & auctoritas publica non potest implorari. In isthoc enim casu, privatus quilibet justitiæ publicæ minister constituitur, tam nutu

Dei, quam omnium hominum consensu.

V. 2. Hinc non dubitatur, quin liceat aliquando occidere invasorem aut aggressorem suum, ad se defendendum.

VI. 3. Sed ut hoc sit licitum, requiritur 1. ut aggressio sit proprie dicta, & violenta. Vis n. sola debet vi repelli, non qualibet injuria. 2. ut defensio vera & propria sit in ipso actu aggressionis, moraliter saltem, si non physice, non autem preventio, aut insequens vindictio. Si enim invasio ipsa possit declinari, nulla ratio patitur ut huc usque descendatur. 3. Vt sub specie defensionis nihil fiat, quod non est necessarium ad illum finem. Si enim excedat modum aut moderamen inculpatae tutelæ, non est proprie defensio, sed invasio opposita invasioni.

VII. 4. Ad istam defensionem male à quibusdam refertur defensio & recuperatio honoris, sive oppugnetur verbis & sigis contumeliosis, sive factis, ut alapa, sive criminatione aliqua gravi; sive provocatione ad pugnandum, & similia. Nam 1. honor iste de quo agitur magna ex parte est res vana, ex vanorum hominum opinione pendens, nullo modo cum vita hominis comparanda. 2. Honor verus augetur potius quam minuitur istiusmodi injuriarum contemptu. 3. Aliis mediis potest quilibet honorem suum tueri. 4. Fama sublata non potest recuperari

per mortem detractoris. 5. Hac clinationem, atque adeo legem natione: cædibus vulgaribus aperitur via.

VIII. 5. Recte tamen refertur hæc defensio ad castitatem tuendam: quia pudicitie invasor vim & violentiam summam infert, cum injuria tam atroci, & tam irrevocabili, ut jure videatur morti adequari.

IX. 6. Recte etiam extenditur ad defensionem non tantum nostrum, sed & aliorum innocentium. Hoc enim postulat lex, ut proximum diligamus, sicut nos ipsos.

X. 7. Persona invadens potest esse talis, & alie etiam circumstantie, ut magis invalsum deceat mortem ipsam pati, quam defensione tali propulsare.

Quæstio sexta. An licita sit aliquando occisio sui ipsius?

XI. R. 1. Occidere semetipsum ex intentione directa est inter gravissima homicidii peccata. R. Quia sic faciens 1. graviter peccat adversus auctoritatem Dei, qui solus est Dominus vite. 2. Adversus bonitatem Dei, cujus tantum beneficium contemnit. 3. Adversus providentiam Dei, cujus ordinem turbare conatur. 4. Adversus charitatem, qua non minus tenetur se quam proximum in vita conservare. 5. Adversus justitiam, quæ non patitur quenquam remp. & alias societates humanas, quarum pars est quique, membro aliquo ex arbitrio privato spoliare. 6. Adversus communem naturæ in-

XII. 2. Non excusat hoc peccatum, si fiat vel ad vitanda mala magna; vel ad magnum bonum consequendum; vel ex vindicta propter peccata admittenda. Nam neque est idoneus iudex quisquam ad tale quid de semetipso statuendum: neque facienda sunt mala, ut eveniant inde bona, aut ne alia mala sequantur. Frustra igitur excusatur à quibusdam factum Saulis, qui gladio incubuit, ne à Dei suisque hostibus illuderetur.

1. Sam. 31. 4. & simile factum Razis. 2. Mach. 14.

XIII. 3. Licitum est tamen, & aliquando justum, ut quis patiatur se occidi, non prohibendo cū possit sive sit ad justitiæ satisfaciendū; sive in defensione fidei ac honoris Dei; sive in magnum bonum aliorum vel publicum, vel privatum. Hoc enim non est facere malum, sed tantum pati.

XIV. 4. Licitum etiam aliquando est, exponere se tali periculo mortis, ex quo certo, sed indirecte, mors est securura. Sic miles potest consistere in statione, aut capeffere iustum aliquod imperatoris, ex quo novit se illa ratione interimendum. Sic Samson (ex singulari instinctu) directe intendebat Philistæos occidere, non semetipsum, quamvis prevederit suam mortem inde secuturam. Jud. 16. 30. Similis fere est ratio eorum, qui pulvere tormentario accendunt navem qua feruntur, ne perveniat

veniat in hostis possessionem. Non enim directe intendunt semetipsos occidere, sed hosti incommodare.

Quæstio septima. An occisio hominis casualis sit peccatum?

XV. R. 1. Casu dicitur fieri, quod fit præter scopum & intentionem facientis. Hoc autem duplici modo fit: vel enim est præter intentionem absolute tam in se, quam in sua causa; vel in se tantum, sed non in causa. Si primo modo occisio hominis contingat, non est homicidium, nisi materialiter tantum: ac proinde non est peccatum: quia nullo modo est voluntarium. *Exod. 21. 13. Num. 35. 22. 23. Deut. 19. 5.*

XVI. 2. Secundo autem modo si fiat, est homicidii peccatum, gravius aut levius, prout magis aut minus fuit in sua causa voluntarium.

XVII. 3. In isto genere maxime peccat ille qui dat operam rei illicitæ, ex qua immediate sequitur alterius mors: ut si quis alterum injuste & graviter percuteret, sine intentione occidendi, & tamen mors ex illa percussione sequatur.

XVIII. 4. Proximus est gra-

dus peccati ejus, qui dat operam rei illicitæ, ex qua mediate vel per aliud suppositum sequitur occisio alterius: ut qui fovet sicarium, aut homicidam notum, quamvis non faciat cum intentione: ut quæquam occidat.

XIX. 5. Graviter etiam in isto genere peccat, qui datur operam rei illicitæ, non adhibet debitam diligentiam ad homicidium cavendum; ut quum explodit quis bombardam, projicit jaculum, aut sagittam, crassa negligentia insuper habens, utrum obvius sit aliquis, necne.

XX. 6. Quum autem diligentiam singularem tenentur quidam adhibere ex justitia, ad homicidia cavenda, illorum negligentia est cum maxima culpa conjuncta: ut si ministri justitiæ publicæ non faciant officium, in homicidiis & eorum causis, vel occasionibus è medio tollendis.

XXI. 7. Neque illi tamen possunt excusari, qui negligunt officium quod ex charitate tenentur præstare: ut si quis non succurrat alteri quando potest, in periculo gravi.

CAP. XXXII.

DE DVELLO.

Quæstio. An duellum sit licitum?

I. R. Per duellum in ista questione non est intelligenda quælibet

singularis dimicatio aut monomachia vel pugna inter duos (sic enim necessaria defensio propriæ vitæ adversus aggressorem in quæstionem

voca-

vocaretur) sed illa tantum, quæ directè & sponte suscipitur, ex conditò vel conventionè, cum periculo occisionis vel mutilationis. Istiusmodi autem duellum simpliciter est damnandum, tam in acceptante; quam in provocante, quamvis major sit culpa provocantis.

II. Nulla in Scripturis exstat approbatio huiusmodi pugnae: ita ut leges duelli (sicut etiam potandi leges) non sint à Deo scriptæ, sed à Diabolo traditæ in perniciem generis humani. Pugna Davidis adversus Goliath, præterquam quod ex auctoritate publica, in bonum commune suscipiebatur, tanquam bellum partiale, nihil simile habens duelli, inter privatos, sponte & ex conditò suscepti, fuit etiam ex singulari motione Spiritus sancti; atque adeo ex ordine non imitandum.

III. Non est medium aptum, idoneum, & necessarium ad finem aliquem bonum. Non ad veritatis manifestationem, aut criminis purificationem: quia cum nulla sit promissio Dei, quod hoc modo testimonium velit præbere veritati, extraordinariam ejus providentiam tali modo consulere aut appellare, nihil aliud est quam inventio diabólica Deum tentare. Non ad defensionem honoris mundani: quia honor ille,

qui hac ratione defendi potest est vanus, & inter vanos homines obtinens, qui ex perverso abusu, & barbaro more, opinionem istam imbibuerunt; quem si quis anteponit honori apud Deum, qui huiusmodi peccato amittitur; non est habendus pro Christiano. Non ad defensionem honoris Dei, ut si quis infidelem provocaret ad duellum, aut ab illo provocaretur ut ex eventu iudicium fieret de fide: quia sic vel fidei veritas infallibilis ex medio fallaci suspenderetur, vel miraculum à Deo temere expectaretur cum Dei tentatione. Non ad justam vindictam exequendam: quia neque conceditur vindicta privatis, neque in pari duellatorum conditione adest potentia quæ requiritur ad injuriam vindicandam.

IV. Duellum est bellum, inter duos, quod non magis est licitum quam inter plures, atque adeo ejusdem est naturæ cum bello civili, quod sponte & ex conditò suscipere omnes haberent pro infania.

V. In duello, quisque iudex est in sua propria causa, idque ira, furore & vindictæ appetitu turbatus, & semet una cum adversario eidem periculo subicit, in causa levi & gravi.

CAP. XXXIII.

DE BELLO.

Questio prima. An bellum sit licitum Christianis?

I. R. Bellum est, quando per vim certatur. Quod vel privatim fit, de quo antea dictum fuit, vel publice, de quo jam proprie quaeritur.

II. 1. Bellum per se, nude & integre consideratum, est in genere mali. Nam 1. ex altera saltem parte est malum culpe, vel peccatum: quia nullum potest esse bellum ex utraque parte justum. 2. Ex utraque parte est malum pene, propter incommoda plurima quae secum infert. Vnde etiam inter gravissima Dei flagella in Scripturis numeratur.

III. 2. Hinc, signum est hominis feri & barbari, si quis bello sit deditus, bellum simpliciter exoptans, eoque delectatus. *Psal. 120. 7.*

IV. 3. Per se tamen & intrinsece, non semper est illicitum, sed potest certis conditionibus honestari. Si enim sic esset illicitum, tum nunquam à Deo probatum fuisset sub veteri testamento, quod tamen à nemine potest negari.

V. 4. Johannes Baptista tanquam praecursor Christi, in concione de regno Dei, vel baptismo resipiscen-
centiae in remissionem peccatorum, i. e. de novo testamento, *Luc. 3. 14.* rogatus de officio militum, non sua-

det ut abjicerent arma, sed ut recte iis utantur. Similis est ratio Centurionum, & militum ad Christum convertorum. *Luc. 7. Actor. 10. Actor. 13. 12.*

VI. 5. Christus Dominus *Mat. 22.* docet, reddenda esse Caesari, quae sunt Caesaris, inter quae fuerunt vestigalia in stipendia militum, & belli sumptus: quos tamen suppeditare minime liceret, si bellum simpliciter esset illicitum.

VII. 6. Apostolus *Rom. 13.* testatur aperte, supereminentem potestatem gladium gerere ut ministrum Dei, atque adeo publicam potestatem gladii ipsi esse commissam.

VIII. 7. In Apocalypsi, multae sunt prophetiae de bellis à populo Dei gerendis, cum approbatione manifestata.

IX. 8. Supereminens potestas, jure naturae, approbante Apostolo *Rom. 13.* habet potestatem injurias propulsandi, & sibi subditos ab eisdem vindicandi. Sed aliquando accidit, ut hoc fieri non possit, nisi bellum gerendo.

X. 9. Quae contra obijciuntur ex *Matth. 5.* & similibus locis, non ostendunt omne bellum esse simpliciter illicitum. Nam 1. Nihil ibi praecipitur novi, quod non potest

ostendit præceptum etiam in V. T. ubi tamen bellum approbatur. 2. Quæ ibi dicuntur, dicuntur privatis, quatenus affectibus & perturbationibus suis quoquo modo indulgent, non publicæ authoritati, à Deo constitutæ vindici ad iram ei qui malum fecerit. *Rom. 13.* 3. Prohibetur ibi odium inimicitæ & vindictæ meræ, non justitiæ cura. 4. Hyperbolice quædam locutiones adhibentur, ut doceamur, quomodo animis præparati esse debemus, ad summam patientiam, ubi opus fuerit; & quod ad illam partem contendere debeamus, à qua per naturam maxime sumus averſi.

Quæ requirantur
ad bellum
justum?

Quæstio secunda. Quæ conditiones requirantur ad bellum licitum.

XI. R. 1. Requiritur causa justa: ne in illud crimen incuratur, quod toties in Psal. cum detestatione memoratur: *persequuntur me sine causa*. Justa autem belli causa non est injuria quælibet levis aut parva quoniam bellum multans homines gravissimis penis est gravissima & atrocissima plaga, atque adeo non inferenda nisi pro injuria gravi & atroci, vel in se, vel in eo quod inde consequitur. Neque gravis & atrox injuria justam causam præbet belli, nisi post alia omnia media pacis tentata. *Deut. 20. Jud. 20.*

XII. 2. Requiritur secundo in loco autoritas justa. Talis autem autoritas quamvis quoad bellum defensivum reperitur in qualibet

rep. etiam imperfecta; quia omnes jure naturali habent auctoritatem sese defendendi, aut vim vi repellendi; tamen quoad bellum aggressivum, non est nisi penes temp. perfectam, quæ non dependet ab alia superiore, nec recurrit ad illam, sed sibi ad omnia est sufficiens, & integra in omnibus quæ pertinent ad debitam gubernationem. R. Bellum enim aggressivum est supremus actus justitiæ vindictivæ *Jer. 39. 5. & 52. 9.* qualis actus illi soli convenit qui est iudex supremus, & non habet superiore, ad quæ recurrat, & per quem exigit debitam satisfactionem.

XIII. 3. Requiritur tertio recta intentio. Recta autem intentio hæc non tantum in genere debet adesse, ut gloria Dei spectetur, (quæ est communis conditio omnis operis boni) sed etiam specialis illa, quæ intime congruit justitiæ belli; i. e. ne ex affectu, odio, sed ex zelo justitiæ bellum geratur; ut bellum semper tendat ad æquam pacem & tranquillitatem, tanquam ad suum finem.

XIV. 4. Requiritur denique modus justus agendi. In quo tam generalis illa regula est observanda, ne quidquam fiat adversus legem Dei, quam specialis, ne quidquam inferatur aliis mali, quod non est accommodatum ac necessarium ad justum finem belli consequendum; neve receptum jus gentium violetur.

Quæstio tertia. Circa primam conditionem, queritur quatenus constare

De iustitia causæ
cognoscenda.

stare debeat bellum gerentibus de iustitia causæ?

XV. R. 1. Princeps vel author belli, & milites etiam superioris ordinis, qui admittuntur ad concilia belli, diligentissime examinare tenentur, an causas habeant iusti belli, per se; & per alios prudentes & pios. R. Qui enim bellum indicit, gerit vices iudicis in re gravissima. Iudex autem tenetur omnem diligentiam adhibere, in causis examinandis, ad sententiam ex iudicio recto ferendam. Non sufficit igitur ad iustitiam belli, ut Princeps credat se habere iustam causam, sed oportet ut ex cognitionis examine, eandem habeat bene perspectâ. Hinc etiam audiendæ semper sunt rationes adversariorum, si velint ex æquo & bono disceptare.

XVI. 2. Si post sufficientem examinationem, & deliberationem, iustitia belli maneat adhuc plane dubia, sive altera pars sit in possessione, sive non, abstinendum est à bello: quia ille qui bellum gerit in causa dubia, 1. peccat in eo, quod non agat ex fide. 2. Temere exponit se & alios gravissimis periculis, tam peccandi, quam pœnas ferendi. 3. Sententiam iustitiæ vindictivæ fert, & exequitur, absq; ulla causa manifestâ.

XVII. 3. Milites inferioris ordinis, qui sunt subditi Principi bellum gerenti, quamvis in causa manifeste iniusta, non debeant ipsum juvare, si tamen post examen quod ab

ipsis commode potest institui, causa non appareat iniusta, possunt principi suo militare, R. 1. Quia milites tales neque tenentur, neque possunt accurate examinare causas belli; sed sunt exequutores tantum sententiæ alienæ; & instrumenta, quæ non tam moventur proprio consilio ac deliberatione, quam causæ principalis. 2. Quia in causa dubia tutior pars est sequenda: sed tutius est (ubi de nulla iniustitia constat) sequi iustum principis, & consulere suæ ac suorum salutem, quam alienæ.

XVIII. 4. Milites tamen non subditi Principi bellum gerenti, non debent cum in bello juvare, si dubitent de iustitia belli. R. quia in dubiis tutior pars est eligenda, sed tales milites, quum sunt liberi, si in tali casu abstineant à bello, nemini faciunt injuriam; si vero suscipiant tale bellum, tum & conscientiis suis vim faciunt, & exponant se periculo gravi, aliis maximam injuriam faciendi. Hinc illos milites, qui animas habent venales, & parati sunt ad quodcunque bellum suscipiendum; unde majora stipendia possunt expectare, sceleratam agere vitam, & nulla ratione posse excusari, patet.

Quæstio quarta. Circa secundam conditionem quaeritur, an Principi Christiano sit licitum, in bello iusto, vocare in auxilium milites infideles, aut auxilium ipsis ferre?

XIX. R. 1. Hoc per se, & absolute consideratum, non est illicitum.

De auxiliis infidelium.

rum. R. Sicut enim licitum est in bello iusto, uti auxilio bestiarum, ut Elephantorum, equorum, &c. sic etiam licitum est uti auxilio hominum bestialium. Exemplum probatum habemus in Abrahamo, qui *Gen. 14.* arma sua conjunxit cum armis Regis Sodomorum.

XX. 2. Per accidens tamen hoc ita solet illicitum fieri, ut sine magna cautela non debeat tentari. 1. Quia prae se fert speciem quandam diffidentiae; & inclinationis ad finem propositum per fas & nefas consequendum; nec non illicitae cum impiis conjunctionis. 2. Quia solent inde gravissima scandala oriri, tam inter Christianos, quam infideles. 3. Quia infideles non solent fidem datam servare; & sic eorum auxilia cedunt in malum.

XXI. 3. Israhelites non tantum istas ob causas peccarunt, quando usi sunt auxilio infidelium, sed etiam quia singularem habuerunt protectionem Dei sibi promissam, neque poterunt vinci, dum Deo adhererant. 2. *Ch. 16. 8. 9. & 19. 2. 20. 36.*

XXII. 4. Foedus talis amicitiae, quo absolute & sine exceptione causae, auxilia promittuntur mutua ad quodlibet bellum ex occasione suscipiendum, vix, aut ne vix quidem iniuri potest cum Principe fidei, nedum infidei. Hoc enim esset exponere se periculo gravissimi peccati, & suam conscientiam ex arbitrio alterius suspensam habere.

Quaestio quinta. Circa tertiam conditionem, quaeritur, quale sit peccatum, sinistra intentio bellum gerentis, ut odium, invidia, studium honoris, divitiarum &c?

XXIII. R. 1. Intentio prava semper vitiat actionem quamlibet moralem: quia finis qui interdicitur & movet voluntatem ad agendum, maximam vim habet in ipsa actione elicienda. In bello autem gerendo, eo gravius peccatur ex intentione prava, quod acrius eligi debet bellum nec nisi ex causa gravissima & necessaria, etiam ex intentione bona, propter atrocem ejus naturam.

XXIV. 2. Opus tamen ipsum (quatenus ab actione differt) intentione bona vel prava non mutatur: quia intentio est causa tantum effectus, non essentiae rei; pertinet ad modum faciendi, non ad modum rei factae, quae natura sua interna potest ac debet semper aestimari.

XXV. 3. Hinc, in bello quod suscipitur ex causa & autoritate iusta, non est illicitum uti opera eorum, qui ex intentione prava, odio vi, aut ambitione, vel cupiditate praede militabunt.

XXVI. 4. Hinc etiam intentio sinistra in bello alias iusto, quamvis peccatum sit, non tamen infert obligationem alicujus restitutionis: quia non est peccatum contra iustitiam in re ipsa. Sicut enim iudex qui ex odio reum aliquem afficit poena quam meretur, quamvis peccet, non tamen debet

debet isti restitutionem, sic etiam bellum iustum ex odio gerens.

XXVII. 5. In bello injusto, intentio prava auget & aggravat injustitiam ejus. Quum enim injustitia causæ, minuitur & quasi excusatur aliquando per ignorantiam invincibilem, intentio prava facit, ut ignorantia talis non habeat vim causæ excusantis.

XXVIII. 6. Intentio non tantum per se mala, sed etiam levis, & vana, ut virium ostentatio, & similia, non debent quinquam impellere ad bellum gerendum: quia pugnat cum recta ratione, eligere autem medium, & periculi plenum, ad finem vanum consequendum.

XXIX. 7. Intentio licita, ut militiæ exercitatio, & experientiæ comparatio, aut mercedis expectatio, etiam in bello iusto, si principaliter movent animum, quam jus ipsum, actionem totam non possunt non vitare.

Quæstio sexta. Circa quartam conditionem, quaeritur 1. Quinam jure possint lædi in bello, & quatenus?

XXX. R. 1. Bellum iustum proprie & directe geritur adversus nocentes & reos, id est, adversus illos, qui sunt in causâ & culpa propter quam bellum geritur. Illi igitur soli directe & ex proposito debent puniri, secundum rationem justitiæ vindicativæ. Nam sine culpa præcedente, non potest poena iuste cuiquam

infligi. Graviter igitur peccasse videntur Israëlitar, interficiendo filios Benjamin sine delectu. *Jud. 20.*

XXXI. 2. Inter nocentes non possunt numerari infantes, neque ex ordine femine, neque pacifici illi, qui dissuadentes coguntur inter hostes manere.

XXXII. 3. Nocentes ipsi non sunt lædendi, nisi quatenus necessarium est ad iustum finem belli consequendum, id est, vel ad obtinendam iustam compensationem rei ablate, vel ad injuriam vindicandam, vel ad pacem stabiliendam.

XXXIII. 4. Innocentes præter intentionem & per accidens possunt lædi: ut in iusta expugnatione civitatis, aut navis, in qua sunt varii innocentes; & in expoliatione bonorum, quibus hostis aliquo modo ad bellum armatur: quia ex tali conjunctione, innocentes illi habentur pro parte nocentum; & injuria quæ ipsis infertur, provenit proprie à nocentibus illis, in quorum sunt potestate; à quibus etiam restitutio ipsis debetur. Sed charitas tamen & æquitas postulat, ut bellum exerceatur cum innocentum damno quam minimo fieri possit.

XXXIV. 5. Hinc non potest regulariter defendi, ut ulla civitas militibus detur in prædâ pro ipsorum libitu diapienda: quia inter plurima alia horrenda quæ inde sequuntur, in tali direptione, nullum omnino discrimen statuitur inter nocentes

& innocentes.

XXXV. 6. Hinc etiam, non tam bellū iustum, quam latrocinium est, quo intenditur oppressio innoxiorum agricolarum & similium; quale est bellum hodiernum Ferdinandi Imperatoris in Germania.

Quæstio septima. In quibus possint hostes lædi?

XXXVI. R. In eis quæ pertinent vel ad pœnam iustam, vel securitatem necessariam: ut in privatione vitæ, bonorum externorum, & libertatis. In quibus tamen moderamen illud est adhibendum, quod iustitiæ debitum, & securitatis necessitas suadet. Sed in pudicitia & similibus, nulla vis inferri, aut permitti potest, absque gravi peccato. Talia enim neque ad iustitiam pertinent, neque ad securitatem, neque potest in illis peccatum agentis, à pœna patientis separari.

De stratagematis bellicis.

Quæstio octava. An licitum sit uti inidiis, & stratagematis in bello iusto?

XXXVII. R. 1. Insidias & stratagemata militaria Deus ipse iustitiæ author in populo suo approba-

vit mandato. *Ios. 8. 2. & exemplis multis. Vt Iud. 7. 16. &c. & 20. 29. &c.*

XXXVIII. 2. Sed stratagematis licitis non sunt annumeranda mendacia: quia fidem vel illicite dare, vel licite datam non servare, semper est injustum.

XXXIX. 3. In stratagematis tamen licitum est, non tantum consilia & proposita occultare, sed etiam signis aut factis quibusdam prætere ferre intentionem hanc aut illam quam non habes. Quamvis enim directe significare verbis quod falsum est, mendacium sit improbandum; gestibus tamen aut factis quibusdam tale quid indirecte significare, i. e. illud facere, ex quo verisimile est alium conclusurum quod falsum est, hoc non est mentiri: quia facta illa quæ neque ex natura sua, neque ex instituto, vel pacto certo, significant hanc aut illam sententiam, non sunt ejusdem naturæ cum sermone, atque adeo non habent rationem mendacii, quamvis in significatione falsa à spectantibus accipiantur, & illud etiam prævideatur, quæratque,

C A P. XXXIV.

De AEquitate legum quarundam Mosaicarum ad sexrum præceptum pertinentium.

Quæstio prima. Quid juris fuerit in illo, quod arrogans sibi occidere proximum, morte plecten-

us fuerit, *Exod. 21. 14.*

I. R. Sensus est, idemque æquissimus, ut ipsa voluntas occidendi, live

sive machinatio mortis alterius morte puniatur.

II. Hoc autem intelligendum est, non de quacunque voluntate, quamvis verbis forsitan manifestata; sed de voluntate ita propalata, ut homicidium sit in fieri, i.e. inceperit progredi in actum, ita ut quantum in volente fuerit, mors alterius consequeretur.

III. Hujusmodi voluntas pro facto debet puniri: quia talis homo fecit quod in ipso fuit ad occidendum, & sic occidit active, quamvis passio destinata non sit inde secuta. Sic qui sciens volens operam dedit, ut innocens condemnaretur plectendus est ut homicida. *Deut. 19. 19.*

IV. Similis est ratio illius qui vel telo, vel veneno, vel simili aliqua ratione conatus est hominem necare, & illius etiam cujus dolo malo incendium factum est. In istiusmodi casibus, non tam factum, quam animus, non tam exitus, quam voluntas & consilium spectatur.

Quæstio secunda. Quid juris sit in illa lege, de servi morte, aut læsione, minus quam liberi vindicanda, *Exo. 21. 21. 26?*

V. R. 1. Aliqua differentia inter servos & liberos, quoad percussiones, ex eo promanat, quod servi vel mancipia, ex sua conditione obnoxii sint verberibus & plagis, & corpore luere cogantur quod peccarunt: *Luc. 12. 47. 48.* liberorum autem & ingenuorum conditio libe-

ros ipsos præstat ab hujusmodi vi.

VI. 2. Servus tamen non est Domino suo subiectus quoad vitam, sed tantum quoad operam, & illa, quæ eo faciunt. Solus enim Deus, qui dat vitam, est Dominus ejus: nec potest quisquam eam juste auferre, nisi Deus, vel gerens auctoritatem Dei, ut Judex.

VII. 3. Non excusatur igitur Dominus, si servum percussit telo, vel instrumento occidendi, sed si fecerit hoc *virga*, vel instrumento castigandi. *Exod. 21. 20.*

VIII. 4. Qui percutit servum suum virga, non præsumitur hoc fecisse voluntate occidendi, nisi tanta violentia & crudelitas exerceatur, ut sub manu ipsius, vel in continenti, & statim ex plaga moriatur.

IX. 5. Ratio illa, quæ redditur *Exod. 21. 21. Nam pecunia ejus est*, non liberat Dominum in foro conscientie, quasi pecunia sua necis jus in servum acquireret: neque etiam in foro externo, nisi quatenus præsumitur, eum non occidere voluisse quem emerat, sed tantum castigare, & poenam aliquo modo congruam dedisse in eo quod perdidit pretium emtionis.

Quæstio tertia. Qualis sit æquitas legis illius de bestia hominem occidente, *Exod. 21. 28. &c.*

X. R. Animalia rationis expertia propter occisionem hominis peccari jubebantur, non quia culpam contraxerant, (cujus proprie non sunt

sunt capacia) sed. 1. Ut eorum sanguine non comedendo, *Lev. 7. 9. & 17. 10. & 19. 26. Deut. 12. 16. 23.* 2. Ut vita humana omnibus hoc pacto commendaretur, & res eidem adversantes essent detestationi. 3. Ut homines bestiales morte bestiarum ab homicidiis magis detererentur.

Quæstio quarta. Quæ æquitas fuit in lege de bestiis quibusdam ab homine non occidendis, *Deut. 22. 6?*

XI. R. Prohibentur hujus generis varia, non quia sunt homicidia, aut contra justitiam proprie dictam peccata: sed 1. Quia in talibus apparet, exercetur, & augetur feritas & sevitia quorundam ingeniorum, à qua proveniunt homicidia. *Prov. 12. 10.* 2. Quia hujusmodi rudimentis instituuntur homines à crudelitate abhorre. 3. Quia Deus vult suos exercere, ut quam longissime recedant ab hujusmodi peccatis, & vel à specie eorum abhorre. Istiusmodi enim cautionibus, quasi sepimentis, voluit Deus legem suam circumvallari, ad arcendos homines à gravioribus peccatis. Quemadmodum autem septum & mæceris qua prædium circum munitur, cum ipso prædio in unum coalescit; sic hujusmodi appendices mandatorum cum ipsis mandatis coherent. Similis est ratio illius legis de hædo in matris lacte non coquendo. *Exod. 23. 19. & 34. 26. Deut. 14. 22. & 6.*

Quæstio quinta. Quid juris est de

XII. R. Hæc lex partim spectat ad crudelitatis detestationem augendam; quo nomine conjungitur cum homicidii severa prohibitionem *Gen. 9. 4. 5.* & partim ad religiosam vel typicam observationem: quo nomine conjungitur cum lege sacrificandi. *Lev. 17. 10. 11.*

Quæstio sexta. Qualis fuit æquitas alylorum vel urbium refugii in lege constitutarum. *Exod. 21. 13. Num. 35. 22. Deut. 19. 4.*

XIII. R. 1. Non proprie fuerunt loca exilii, sed refugii. Exilium enim est pena: sed refugium tendit ad immunitatem à pena. Neque rêvera legitur quidquam in lege, de exilii pena constitutum, sed tantum de pena mortis, mulctæ, verberum, & sevitutis.

XIV. 2. Refugium hoc fuit iis tantum paratum, qui homicidium patraverant prorsus involuntarium: quod instrumento, ac modo describitur *Num. 35.* & exemplo illustratur *Deut. 19.* Voluntariis autem homicidis hujusmodi refugii beneficium severe negatur. *Exod. 21. 13.* cujus rei exemplum habemus. 1. *Reg. 1. & 2.*

XV. 3. Refugium hoc paratum fuit innocentibus adversus inconsultum impetum propinquorum occisi, non adversus Magistratus jurisdictionem.

XVI. 4. Refugii loca ordinaria fuerunt Vibes quadam Levitarum. Non tantum ut reverentia Levitarum tutius agerent infelices profugi, sed etiam ut eorum consuetudine, exemplis, ac consiliis, tam ad sortem suam sancte ferendam, quam ad alias officii sui partes instituerentur.

XVII. 5. Extraordinaria perfugii loca fuerunt templum & altare Dei. *Exod. 21. 14.* quia reverentia Dei conspectu loci illius excitata violentiam hominum reprimebat.

XVIII. 6. In ordinariis locis perfugii manendum fuit homicidæ ad tempus, ut ira interim, dolor, & perturbatio propinquorum occisi possit commodè deponi. Tempus autem illud ex summi sacerdotis vita suspendebatur, partim ut Dei

nutu restitueretur, & partim ut opportuna occasio reconciliationis caperetur ex lætitia successione illius novæ.

XIX. 7. Si ante illud tempus deprehendebatur homicida extra urbem refugii, mittebatur hoc agri- tudini propinquorum, ut ab illis impune occideretur.

XX. 8. Æquitas horum fuit 1. Homicidas non nili causa cognita esse ulciscendos. 2. Subveniendum esse eis, qui contra vel præter intentionem suam aliquid mali fecerunt. 3. Rationem habendam esse naturalis hominum doloris. 4. Reverentiam singularem deberi locis sacris: sed non propter illa concedendam esse ullam impunitatem hominibus sceleratis.

CAP. XXXV.

Præcept. 7.

DE CONIVGIO.

Questio prima. Vter status sit præstantior, conjugium, an cœlibatus?

I. R. 1. Si simpliciter & per se considerentur, nulla virtus aut vitium, vel opus moraliter bonum, aut malum, in alterutro continetur, quia sunt naturales vivendi formæ, quarum neutra vel præcipitur, vel prohibetur. 1. *Cor. 7. 25.* Quum igitur neuter status est moraliter bonus,

sed indifferens, de neutro proprie potest affirmari, quod sit altero moraliter melior.

II. 2. Quia vero ex eis quæ mediæ sunt naturæ, neque bona, neque mala, alia magis, alia minus conferunt & conducent ad virtutem & opera bona (ut scientia plus adfert adjumenti ad pietatem quam vires corporis, aut opes) ideo pro momento quod habent ad istum finem,

nem, sunt assumenda aut repudianda. Et secundum istam rationem intelligenda est quaestio hæc de comparatione conjugii & cœlibatus.

III. 3. In hac autem comparatione, si res ipsæ spectentur absolute, conjugii status videtur præstantior. 1. Quia in principio institutus fuit à Deo ad hominis conditionem meliorem faciendam. *Gen. 2. 18.* 2. Quia post lapsum, illum finem ac usum habet, ut directe faciat ad tentationes & peccata vitanda. 1. *Cor. 7. 2. 5. 9.* & illaratione ad virtutem conservandam ac promovendam.

IV. 4. Si tamen comparatio instituitur quoad hanc aut illam personam, tum iudicium ferendum est partim ex dono quod habet. 1. *Cor. 7. 7.* & partim ex circumstantiis, quas Paulus complectitur nomine *instantis necessitatis. vers. 26.* Et secundum istam considerationem, si quis donum aut potestatem habeat, & ex concurrentibus aliis conditionibus videat se magis commode decenter & apte posse Domino servire in cœlibatu, melius est ut ita maveat. *vers. 35.* Si quis autem diligenti examine præcedente, videat se non posse vel tam sancte, vel tam commode officio suo defungi in cœlibatu, ac in conjugio, ipsū melior est conjugii status.

V. 5. Apostolicæ regulæ summa huc redit; ut qui non potest temperantia, diligenti cautione, ac ora-

tionem, vitare ussionem (id est, ardorem illum concupiscentiæ, qui conscientiæ tranquillitatem turbat) eligat conjugium: quamdiu vero quis potest eis mediis ussionem vitare, cæteris paribus, præsertim in tempore persecutionis, aut similis necessitatis, eligat cœlibatum.

Quaestio secunda. An, & quare ratione illicita sit polygamia?

De polygamia

VI. R. 1. Polygamia est peccatum contra primam conjugii institutionem & legem. *Gen. 2.* Nam 1. Vnum virum & unam mulierem fecit & conjunxit Deus: ita ut quicquid supra accedit, sit monstruosum. *Mal. 2. 15.* 2. Edicto sancivit, ut duo, non tres aut plures essent una caro: & ut vir adhereret uxori suæ, non uxoribus. *Matth. 19. 5.*

VII. 2. Est etiam peccatum contra legem naturæ, & rationem rectam. Nam 1. est contra illud quod homini inditum est in prima institutione humane naturæ. 2. Est contra naturam amoris conjugalis, qui ita propius est & singularis, ut tertiam personam non possit admittere ad ejusdem rei communionem: sicut experientia docet in zelotypia conjugali.

VIII. 3. Est contra naturam contractus matrimonialis, quo fit ut conjux non habeat corpus in potestate sua: 1. *Cor. 7. 4.* Vnde etiam est quod injustitiæ & perfidiæ reus peragatur qui alteri sese jungit. *Mal. 2. 14. 15.*

IX. 4. Est contrahenda illam proles curam, quam conjugii finis requirit.

X. 5. Est contra perfectionem illam quæ in brutis quibusdam animalibus reperitur. Nam volucres inveniuntur variæ, quæ ex naturæ instinctu, conjunctionem servant unus ad unum: & ratio dicitur, majorem requiri continentiam & ordinationem in homine, quam in volucre quacunque.

XI. 6. Est contra principium illud naturale: quod tibi fieri non vis id alteri ne feceris.

XII. 7. Tollit pacem familiæ: sicut experientia docet. *Gen. 4. 23. & 30. 1. Sam. 1. 6. Lev. 18. 18.*

XIII. 8. Patres illi veteres, qui plures ducebant uxores, non possunt à peccato excusari, nisi habuerint singularem dispensationem. Quia autem de tali dispensatione nihil nobis constat ex Scriptura, idcirco non possumus aliud pro certo affirmare, quam Deum talia quædam in ipsis tolerasse, & in bonum convertisse.

Questio tertia. An & quatenus conjunctio nimia sit conjugii impedimentum?

XIV. R. 1. Conjunctio illa quæ contrahitur per carnalem propagationem ex eodem stipite propinquo, & dicitur consanguinitas, est naturale matrimonii impedimentum. 1. Quia consanguinei tales sunt ab initio quasi una caro, atque adeo minus idonei ut per contractum

novum fiant una, ex non una, quæ est conjugii natura. 2. Quia natura docet, parentibus & proximis consanguineis peculiarem verecundiam ac reverentiam deberi, cui repugnat usus conditionis conjugalis, de quo homines à natura verēcundantur. 3. Quia necessitudinis & amicitie dilatio (qui unus est ex fructibus conjugii) in conjunctio consanguineorum periret. 4. Quia familiaritas & consuetudo consanguineorum multis incommodis præberet occasionem, si jus haberent Matrimonii contrahendi.

XV. 2. Cognatio spiritualis, quæ à Pontificiis contrahi fingitur in susceptione baptismi & confirmationis, & legalis, quæ insurgere fingitur ex adoptione, seu arrogatione, qua quis alienum filium recipit in suum, nullam vim habet conjugii impediendi, vel ex verbo Dei, vel ex lege naturæ.

XVI. 3. Gradus consanguinitatis & affinitatis, intra quos generaliter illicitum est contrahere matrimonium, non possunt tuto ad conscientiam dirigendam definiri, nisi ex lege Dei tradita per Moysen, *Lev. 18.* quæ lex naturæ explicatur.

XVII. 4. Illis gradibus annumerari debent persone in lege non expressæ, si eandem habeant rationem propinquitatis cum eis, quæ nominatim prohibentur. Ut, quia in lege prohibetur conjugium nepotis cum amita, vel matertera, sequitur

tur etiam prohiberi conjugium patris vel avunculi, cum nepte ex fratre, vel sorore.

XVIII. 5. Illis etiam personis, quæ videntur eandem rationem habere, quamvis non habeant, tutius est abstinere, honestatis causa, & ad speciem mali vitandam. Talis est ratio consobrinorum.

XIX. 6. Gradus isti generaliter prohibiti, admittere possunt in casu necessitatis, tales exceptiones, quales in Scriptura probantur.

XX. 7. Præter gradus jure divino prohibitos, potest Magistratus civilis interdicare contractui matrimoniali quibusdam personis ob rationes civiles. Sic recte in quibusdam locis cavetur ne curator contrahat cum pupilla.

Quæstio quarta. Quis & qualis consensus requiratur ad matrimonium justum?

XXI. R. 1. Mutuus consensus partium necessario requiritur ad essentiam status conjugalis. R. quia in matrimonio mutua fit traditio corporum, vel potestatis ac juris in corpora mutua: nulla autem fit legitima traditio ullius rei quæ alterius erat, sine ejus consensu, sicut in omnibus contractibus patet. Hinc est quod consensus iste sit proxima efficiens causa conjunctionis maritalis: ita ut nulla potestas humana possit jungere aliquos matrimonio, sine ipsorum consensu.

XXII. 2. Consensus iste debet

ita per signa externa declarari, ut ex eis manifeste appareat (quatenus moraliter judicare quis potest) consensus internus. Quamvis autem ex ordine talia signa non sint nisi verba sensum mentis exprimantia, alia tamen signa verbis æquipollent, si consensum faciant indubitatum.

XXIII. 3. Consensus utriusque simul debet esse: sicut in aliis contractibus. Non tamen necessarium est ut consensus utriusque simul tempore præstetur: sed satis est, si una pars prius consenserit, eumque consensum virtualiter censeatur continuare. Tum enim moraliter simul dicuntur consentire.

XXIV. 4. Consensus iste debet esse voluntarius ac liber: alias non censetur consensus humanus.

XXV. 5. Hinc consensus communis qui non habent usum rationis, nihil valet ad istum contractum.

XXVI. 6. Consensus coactus, qui extorquetur metu gravi, ac violento, in illum finem incussus, irritum reddit contractum, nisi subsequente consensu libero innovetur, aut validetur. Metus autem qui respectu quorundam esset levis, respectu infirmiorum quorundam, habendus est pro gravi. Metus etiam gravis si non sit violentus, sed reverentialis, id est, qui tantum ex reverentia erga parentes procedit, consensum non infringit: quia talis metus non extorquet sed suaviter elicit & inducit consensum.

XXVII.

XXVII. 7. Consensus ille qui ita procedit ex errore, ut error ille det causam consensui, (sive sit error personæ, qualis fuit Jacobi circa Leam *Gen. 29.* sive conditionis aut qualitatis ad essentiam conjugii pertinentis, qualis est error de quo agitur *Dent. 22. 20.* & Josephus de beata virgine suspicabatur, *Matth. 1. 18.*) talis consensus habendus est pro nullo.

XXVIII. 8. Si vero error sit tantum circa conditionem, aut qualitatem extrinsecam vel accidentariam, quæ essentiam ipsam conjugii non attingit, tum conjugium non magis videtur irritari, quam Israëlitarum juramentum Gibeonitis præstitum ex errore. *Ios. 9.*

XXIX. 9. Requiritur insuper consensus parentum, & eorum vices gerentium, in quorum potestate sunt partes contrahentes. Quod autem sit consensus parentum sit de honestate matrimonii, nemo potest dubitare: sed eundem exigi de necessitate, non negant tantum Pontificii, sed & anathemate damnant hoc affirmantes. Concil. Trident. sess. 24. At vero si regulariter & civiliter intelligatur questio, ita ut parentum nomine intelligantur pater, ac mater, sed præcipue pater, (in tutoribus enim & etiam in matre per se, patria potestas imminuta tantum manet.) & eorum consensus, vel dissensus, sit ab omni injuria remotus, justisque causis nitatur pars affirma-

tiva tam verbo Dei, quam rationi magis consentanea videtur, propter has rationes.

XXX. 10. Patet hoc perpetuo tribuitur in Scriptura, ut sit causa efficiens matrimonii suorum liberorum. *Dent. 7. 3. Jer. 29. 6. &c.*

XXXI. 11. Exempla in Scriptura maxime probata, hoc semper habent, ut principium contractus matrimonialis sit à parentum consensu. *Gen. 24. 3. 4. & 28. 1. 2. & 29. 19. &c.*

XXXII. 12. Post consensum partium, in arbitrio patris relinquatur, utrum dare velit filiam suam illi cum quo rem habuit, necne. *Exod. 22. 16. 17.*

XXXIII. 13. Neque satisfacit hic Bellarminus, allegando, *non agi eo in loco, de matrimonio jam contracto, sed de futuro, causa stupri præcedentis, in penam injuncto.* Absolute enim docetur, patris dissensionem justum esse conjugii impedimentum, quicquid vir & puella, inter se, vel antea pacti fuerant, vel postea essent pacturi. Votum liberorum Deo factum (quod sepe minus interest patrum, quam liberorum conjugium, & sua natura strictissimam habet obligationem) non est ratum, nisi ex patris vel explicito, vel saltem implicito consensu. *Num. 30. 4. 5.*

XXXIV. 14. Metum effugium est (quod Bel. hic objicit)

legem illam de filiabus agere qua nondum pervenerunt ad pubertatem. In genere enim agit de omni filia quæ est in domo, vel potestate patris; de omni filia non nupta, nec vidua, nec repudiata. *vers. 6. 9.*

XXXV. 15. Filius non potest quidquam patris alienare, vel alteri donare, patre invito: ergo nec semetipsum: quia filius est aliquid patris.

XXXVI. 16. Leges civiles,

ex principiis juris naturalis, cavent ne nuptiæ filiorum ratæ sint sine consensu parentum, & istas leges (hac in parte) Ecclesia primitiva tam doctrina quam praxi sua approbavit. Pœna enim hujusmodi matrimonio constituta fuit, ut neque vir, neque uxor, neque nuptiæ, neque dos intelligatur; & qui liberi nascuntur, inter spurios numerentur. Instituit. de nupt. l. penult. l. 2. d. de rit. nupt. l. dotis 68. de jure dot.

C A P. XXXVI.

De Solemnitatibus Matrimonii.

Questio prima. Quid juris sit de sponsalibus?

I. R. 1. Sponsalia (prout à matrimonio distinguuntur) sunt legitima promissio mutua futuri matrimonii signo sensibili expressa. Distinguuntur sæpe à matrimonio (quoad forum externum) differentia illa temporis quam verba prolata recte intelligentibus communiter generare solent. Si enim verba important consensum de contractu præsentis, constituunt matrimonium; si vero de futuro tantum, tum constituunt sponsalia.

II. 2. Quamvis istiusmodi sponsalia non sint absolute necessaria (quia contractus omnis qui potest legitime in futurum promitti, potest etiam eodem tempore perfici in præsentis) sunt tamen ex ordine de ma-

trimonii honestate. 1. Quia sic per justos gradus proceditur (sicut in re gravi decet) à principio ad finem. 2. Quia sic actus totus magis liberatur à suspitione temeritatis, & gravis ac deliberatus apparet. 3. Quia præparantur hac ratione & disponuntur animi sponсорum ad illos affectus qui matrimonio decent.

III. 3. Quamvis sponsalia legitima & nota in eo convenient cum matrimonio, ut eorum injusta violatio eodem loco habenda sit cum matrimonii violatione, *Deut. 22. 23. 24.* Multis tamen ex causis solvi possunt sponsalia, quibus matrimonium non potest. Ut 1. si sponsalibus appositæ est conditio aliqua honesta quæ non impletur. 2. Si designatum est certum tempus pro futuro matrimonio, & tunc una pars decest;

deest, altera pars videtur (quasi conditione non impleta) promissione sua absolvi. 3. Si aliquid superveniat post sponsalia, quodsi antea extitisset, impedivisset sponsalia, & rationabiliter mutat animum alterius partis. 4. Si pars utraque solvit promissionem factam.

Quæstio secunda. Quid censendum de matrimonio clandestino?

IV. R. 1. Clandestinum est quod clam fit: quod duobus modis intelligitur: vel sine testibus idoneis; vel sine publica celebratione.

V. 2. Fieri potest (seclusis legibus positivis) ut tale aliquod matrimonium sit justum ac ratum in foro conscientie: quia omnia illa quæ ad essentiam matrimonii requiruntur clam existere possunt.

VI. 3. Quia tamen gravissima incommoda ex istiusmodi matrimoniis consequuntur; ut illicitæ conjunctiones, discordiæ, solutiones matrimoniorum contractorum, &c. Idcirco in foro externo, matrimonium plane clandestinum jure habetur pro nullo.

VII. 4. Denunciationse usitate, quæ sunt ad inquirendum de impedimentis, quamvis nō sint de essen-

tia, sed tantum de solemnitate matrimonii, quia tamen multa mala subsequi possunt ex earum omissione, idcirco ex ordine debent præmitti.

VIII. 5. Publica celebratio est necessaria, non tam ratione sponso- rum, quam respectu communitalis, cui subjiuntur, & cujus interest, matrimonia rite ordinari.

IX. 6. Ista celebratio quamvis possit fieri per civilem Magistratum, *Rub. 4. 1.* in Ecclesia tamen maxime conveniens est ut fiat per ecclesiasticum ministrum. 1. Quia ratificatio nomine Dei, per ministrum Dei, coram Ecclesia Dei facta, est gravior. 2. Quia contractus fit magis religiosus, & obligatio magis penetrans ad conscientiam. 3. Quia benedictio & sanctificatio efficacior inde expectatur. 4. Vetusissimum Christianorum institutum esse, ut matrimonia palam, Ecclesiæ & ministrorum precibus consecrentur, apparet ex Tertulliano, ad uxorem, lib. 2. ubi ita scribit; *Unde sufficiam ad enarrandam felicitatem ejus matrimonii, quod Ecclesia conciliat, & confirmat oblatio, & obsignatum angeli renunciant, pater pro rato habet?*

CAP. XXXVII.

De Conjugum officio mutuo.

Quæstio prima. Quenam sint officia quæ a conjugibus sibi

met invicem debentur?

I. R. 1. Primum officium est dile-

dilectio specialis, & conjugum propria, quæ ideo vocari potest conjugalis. *Eph. 5. 28. 29. Gen. 2. 24.*

II. 2. Secundum officium est honor specialis, vel conjugalis. 1. *Petr. 3. 7.*

III. 3. Tertium est cohabitatio. 1. *Cor. 7. 10. &c. 1. Petr. 3. 7.* Hæc autem cohabitatio complectitur sub se ordinarium usum ejusdem domus, mensæ, & lecti.

IV. 4. Quartum est mutua corporum communicatio, secundum fines, ac intra limites conjugii, cum modestia & sobrietate. 1. *Thess. 4. 4.*

V. 5. Quintum est communicatio facultatum & bonorum externorum, saltem quoad eorum usum. *Eph. 5. 20.*

VI. 6. Sextum est communio in cultu Dei familiari. 1. *Petr. 3. 7.* Quæstio secunda. An in istis officiis par sit ratio mariti & uxoris?

VII. R. Quoad essentiam officii & obligationis, eadem est ratio utrinque. Sed tamen quoad modum præstandi, differentia talis est, ut vir in omnibus ita se gerat, & ab uxore agnoscatur, tanquam caput. 1. *Cor. 11. 3.*

VIII. Hinc viri est 1. uxorem fovere, & nutrire, vel prospicere ipsi de necessariis. *Eph. 5. 29. 1. Tim. 3. 4.* 2. Præire uxori in scientia, & ejusdem omnimoda declaratione. 1. *Petr. 3. 7. 1. Cor. 14. 35.* 3. Gubernare vitam & actiones uxoris. 1. *Tim. 3. 4. 1. Cor. 11. 3.*

IX. Hinc etiam uxoris est 1.

subjectam se agnoscere viro. *Eph. 5. 22. 2. virum revereri. Eph. 5. ult. 3. discere à marito. 1. Cor. 14. 35. 4. obedire viro sicut decet in Domino. 1. Petr. 3. 5. 6.*

Quæstio tertia. Quibus ex causis possint conjuges à se invicem absesse?

X. R. 1. Absesse alter ab altero potest ad tempus, ex mutuo consensu. 1. *Cor. 7. 5.*

XI. 2. Licitæ est etiam absentia ad tempus ex causa gravi, quæ cum mutua præsentia consistere non potest. 2. *Sam. 11. 9. 10.*

XII. 3. Si vir alio se transferat ex causa non turpi, ad tempus longum, & velit uxorem secum habere, uxor cum tenetur sequi, nisi gravissimum periculum corporis aut animæ inde manifeste sequeretur. Vir enim quia caput est mulieris, statuere potest de loco & modo habitationis. 1. *Cor. 9. 5. Gen. 12. 11. &c.*

Quæstio quarta. An uxor possit aliquid donare absque consensu mariti?

XIII. R. In quibusdam casibus potest: ut 1. Si in quibusdam bonis habeat liberam administrationem, & usumfructum: quod in multis regionibus conceditur uxoribus circa bona paraphernalia, & quæ sua industria acquisiverunt. 2. Si faciat donationes ac elemosynas, secundum consuetudinem aliarum feminarum suæ conditionis. 3. Si quantitas non sit notabilis, sed minuta, pro ratione bonorum quæ cura marito

marito habet in communi. 4. Si fiat ex præsumpta intentione & consensu mariti. 5. Sic fiat ad impediendum grave damnum mariti. 1. *Sam. 25. 18.* 6. Si maritus sit absens, amens, aut dissipator suorum bonorum.

Quæstio quinta. An & quatenus liceat marito uxorem peccantem coercere?

XIV. R. Potest ac debet, mediis illis quæ societati conjugali non repugnant: ut admonitionibus, reprehensionibus, atque etiam denegatione quorundam privilegiorum quæ piæ & morigeræ uxori debentur.

Plagis autem ac verberibus uxorem castigare, non est mariti. Quia 1. Provenit à sævitia & amarulentia damnata. 2. Ingenue, æquabili, & amicali conjugii societati adversatur. 3. Affectum conjugalem perimit utrinque, tam in marito, dum uxorem tractat ut servam, quam in uxore, dum videt se contempti & tyrannice tractari. 4. Experientia ipsa docet, ad emendationem & pacem familiæ hac ratione non perveniri. 5. Nullis legibus probatur: neque est in usu, nisi furiosis aut ebriosis.

CAP. XXXVIII.

De Matrimonii Dissolutione.

Quæstio prima. An & quomodo Matrimonium possit dissolvi?

I. R. 1. Matrimonium non potest ab hominibus ex suo arbitrio dissolvi: & illa ratione simpliciter & absolute consideratum, recte dicitur insolubile. *Mat. 19. 9. Rom. 7. 1.*

II. Hoc autem habet matrimonium, sive consummatum, sive ratum, supra alios contractus, non tantum ex institutione Christi, sed ex jure naturæ. *Mat. 19. ab initio non fuit sic.* Ratio est, quia matrimonium non tantum est civilis, sed etiam divina conjunctio, cujus institutor & ordinator est Deus ipse. *Mat. 19.*

quod Deus conjunxit. Et illius etiam est naturæ, ut sine gravi detrimento utriusque partis non possit dissolvi.

III. 2. Non ita tamen insolubile est matrimonium, quin possit ex causâ, quam Deus ipse approbat ut justam, dissolvi. Insolubilitas enim illa non instituta fuit in poenam, sed in solatium innocentium; & admittit exceptionem, in qua Deus conjungere cessat. *Mat. 19. 6. & 9.*

XIV. 3. Nulla justa causâ divortii faciendi in Scripturis probatur præter adulterium, & similes impuritates nefandas, quibus fit ut duo

non maneat una caro, sed divisa, & sic fides conjugii directe violatur. *Matth. 5. 32. & 19. 9.*

V. 4. Hinc 1. Matrimonii consummationi dissolvendi iusta causa non est morbus contagiosus; quamvis conversationem conjugalem possit impedire. In tali igitur casu, Deus qui vocat ad continentiam, iis qui eam tam precibus, quam legitimo usu mediorum eo facientium querunt, non denegabit.

VI. 5. Obstinata desertio, quamvis in parte deserente, non contineat iustam causam divortii faciendi, parti tamen deserte, post omnia alia media frustra tentata, iustam adfert causam divortii patiendi. *1. Cor. 7. 15.*

VII. 6. Absentia voluntaria & spontanea, si sit ultra tempus moribus constitutum, dolo malo continuatur, eandem habet rationem cum desertione professa.

VIII. 7. Gravis periculum, unius partis, sive ex sevitia alterius, sive aliunde manifeste emineat ex cohabitatione, iusta potest esse causa ad tempus divertendi, ut prospiciat saluti & securitati suæ, sed non absolute deserendi nisi prius deseratur. Si enim una pars abigat alteram sevitia gravi, causa est desertionis, & habenda est pro desertore. Si vero obstinate negligat necessarium discessum periculum grave fugientis, eo ipso desertorem agit.

Quæstio secunda. An adulterium

admissum solummodo usum, vel etiam vinculum ipsum matrimonii solvat?

IX. R. 1. Vinculum ipsum solvi patet. 1. Quia essentia ipsa contractus directe violatur. Contractu autem cessante, vinculum contractu nixum necessario cessat. 2. Alienum est ab omni ratione, ut omnia officia matrimonialia in perpetuum tollantur, & vinculum tamen, vel obligatio ad illa officia continuetur.

X. 3. Verba Domini, *Mat. 5. 32. & 19. 9.* nullam habent distinctionem aut limitationem dimissionis, sed dimissionem in adulterii causa simpliciter & absolute probant: probant igitur non dimissionem partialem, aut secundum quid à mensa & thoro, sed totalem.

XI. 4. Exceptio fornicationis *Mat. 19. 9.* aliquid significat diversum ab aliis causis (sicut Cajet. observat) & illud diversum nihil aliud est nisi quod propter fornicationem dimittens uxorem & aliam ducens non mœchatur. Cajet. uni consilio in illum locum est observanda: sic sonat textus, secundum planum litteræ sensum. Intelligo igitur ex hac Domini Jesu Christi lege, licitum esse Christiano dimittere uxorem ob fornicationem carnalem ipsius uxoris, & posse ducere aliam uxorem.

XII. 5. Apostolus *1. Cor. 7. 15.* disertis verbis pronunciat partem desertam esse liberam. Qui au-

tem

tem liber est, non est vinculo constrictus. Si vero in causa desertionis obstinatae absque adulterio pars innocens vinculo solvatur, tum multo magis in adulterii causa. *Non solum miror* (ait Cajetanus) *sed stupeo, quod Christo clare excipiente causam fornicationis, torrens doctorum non admittat illam mariti libertatem: Paulo autem non clare dicente, interpretata sit solutio conjugij ex causa alia ab explicata à Christo, & sola excepta.*

XIII. 2. Non ita tamen per adulterium solvitur matrimonij vinculum, quin possit ex innocentis consensu continuari ac renovari. 1. *Sam. 25. 44. cum* 2. *Sam. 3. 14.* Ratio est, quia divortium est in favorem partis innocentis: potest autem innocens cedere juri suo. Divortium etiam non est præceptum,

sed tantum permissum, & probatum. Quamvis igitur non sit ita connivendum ad istiusmodi peccatum, ut ejus emendatio negligatur; hoc enim esset fovere impuritatem; poenitenti tamen offensam condonare extra casum scandali, nemo prohibetur.

XIV. 3. De parte noxia nulla esset quaestio, si ut decebat & lex Dei postulat, adulteria punirentur. Quia vero indulgentia una trahit alteram, consentaneum rationi videtur, ut non prorsus priventur libertate naturali.

XV. 4. Compensatio criminum, qua uterque conjux est particeps ejusdem vel æquivalentis peccati, utrique parti jus divortii adimere videtur. Paria enim delicta nulla compensatione abolentur.

CAP. XXXIX.

De Luxuria impudica.

Questio prima. Quale peccatum sit luxuria?

I. R. 1. Luxuria generatim notat quemlibet excessum in usu rerum pertinentium ad corporis cultum. Qui enim nimis delicate ac molliter vivit, dicitur luxuria disfluere. Stille autem & proprie sumpta significat vitium oppositum castitati per excessum in usu rerum, quæ pertinent ad generationem. Ratio est, quia

omnis excessus in corporis cultu tendit ad istam impuritatem, tanquam ad consummatum corporis abusum.

II. 2. Peccatum est sua natura gravissimum, 1. quia animam perdit, quatenus naturam habet usionis pietatem cordis consumentis, impediens, & obruentis. 1. *Cor. 7. 9.* quo sensu etiam cupiditates hujusmodi pugnare dicuntur adversus animam. 1.

Petr. 2. 12. 2. Quia corpus singula-

gulariter polluit & dehonestat. 1. *Cor. 6. 18.* 3. Quia est perversa inordinatio rei gravissimæ, quæ spectat non tantum ad bonum privatum, sed etiam ad commune bonum generis humani. 4. Quia maxime demergit totum hominem, ut difficilime possit inde liberari, propter concupiscentiæ hujus intimam inherentiæ, assiduam importunitatem, & efficienem impotentiam. *Hof. 4. 11. Prov. 2. 18.* 5. Quia ex isthoc peccato plurima alia procedunt, tanquam ex radice fecunda: ut stultiloquium, turpiloquium, carnalis dispositio, & omnimoda alienatio à Deo. 6. Quia infert secum gravissima incommoda vitæ naturalis. 7. Quia lucem naturæ extinguens, simul peccatum est, & pœna peccati, atque etiam gravissimarum pœnarum causa. *Rom. 1. 24. &c.*

Quæstio secunda. Qualis est luxuria cordis?

III. R. 1. Voluntaria cogitatio de actu aliquo impudico, nisi fiat cum detestatione, est tentationis periculosa receptio.

IV. Delectatio de actu impudico, cogitatione vel imaginatione tantum representato, quamvis non adit animus actum ipsum perficendi, est impudiciæ peccatum: quia delectatio semper talis est quale est objectum unde nascitur, & circa quod versatur.

V. 3. Cogitationes & delecta-

tiones istæ eo magis vitiosæ sunt, quo magis voluntariæ sunt & morosæ.

VI. 4. Consensus in actum impurum si occasio aut facultas detur, pro actu ipso reputatur. *Mat. 5. 28.*

VII. 5. Habitus libidinosus, quo quis ex omni occasione accenditur ad istiusmodi delectationes cum voluntatis consensu, est morbus cupiditatis deterior actu aliquo impuritatis. 1. *Theff. 4. 5.*

Quæstio tertia. Qualis est luxuria, sermonis?

VIII. R. 1. Sermones obscæni sunt in sese putidi: i. e. nullo modo commodi ad ædificationis usum, sed eidem plane repugnantes. *Eph. 4. 29. & 5. 4.*

IX. 2. Prout vulgo frequentantur, sunt manifesta signa cordis impuri, ex cujus abundantia tales sermones procedunt. *Luc. 6. 45.*

X. 3. Non Dei tantum verbo, sed & ordini naturæ adversantur: quia illa, quæ natura sua sunt cum pudore occultanda, istiusmodi verbis impudenter propalantur.

XI. 4. Sunt tentationes audientium, quibus cogitationes turpes hoc pacto suggeruntur: maxime vero quando in illum finem habentur, ut carnalem excitent aut foveant delectationem. 1. *Cor. 15. 33.*

XII. 5. Locutio de rebus turpibus, animo oblectandi se rebus illis narratis & objectis imaginationi tantquam præsentibus, est verbalis patratio turpitudinis illius de qua sermo ha-

Sermo;
nes ob-
scæni.

mo habetur.

XIII. 6. Sermones obsceni, ex naturali quodam pudore, non verbis simplicibus explicari, sed per metaphoricas phraſes oblique ſolent inſinuari: unde fit, ut ex occasione ſimilitum verborum ac phraſum, pii ſermones, meditationes, & preces ipſe, illis imaginationibus ſeſe ingereantibus, ſæpe infeſtentur, polluantur, aut impediuntur. Hac autem ratione frequentatio ſermonum obſcœnorum magis noxia videtur pietati, quam ſimplex actus fornicationis.

XIV. 7. Sermonibus obſcœnis annumerari debent non tantum cantica & ſcripta obſcœna, ſed etiam geſtus quidam impudici. Sunt enim ſermones ſpeciali modo repræſentati.

XV. 8. Iſtiusmodi peccatis involvuntur & illi qui libenter, vel ſine deſtinatione & cautela audiunt ſermones turpes; aut etiam talia ſcripta legunt. Vel enim illicitam delectationem intendunt, vel ſaltem exponunt ſe periculo ita peccandi.

Quæſtio quarta. Qualis eſt luxuria oculorum?

XVI. R. 1. Aſpectus ille omnino qui fit in ordine ad illicitas delectationes & concupiſcentias carnales, eſt exercitium impudiciæ cordis. *Mat. 5. 28. 2. Petr. 2. 14.*

XVII. 2. Similis aſpectus, quamvis non fiat ex intentione turpi, ſed ex levitate, vel curioſitate, qua-

tenus fit cum periculo concupiſcentiæ illicitæ commovendæ, participat idem peccatum ſub ratione mediæ continentis. *Job. 31. 1.*

XVIII. 3. Aſpectus rerum turpium, aut laſcivarum, ſive in actu, aut geſtu aliquo reali, ſive in ejus repræſentatione, per picturam indexoram, aut immoderantem imitationem, prout in uſu vulgi frequentatur, ab impudiciæ nota non poteſt excuſari. *Eph. 5. 3.*

XIX. 4. Aſpectus perſonæ nude, præſertim in ſexu diverſo, quia moraliter & practice loquendo, occaſionem præbet libidinoſæ commotionis, ſine cauſa neceſſaria, non eſt admittendus. *2. Sam. 11. 2.*

XX. 5. Ad hoc genus peccati referendus eſt ornatus corporis laſcivus, quo vel indicatur vel excitatur concupiſcentia libidinoſa, vel quocunq; modo periculum adfertur caſtitati ſeu propriæ ſeu alienæ, *Eſa. 3. 17. 1. Tim. 2. 9. 1. Petr. 3. 2. 3.*

Quæſtio quinta. Quanam eſt luxuria in tactu?

XXI. R. r. Oſcula, & amplexus, qui ex more patriæ honeſto adhibentur ad benevolentiam honeſtam ſignificandam, ſunt res per ſe licitæ. *Gen. 29. 11.*

XXII. 2. Oſcula, amplexus, & tactus libidinoſi, qui ſunt vel cum intentione excitandi ac fovendi illicitam concupiſcentiam carnalem, vel propter delectationem carnalem inter non ſponſos, vel cum periculo

commotionis inordinate, sunt pro-
gymnasmata impudicitie: quia sua
natura tendunt ad corporum com-
mixtionem, & sunt ejusdem quasi
inchoatio. *Rom. 13. 13. Col. 3. 5.*
Hoc satis indicant luxurie Magistri,
Comici, suis illis sententiis: *Semper
tu scito, flamma sumo est proxima.*
*Qui è nucleo nucem esse vult, frangit
nucem: qui vult cubare, pangit saltem
supvium. Quaro deinde illecebram
stupri, principio eam suavium posco.*

De cho-
reis.

Quæstio sexta. Quid sentiendum
de choreis?

XXIII. R. 1. Choreæ vulga-
res, vel ludicræ saltationes, mixtæ,
vel sociæ inter viros & mulieres ha-
bitæ, sunt prorsus damnandæ. 1.
Quia (præctice loquendo) expri-
munt animi insolentiam, & insaniam
quandam. Tum enim ad choreas du-
cendas apti sunt homines, cum fere
insaniunt, vel ex ebrietate, vel ex
affectu procace. *Evod. 32. 6. Marc.*
6. 21. 2. Quia propalam represen-
tant gestibus, quæ in ordine naturæ
pudorem habent conjunctum. 3.
Quia laquei sunt & scandala, non
tantum saltatoribus, sed & spectato-
ribus: irritant enim suis illecebris &
inflammant cor hominum ad libidi-
nem; quod tanta proclivitate eo fer-
tur, ut omni modo sit reprimen-
dum. 4. Quia est in illis defœdatio
quædam diginitatis illius, quæ
omnibus Christianis debet conser-
vari: & eo nomine inter graviores
Ethnicos à conductitiis meretricibus

& psaltriis tantum exercebantur.

XXIV. 2. Neque juvant hic
quidquam limitationes illæ, aut cau-
tiones, quibus positæ choreas istas
admittendas esse quidam conten-
dunt: 1. si in eis teneatur modus,
nec nimis frequententur. 2. Si in-
stituantur tantum delectationis ergo,
non ex levitate aliqua, vel libidinis
causa. 3. Si fiant in præsentia hone-
starum personarum. Nam 1. frustra
modus requiritur in insolentia, &
insania, & similibus, quæ in excessu
modi consistunt. 2. Non finis tan-
tum vel intentio operantis, sed &
finis operis, & quid ex eo consequi
soleat, in conscientiis nostris debet
expendi: præsertim cum res ipsa est
nullo modo necessaria. 3. Honestis
personis scandala possunt præberi. Et
si sint extra periculum scandali, co-
majore dignæ sunt reverentia, quæ
prohibet leves & insanas ineptias co-
ram ipsis exercere.

XXV. 3. Minus autem valet,
quod ab harum chorearum patronis
objicitur, esse illas conciliatrices be-
nevolentie, inter adolescentes & pu-
ellas, & sic conjugii contrahendi.
Non enim occasio quælibet conju-
giorum est probanda: sed occasio
honestæ conjugii impolluti.

Quæstio septima. Quid senti-
endum de scenicis ludis?

De ludis
scenicis.

XXVI. R. Ludi scenici, tales
saltem quales jam in usu vulgari ha-
bentur, sunt prorsus damnandi.

XXVII. 1. Consistunt in vi-
riorum

riorum & scelorum viva repræsentatione. Si autem licitum non sit istiusmodi scelera nominare, nisi cum aliqua detestatione, *Eph. 5. 3.* tum certe multo minus concedi potest, ut eadem gestibus ad vivum repræsententur.

XXVIII. 2. In istiusmodi scelorum repræsentatione; actores non tantum speciem ipsorum induunt (à qua Christiani debent abstinere. *Theff. 5. 22.*) sed & magno studio componunt sese, ut quam maxime ad vivum, tam interne concipiant, quam externe exprimant tales mores. Ex quo fit ut ad eadem vitia sese exercentes, disponunt: unde prout ad prompti reddantur ad illa patrandam sine pudore. Experientia etiam docet quosdam in istis ludis agendis habitus & gestus indecentes ita sibi induisse, ut longo tempore non potuerint eos exuere denuo.

XXIX. 3. Quædam vitia ita repræsentantur, ut simul etiam reipsa exercentur: qualia sunt stultiloquia, turpiloquia, dejectiones vanæ, execrationes, & similia.

XXX. 4. Vel mulieres in scenam producuntur ad impudicitiam cum impudentia repræsentandam (quæ etiam in Ecclesia debent silere, *1. Corinth. 14. 34.* & velari. *1. Cor. 11. 10.*) vel viri oblectationis causa induunt muliebria vestimenta, faciem & gestus: quod & verbo Dei adversatur. *Deut. 22. 5.* & magnum incentivum est impudici-

tia; atque etiam occasionem præbet rectæque ducit ad illas scditates, quæ sunt contra naturam. *Rom. 1. 27.*

XXXI. 5. Tam spectatores quam actores oblectationum quarunt ex eis, quorum debet ipsos pendere. *Rom. 6. 21.*

XXXII. 6. Obijciunt se periculo manifesto. Qui enim modestiores sunt, vix aut nã vix quidem effugere possunt morosas cogitationes & delectationes de rebus illicitis. Alii autem discunt facere, quæ sine verecundia consueverunt audire, & videre. Observarunt hoc Ethnicorum ipsorum prudentiores: inter quos Seneca: *Nil est tam damnosum bonis moribus, quam in aliquo spectaculo desiderare. Tunc enim per voluptatem facilius vitia surrepnt.*

XXXIII. 7. Si qui tam ferreo pectore sint ut non moveantur istis spectaculis, scandalum tamen præbent aliis qui eorum exemplo ad pericula & peccata trahuntur.

XXXIV. 8. Magni sumptus vane & noxie sunt. Impensis enim in unum ludum scenicum factis, multi pauperes mensis aliquot possunt sustentari.

XXXV. 9. Histriones jure civili sunt infames. In ecclesia primitiva fuerunt ab ecclesiastica communione exclusi.

XXXVI. 10. Olim, solenne votum fuit omnium baptizatorum: abrenuntio diabolo, pompis, specta-
culis

culis & operibus ejus: ex quo Salvianus, de provid. l. 6. ita disputat: *In spectaculis quadam apostasia fidei est, & à symbolis ipsius, & cœlestibus sacramentis letalis pravaricatio. Qua est enim in baptismo salutaris Christianorum prima confessio? qua scilicet nisi ut rennunciare se diabolo, ac pompis ejus, atque spectaculis & operibus protestentur? Ergo spectacula & pompa, etiam juxta nostram professionem, opera sunt diaboli. Quomodo, ô Christiane, spectacula post baptismum sequeris, quæ opus esse diaboli confiteris? Renunciasti semel diabolo & spectaculis ejus: ac per hoc necesse est, prudens & sciens, dum ad spectacula remeas, ad diabolum te redire cognoscas. Perique enim rei simul rennunciasti, & unum utrumque esse duxisti. Si ad unum reverteris, ad utrumque remeasti. Abrenuntio enim (inquis) diabolo, pompis, spectaculis, & operibus ejus. Et quid postea? Credo inquis in Deum patrem, &c. Ergo primum rennunciatur diabolo, ut credatur Deo: quia qui non rennunciat diabolo, non credit Deo. Et ideo qui revertitur ad diabolum, relinquit Deum. Diabolus in spectaculis est & pompis suis: ac per hoc, cum redimus ad spectaculum, relinquimus fidem Christi. Objectiones & limitationes illæ quæ in patrociniis horum ludorum à Theologis quibusdam proferuntur, nullius sunt momenti. Obicitur*

1. ludos scenicos esse aliquo modo necessarios. Quam enim recreatio sit homini necessaria; & nullum reperitur exercitium, & nihil magis recreet ac delectet quam istiusmodi ludi sequitur eosdem esse necessarios.

XXXVII. 11. Resp. 1. Licetæ recreationes ludorum consistunt in rebus tantum adiaaphoris, quæ neque à Deo præceptæ sunt, neque vetitæ. Vetitis enim non licet uti: in præceptis autem non licet jocari. Sed vulgares ludos scenicos in rebus vetitis versari jam antea fuit probatum. 2. Delectationes illæ quæ vel ex illicitis rebus oriuntur, vel illicitis rebus causam aut etiam occasionem præbent, sunt vitiosæ, & exitiosæ. 3. Nimis voluptatum carnalium illecebræ vitari debent, tanquam suspectæ, ac periculossæ, tanquam laquei: quia carnem luxuriari faciunt, animam autem inficiunt, & gravant. Neque alia revera causa est cur ludi scenici vulgares tantopere multitudinem oblectent, quam quod in illis turpi voluptate ingurgitentur, ex imagine viva earum libidinum quas in semetipsis qualibet ratione foveri & excitari amant. Obicitur 2. multiplicem esse ludorum horum utilitatem: quia juvant intellectum & memoriam in cognitione rerum: vitiorum fugam, & virtutis studium promovent; linguam etiam & mores reddunt comitiores & civiliores.

XXXVIII. Resp. 1. Si me-
dia hæc

dia hæc essent, quæ tantas adferrent utilitates, approbationem aliquam proculdubio haberent in verbo Dei. Non autem hæc, sed alia sunt media, Dei verbo approbata, in quorum usu, istæ perfectiones debent quæri.

2. Media talia solent à Christianis verbo & precibus sanctificari. 1. *Tim. 4. 5.* sed inauditum plane est, & alienū à natura hominum ludorum, ut quis precibus se paret ad eorum usum. 3. Intellectum, & memoriam istis ludis pollui, vitia promoveri, & virtutes extinguere, experientia omnium seculorum docent, & mores histrionum clamant.

Objicitur 3. posse istos ludos finem habere honestum; materiam laudabilem, ut historiam biblicam, &

actores honestos, ad omni levitate & scurrilitate alienos.

XXXIX. 13. Resp. 1. Quando finis operis est inhonestus, intentione operantis non potest honestari. 2. Si duorum optio danda esset, magis tollerabile videtur, ab histrionibus prophanas fabulas agi, quam historias sacras. Majestas enim verbi Dei, quod cum timore ac tremore debet audiri, & cogitari, indigno modo imminuitur, læditur, & contumelia afficitur, si in rem ludicram convertatur. 3. Si levitas & scurrilitas à scena tollatur, tollitur simul ipsa scena vulgaris; quia tam actoribus quam spectatoribus destituetur.

CAP. XL.

De Legibus Mosaicis, quæ spectant

Ad. 7. Præceptum.

I. 1. **L**Eges quædam hujus præcepti appendices fuerunt permissivæ, quibus factum aliquod non plane probatur, neque indifferens aut licitum redditur, sed tantum immune relinquitur à pœna legali. Hujus generis fuit lex de repudio uxoris non adulteræ, sed propter fecunditatem aliquam odiose. *Dent. 24. 1. Matth. 19. 7. 8.* Fuit ejusdem generis lex de veritate investiganda in casu zelotypiæ. *Num. 5. 14.* Ad

hoc genus etiam, ex parte saltem, referri debet lex quædam quæ polygamiam supponunt: qualis illa quæ prohibet translationem juris primogenituræ à filio uxoris exosæ, ad filium dilectæ. *Dent. 21. 51.*

II. 2. Quædam leges fuerunt diffinitivæ, sed propriæ illius populi, & partim forensem, partim cæceremonialem habuerunt rationem.

III. 3. Talis fuit lex de uxore fratris ducenda, *Dent. 25. 5.* sive

M m

frater

frater germanus defuncti, & levir viduæ intelligatur, ita ut sit exceptio à lege *Lev. 19. 16.* quæ est opinio magis recepta, sive cognatus proximus qui secundum legem potuit viduam ducere, quæ est Calvinii explicatio non improbabilis.

IV. 4. Talis fuit lex de filia hærede, quæ intra paternam tribum nubere jubetur, necum illa hæreditas de tribu in tribum demigraret. *Num. 36. 8.*

V. 5. Talis fuit lex de alienigena uxore non ducenda; non quatenus interdicatur populo Dei ne uxores idololatræ ducant, *Deut. 7. 3.* sed quatenus nuptiæ cum quibusdam saltem gentibus, jam contractæ & consummatæ habebantur irritæ. *Esaï. 9. 1. & 10. 10. 11.* Apostolus enim sub novo testamento contrarium docet. *1. Cor. 7. 2. 3.*

VI. 6. Talis fuit lex de sacer-

dotis conjugio *Levit. 21. 13.* de filiæ sacerdotis propter fornicationem vivicomburio. *Lev. 21. 9.*

VII. 7. Istiusmodi legum æquitas tantum est perpetui & moralis juris.

VIII. 8. Aliæ autem leges ad conjugium spectantes, quæ neque ex permissione, neque speciali iudiciorum conditione pendent, sed ex natura ipsius rei fluunt, quoad substantiam sunt juris communis ac moralis.

IX. 9. Talis est lex de adulterio, commissio cum uxore aliena, utriusque capite plectendo. *Deut. 22. 22.* Huic legi non magis derogatur ex eo quod Christus noluerit adulteram condemnare. *Joh. 8. 11.* quam iustitiæ & æquitati familiæ hereticundæ, ex eo derogatur, quod Christus noluerit hereditatem dividere inter fratres. *Luc. 12. 14.*

C A P. XLI.

Præcept. 8.

De Dominio rerum externarum.

Questio prima. Quinam proprie sunt domini rerum?

I. R. 1. Solus Deus est dominus omnium rerum absolutus. Quatenus enim est creator & gubernator omnium, solus est dominus naturæ rerum; quum homo tantum sit dominus usus earum: & in ipso usu,

homo subicitur voluntati Dei; Deus autem utitur omnibus prout ipsi placet.

II. 2. Angeli non videntur habere proprium dominium rerum corporalium: quia nullibi legimus, dominium istud traditum esse angelis: neque alius usus corporalium rerum ipsis

rerum ipsis usquam tribuitur, quam ministerialis, ad exequendam Domini voluntatem, ex dispensatione divina.

III. 3. Animalia bruta non habent proprie dominium in illas res quibus utuntur: quia jus & justum duntaxat metaphorice in brutis reperitur, non proprie.

IV. 4. Homo habet proprium dominium earum rerum, quæ potestati ipsius subjiuntur. *Gen. 1. Psal. 8.* quia habet facultatem istas res ad suos usus applicandi, quatenus Deus permittit.

V. 5. Inter homines corporalem vitam agentes, nemo est, qui non habet dominium proprium rerum corporalium, in quacunque sint ætate, statu, vel conditione.

VI. 6. Pueri, & amentes, quamvis, propter defectum rationis, non habeant actualem proximam potentiam rebus utendi, habent tamen radicalem, quia sunt homines. *Gal. 4.*

VII. 7. Infideles & impii homines, quamvis de jure, obnoxii sunt hujus domini privationi, & destituuntur etiam altiore illo titulo, quem fideles in Christo sunt consecuti: quia tamen sententia legis adversus ipsos nondum est executioni mandata; & corporalium rerum dominium aliquod, humane naturæ, in ista vita est debitum à Deo, in lege & ordine naturæ annexum, ideoque justum & liberum usum habent istiusmodi rerum temporalium.

Quæstio secunda. An, & quomodo divisio dominiorum fuerit justa?

VIII. R. 1. Justa fuit hæc rerum divisio, & necessaria, 1. Ad contentiones vitandas. *Gen. 13.* 2. Ut diligentius istiusmodi res in suis partibus colerentur. 3. Ut magis ordinate tractarentur.

IX. 2. Divisio ista non nititur tantum jure humano, sed & jure naturali ac divino. Quamvis enim jus naturæ non directe & immediate præceperit ab initio istam divisionem, dicitur tamen ex occasione humani generis multiplicati, & iniquitatis invalescentis, divisionem istam esse necessariam ad pacificam & suavem rerum administrationem. Fuit hoc etiam semper in jure naturæ, quod observatur in mensa vel convivio ordinato, ut quamvis fercula omnia in communi proponantur, portiones tamen ab aliis occupatas, nemo debeat ad se transferre sine consensu eorum, à quibus fuerunt occupate.

Quæstio tertia. An Dominium verum, quoad forum conscientie, fundari possit in solo jure civili; aut in solo jure divino; an in utroque?

X. R. 1. Conscientia in omnibus respicere debet iudicium Dei. Nisi igitur jure à Deo vel in natura, vel in verbo publicato, consistet domini titulum esse legitimum & verum, in foro conscientie consistere non potest.

XI. 2. Respicit etiam proprie
M m 2 judi-

perniciem recipi. quia fovet gravia peccata, in occupationibus rerum alienarum, contra conscientiam; & furibus concedunt dominium rei furtive, tantummodo propter moram restituenti, quod est manifeste iniquum.

XXI. Bonæ fidei possessio nihil habet quod non est in possessione cum fide mala, præter opinionem falsam possessoris, quod res sit sua. Hæc a. opinio nullum justum titulum dominii potest adferre in foro conscientie; præsertim postquam per veritatis manifestationem fuerit sublata, & contraria scientia locum habet, qua novit rem quam possedit fuisse alienam.

XXII. Nullæ justæ causæ possunt adferri, quare præscriptio bonæ fidei dominium transferret. Tres tantum rationes solent allegari: 1. Ne dominia rerum sint incerta. 2. Ne lites sint infinitæ. 3. Ut puniatur negligentia & socordia hominum in suis bonis procurandis. Sed 1. omnes istæ rationes æque militant pro possessione malæ fidei, atque pro illa quæ bonam fidem habet conjunctam. 2. Prima & secunda ratio non spectant ad forum conscientie, sed ad externum tantum, ubi propter illas denegari forsitan actio potest vero domino, post exactum tempus lege definitum. 3. Tertia causa non est sufficiens: quia quælibet negligentia domini in suis rebus repetendis, non meretur tantam poenam. Neque revera lex præscriptionis est proprie poenalis, tum enim dominium

non amitteret prior dominus, neque præscribens acquireret ante sententiam latam. Neque facile probari potest ex solo temporis intervallo, negligentia crassa & supina. 4. Ignorantia, etiam affectata & negligentia voluntaria in veritate inquirenda, quæ bonam fidem excludit, præsumitur semper de eo qui occupat rem alienam, præsertim si auctor sit possessionis inchoanda.

XXIII. 5. Hinc etiam occupatio bonorum ex naufragio perditorum, justum dominii titulum non confert occupanti. Nam 1. injustitia est maxime sæva & crudelis, spoliare spoliatos, & miserrorum miseriam augere. 2. Charitati maxime adversatur. Vbi enim singularis misericordia & subveniendi studium requiritur, ibi afflictionem addere afflictis, hoc est è regione, & positive contra charitatem venire. Perinde revera est, ac si viatorem qui in manus prædonum incidit, & bonis aliis spoliatus, ab ipsis vivus dimissus fuit (sed vincens tamen) cum equo & pallio, Dominus loci teneret victum, & bonis quæ supersunt, equo scilicet & vestibus spoliaret.

XXIV. Nullam aliam speciem juris ad dominium valentis habet occupatio bonorum naufragio perditorum præter illam quæ oritur ex occupatione bonorum delictorum quæ fieri solent primi occupantis. At vero, bona quæ naufragio jactantur in aquam, non idcirco habenda

De occupatione bonorum naufragiorum.

sunt pro derelictis, Derelicta enim talia fiunt vel expresso actu Domini prioris, vel ex conjecturis æquivalentibus; ut si sciens volens penitus negligat, & permittat ab aliis occupari quæ sua fuerunt. Qui autem invitus patitur naufragium, non magis derelinquit bona illa quæ enarrant, vel expresse, vel tacite, quam qui propter incendium, aut ruinam, bona quædam ex ædibus suis patitur exportari. Istiusmodi bona non de jure, sed de facto tantum sunt extra potestatem Domini sui. Non carent Domino: atque adeo inventionem vel occupationem nuda dominium ipsorum non potest acquiri.

XXV. Leges ipse civiles hanc occupationem damnant. Sic enim Constantinus Cod. lib. 11. tit. 5. *Si quando naufragio navis expulsa*

fuerit ad litus, vel si quando aliquam terram attigerit, ad dominos pertineat: fiscus meus sese non interponat. Quod enim jus habet fiscus in aliena calamitate ut de re tam lussuosa compendium sceleretur? Si autem fiscus publicus naufragorum bona sua non facit, multo minus hoc fieri debet à privatis. Recte igitur Cajet. in sum. v. furtum. Naufragorum bona, juxta leges quorundam littorum confiscata, ex hoc ipso quod ex naufragio sunt, nescio qua justitia occupentur, nisi illa qua afflictio additur afflictio. 5. Nulla causa est cuiquam ex naufragio quidquam acquirendi nisi quod justa merces debeat iis quorum opera ac industria naufragorum bona tripiuntur & conservantur.

C A P. XLII.

D E C O N T R A C T V.

Questio prima. Quid juris sit de efficientibus causis contractus?

I. R. 1. Ad contractum legitimum requiruntur imprimis personæ habiles ad contrahendum: i. e. qui habent administrationem suorum bonorum, aut potestatem semetipsos in talibus obligandi. *Actor. 5. 4.*

II. 2. Hinc infantes, furiosi, & prodigi non sunt idonei ad efficiendum contractum; eoque nomi-

ne eorum contractus à jure civili merito pro nullis habentur.

III. 3. Minores autem qui ad perfectum usum rationis pervenerunt, quamvis habeant adhuc curatores, si ex consilio deliberato contrahant, talis contractus in se consideratus, quoad forum conscientiae videtur valere. Vnde etiam Jurisconsulti docent, minores contrahentes absq. auctoritate curatorum, etiam si non obligentur civiliter, naturaliter ta-

ter tamen obligari.

IV. 4. Requiritur secundo in loco, contrahentium consensus, vel formalis, vel virtualis, idque cum tribus istis conditionibus, ut 1. sit liber, ita saltem ut quis teneatur libere velle & consentire, quamvis actu elicto non velit. 2. promissorius, i. e. cum animo obligandi ad leges ejus contractus qui celebratur. 3. Expressus aliquo signo externo.

V. 5. Ex prima conditione sequitur, consensum metu gravi extortum non sufficere ad validum contractum.

VI. 6. Hoc tamen sic intelligi debet, 1. ut metus talis in illum finem inferatur ut extorqueatur consensus. Si enim ob aliam finem esset illatus, & qui patitur metum, ad evadendum illud malum, faceret contractum, talis contractus validus esset: ut si captus à latrone promittat tertio pecuniæ summam ut ab ipso liberetur, talis metus non esset causa sed occasio tantum contractus. 2. Metus talis inferri debet injuste. Nam si quis formidine pœnæ legibus statutz contrahat cum illo quem injuria affecit, talis contractus non potest irritari.

VII. 7. Ex conditione secunda sequitur, promissionem vel dolo elicitam, vel ex errore datam, vel adeo imperfectam, ut non contineat intentionem sese obligandi, non proprie facere contractum. Si tamen alter verbis alicujus deciperetur, cum

suo damno, accipiens illa pro promissione, teneretur ille prestare quod promisit ex modo loquendi, ne daret causam damni quod sequeretur.

VIII. 8. Ex tertia conditione sequitur, promissionem internam homini factam non obligare. r. e. quia actus interni non sunt idonea media nostros sensus, aut consensus ad alios transmittendi.

Quæstio secunda. Quid juris sit de materia circa quam contractus versantur?

IX. R. 1. Contractus legitimi non versantur proprie nisi circa res licitas. r. e. 1. Quia in omni contractu præbetur consensus: consensu autem ferri in rem illicitam est peccatum. 2. Contractus habet in se vim promissionis: promittere autem non licet, quod non licet præstare. 3. Ex contractu exurgit obligatio. Nulla autem obligatio potest esse legitima, quæ obligat ad peccatum, & eo nomine obligationi legis divine adversatur.

X. 2. Hinc contractus vel pæctio pretii ob rem turpem est etiam turpis: ut pæctio de homicidio, de stupro &c. r. e. quia ejusmodi pæctiones ordinantur ad turpitudinem tanquam ad finem, atque adeo sunt ejusdem naturæ cum fine ad quem ordinantur, i. e. turpes. Si vero quærat an post rem turpem pæctam, obliget contractus promittentem, & an liceat ex contractu accipere pretium aliquod ratione laetis,

boris, periculis aut detrimenti cum turpitudine conjuncti respondendum videtur, promittentem obligari, sed ut pars altera recipiat, vix posse consistere cum poenitentia vera. *Mat. 27. 3. 4.*

XI. 3. Contractus emptionis ac venditionis, & qui sunt similis naturæ, non habent locum in qui usdam rebus: non quia non sunt licitæ ac bonæ in sese, sed quia adeo bonæ sunt ut pretio non possint æstimari.

De Si-
monia.

XII. 4. Hinc peccatum est Simoniz, emere aut vendere, aut quocunque modo commutare rem sacram vel spiritualem pro temporali. r. c. 1. Quia res sacræ, sancte debent tractari, non pollui aut profanari; quod tum fit, quando ut res mundanæ, in temporales contractus deducuntur. Hoc est enim contra religionem & reverentiam debitam sacris. 2. Quia injustum est illa vendere quæ gratis distribui debent. *Matth. 10. 8.*

XIII. 5. Extenditur autem hoc peccatum non tantum ad dona supernaturalia (quod tamen fuit peccatum Simonis magi, à quo peccatum hoc nomen suum accepit) sed etiam 1. ad talium donorum causas, ut Sacramenta & sim. 2. ad talium annexa, quatenus sunt talia. Talia autem sunt illa omnia quæ vel antecedenter, vel concomitanter, vel consequenter, ita sunt spirituali functioni vel officio adjuncta, ut ab eodem non possint separari.

XIV. 6. Hinc simoniæ tenetur, non solum illi qui emunt aut vendunt ea quæ directe spectant ad electionem & ordinationem aut vocationem ecclesiasticorum ministrorum, sed & qui in ordine ad illam vocationem, emunt aut vendunt illa quæ destinata sunt ministrorum sustentationi, quæ beneficia solent vocari.

XV. 7. Istiusmodi simoniæ actiones non tantum in pecunia versantur, sed & in eis omnibus quæ vel pecunia aut pretio possunt æstimari, vel similem cum illis rationem habent, in ordine ad spiritualia. Hinc munus simoniacum non inepte dividitur in munus à manu, munus à lingua, & munus ab obsequio. Munus à manu est pecunia, aut res pecunia æstimabilis. Per munus à lingua intelliguntur preces, intercessionēs, laudes, adulationes, si vim habeant causæ in ordine ad spiritualia comparanda. Per munus ab obsequio intelligitur actio aliqua temporalis inducens spiritualium collationem quasi in solutionem debiti, sive pactum exprimitur, sive tacite intelligitur.

XVI. 8. Intentio ipsa istiusmodi donationum aut receptionum, quamvis in altera sola parte consistat, est gradus quidam hujus peccati; atque adeo non male vocatur simonia mentalis, & à nonnullis confidentialis, prout distinguitur à conventionali, & reali.

XVII. 9.

XVII. 9. Simonia nullam speciem habet quod datur in sustentationem eorum, qui ministri sunt rerum spiritualium. Locum hic habet, quod de medicorum & præceptorum dicitur mercede: *Huius rei precium, sed opera, solvitur, quod deserviunt, quod à rebus suis advocati nobis vacans. Mercedem, non meriti, sed occupationis sua ferunt.*

XVIII. 10. Neque proprie simonia est, quando ex mera gratitudine, sine ullo pacto expresso, vel tacito, directo vel indirecto, aliquid datur. Neque si quid detur ab illo, qui jus certum & indubitatum habet ad functionem spirituales, in vexationis injustæ redemptionem. Sed in istis cavendus est dolus, & species mali fugienda.

XIX. 11. Quamvis non omni-modi paritas, similitudo tamen & proportio quædam est inter res sacras, & munera publica in quibus inest jurisdictionis potestas. Istiusmodi enim officiorum venditio turpem quandam perversitatem habet ipsorum naturæ adversantem. Nam sicut actui jurisdictionis repugnat, ut sit venalis, ita & potestati illum actum exercendi. Neque revera dominium habet Princeps in officia jurisdictionis, sed tantum administrationem. Tanta etiam sunt mala, quæ ex hac negotiatione proveniunt, ut omnibus ingenuis habeatur detestationi.

Quæstio tertia. Quid juris sit de

forma contractus?

XX. R. 1. Forma externa non est una certa ac determinata ullo jure, vel naturali, vel divino, vel etiam civili. Potest enim consistere in qualicunque declaratione mutui consensus, sive verbis fiat, sive gestibus, sive scriptura, sive rei ipsius traditione. Quamvis igitur ista forma vim habeat obligandi, quia tamen per se non valet, sed quatenus relationem habet ad formam internam, idcirco minus pertinet ad internum conscientie forum.

XXI. 2. Forma interna contractus legitimi est bona fides, qua quis sincere intendit semetipsum obligare ad illud præstandum quod præ se fert, idemque quantum in se est præstare. r. e. quia contractus includit consensum promissorium, promissio autem est testimonium, quo quis fidem suam obligat ad fidem alteri faciendam de hoc aut illo præstando; atque adeo ut sit vera ac sincera, interne & essentialiter exigit fidem bonam contrahentis.

XXII. 3. Hinc divisio illa contractuum, qua alii dicuntur esse bonæ fidei, & alii stricti juris, non est accurata, neque locum habet in foro conscientie & coram Deo. Bona enim fides in omnibus contractibus requiritur: & quia in illa præcepta pars naturæ contractuum consistit, ex illa, & secundum illam, quatenus liquere potest, judicium est ferendum. In omnibus igitur contractibus

De forma contractus.

bus procedendum est ex æquo, & bono, potius quam ex verbis, & summo juris rigore, in quo summa sæpe injuria continetur.

XXIII. 4. Huic bonæ fidei non repugnat, aliquando non præstare promissum: quando scilicet promissio definit obligare: ut 1. Si res promissa fiat inutilis, illicita, vel impossibilis. 2. Si status rerum vel personarum ita mutetur, ut iudicio prudentium, promissor non censeatur voluisse comprehendere illum eventum. 3. Si altera pars remittat illud quod in ipsius gratiam fuit promissum. 4. Si alter qui vicissim promissit, nolit implere promissum. 5. Si aliquid promissum sit ob causam, quæ postea reperitur non subesse.

XXIV. 5. Adversatur bonæ fidei simulatio, i. e. calliditas, astutia, frans, fallacia, aut machinatio & insidiatio, vel verbis, vel factis, adhibita ad alterum in ejus fraudem decipiendum aut circumveniendum. 1. *Theff. 4. 6.* 1. *Cor. 6. 8.* Appellari solet dolus malus, ut distinguatur à dolo bono, quæ quisquis decipitur consentance ad rationem rectam.

XXV. 6. Bonæ fidei repugnat, quatenus tollit synceram intentionem præstandi quod prætenditur ac promitti videtur.

XXVI. 7. Si dolus iste versetur circa substantiam rei, ut si quis vendat vitrum pro margarita, ex natura rei sit irritus contractus. r. e. quia in tali contractu deest consen-

sus. Emptor enim qui emit margaritam, non consentit in vitrum.

XXVII. 8. Similis est ratio doli mali qui contractui dat causam præcipuam, quamvis non versetur in substantia rei; ut si quis inducat emptorem ad margaritam emendam eo solo nomine, quia fuit antea patris ipsius, alioqui non empturum. Talis enim contractus vel irritus est, vel irritandus: quia ille qui fuit dolo inductus ad contrahendum, passus est injuriam in ipso contractu; atque adeo restitui debet in integrum per contractus illius rescissionem.

XXVIII. 9. Quando dolus incidit tantum in contractum, & versatur, circa accidentia; ut si decipiatur quis circa præstantiam rei quam emit, & dolo inducatur non ut emat, sed ut pluris emat quam valeat, non reddit contractum vel plane irritum, vel omnino irritandum: sed tamen qui decepit, in conscientia tenetur, secundum æquitatem alterius damnum compensare.

XXIX. 10. Hujus generis dolus est, quando venditor emptorem celat vitium aliquod occultum rei venditæ, quod damnum vel periculum infert emptori.

XXX. 12. Eodem etiam spectat, si venditor sciens futuram brevi magnam copiam, mercium, ex cujus occasione minuetur pretium, & grave damnum passurus est, qui emit antea pretio currente, neque indicet illud emptori, neque minuat pretium:

Dolus
malus.

tium: aut etiam si emptor sciat futuram brevi magnam copiam ementium aut mercium inopiam, ex quo augebuntur pretia rerum, & venditor in pauperiem incidet si vendat pretio corrente. In istis enim casibus tenemur saltem ex communi lege charitatis, tenemur providere bono proximi, dummodo fiat sine nostro magno detrimento.

XXXI. 12. Leges illæ civiles quæ confirmant contractum factum cum circumventionem, citra dimidium pretii iusti, sunt permissivæ tantum ad lites minuendas: non justificant talem contractum, sed relinquunt eum jure naturæ, & divino, in foro conscientiæ judicandum.

XXXII. 13. Fidei bonæ opponitur etiam culpa illa quæ consistit in omissione inconsiderata diligentiae illius quæ potuit ac debuit adhiberi ad contractum implendum. Differt à dolo: quia proprie dolus ex proposito, & scienter adhibetur: sed culpa provenit ex inadvertentia, vel inconsideratione, præter propositum ac intentionem. Fidei bonæ repugnat, non quod intentionem sinceram simpliciter excludat, sed quod vel sedulam ac debitam curam eandem perficiendi abesse declaret. Ab Apostolo idcirco recte *levitas* vocatur. 2. Cor. 1. 17.

XXXIII. 14. Culpa ista dividitur in latam, levem, & levissimam. Lata culpa est omissio illius diligentiae quam communiter adhi-

bere solent homines ejusdem conditionis: ut si quis librum commodatum relinqueret in loco publico, unde surripitur. Levis culpa est omissio illius diligentiae quam homines diligentes ejusdem conditionis adhibere solent: ut si quis magni pretii depositum relinqueret in cubiculo non obsecrato unde surriperetur. Levissima culpa est omissio illius diligentiae quam homines diligentissimi ejusdem conditionis solent adhibere, ut si tale depositum ita relinquat, ut pûter januam esse obsecratam, sed non certo sciat.

XXXIV. 15. Ex culpa lata semper tenentur contrahentes de damno inde secuto. Quia diligentia communis in omni promissionis obligatione continetur: & ejus omissio bonæ fidei manifeste repugnat. Unde etiam fit quod lata culpa eodem fere loco & ordine haberi soleat, cum dolo malo.

XXXV. 16. Ex culpa levi, vel levissima, eatenus tantum tenentur contrahentes, quatenus vel natura contractus, aut conventio contrahentium postulat; vel etiam leges humanæ ex æquitate sanxerunt.

Quæstio quarta. Quid juris sit de fine contractus?

XXXVI. R. 1. Finis contractus semper debet esse aliquid boni. In malum enim neque obligatio, neque promissio, neque consensus fieri debet.

XXXVII. 2. Contractus ex ordine

ordine tendere debent in bonum ipsorum contrahentium. Versantur enim circa ipsorum bona, non circa aliena. Nemo enim contrahere potest de illis bonis, quæ non habet in sua potestate.

XXXVIII. 3. Quidam contractus sunt in bonum solius dantis, ut depositum, mandatum. Alii in bonum solius recipientis, ut donatio, mutuum, commodatum. Alii in bonum utriusque, ut emptio, locatio, societas, pignus, permutatio, &c. Hæc autem differentia, quamvis proprie pendeat ex ipsorum contractuum natura; ex contrahentium tamen conventionem potest mutari, & varii fines misceri. c. g. depositum aliquando est in bonum etiam depositarii, & commodatum in bonum etiam commodantis.

XXXIX. 4. Proprium commodum querere solum, in eo contractu qui sua natura tendit in bonum alterius, vel utriusque partis, hoc fraudem sapit, & sæpe iustitiæ, semper autem charitati christianæ

repugnat.

XL. R. 1. Effectum omnis legitimi contractus est vinculum obligationis ad illud præstandum in quod consensus. r. c. 1. Quia quisque tenetur stare quod legitime promittit. 2. Quia ex promissione, & ejus acceptione, acquiritur alteri parti jus exigendi promissum. Unde etiam est, quod nullus contractus possit rescindi parte illa cujus interest in vita.

XLI. 2. Hæc obligatio quia non extenditur ultra bonam fidem, ideo cessat aliquando ex casu mere fortuito, vel eventu inopi nato, qui evenit absque culpa obligati utpote qui non potuit humana providentia impediri.

XLII. 3. Quamvis autem regulariter & ex natura rei, nemo teneatur de casu fortuito absque ejus culpa intercedente; fieri tamen potest ut quis ex singulari conventionem teneatur ad talem casum: quia talis obligatio certo pretio potest æstimari.

C A P. XLIII.

De pretii ratione in contractibus venditionis, emptionis, locationis, conductionis, & qui sunt similis naturæ.

Questio prima. Quænam regulæ sunt observandæ, ad pretium justum, in hujusmodi contractibus, constituendum?

I. R. 1. Regula illa est primaria, quæ traditur à Spiritu sancto, Prov. 20. 14. ne emptor ut pretium possit minuire, dolose decipiat quidquam

quam mercibus emendis; aut venditor, ad pretium augendum, contra conscientiam suam amplifcet mercium suarum dignitatem. Nam vili velle emere, & caro vendere, commune quidem est (ut Augustinus observat) sed tamen est vitium commune, nisi intra certum modum & limites consistat.

II. 2. Sequenda est autoritas publica in eis rebus, quarum pretium est à Magistratu constitutum: quod multis in locis usu venire solet, in maxime necessariis, quæ pertinent ad victum. Semper enim (nisi contrarium sit manifestum) præsumitur iustum & æquum in istiusmodi rebus communis usus, quod à communitate probatur. Hic tamen observandum est, quod quia in rebus ad vitam necessariis, taxari solet pretium penes terminum magnitudinis, in favorem emptorum, ideo posse illud pretium minui, sed non posse augeri.

III. 3. Sequenda est communis æstimatio fori, & hominum prudentium ac bonorum. Hæc enim æstimatio vim habet tacite legis: & excludit periculum deceptionis alicujus cum alterius damno. Hoc sensu admitti potest illa regula, quæ in jure civili, & moribus hominum approbatur: iustum esse pretium, si res tanti vendatur, quanti vendi potest: vel rem omnem venalem tantum valere, quanti potest vendi; i. e. quanti vendi potest communiter,

non ex affectione aut utilitate hujus aut illius hominis singularis.

IV. 4. Vbi neque publica taxatio, neque communis æstimatio potest locum habere, ibi statuendum est pretium (scelus fraude) secundum judicium intelligentium, omnibus circumstantiis rite consideratis. Ceterum enim regula in multis haberi non potest, ad conventionem dirigendam.

V. 5. Differentia illa notanda est in istis regulis observandis: quod pretium legitimum autoritate publica constitutum consistat in indivisibili, ita ut non possit à venditore vel minime augeri: sed pretium naturale, per communem æstimationem, aut partium conventionem statuendum, habet suam latitudinem, intra quam potest ex occasione variari. Hinc triplex assignari solet pretium iustum. Aliud dicitur rigidum aut supremum, penes terminum magnitudinis: aliud mite, infimum, pium, dulce, penes terminum parvitatatis: aliud vero medium, mediocre, & moderatum, penes recessum ab utroque extremo.

Quæstio secunda. An sint aliquæ causæ justæ, iustum pretium variandi?

R. Dantur causæ variæ.

VI. 1. Prima causa petitur ex ratione officii mercatoris: quia pretio æstimabile est, quod tempus, curas, & cogitationes suas in rebus conquirendis, conservandis, & distrahendis, & conducit etiam operam

famulorum; ad quæ faciendâ resp. necessario debet publicos ministros conducere, si mercatores deessent. Hinc eadem res majore pretio æstimatur apud mercatores, quam apud alios privatos. Non tamen computare debent mercatores expensas omnes quas fecerunt. Sæpe enim accidere potest, ut inutiliter & non necessaria in re aliqua tanta opera sit posita, & tanta intervenerint expensæ: sed communis rerum æstimatione est sequenda.

VII. Hinc fallaces sunt illæ regulæ, quibus negotiatores solent justificare semetipsos, in pretio majore pro mercibus exigendo: quod scilicet tanti emerunt merces illas; quod tantas expensas fecerunt in illis procurandis. Contingere enim potest, ut negotiator vilius vendat quam emerit, & tamen inique vendat, vel quia stulte emit, vel quia postea mutata est talium mercium æstimatione.

VIII. 2. Secunda causa petitur ex modo vendendi: ex quo sequitur varietas multiplex in pretio augendo ac minuendo.

IX. Quando merx quærit emptorem, hoc facit vilescere pretium rei justum, secundum proverbium commune: merces ultionis aut oblatae vilescunt. Ratio reddi solet, quia in illo modo vendendi est raritas emptorum, & sic minuitur æstimatione communis: sed non videtur illa ratio in conscientia sufficiens ad notabilem pretii immutationem, nisi

illud etiam accedat, quod res illa, quæ venditur sit parum utilis emptori; aut talis qualem non esset empturus, nisi ex tali occasione; aut non tam in suam, quam in venditoris gratiam eandem emat.

X. Ex hac regula sæpe fit, ut merces in auctione, sub hasta, vel publica voce præconis, minus pretium habeant quam solent alias habere.

XI. 2. Quando emptores quærent merces. Tum enim copia emptorum auget æstimationem communem, & sic causa est justa pretium augendi.

XII. 3. Quando aliquis vendit simul magnam copiam rerum, & non minutim; hic vendendi modus minuit pretium, quia minuit copiam emptorum, & potestatem rursus ex occasione vendendi, sine detrimento aut periculo damni.

XIII. 4. Quando vendit aliquis minutim, vel per mensuras minutiores, hic modus justum rei pretium juste auget: quia sic major est labor in vendendo; & major cura & industria, in mercibus servandis ac dividendis.

XIV. 5. Tertia causa est, si venditor ex venditione passurus sit incommodum aliquod singulare, quamvis illud incommodum consistat tantum in privatione honoris, aut delectationis singularis. Tum enim venditor potest aliquid amplius exigere, quam res secundum se vale-

ret, &

ret, & pretium per accidens erit iustum: quia æquitas naturalis postulat, ut venditor, qui est dominus rei suæ, servet se indemnem.

XV. Sed hoc tum denuum verum est, quando emptor sollicitat

venditorem, ut rem illam vendat, quam alias non esset venditurus. Si enim venditor, ultro se offert ad vendendum, tunc emptor non est causa quod venditor suo commodo privetur.

CAP. XLIV.

DE CONTRACTU USURARIO.

Questio prima. Quid sit usura? R. 1. Usura (in ista materia contractuum) per accommodationem, describi solet, lucrum ex mutuo questum vi ipsius mutui.

II. 2. Per *lucrum* autem intelligitur acquisitio commodi pecunia æstimabilis, quod alias meum non erat. Si enim quis amicitiam ac benevolentiam querat, non est usura: quia non est de numero eorum quæ pretio æstimantur. Si etiam quis in mutuo dando illud tantum querat, ut accipiat aliquid sibi debitum virtute alterius alicujus contractus aut obligationis, non est usura: quia non acciperet aliquis alias non suum. Si tamen quis non quereretur pecuniam, aut merces, sed obsequium, munus, aut oneris alicujus impositionem, recte vocatur *lucrum usurarium*, quia est pretio æstimabile.

III. 3. *Vi ipsius mutui* dicitur, ad excludendum *lucrum* quod ex alio titulo accipi potest, ut in compensationem damni emergentis, vel lucri cessantis, &c. Cujus generis lu-

crum vocari solet *quod interest*, & ab *usura* ac *faenore* distingui.

IV. 4. *Questum* dicitur hoc *lucrum*, non *conventum*: quia non tantum usura *realis*, in qua pactum intercedit, sed & *mentalis*, quæ versatur in intentione *lucrum* ut debitum ex mutuo acquirendi, ista descriptione continetur.

Questio secunda. An Usura hujusmodi sit licita?

V. R. 1. Usura talis, qualis à danistis, ac faeneratoribus, vulgo exercetur, ab omnibus merito improbatur. Quia ars est captatoria, quæ quæ nulla ratione habita charitatis, aut æquitatis, aliorum bonis insidiatur.

VI. 2. Generaliter tamen & absolute illicitam esse quamlibet usuram, nulla ratione naturali solide potest probari.

VII. Non eorum qui dicunt mutuum ex natura sua debere esse gratuitum. Neque enim probari hoc potest, omne mutuum quibus-
cunque circumstantiis veliatur, de-
bere

bere esse gratuitum : & si concedatur hoc, nihil aliud inde sequetur, quam mutuum si gratis non fiat, transire in alium contractum, vel nominatum, vel innominatum, vel simplicem, vel mixtum.

VIII. Non eorum qui allegant, in rebus illis quæ usu consumuntur, dominium non distingui ab usu ; atque adeo pro usu nihil posse accipi, ultra valorem ipsius rei vel dominii ejus. Respondetur enim, lucrum accipi non simpliciter pro usu rei mutuatæ, quoad substantiam, sed quoad valorem aut proventum, qui manet post substantiam consumptam, & subsistit sæpe in rebus, quæ usu non consumuntur; & pro officio vel actu mutuandi, unde commodum percipit mutuatarius.

IX. Non eorum qui obijciunt, pecuniam sua natura esse sterilem. Quamvis enim per se sit sterilis, facile tamen commutari potest in merces, quæ fructum edunt: & accedente industria utentis, vim suam conferat ad fructum pariendum.

X. Non denique eorum qui in genere dicunt, nihil esse in mutuo pro quo lucrum possit accipi. Est enim proventus fructus, vel emolumentum quod ex pecunia mutuo data probabiliter potest expectari: & est onus annexum privationi pecuniæ, quæ sit, ut omnis occasio eadem cum fructu alias collocandi omittatur. Vocatio etenim à pecunia utenda, eodem jure aestimari

posse videtur, quo & vacatio à labore aestimatur *Exod. 21. 19.* cum illa non minus quam labor, aut opera in domini sui commodum occupari possit.

XI. Ratione evidente confirmatur, aliquam usuram esse licitam: quia nulla realis differentia potest ostendi inter quandam usuram, & alios contractus ab omnibus probatos. e. g. est aliquis pecunia instructus ad prædium emendum, unde possit percipere annuos fructus centum imperialium: idem prædium cupit alter habere, sed non est pecunia instructus: si prior ille emat prædium, & elocet alteri pro centum imperialibus, quin justum & equum fecerit, nemo negabit. Si vero alteri det pecuniam ad idem prædium sibi emendum, & eandem summam ab eo accipiat, eidem periculo sese subiciens cui in exemptione sua fuisset obnoxius, eadem prorsus est justitia, & præterea non nihil accedit alteri illi qui solvit usuras, ratione dominii in prædium illud, quod emptione sua acquisivit.

XII. Scriptura non tollit omnem omnino usuram: sed 1. illam quæ exigitur ab egro, qui ob instantem necessitatem, & sustentationem suam, aliquid mutuo petit; ita ut prohibitio fundetur in conditione personæ. *Ex. 22. 25. Lev. 25. 35. Prov. 28. 8. Ezech. 18. 17.* 2. illam quæ mordet aut rodit: id est, quando debitum exigitur cum rigore, &

re, & proximi damno. 3. illam quæ charitati repugnat. *Luc. 6. 35.* 4. forſan & illam omnem, quæ ex lege politica Judæis inter ſe exercere non licebat. *Deut. 23. 19.*

XIII. Scriptura indicare videtur aliquam uſuram eſſe per ſe licitam, dum à quolibet non egro extraneo accipere uſuras Judæis permiſſe erat. *Deut. 23. 20.* Si enim uſura omnis eſſet inuſitata ac ſua natura mala, tum non potuerunt Judæi à gentibus accipere uſuras, ſine ſcandalo gravi, quo gentes averterentur à religione ac lege Judæorum, quæ admitteret rem illicitam tanquam licitam. Huc etiam referri poteſt, quod maxime probabile ſit ex parabola illa de talentis, *Matth. 25. 27.* non tantum in vulgari uſu fuiſſe apud Judæos menſariorum aliquod ſœnus, ſed etiam à Domino non fuiſſe improbatum: quia ſub illa ſimilitudine exigit officium ſpirituale, ſine ulla inſinuatione alicujus improbationis, qualem in aliis parabolis, quæ ab uſu improbo officium illuſtrabant, ſolebat adhibere, ut *Luc. 16. 8.*

Quæſtio tertia. Ex quo fundamento poſſit æquitas lucri ex pecuniæ mutatione demonſtrari?

XIV. R. I. Æquitas eſt manifeſta, de qua nemo poteſt dubitare, ſi quis nullum certum redditum vel ſummam ſibi præciſe pendi ſtipuletur, ſed ita pecuniam ſuam apud probum virum collocet, ut in illius fide

acquieſcat, ac contentus ſit æquam partem ſacruæ pecuniæ percipere, pro ratione benediſſionis Dei erga ipſum pecuniæ exercitorem. De hujusmodi pecuniæ collocatione nulla poteſt eſſe quæſtio, ſi periculum capitalis maneat commune. Nihil enim eſt aliud quam contractus ſocietatis in lucro & damno.

XV. 2. Nihil contra æquitatem committitur, ſi lucrum incertum quod probabiliter ſequetur, vendatur pro certo moderato.

XVI. 3. Neque iniquitatis quidquam eſt in eo, ſi contractus fiat legibus æquis, ut totum periculum capitalis pertineat ad eum qui pecuniam exercet. Nihil enim aliud eſt quam contractus aſſecurationis, quo alienæ rei periculum pretio aſtimabile ſuſcipitur pro pretio.

XVII. 4. Non neceſſario requiritur ut iſtiusmodi contractus diſtincte & expreſſe fiant; ſed ſatis eſt, ſi fiant implicate, ex intentione ſynce- ra, & ſecundum aſtimationem proborum & iſtiusmodi rerum intelligentium virorum.

XVIII. 5. Quum igitur iſti omnes cōtractus ſeparatim liciti ſint, ut omnes concedunt, neceſſario ſequitur, contractum mixtum & com- politum ex iſtis, vid. ex contractu ſocietatis, aſſecurationis forſis, & venditionis lucri incerti pro certo, non eſſe ſimpliciter & abſolute improbandum.

Quæſtio quarta. Quenam obſervanda

servanda sunt ad peccatum vitandum in pecunia exponenda?

XIX. R. 1. Cavendum impri-
mis, ne quid ultra fortem exigatur ab
eis, qui sunt egeni.

XX. 2. Cavendum etiam ne
lucri aviditas aliquo modo impedi-
at quinquam, quo minus vel egentes,
mutuo dando, vel prorsus pauperes,
simpliciter donando juvet, pro ra-
tione suarum facultatum.

XXI. 3. Cavendus est omnis
excessus: ad quem vitandum, tutis-
simum est, cum qui pecuniam expo-
nit, non totum illud exigere quod
legibus & usu recepto licet, sed citra
illud quod permittitur sese continere.

XXII. 4. Ratio semper ha-
benda est illius, quicum res est, ut
cum ejus commodum, non damnum,
fructus pecuniæ redeat ad illum, qui
mutuo dedit. Hinc summum jus
non potest sæpe sine summa injuria
urgeri. E. g. si quis absque sua culpa

jacturam fecerit in negotiatione quam
facit ex pecunia mutuo accepta, in-
humanum esset ab ipso exigere pecu-
niæ proventum, i. e. lucrum perci-
pere ex ejus damno. Hanc æquita-
tem etiam in locatione & condu-
ctione naturalis conscientia videtur
dictare; ut si vel sterilitas, vel cala-
mitas superveniens tanta sit, ut con-
ductor damnum notabile patiatur
ex re conducta, pensio illi sit à loca-
tore remittenda vel tota, vel ex
damni facti proportionem.

XXIV. 5. Spectanda semper
& observanda regula æquitatis &
charitatis: ut illud tantum accipia-
tur, quod quisque bona fide, vellet
à se accipi, in simili necessitate de-
prehensus.

XXV. 6. Offensiones, & ca-
lumniæ (quibus obnoxium est hoc
genus contractuum. *Jer. 15. 10.*)
declinari semper debent, quantum
fieri potest.

C A P. XLV.

De Contractu sponsonum sortium, & ludorum.

Questio prima. Quid sit spon-
sio?

I. R. Est contractus, in quo
duobus circa veritatem aliquam
contendentibus, vicissim aliquid spon-
dent, ex quo præmio afficitur is, qui
veritatem fuerit assecutus, & pœna
ille qui veritatem non attigerit. Ex-
emplum habemus in enigmate Sam-

sonis *Jud. 14. 13. 14.*

Questio secunda. An hujusmodi
sponsones sint licitæ?

II. R. 1. Actus sponsonis per
se consideratus non est plane injustus:
quia periculum tantum unius, op-
ponitur periculo alterius: qualia pe-
ricula possunt aliquando subiri, &
inter se commutari.

III. 2. Potest quis aliquando voluntariæ mulctæ periculum subire ad suam conjecturam confirmandam: & illa mulcta potest ab altero merito exposci, si modo temere suæ conjecturæ confidit.

IV. 3. Potest etiam inter duos præmium aliquod statui, ex mutuo consensu, de eventu aliquo dubio, ut spe illius præmii hic aut ille ad laudabilem industriam excitetur.

V. 4. Sponsiones tamen sunt illicitæ 1. si conditionem habeant illicitam ut si duo certent inter se de hoc aut illo peccato: ut quis alterum vincat potando; quis audacius sese gerat in hoc aut illo negotio improbando &c. 2. si cedant in notabile damnum alterius partis. Istiusmodi n. periculum non debet subiri in contractu illo, qui nulli notabili utilitati vel publicæ vel privatæ deservit, qualis sunt sponsiones vulgares. Et lucrum illud habendum est pro turpi, quod ex alterius damno assurgit. Hinc contractus ille de ænigmate Samsonis merito damnatur postea ab ipsis Philistæis, quia tendebat ad ipsos hereditate sua spoliandos. *Juda. 14. 16.*

VI. 5. Ad contractum sponsionum non debet referri census qui vocatur vitalitius, quo quis dat summam pecuniæ, ut accipiat singulis annis certam pensionem quoad vixerit. Non enim spondet ille se fore incolumem usque dum pensiones supera-

verint sortem; neque contra spondet alter. Contractus enim talis est emptionis, ac venditionis, quo incertum lucrum emitur pretio certo: & pro licito habetur secundum naturam & leges talis emptionis, non ratione fictitiæ alicujus sponsionis.

Quæstio tertia. Quid sit contractus sortium?

De contractu sortium.

VII. R. 1. Est contractus, quo vi conventionis præviæ, mittuntur sortes, ex quibus constet, quis hanc aut illam rem obtinere debeat.

VIII. 2. Hujusmodi contractus, aliquando fit inter eos, qui antea jus habuerunt ad illam rem, circa quam fors versatur; sive sit dividenda inter multos, ut in distributione terræ Canaan, *Gen. 18.* sive tota ad unam debeat devenire, ut in veste Domini huic aut illi adjudicanda. *Joh. 19. 24.* ad quam speciem etiam reduci possunt sortes illæ, quæ lusoriæ vocantur. Aliquando autem fit inter eos, qui antea nullum commune jus habuerunt ad rem sorte disponendam; ut quando aliquid unum, aut plura exponuntur per sortes quasi vendenda, & variè concurrunt ad eandem per sortes acquirendam: ut in sortilegiis illis, quæ vulgo vocantur *lotteria*; aut quando sortes ordinantur vel ad electionem aliquam faciendam, ut in electione Matthiæ. *Matth. 1. 26.*

Quæstio quarta. Quid juris sit de hujusmodi contractu?

IX. R. Contractus iste per se licitus

licitus est, & in Scriptura variis exemplis approbatus. Ratio est, quia quod singuli invicem periculo sortis exponant æquale jus ad rem aliquam, vel quam partem ex ea debeant accipere, est commutatio quædam æqualis.

X. Sed tamen variis modis vertitur in peccatum. 1. Si quis in sortibus diligendis, vel ab astris pendeat, vel ab angelis, vel à fortuna. 2. Si intendatur quod in se, non est licitum, vel si illicitus admisceatur modus agendi. 3. Si denique vel absque gravi causa, vel absque debita reverentia adhibeantur: quia ex natura sua, missio sortium singularem quandam relationem habet ad specialem Dei providentiam. *Prov. 16. 33.*

Quæstio quinta. Quid est contractus ludi?

XI. R. 1. Est contractus quo ludentes inter se conveniunt, ut victori aliquid tribuatur à victo. Sive enim victori tribuatur totum illud quod deponitur ab utroque, sive quod depositum fuit à victo in communem usum impendatur, semper victori aliquid tribuitur à victo.

XII. 2. Est aliquid mixtum ex duobus contractibus: quorum primus est mutua commutatio periculi & interesse, in commodum hujus aut illius secundum eventum ludi, secundus est sponsio ex peritia, industria, vel felicitate majore suspensa.

Quæstio sexta. An talis contractus sit licitus?

XIII. R. 1. Non est per se illicitus: quia potest conventio talis esse in justa potestate convenientium; potest ordinari ad finem bonum ex intentione bona; & potest eo modo exerceri, ut nullam violationem secum trahat vel religionis, vel justitiæ, vel charitatis.

XIV. 2. Intentio notabilis aliquis lucri ex ludo, reddit illum vitiosum. 1. Quia finis ludi est recreatio & oblectatio ludentium. Est igitur abusus naturæ ludi contrarius, si lucri causa instituatur, & in unius partis notabile incommodum convertatur. 2. Vel paritas supponitur inter colludentes, & sic prodigalis temeritas est, notabilem pecuniæ summam tali periculo exponere absque ulla necessitate; vel de imparitate aliqua cogitatur, & sic dolo & iniquitate vitiatur contractus, dum unus vel nullum vel exiguum suum periculum damni, cum spe fere certa lucri, alterius maximo periculo opponit. 3. Nemo mortalis tam absolutus est dominus suæ pecuniæ, ut notabilem summam vel alienare, vel exponere periculo alienationis possit, absque justa causa, in verbo Dei probata: quod de ludo per se considerato non potest affirmari. 4. Non licet cuiquam lucrum querere ex alterius damno: hoc autem fit manifeste, in ludo lucri causa instituto: & hoc respectu, lucrum ex ludis est turpe lucrum: neque magis à vulgo probaretur quam alia species avaritiæ, quæ sordida

fordidiores habentur, nisi quod prodigalitatis aliquid habeat conjunctum, cui magnificentia quædam inesse videtur.

XV. 3. Modicum illud, in quod ludere licet, pro ratione conditionis ludentium aliquam admittit variationem. Sed certum est, non licere cuiquam plus exponere in ludo, quam justam proportionem habet ad finem ludi, i. e. quam homo talis conditionis possit ex recta ratione impendere suæ recreationi.

XVI. 4. Illi ludi qui sorte constant, aut sorte præcipue nituntur, ab istiusmodi contractibus sunt removendi. Nam 1. Nullum est in sortibus, certamen aut exercitium alicujus virtutis, ad quam solam excitandam sicut præmia debent publice proponi sic etiam constitui ex privata consensione. 2. Sors ex natura sua specialem continet appellationem ad providentiam illam à qua

gubernatur, atque adeo est res sacra: verum autem vetus verbum: non est bonum ludere cum sanctis. 3. Istiusmodi ludi ex natura sua singularem occasionem præbent lusoribus variorum peccatorum: ut 1. gravissimarum perturbationum, execrationum, & blasphemiarum, propter adversam (ut appellant) fortunam. 2. Immodicæ pertinaciæ in continuatione ludi, propter spem fortunæ melioris, cujus abjiciendæ causam nullam possunt videre. 3. Jacturæ temporis, atque etiam pecuniæ, nullo solido finctu inde cuiquam redundante.

XVII. Hinc est, quod in Scripturis legamus de aliis exercitiis virtutis causa habitis & probatis, ut de arcu tractando 2. Sam. 1. 18. Sed ludus aleæ, aut aleatorius, in Scripturis nullam habet approbationem, & omnibus fere legibus prohibetur, quamvis tales leges pravis moribus cedere cogantur.

CAP. XLVI.

DE OCCUPATIONE VITAE.

Questio prima. An quis extra certam occupationem vitæ vivere possit absque peccato?

I. R. Qui tantum habet virium & donorum a Deo sibi concessorum ut in honesta aliqua functione laudabiliter possit versari, si ab omni occupatione vitæ absteat sua sponte, non potest à gravi peccato excu-

sari. Nam 1. Hæc est ordinatio Dei, ut in speciali aliqua functione unusquisque aliis intervindo Deum glorificaret. Gen. 2. 15. & 3. 19. 1. Petr. 4. 10. Gal. 3. 13. 1. Thess. 4. 11. 2. In istum finem quisque accepit à Deo suum talentum, aut saltem particulam aliquam talenti, quæ sine peccato non potest defodi.

Mat. 25. 3. Iners otium fugiendum est, tanquam mater & nutricula multorum vitiorum, præcipue malarum cogitationum, cupiditatum, curiositatum, & machinationum malarum. 1. *Theff. 4. 11.* & 2. *Theff. 3. 11.* 4. Gloria Dei, utilitas publica, & privata, nec non conscientiae lætitia ex honesta functione quaeri possunt ac debent.

De mendicis. II. Hinc validi mendicantes erones non sunt tolerandi. 1. Quia ex professo opponunt sese ordinationi divinæ. 2. Oneri sunt aliis absque ulla necessitate. 3. Veros pauperes ex parte saltem spoliant elemosynis, quas acciperent nisi à talibus interciperentur. 4. Non gerunt se ut membra vel Ecclesiae, vel reip. ullius. 5. Directe se disponunt ad multa genera flagitiorum.

Quæstio secunda. Quomodo quis scire possit, hanc aut illam occupationem vitæ esse honestam?

III. R. 1. Si in Scripturis manifeste approbetur. 2. Si ex analogia earum quæ in Scripturis approbantur, versetur circa id quod licitum est in se, utile generi humano, & famæ bonæ. *Ephes. 4. 28.* *Phil. 4. 8.*

IV. Hinc 1. illi qui occupantur in vitiis hominum fovendis, & promovendis, ut caupones illi qui non inserviunt necessitati peregrinorum, & advenarum, sed intemperantiae vicinorum, inhonestam vitam agunt.

V. Illi qui sectantur artes ridiculas, jocularias, ludicras, scurriles, aut eo facientes, non possunt in eis acquiescere, tanquam in honesta vitæ ratione. Nam 1. nihil in istiusmodi artibus reperitur, quod dignum est vita humana. 2. Ordinem naturæ invertunt, dum laboris remissionem convertunt in laborem. 3. Semetipsos ineptos reddunt ad seria & gravia officia Christianorum. 4. Operam suam Diabolo solent navare in hominibus tentandis, dum carnales ipsorum cupiditates excitant & accendunt.

VI. 3. Illorum etiam occupatio, qui occasiones captant sua commoda ex aliorum incommodis quaerendi, qualis est conditio vulgarium feneratorum, non potest ut honesta probari.

Quæstio tertia. Quenam requiruntur ad honestam vocationem honeste exercendam?

VII. R. 1. Requiritur peritia, qua quisque illa, quæ ad suam occupationem spectant, probe nota habet & percepta. *Prov. 14. 8.*

VIII. 2. Requiritur attentio ad officia propria magis quam aliena. 2. *Th. 3. 11.* 1. *Timoth. 5. 13.* 1. *Petr. 4. 15.*

IX. 3. Requiritur sedula diligentia in negotiis obcundis, *Prov. 10. 4. & 13. 4. & 21. 5. & 27. 23. 24. Eccl. 10. 12.*

X. 4. Requiritur prudentia in opportunitate commoda observanda, ca-

da, captanda, & recte utenda. *Prov.* 10. 5. & 21. 5. *Ecc.* 10. 8.

XI. 5. Requiritur fortitudo & constantia in difficultatibus superandis. *Prov.* 15. 119. & 20. 4. & 26. 16.

XII. 6. Requiritur moderatio

appetitionis lucri, & curæ successuum optatorum. 1. *Timoth.* 6. 9. *Mat.* 6. 34. *Prov.* 28. 20. 22.

XIII. 7. Requiritur denique religiosa sanctificatio omnium nostrorum laborum. 1. *Cor.* 10. 31. *Gen.* 24. 13. 27. *Psal.* 90. ult.

CAP. XLVII.

DE PAUPERTATE ET DIVITIIS.

Questio prima. Quo loco habenda est paupertas?

I. R. 1. Paupertas simulata est ingratitudo erga Deum, cujus benedictio abnegatur, & injuria erga homines tam illos, quibus auxilium debitum denegatur, quam illos qui propterea magis onerantur. *Prov.* 13. 7.

II. Talis autem est paupertas magnæ partis Monachorum Pontificiorum, qui vocē & habitu profitentur paupertatem; sed re ipsa sunt ditissimi, fundos amplissimos, maximos redditus, summasque opes possidentes. Ridicula enim est illa defensio eorum: quod conventus, vel fratres in conventu, in communi, & indivisim possideant ista bona, ita ut singuli nihil inde vendere, vel alienare, vel etiam accipere pro arbitrio suo possint. Nam 1. si conventus sit dives, Monachi in illo conventu non possunt esse pauperes. Si enim unusquisque illorum pauper est, & conventus dives, tum eadem

ratione singulae partes alicujus corporis possunt esse albe, & totum corpus nigrum. 2. Haeredes alicujus Principis aut prædivitis hominis, quamvis indivisim possideant hereditatem, & prohibiti sint aliquid ejus vendere aut alienare, pro pauperibus non solent, aut possunt haberi. 3. Si duo vel plures homines seculares, bona sua simul conferant alicui procuratori, ea lege aut conditione, ut unicuique necessaria prout opus fuerit, vel seorsim, vel conjunctim ministraret, isti certe divitias non deponerent, sed onus, curam, & sollicitudinem earum: quemadmodum Potiphar Ægyptius seorsim fecit. *Gen.* 39. 8. & aliquo modo Pharo. *cap.* 41. 4. Unusquisque monachus habet jus petendi portionem suam congruam, ita ut si denegetur ipsi absque justa causa, injuria æstimetur, & habeat actionem adversus conventum coram judice competente persequendam. 5. Notum est, multos ingredi monasteria, ut fugiant paupertatem, quia

quia non habent alias unde otiose vivere possint: & multos à parentibus & propinquis in claustra detru-di, ut certius ipsis de victu necessario prospiciatur. 6. Multidenique ingrediuntur monasteria, ut gradum & viam sibi faciant ad Papales dignitates, aut munera, ex quibus & ipsi discedere, & suos ditare possint.

III. 2. Paupertas vera, si sit directe expetita, & quaesita, quæ vocari solet voluntaria, & sine speciali vocatione, aut necessitate cogente accersitur, est insana damnanda. 1. Quia talis pauper non prospicit sibi & suis ex ordine naturæ à Deo approbato. 2. Quia eligit & quaerit malum pœnæ. 3. Quia variis temptationibus semetipsum temere exponit. 4. Quia inhabilem se reddit ad officia multa, quæ proximo debentur ab eis, qui habent externas facultates. 5. Quia hoc est Deum tentare, si quis habens unde possit sustentari, illud abiciat expectans à Deo sustentationem. 6. Reiecit illud quod quotidie petit à Deo, id est, panem suum quotidianum. 7. Absq; ulla necessitate gravat eos à quibus accipit, & pauperes alios fraudat, qui eandem acceperant, nisi ille interceperit. Talis est paupertas quorundam inter Monachos papales, eorum scilicet, qui ex eo tantum vivunt, quod mendicatione de die in diem acquirunt. Sed addunt etiam huic insaniæ superstitiosam & impiam præsumptionem, quatenus pau-

pertatem istam venditant pro opere perfectionis, & supererogationis, ad satisfactionem & meritum coram Deo plurimum valentis.

IV. 3. Paupertas vera, quæ est necessaria, & aliunde illata, non studio quaesita, quæ maxima ex parte conjunguntur cum infirmitate, debilitate, vel simili defectu, quo fit ut non possit pauper semetipsum labore sustentare, hæc paupertas in se, & per se, nihil habet vitii, aut culpæ pudendæ: sed sæpe immittitur piis à Deo, vel ut castigatio, vel ut exploratio aut tentatio, vel ut utrumque. Est igitur status miserabilis, sed talis tamen quæ ex ordinatione, & gratia Dei, veris fidelibus cooperatur ad salutem.

V. Hinc 1. istiusmodi pauperes cavere debent imprimis ne animum nimis abiciant. *Prov. 10. 15.* 2. neve obmurmurent adversus providentiam divinam, aut illicitis mediis utantur ad semetipsos sublevandos. *Prov. 30. 9.* 3. ut ab omni invidia liber gerat se prout pauperem decet. *Prov. 18. 23.* Hinc etiam cavendum est aliis ne pauperes irideant, & contemnunt, averseantur, aut etiam pro viribus juvare reculent. *Prov. 14. 10. & 17. 5. & 19. 4. 7. 17. Jac. 2. 3. 4.*

Quæstio secunda. Quo loco habende sunt divitiæ?

VI. R. 1. Divitiæ absolute & per se consideratæ, neque sunt bonæ neque malæ moraliter, sed res mediæ,

diæ, vel indifferentes, quibus possunt homines vel bene uti, vel male.

VII. 2. Quia vero ex sua natura ordinatæ sunt ad bonum usum, *Pr. 3. 9.* idcirco quamvis non sint bona moralia, utilia tamen vel commoda bona, atq; adeo dona & benedictiones Dei recte dicuntur. *Prov. 10. 22.*

VIII. 3. Ratione tamen corruptionis & infirmitatis humanæ, tanto cum periculo conjuncta est possessio magnarum divitiarum, ut contineat in sese malum gravis & periculose tentationis: ita ut difficile admodum sit diviti intrare in regnum cælorum. *Matth. 19. 23.* Quo respectu, comparantur denso luto, aggravanti & inquinanti terrenum. *Hab. 2. 6.* spinis quæ pungunt & laceant eos à quibus tractantur, & seminem omnem spirituales stran-

gulant ac suffocant. *Matth. 13. 22.* laqueo irretienti, & sagittæ animam transfigenti. *1. Tim. 6. 9. 10.*

IX. 4. Speciales autem tentationes divitiarum sunt ad superbiam; ad fiduciam vanam & idololatricam in eis collocandam; ad mundi amorem; ad luxum denique & quaslibet cupiditates prosequendas, cum Dei contemptu. *1. Tim. 6. 17. Eph. 5. 5. Prov. 30. 9. Luc. 16. 9.*

X. 5. Hinc 1. Divitiæ non sunt absolute expetendæ. *Prov. 23. 4. 5. 1. Tim. 6. 8. 9. 10.* 2. Si ex Dei providentiâ affluant divitiæ, serio & sedulo munendus est animus adversus illa vitia, quæ eas comitari solent. *Psal. 62. 11.* 3. Tam oratione apud Deum, quam omni studio id agendum, ut divitiæ sint nobis instrumenta pietatis.

CAP. XLVIII.

De Parsimonia, & frugalitate.

Questio prima. Quid requiritur ad parsimoniam honestam?

I. R. 1. Requiritur 1. ut caveamus nobis ab inutili profusione eorum, quæ possunt vel ad inusum vel commodos vel honestos impendi. *Prov. 21. 17.* Hanc regulam ut recte rationi & doctrinæ Christi consentaneam, male quidem, sed confidenter tamen applicabant discipuli quidam, & præcipue Judas, ad Mariæ factum circa funerationem Christi

carpendum. *Matth. 26. 8. 9. Marc. 14. 4. 5. Job. 12. 4.*

II. 2. Requiritur 2. ut videamus ne ex eis, quæ usui esse possint, quidquam notabile perdat. *Job. 6. 12.*

III. 3. Requiritur 3. ut neque ex tenacitate invadeamus nobis in ipsis usum justum eorum, quæ habemus. *Eccles. 6. 1. 2.* neque eadem stulte absorbeamus. *Prov. 21. 20.*

IV. 4. Requiritur denique, ut ista cura non procedat ex amore divitiarum;

vitiarum; sed ex conscientia erga Deum, cujus beneficiis uti non abuti debemus, & ex studio nostris necessitatibus prospiciendi, & aliis benefaciendi. Parsimonia enim honesta non impedit sed promovet liberalitatem, aliasque virtutes.

Quæstio secunda. Quid requiritur ad honestam frugalitatem?

V. R. 1. Requiritur 1. ne in res vanas aut nullam frugem ferentes

pecuniam impendamus. *Esai. 55. 2.*

VI. 2. Ne simus amatores deliciarum. *Prov. 21. 17. Luc. 16. 19.*

VII. 3. Ut pecuniam expendamus circa illarum solidum usum, habent. *Prov. 31. 13. 16.*

VIII. 4. Ut in pios usus promptè exponamus quod possumus, certissimum inde fructum expectantes.

Prov. 11. 24. & 19. 17. Hag. 1. 4. 8. &c.

C A P. XLIX.

De Liberalitate & misericordia.

Quæstio prima. Quorum est liberalitatem, & misericordiam exercere?

I. R. 1. Quoad affectionem & dispositionem animi, & etiam quoad conatum aliquo modo aliis commodandi, officia hæc sunt ad omnes homines ex æquo spectantia.

II. 2. Quoad opus ipsum externum donandi aliquid, quo indigentæ alterius subvenitur (quæ est definitio eleemosynæ) officium hoc est eorum tantum qui habent aliquid proprium, cujus donandi potestatem habent. *1. Job. 3. 17.*

III. 3. Pertinet igitur hoc officium non tantum ad divites, sed etiam ad tenuioris conditionis homines, qui labore manuum quæritant sibi victum. *Eph. 4. 28.*

IV. 4. Illi, qui ita sunt aliis subditi, ut nihil proprium habeant, vel

quoad dominium & usum fructum, vel quoad usum fructum solum, hætenus ab hoc officio sunt exempti, ut nihil possint aliis erogare sine tacito saltem consensu superiorum.

V. 5. Neque omnes qui habent aliquid proprium, statim tenentur illud indigentibus donare. Ex ordine enim succurrere aliis debemus ex eis quæ nobis superfluent. *1. Cor. 8. 13.* quod intelligendum est 1. de superfluis ad necessitatem vitæ. 2. De superfluis ad necessitatem status aut conditionis vitæ in qua positi sumus. i. e. de iis quibus citra vitæ aut status detrimentum possumus carere. Sed extraordinarius aliquis casus exigere potest, ut etiam de eis quæ necessaria statui habentur sint eroganda: & hoc est supra vires dare. *2. Cor. 8. 2. 3.*

Quæstio secunda. Quibus danda sit ele-

sit eleemosyna?

VI. 1. Indigentibus, qui non possunt semetipsos sustentare. *Mat. 23. 34. 36. Act. 20. 34. 35.*

VII. 2. Quum indigentia triplicem gradum admittat, ita ut in aliis sit extrema, cum periculo mortis vel peccati conjuncta; in aliis gravis, cum periculo incommodi magni; in aliis communis, levamen aliquod exposcens, differentia inde sequitur obligationis: quia extreme indigenti tenemur succurrere etiam ex necessarii ad statum nostrum (vita enim proximi pluri facienda est quam externus noster status.) Graviter indigenti tenemur succurrere ex eis, quæ necessaria sunt ad decentiam status. Communi modo laboranti, ex eis, quæ superflua sunt ad decentiam status nostri.

Quæstio tertia. Quis ordo servandus sit in eleemosyna faciendâ?

VIII. R. 1. Cæteris paribus, succurrendum est majori & graviori necessitati potius quam minus gravi. 2. In simili necessitate, præterendi sunt illi, in quibus plures dilectionis rationes dignoscuntur: ut conjunctiores minus conjunctis, domesticæ fidei infidelibus, meliores minus bonis, utiliores Ecclesiæ, vel reip. minus utilibus, &c. *Matth. 15. 5. 6. 1. Tim. 5. 8. Gal. 6. 10. Deut. 5. 7.*

IX. Quamvis autem adhibenda sit diligentia, ut potius bonis quam malis succurramus, præsertim si verisimile sit, eleemosynam nostram

futuram illis vel materiam vel instrumentum Deum glorificandi, illis autem occasionem peccandi; non tamen idcirco curiose inquirenda sunt occulta pauperum peccata: quia charitas non facile cogitat malum. *1. Cor. 13. 5.*

Quæstio quarta. Quo modo eleemosynæ sunt faciendæ.

X. R. 1. Ex religione erga Deum, & studio honoris ejus. *Prov. 3. 9. 1. Cor. 8. 3.*

XI. 2. Ex affectu charitatis & misericordiæ fraternæ. *1. Cor. 13. 3.*

XII. 3. Ex officii conscientia humili coram Deo, non ex ambitione aut inanis gloriæ coram hominibus. *Mat. 6. 1. 2.*

XIII. 4. Cum pauperum honore, non contemptu, & pudore. *1. Cor. 11. 22.*

XIV. 5. Cum animi & vultus hilaritate & benignitate, non cum tristitia vel quasi ex coactione. *2. Cor. 9. 7. Rom. 12. 8.*

XV. 6. Prompte sine cunctatione. *Prov. 3. 27. 28.*

Quæstio quinta. Quantum in eleemosynis sit erogandum?

XVI. R. 1. Pro generali regula debet haberi, ne parce hic agamus, sed potius copiose. *2. Cor. 9. 6.*

XVII. 2. Mensura largitionis nostræ in communi pendet ex mensura benedictionis Dei erga nos in rebus externis, *1. Cor. 16. 2.*

XVIII. 3. Spectandum hic est diligenter, quid pietas & charitas dicat

etare solet optimis Christianis, ut vel paria faciamus, si pares habeamus facultates, vel secundum proportionem æquam. 2. *Cor.* 9. 2.

XIX. 4. Illud etiam certum est, omnibus & singulis plus multo in istiusmodi pios usus esse exponendum, quam in voluptates infumant.

XX. 5. Quantum hic & nunc sit largiendum, hoc non nisi ex prudenti circumstantiarum omnium consideratione potest definire.

Quæstio sexta. Quibus potissimum rationibus excitari debeamus ad eleemosynas faciendas?

XXI. R. 1. In hoc officio singularis quædam excellentia reperitur. Quemadmodum enim charitas est omnium virtutum excellentissima, 1. *Cor.* 13. & misericordia est excellens modus charitatis; sic opus hoc charitatis & misericordie excellentiam suam habet beatam. *Act.* 20. 35.

XXII. 2. Non solum voluntas Dei in Scripturis revelata, sed & humanæ naturæ lex exigit hoc à nobis. Nihil enim est magis naturale quam ut faciamus alteri, quod nobis fieri vellemus. Nihil est magis humanum, quam hominis necessitatem sublevare.

XXIII. 3. In misericordia, & operibus ejus, singulariter indui-

mus imaginem & similitudinem Dei. *Luc.* 6. 36.

XXIV. 4. Charitas erga Deum, sine hac charitate erga proximum consistere non potest. 1. *Joh.* 3. 17. neque ulla religio vera. *Jac.* 1. 27.

XXV. 5. Deus est in Christo, qui flagitat à nobis eleemosynam per pauperes. *Matth.* 25. 40. flagitat autem particulam tantum exiguam eorum, quæ nobis dedit. 1. *Paral.* 29. 11.

XXVI. 6. Dedit nobis Deus, quæ habemus non ut Dominis absolutis, sed ut precariis possessoribus, ut fidei nostre commissa, in ejus honorem, secundum ejus voluntatem dispensaremus. *Luc.* 10. 12.

XXVII. 7. Deus tamen cumulissime reddet, quæ ipsius nomine pauperibus donantur. *Prov.* 3. 9. & 19. 17. & 28. 27.

XXVIII. 8. Sine misericordia erga fratres, fieri non potest, ut vel sensum, vel certitudinem habeamus misericordie Dei erga nos, neque etiam ut dispositi sumus ad eam vel recipiendam, vel petendam. *Matth.* 5. 7. & 7. 6. 1. *Tim.* 6. 17. 18. 19.

XXIX. 9. Misericordia habet promissiones, & immisericordia comminationes tam hujus quam future vite. Pallim in Scriptura.

CAP. L.

DE FURTIVO.

Questio prima. Quinam sunt casus, in quibus res aliqua aliena auferri potest, sine crimine furti?

R. 1. Si quis rem alienam surripiat, sine animo vel rem ipsam sibi retinendi, vel usum, aut possessionem ejus pecunia aestimabilem: ut saepe inter amicos per jocum fieri contingit. 2. Si ablatio rei alienae fiat in poenam, ab eo qui potestatem habet poenam talem infligendi. 3. Si (absque fraude & scandalo) fiat in commodum & utilitatem ejus à quo auferitur: ut cum auferitur ensis ab amente; vel pecunia viti prodigi ab uxore provida, in familiae ejus necessarium usum. 4. Si fiat ex charitate, adversus quam injuste alter stomacharetur: ut si quis aleas alterius abiciat, aut chartas corrumpat, ne ille suo lusu vel peccaret, vel in periculum aliud incurreret. 5. Si fiat in recompensationem certi &

liquidi debiti, quod ordinaria via juris recuperari non potest, modo ita fiat, ut damnum, infamia, & scandalum proximi vitetur. 6. Si probabilis sit consensus, vel ratihabitio illius à quo aliquid auferitur: ut quando tam exigui momenti est quod auferitur patri à filio, viro ab uxore, &c. ut communiter pro nihilo habeatur. *Deut. 23. 24. 25.* 7. Si irrationabiliter censetur Dominus invitus: ut in eis, quae accipit aliquis ex alieno, ad extremam & presentem suam necessitatem sublevandam, cui alia ratio succurrere non potest. Hoc enim videtur esse ex jure naturali, divisione rerum antiquiore, & superiore, quod jure humano, quo facta est divisio rerum, non potuit abrogari: quo sensu non male dicitur, omnia fieri communia in extrema necessitate.

CAP. LI.

DE AVARITIA.

Questio prima. Quid sit avaritia damnata?

R. 1. Avaritia proprie versatur circa illa, quae vocantur bona externa: & pertinet ad concupiscen-

tiam oculorum, prout ex opposito dividitur contra concupiscentiam carnis, & superbiam vitae. 1. *Job. 2.* ubi praecipua peccata mundana, ratione suorum objectorum ad tria

capita revocantur, ad honores, delicias, & divitias. Hinc in Scripturis vocatur amor divitiarum, amor lucris, & amor pecuniæ, per specialem quandam appropriationem; quia scilicet pecunia omnia externa possunt comparari, & pecunia divitiarum solent aestimari.

II. 2. Non quælibet divitiarum concupiscentia est avaritia, sed inordinatus tantum earum amor. Inordinatus autem est ille amor, qui repugnat amori, quem vel Deo, vel proximo nostro debemus. Hinc avaritia vocari solet immodicus, vel injustus amor habendi.

III. 3. Quia autem avaritiæ essentia in concupiscentia consistit, idcirco inter illa peccata numeratur, quæ interiorius possint consummari, absque ullo opere exteriori, quamvis totum hominem, atque adeo omne genus externas operationes elicere soleat & imperare.

IV. 4. Hinc etiam est, quod tripliciter peccare soleat avarus, 1. in divitiis appetendis. 2. in divitiis acquiritendis vel comparandis. 3. in eisdem retinendis vel conservandis. Hæc enim tria continentur in concupiscentia habendi.

V. 5. Quia vero inordinatio huius amoris consistit in ejus repugnantia ad amorem Dei, vel proximi, idcirco avaritiæ pravitas in eo consistit 1. quoad materiã, si ex illis difeccere velimus, quæ vel sunt Deo sacra, ut in symonio peccata, vel etiam

ita sunt proximi, ut vel non debeat, vel non velit eadem alienare: qualis fuit peccatum Achabi circa vineam Nabothi. 1. Reg. 21. 2. Quoad formam vel modum, si quis in divitiis quarendis artibus, aut modis vel impiis vel iniquis & injustis utatur. Prov. 10. 2. & 28. 8. 22. 3. Quoad

gradum vel mensuram, si quis ita studeat divitiis congerendis, ut negligat officium erga Deum & proximum. Luc. 22. 5. Esa. 5. 8. 4. Quoad finem, si divitiæ vel propter se amantur, vel in malum aliquem finem referuntur, vel denique avertunt hominem à Deo, aut proximo, sive ex toto, sive ex parte.

Quæstio secunda. Quænam sunt signa hominis avari?

VI. R. 1. Si quis admodum sollicitus sit cogitando de bonis externis, ita ut animus ejus instar meteori suspendatur. Luc. 12. 22. 25. 29.

VII. 2. Si gaudium, tristitia, fiducia, metus ejus pendeant ex ejus successu in rebus istis externis. Luc. 12. 19.

VIII. 3. Si sensus habeat in istis rebus exercitatos, & acutum videntes, sed ad spiritualia discernenda plane tardus sit & ineptus. Attentio enim animi, atque adeo cognitio magis in una re quam in altera excellens, sequitur semper affectionem. Math. 13. 22.

IX. 4. Si tempus illud quo desistere cogitur à lucro quærendo, quamvis cultui divino impendatur, nimis

nimis longum ipsi videatur. *Am. 8. 5.*

X. 5. Si in ipsis exercitiis cultus divini, animus ejus quæstum suum persequatur. *Ez. 33. 31.*

Quæstio tertia. Quibus rationibus excitari possimus ad avaritiam fugiendam?

XI. R. 1. Quia hoc peccatum sic avertit amorem, fiduciam, & totum cor hominis à Deo ad mundum, ut excludat veram religionem. 1. *Joh. 2. 15.* & spiritualem contineat idololatriam. *Eph. 5. 5. Col. 3. 5.*

XII. 2. Quia transfigit hominem anxietatibus, & doloribus mortiferis. 1. *Tim. 6. 10.*

XIII. 3. Quia radix est omnium malorum. 1. *Tim. 6. 9. 10.*

Quæstio tertia. Quanam sunt remedia quæ singulariter valent adver-

sus hunc morbum?

XIV. R. 1. Meditatio frequens & seria de vanitate divitiarum. *Eccl. 5. 6.*

XV. 2. Assidua consideratio brevitas hujus vitæ, & æternitatis illius ad quam aspirare debemus. *Luc. 12. 20. 21. 33.*

XVI. 3. Excitatio fidei ac fiduciæ vivæ in Dei providentia, & paterna nostri cura. *Luc. 12. 28. 29. 30.*

XVII. 4. Magna æstimatio & zelus regni Dei & justitiæ ejus, quæ sunt divitiæ spirituales. *Luc. 12. 21. 31.*

XVIII. 5. Invocatio Dei, ne suat animos nostros deflecti ad quæstum. *Psal. 119. 36.*

CAP. LII.

De Legibus quibusdam Mosaicis ad præceptum octavum spectantibus.

Quæstio prima. Qualis sit æquitas illius, quod nullum furtum simplex fuerit capitali supplicio punitum?

I. R. 1. Summa fuit æquitas in ista moderatione, & à Christianis observanda: quia justitia postulat, ut proportio cum paritate quantum fieri potest observetur inter delictum & poenam: sed inter illa externa bona, quæ simplici furto solent hominibus eripi, & hominis vitam, si in

trutina simul appendantur nulla proportio invenietur.

II. 2. Ad illud quod hic obijci maxime solet, *crescentibus delictis, exasperandus esse poenus*, conceditur quidem ut vere dictum, sed hac lege & conditione, ne totum genus poenæ immutetur, neque transiliantur lineæ proportionis inter delictum & poenam.

III. 3. Quæ contra asferuntur ex *Prov. 6. 31.* de exaggerata poena furti

fuit ad septuplum; & ex 2. *Sam.* 12. 5. de fure morti adjudicato à Davide, illa non repugnant huic æquitati. Nam apud Salomonem, restitutio septupli poni videtur pro gravissima mulcta, quæ furi vel de jure potest, vel de facto solet imponi; sicut sæpe in Scripturis septenarius numerus ponitur pro magno. David autem sententiam illam ferens, non simplex furtum respexit, sed summam crudelitatem divitis furis, vel potius raptoris in proximum pauperem grassantis: & ira etiam valde accensus fuit, quando illam sententiam dixit.

IV. 4. Minus est, quod obijci-
tur, legem Mosaicam de pœna furti,
in Novo Testamento nullibi itera-
tam, aut de novo confirmatam &
inculcatam reperiri, atq; adeo fuille
mere forensẽ & politicam. Con-
cedunt enim illi ipsi qui contra sen-
tiant, leges illas Moysi esse universa-
les & perpetuas, quæ causam vel rationem
habent universalem & perpetuam,
non specialem, Judæos tantum
attinentem: & nullam specialem
rationem adferre possunt nisi ridiculam,
de consanguinitate vel affinitate
Israelitarum inter sese: quæ ratio
nullum locum habuit in extraneis,
qui tamen capitaliter non puniebantur
propter furtum simplex; & si
valuisset ista ratio adversus capitale
supplicium furtum inter Israelitas,
valuisset etiam adversus aliorum delictorum
capitales pœnas.

Quæstio secunda. Quenam ratio
fuit restitutionis dupli in furto pecuniae
aut suppellectilis? *Ex.* 22. 17.

V. R. 1. Æquum est (ex lege talionis)
ut non solum restitueretur ablatum,
sed etiam ut tantum damni pateretur
fur, quantum alteri voluit & conatus
est inferre; & sic in sua pœna
disceret, quid fuit quod alteri
molebatur, & quomodo erga alios
habere se deberet.

VI. 2. Dupliciter à fure in proximum
peccatur: quia non solum innocentiam
erga proximum debet quisque præstare,
sed etiam bene ipsi velle, & facere
etiam ex occasione: fur autem contra
utrumque officium delinquit.

Quæstio tertia. Qualis æquitas fuit
in eo, quod minor mulcta statuta
fuerit in eum qui furto abstulerat pecuniam
aut suppellectilia, quam in eum
qui bovem aut ovem furabatur,
quum in illo furto plus damni
sæpe fiat quam in isto?

VII. R. 1. Quædam mala licet
simpliciter in se considerata, minora
sint, plus tamen nocere possunt
publicæ tranquillitati & paci, quam
alia quæ sunt in se majora.

VIII. 2. Quædam etiam mala
facilioris sunt commissionis, & difficili-
oris curationis, propter suas oportunitates:
ut ovem furari, quam aurum,
quod arctius potest ac solet custodiri.

IX. 3. Boves & oves ex sua natura
magis necessaria sunt ad vitam
huma-

humanam sustentandam, quam pecunia & suppellex.

X. 4. Boves & oves fuerunt inter precipua sacrificia Deo offerenda. Non mirum igitur si districtius ea custodiri voluit, & eorum direptionem severius vindicari, de quibus ei pars debebatur, & ex quibus cultus ejus magna ex parte pendebat.

Quæstio quarta. Quare quinque boves restituendi fuerint pro uno, & quatuor tantum oves?

XI. R. 1. Quia boum usus dominis suis fuit major, quam ovium. Huic autem differentie explicandæ non male quadrat eorum curiosa observatio, qui dicunt quatuor utilitates esse ovis, pellis, carnis, lactis & fœtus; in bove autem accedere quintam, laboris nempe in agrotatione, trituratione, & onerum ventione.

XII. 2. Quia minor species urgentis necessitatis est in bove furando, quam in ove una, quam potest quis quasi ex inopia cibi querere, ad se, & familiam suam pascendam in presentia necessitate.

XIII. 3. Quia majoris est audaciæ & improbitatis, bovem furari, quam ovem.

Quæstio quinta. Quæ ratio fuit in eo, quod fur deprehensus cum istis animalibus furtivis, minus puniebatur, quam si mactaverat aut venderat?

XIV. R. Quia in posteriore casu major continuatio, obduracy,

& peccati multiplicatio reperitur.

Quæstio sexta. Quænam sit aequitas illius legis. Exod. 22. 2. de nocturnis furis trucidatione.

XV. R. 1. Non jubet hoc lex divina, aut etiam simpliciter & universaliter probat, sed permittit tantum fieri impune, id est, ab ordinaria homicidii pœna interfectorem absolvit, *ne sunt illi sanguines*: reus cædis ne esto.

XVI. 2. Innuit etiam lex, eadem permissam debere esse aliquo modo præter intentionem occidentis: cum non dicit, si quis occiderit, sed, si percussus fuerit, & morietur: quasi percussio tantum ad abigendum, aut apprehendendum fuit intenta, mors autem per accedens ex illa percussione secuta. Qui enim cum potuit vel abigere, vel apprehendere, maluit occidere, ab homicidii peccato coram Deo, & in conscientia sua non potest excusari.

XVII. 3. Non permittitur hoc de quolibet fure, sed de perfossore tantum aut effraçtore. Cui tamen sunt pares conditione, latrones, pirata, & publici prædones.

XVIII. 4. Permittitur hoc singulariter de nocturno effraçtore, 1. Quia nocturnus effraçtor præ se fert invasionem violentam, id est, talem vim qualem vi repellere justum est & naturale. 2. Quia ista violentia de nocte, est ignota: mensuræ ac modum. Discerni enim non potest, quod tendat violentia furis, id est, utrum fur sit,

fur sit, an sicarius aut latro. 3. Quia de nocte neque testium neque suppetias ferentium copia haberi potest, ideo & credendum est ei, qui de suo periculo vel timore asserat, & ad suam defensionem vehementius agenti indulgendum.

XIX. 5. Ex istis considerationibus apparet, directe non propter merum furtum, vel tentatum vel factum, istiusmodi furem potuisse licite occidi, sed ad avertendum periculum quod neque admitti debet, neque alia ratione potuit caveri.

XX. 6. Neque in Evangelio quidquam est quod prohibetur hoc quod ista lege fuit permittum. Naturalis eni. aequitatis est & à Domino approbata *Matth. 24. 43.* ne quis fuerit perfodi domum suam à fure.

Quaestio septima. Quid tibi velit illud quod habetur *Deut. 15. 4. o-mnino in te ne esso egens?*

XXI. R. P. Non possunt hæc verba sic accipi, quasi continent vel promissionem vel prædictionem absolutam. Sic enim adversarentur eis, quæ habentur *vers. 11. non desinit egens e medio hujus terre.* Et simili-bus verbis Christi. *Matth. 14. 7.*

XXII. 2. Sive promissio sit conditionalis, (ut quidam volunt) sive (ut alii accipiunt) ratio præcepti antecedentis de debitis non exigendi in anno intermissionis, vim habet statuti caventis ne sint in populo Dei ulli homines ad extremam egestatem & mendicantem redacti,

& in eadem relinqui.

XXIII. 3. Quamvis autem non possit hoc procurari, nisi communi consensu, & eorum auctoritate, & cura, qui publicam habent potestatem, omnibus tamen & singulis hoc officii imponitur, ut pro facultate & occasione quam habent, conferrent aliquid ad hoc opus, tanquam publicum & commune bonum promovendum.

XXIV. 4. Æquitas hujus legis gravissimis rationibus confirmatur. Nam 1. Sicut turpe est opprobrium familiæ, & certum signum inordinationis, confusionis ac dissolutionis, si non habeatur cura, ut in eadem singulis prospiciatur de necessariis ad victum, ita ut pro familia vix possit haberi, ubi illa cura non viget, licet est in omni civitate vel communitate.

XXV. 2. Ex neglectu hujus curæ magna existit turba mendicorum otiole ac inordinate vivendum, & foedissimis moribus indulgentium.

XXVI. 3. Inde fit, quod supra modum, & absque necessitate onerentur cives honesti & benigni.

XXVII. 4. Inde etiam fit, ut personæ vere miserrabiles non possint ab aliis dignosci, ut eis prout oportet subveniatur.

XXVIII. 5. Publica denique & vaga mendicitas Christianorum, cedit in contumeliam religionis veteris, quasi non illam humanitatem & charitatem doceret quam ipsa natura dicitur; in contemptum Christi, qui

sibi fieri dicit quod sit membrum ejus egenis; & in manifestum dedecus nominis Dei, tam in eis mendicis qui ipsum colentes publica fiunt miserie

spectacula atque exempla, quam in cætera turba, eorum qui sine Deo vagantur instar animalium brutorum.

CAP. LIII.

Præceptum Nonum.

DE MENDACIO.

Questio prima. Quid sit (proprie loquendo) mendacium?

I. R. 1. Mendacium est testimonium falsum.

II. 2. Testimonium falsum differt ab axioma vel sententia falsa: quia sententia falsa potest esse in mente, per errorem, ita ut nemini significetur: hoc vero requiritur ad testimonium falsum, quod sit peccatum sermonis, id est, sententiæ vel ore, vel scripto vel signo aliquo verbis æquipollente significatæ.

III. 3. Differt etiam ab enunciatione falsa, qua pronuntiatur contra quam res est: quia potest hoc ita fieri, ut non sit in ordine ad fidem faciendam, quæ est natura testimonii: & potest quis per errorem deceptus pronunciare hoc aut illud falsum, quod mente putat esse verum; quum in mendacio sermo semper dissentit à mente.

IV. 4. Si quisigitur falsum dicit putans esse verum, mentitur tantum materialiter. Si quis verum dicat, putans esse falsum, aut non putans esse verum, mentitur formaliter. Si vero quis falsum dicat, putans esse falsum,

ille & materialiter, & formaliter, atque adeo perfecte mentitur.

V. 5. Si tamen quis falsum testetur in eis quæ scire & potest, & tenetur, & etiam scire se profitetur, quamvis verum esse putet, ille per interpretationem habetur pro non putante, & eo nomine in Scripturis dicitur mentiri, sicut in falsis doctoribus apparet: qui omnes in Scriptura passim dicuntur *mentiri*, quamvis inter illos non pauci sint, quibus Deus (ex justo suo judicio) immisit efficaciam erroris, ut *credant mendacio*, 2. *Thess.* 2. 11.

VI. 6. Ad hoc genus mendacii ordinem sæpe quandam habet sermo internus falsus, & ipsa credulitas falsitatis, quatenus est principium enunciationis illo modo falsæ, & est aliquo modo falsum hominis testimonium, quod sibi metipso testatur, quamvis non habeat formalem naturam mendacii, quia proprie loquendo nemo sibi, sed aliis vel falsum vel verum testificatur.

VII. 7. Ex eadem ratione provenit, quod mendacium, aut falsum testimonium proprie pertineat ad

secundam tabulam : quia verba sunt instituta , ut per ea in aliorum hominum noticiam cogitationes nostras transmittamus , atque adeo hominibus proprie testificamur ; quamvis etiam ex proportionem quadam hypocritæ dicantur Deo ipsi mentiri. *Psäl. 78. 36. Añtor. 5. 4.*

Quæstio secunda. An omne mendacium sit peccatum , & quale ?

VIII. R. 1. Peccatum est Deo abominabile , *Psäl. 5. 7. Prov. 6. 17. 18. & 12. 22.* & quod ab ipso graviter puniri solet. *Prov. 19. 5. 9. & 21. 18. Rev. 21. 27. & 22. 15.*

IX. 2. Mendacium provenit ab instinctu Diaboli , qui mendax est , & mendacii pater. *Joh. 8. 44.*

X. 3. Pars est veteris hominis ab omnibus fidelibus mortificandi & exuendi. *Eph. 4. 25. Col. 3. 9.*

XI. 4. Inordinatio est mentis in sese : quia contra ordinem naturæ , oratio ejus quæ mentis est interpres , à mente plane dissentit.

XII. 5. Inordinatio etiam est ad proximum : quia veritatis observantiam unusquisque proximo suo debet , ex obligatione naturalis & divini juris.

XIII. 6. Singulari modo lædit majestatem Dei , qui veritatis auctor , & amator talis est , ut non possit mentiri ; & imaginem suæ veritatis homini impressit conservandam ; neque unquam per ullam dispensationem fecit mentiendi potestatem.

XIV. 7. Abusus est & turpis deonestatio linguæ , quæ in Scripturis recte vocatur *gloria humana*.

XV. 8. Vile & abjecti aliquid est in mendacio , supra alia vulgaria peccata (vel quia proveni videtur a timore , vel quia tendit ad imposturam :) ex quo fit ut homines feroculi & honoris umbræ velificantes (quamvis assidue mentiantur) mendacii tamen exprobrationem tam indigne ferant , ut dignam censeant quam gladio vindicarent.

XVI. 9. Violatio aut neglectus fidei directe facit ad omnes contractus & societates humanas turbandas ac tollendas : quia pendet ex fide & veritate hominum tanquam ex primario suo vinculo & fundamento.

XVII. 10. Mendacium quia spoliatur mendacem omni autoritate ac fide , inhabilem & ineptum cum reddit ad officia vel Christiana vel civilia , erga homines præstanda.

Quæstio tertia. An & quatenus possit quis veritatem celare absque mendacii aut alius peccati reatu ?

De occultatione veritatis.

XVIII. R. 1. Tacendo licet celare veritatem , quando neque pietas , neque justitia , neque charitas postulat ut manifestetur. *Matth. 26. 63. Marc. 14. 61. & 15. 5. Luc. 23. 9. Joh. 19. 9.* Præceptum enim affirmativum , de veritate dicenda , non obligat ad semper , sed prout exigit ratio circumstantiarum bene pensarum.

XIX. 2. Similis est ratio partem tantum veritatis dicendi, & alteram partem occultandi, si quis (attentis circumstantiis jus habeat ad illam occultandam. *Jer. 38. 26. 27.*

XX. 3. Licitum est etiam aliquando, salva veritate, illa verba proferre, ex quibus probabiliter novimus auditores aliquid conclusuros falsi. *Act. 23. 6. 7. 8. 9.* Hoc etenim non est mentiri, vel falsum testari, sed tantum occasionem alteri præbere errandi non ad peccatum committendum, sed potius vitandum.

XXI. 4. Illa tamen occultatio veritatis, quam Pontificii plerique docent vel per mentalem reservationem, vel per equivocationem verbalem, in variis casibus posse adhiberi, si in gravi testimonio usurpatur, nihil aliud est quam ars mentiendi.

XXII. 5. Occultatio veritatis per mentalem reservationem (ut si reus dicat se non fecisse, aut nescire, quod fecit, & novit, reservans in mente sua illum sensum, quod non fecerit, aut noverit ita ut velit illud manifestare) 1. Enunciationis & testimonii doctrinam & naturam evertit: quia illa pars sententiæ quæ in mente reservatur, nihil cuiquam enunciat, significat aut testatur.

XXIII. 2. Provenit ex intentione fallendi, aut opinionem veritati contrariam in alterius animo generandi; quod est contra naturam testandi, aut fidem de hac aut illa re

faciendi.
XXIV. 3. In verbis hanc in modum prolatis merum & nudum mendacium continetur. Nam 1. si reus qui hoc aut illud fecit, diceret se fecisse, testimonium ejus esset verum: ergo si negat se fecisse, testimonium ejus est falsum, id est, mentitur. 2. Hoc pacto reus ille dicit & testatur non tantum quod falsum est, sed etiam quod ille sentit & novit esse falsum; quod est tam formaliter quam materialiter, id est, complete mentiri.

XXV. 4. Si hoc non sit mentiri, tum talis reus nullo modo potest in eadem causa mentiri, quamvis maxime vellet. Qui hoc aut illud fecit, aut novit, si ullo modo possit mentiri, necessario debet hoc esse dicendo; non feci, non novi. In omnibus vulgaribus mendaciis latet semper aliqua mentalis reservatio vel distinctio vel implicite concepta. Qui enim novit falsum esse quod dicit, vix potest aliter falsum dicere quam cum istiusmodi restrictione: quamvis hoc sit falsum, & suo loco ac tempore illud faterer, tamen hoc loco, & hoc tempore, propter causas, ita dico: ubi mentalis reservatio ejusdem fere notæ est cum illa quam Pontificii probant; non feci, ut hoc loco, hoc tempore, tibi dicam.

XXVI. 5. Inter ipsos Pontificios sunt viri magni qui coguntur mentales istas reservationes dammare. Sotus. de just & jure, l. 5. q. 6, a. 2. *Dicere (non feci) quod*

tamen feci, licet cum hac mentis limitatione (ut tibi significem) non est equivocatio sed mendacium. Solum sequitur Covarruvias variarum resolutionum lib. 1. cap. 2. n. 2. Azor. lib. 11. cap. 4. Si verba quibus utimur significatione sua, & communi hominum usu ambigua non sunt, nec habent, nisi unicum tantummodo sensum, ea usurpare debemus eo sensu quem reddunt; nec licet nobis etiamsi contra jus fasque omne interrogemur, aliquid mentis cogitatione in aliud detorquere, nunquam enim fas est mentiri: at is mentitur qui verba aliter accipit atque ipsa significant. Nihil tam falsum esse potest, quod non queat ab omni mendacio liberari, si aliquid arbitrari nostro mente tacitum retineamus.

XXVII. 6. Restrictio illa hujus licentie, quam patroni ejus faciunt ad certos casus, non tollit, sed minuit tantum ejus noxam. Licet (inquiunt) etiam sub juramento absolute negare verbis quod quis novit esse verum 1. si audiverit illud in confessione. 2. si non juridice à judice interrogetur. 3. si per interrogationem injuria ipsi inferatur. 4. si adsit alia aliqua rationabilis causa. Filiucius tr. 40. cap. 2. n. 49. 50. 51. 52. Nam 1. Isti casus quamvis tacendi causas contineant, nullam tamen rationem aut respectum alium habent ad testimonium mixtum ex verbis externis per se falsis & mentalibus verbis pro arbitrato fictis, quam

alia quolibet materia sermonis in convictu communi. 2. Neque confessio, neque juridici processus defectus, neque injuria confert alicui jus mentiendi. 3. Huc etiam accedit, quod ultima illa limitatio, (si adsit rationabilis causa) tam laxos statuit fines huic fallacie, ut ex omni occasione, in omni negotio, possit locum habere, apud illos scilicet qui putant se rationabilem habere causam aliis illudendi: quod secum trahit destructionem convictus humani.

XXIX. 1. Cum quis (ajunt) à nullo interrogatus, vel solus, vel coram aliis, animi causa secum loquens, potest quod vult intelligere per quacunque verba, sine mendacio. Ergo etiam in casu quo inique interrogatur: quia per iniquam interrogationem, ad nihil obligatur. Sed. 1. Talis est hæc argumentatio, ac si quis diceret. Non est illicitum ludere astragalis: licet igitur ludere juramentis. 2. Dissimilis prorsus est ratio. Qui vel solus enim secum loquitur, vel coram aliis ex professo nugatur, ille nihil cuiquam testatur, nec profitetur se testimonium dicturum. Qui vero graviter interroganti respondet, profitetur (idque sepe sub religione juramenti) se verum testimonium dicturum.

XXX. 2. Ambiguitas (ad dunt) in verbis potest non tantum ex significatione inesse, sed etiam ex loco, extempore, ex persona, ex modo, & aliis circumstantiis. Inique an-

sem rogato integrum est eo sensu quem vult accipere ambigua verba. Et hæcenus quidem verum dicunt, quod sint usitate quædam significationes verborum ex circumstantiis colligendæ; quando scilicet in aliqua propositione possunt ac solent intelligi, & suppleri aliquæ particulæ, ex circumstantia temporis, personæ, finis &c. ut si aliquis venditor frumenti, postquam vendiderit totum quod erat venditurus, reservato sibi necessario, & emptori postea interroganti an habeat frumentum, responderet, non habeo, non mentiretur: quia ex circumstantia personarum intelligitur, talis sermo de frumento venali. Sed 1. in fallaciis istis de quibus agitur, nullæ sunt circumstantiæ ex quibus auditores possint colligere mentalem interpretationem, quam æquivocator sibi reservat. e.g. si Jesuita vel sacrificulus alius à iudice laico interrogetur, utrum sit sacerdos necne, & negat hoc ille propterea quia est sacerdos, atque adeo non subest iurisdictioni laici iudicis: negat huic iudici se esse sacerdotem, idcirco tantum quia est sacerdos. 2. Circumstantiæ illæ dum manent eadem, unam & eandem significationem verborum semper notant: sed æquivocatores isti vertunt sese in varios sensus prout ipsis liber. 3. Qui ex circumstantiis intelligi vult, ille non occultat veritatem, neque illudit vel interroganti, vel audienti: sed æquivo-

cator utrumque profitetur. 4. Quando intelligitur aliquid ex circumstantiis, tum si insuper interrogaretur ille qui ita loquitur, utrum sic intelligi debeant ejus verba, necne, manifestum esset mendacium, si negaret: sed æquivocatores isti, distincte rogati an æquivoce loquantur, à suis magistris edocti, solent illud negare.

XXXI. 8. In exemplis hujusmodi æquivocationis, quæ proferunt Pontificii ex quibusdam sermonibus Domini quæ ab Evangelistis memorantur, nihil reperitur quod huic fallaciæ patrocinetur.

XXXII. *Christus Dominus (ajunt) Mat. 9 24. dixit de puella mortua, non est mortua; intelligens, respectu mea potestatis, atque voluntatis.* Sed 1. In isthoc exemplo, neque fuit secretum confessionis, neque interrogatio facta contra aut preter jus, neque injuria Christo illata, neque alia rationabilis causa cogens Christum æquivocationem aliquam usurpare per mentalem reservationem: sed talis fuit sermo, quali Christus utebatur in communi sua cum hominibus conversatione. Non congruit igitur hoc exemplum thesi doctrinæ æquivocatorum. 2. Satis manifestus fuit sensus verborum Christi ex circumstantiis, absque ulla mentali reservatione. Loquebatur enim eis, qui stantes & ejulantes parabant exequias defunctæ & non suscitandæ; voluit testari se eam statim

suscitaturam quasi ex somno expectatam, non potuit igitur aptius hoc significare quam illis verbis quibus est usus.

XXXII. 2. Proferunt etiam verba illa Domini *Joh. 15. 15. omnia quæ audiri à Patre meo, nota feci vobis.* Quæ verba intelligenda dicunt per mentalem reservationem: quia alia habuit ipsis dicenda, non dicta. *Joh. 16. 12.* Sed respondet post Jansenium, ipse Toletus Jesuita, in locum illum: *per multa dici in Scripturis quæ restringenda sunt secundum circumstantias rerum, personarum, temporum, aut finis scopi in quem proferuntur.* Ita nunc Christum nota fecisse omnia discipulis quæ pro conditione eorum audire ipsos oportebat. Hic autem sensus satis indicatur illis verbis Christi, quibus dicit se egisse cum ipsis tanquam amicis. Amicis enim non omnia simpliciter dicimus, sed omnia quæ conducit ipsos audire & scire.

XXXIV. 3. Obijciunt & urgent maxime illud *Marc. 13. 32. de die illa & hora nemo scit, neque ipse filius.* Sed. 1. Conditiones quas requirunt Pontificii ad licitam acquivocationem, non magis huic exemplo conveniunt quam primo. 2. Filius ut homo illo in loco opponitur Patri tanquam Deo. Non enim negavit, aut videri voluit negare Christus, quin Spiritus sanctus noverit diem judicii. Sensus igitur clausus est, prout verba sonant, Chri-

stum tanquam hominem adhuc ignorantem diem judicii vel saltem eum non scivisse eam notitia naturali: quæ est interpretatio Athanasii, Basilii, Hilarii, Nazianzeni, Theodoretii, Cyrilli, & totius synodi sextæ, ut fatentur ex ipsis Jesuitis, Gregorius de Valentia in comment. Theolog. tom. 4. disp. 1. q. 10. punct. 2. & Maldonatus in *Marc. 13.* Quamvis enim Christus Dominus non laboraverit ulla ignorantia culpabili, sive prævæ dispositionis, sive privativa, non tamen alicum fuit à statu humiliationis, ut quatenus homo fuit, haberet ignorantiam puræ negationis, vel nescientiam quarundam rerum quas postea glorificatus perfecte sciret.

XXXV. 4. Allegant etiam illud *Luc. 24. 28. simulabat se longius ire.* Sed hæc simulatio fuit non in verbis veritati contradicentibus, sed in gestibus veritati consentientibus. Composuit enim se se Dominus tanquam longius iturus, nisi in contrarium vehementer instarent discipuli, & quasi vi ipsum retinerent. Illiusmodi gestus hospitum, etiam cum verbis consentaneis conjuncti, nihil aliud significant in communi sermone, quam voluntatem hujusmodi ex conditione tali suspensam. In hoc igitur exemplo nulla species vel umbra est alicujus acquivocationis extraordinariæ, verbis alioquin veritati contradictoriis, sed per mentalem reservationem in alium imperceptibi-

ceptibilem sensum translatis.

XXXVI. 5. Opponunt denique verba illa Domini, *Joh. 7. 8. ego non ascendam ad festum: quia hac negatione non obstante, idem Evangelista testatur eum ad festum illud ascendisse. vers. 10. Sed tota vis hujus objectionis nititur ambigua versione, qua redditur vox illa quæ*

proprie significat *nondum* per *non*. Hoc observant Cajetanus, Jansenius, Maldonatus, ac Toletus in explanatione hujus loci. Hoc etiam satis indicatur in ipsa versione vulgari, quum in verbis proxime sequentibus eandem vocem vertit per *nondum*, *quia meum tempus nondum impletum est.*

CAP. LIV.

De Iudiciis publicis, Indice, Accusatore, Testibus, Advocato, & Reo.

Questio prima. Quid sit iudicium?

I. R. Iudicium proprie significat definitionem ejus quod justum est inter aliquos de jure certantes. Sed connotat simul potestatem quandam coactivam, vel compellendi partes ut subjiciant sese illi definitioni, vel sententiæ latæ.

Questio secunda. An Iudicia hujusmodi & munera iudicum sint licita inter Christianos?

II. R. 1. Non tantum licita sunt, sed etiam necessaria. *Act. 15. 10. Rom. 13.* Nam quod jure naturali est utile & necessarium ad bonum statum societatis humanæ, illud non tollitur, sed stabilitur, dirigitur, & perficitur per Christianæ religionis instituta: quia religio Christiana non destruit, sed perficit naturam. Sed officium iudicum & iudicia, jure naturali, utilis & necessaria sunt

ad bonum statum societatis humanæ: sicut exemplo & experientia omnium populorum patet, qui istiusmodi iudicia usurparunt tanquam necessaria ad tuendum reip. statum. Manifestum enim est, sine litium terminatione confusionem non posse vitari: & lites multas non posse terminari sine iudicum potestate.

III. 2. Quæ contra objiciuntur ab Anabaptistis, sunt magis infirma quam ut tam necessarium institutum tollant. Christus enim *Mat. 5. 40.* non jubet vitare iudicium tanquam rem illicitam: sed injurias patienter ferre, neque malum rependentes pro malo, neque facile contententes cum eis à quibus injuriis afficimur. *Mat. 7. 1.* vetatur tantum iudicium privatum, idque temerarium, superciliosum, & injustum, non justum, sicut apparet ex verbis oppositis, *Johan. 7. 24.* Paulus

1. *Cor. 6. 6.* non damnat omnia judicia, sed contentionem tantum cum scandalo conjunctam, qualis erat illa fratrum fidelium coram iudicibus infidelibus, cum offensione tam fidelium quam infidelium.

Quæstio tertia. Quamnam requiruntur ad iudicium licitum?

IV. R. 1. Requiritur primo, ut ex autoritate iusta, i. e. ut fiat ab illo qui habet legitimam potestatem in tales personas, & in talicautsa. *Luc. 12. 14.*

V. 2. Requiritur secundo, ut sit in se iustum, i. e. ut conforme sit iudicium, vel sententia judicialis cum iustitia vera. *Iob. 7. 24.*

VI. 3. Requiritur tertio, ut sit certum, i. e. ut non fiat de rebus vel plane occultis, vel leviter tantum notis, sed sufficienter exploratis. *Prov. 18. 13.*

VII. 4. Requiritur etiam ut iudicium sit integrum ac syncerum, i. e. ut ex nullo affectu alio proficiatur, quam ex amore iustitiæ & publici boni. 2. *Chr. 19. 9.*

Q. 4. Quot modis legitime possit procedere iudex contra delicta?

VIII. R. 1. ordine proceditur in criminalibus per viam accusationis: quando scilicet est qui accusat, & spondet se probaturum crimina obiecta. r. e. 1. Quia iudicium respicit litem, quæstionem, aut controversiam: sed nulla potest esse lis aut quæstio nisi inter duos, neque de crimine admissio, nisi inter accusatorem

ac reum. 2. Iudicis officium est constituere medium iustitiæ: quod non habet locum, nisi ubi sunt duo inter quos constituatur. *Dent. 17. 8. & 25. 1. Act. 25. 16.*

IX. 2. Ex iure tamen naturali, ac divino, ad sententiam ferendam iudicalem, requiritur tantum sufficiens testificatio facti: quæ sæpe habetur sine ullo *formali* accusatore: quando nempe alia sunt quæ suppleant vicem accusatoris (ut evidentia facti manifesta, & publica infamia) in quibus continetur accusatio *virtualis*.

X. 3. Pertinet sæpe ad officium iudicis, procedere per viam inquisitionis, ubi nulla est instantia alicujus accusatoris. Nam absque hoc 1. iudicia omnia penderent ex arbitrio accusatorum. 2. Iustitia illa cessaret quæ necessaria est ad atrociora vitia coercenda, ac ad rempublicam purgandam & conservandam.

XI. 3. Non satisfacit officio suo iudex, si cognoscat causas ad se delatas, nisi eadem ex occasione prudenter pervestiget. *Iob. 29. 16. Prov. 24. 11. 12.*

XII. 4. Inquisitio illa, quæ dicitur generalis, qua in genere & moderate quaeritur de observantia legum, & de criminibus adversus leges admissis, tam in Ecclesia quam in rep. est admodum utilis & congruens rationi, ac officio eorum qui habent curam communis, atque adeo sufficientem notitiam habere debent, quomodo se gerat in legibus obli-

De in-
quisitio-
ne ex of-
ficio.

Processus
iuris.

observandis. *Astor. 15. 36. Dent. 13. 14. & 21. 1. 2. &c.*

XIII. 5. Si prius constet de crimine commissio, & author sit plane occultus, e. g. jacet in via publica homo trucidatus, vel constet domum alicujus esse dirutam vel dirptam, tum generalis tantum inquisitio debet fieri, an scil. infamia vel suspicio probabilis alicui adhæreat circa crimen admissum: ex locis antecitatis: & ex analogia inquisitionis extraordinariæ habitæ de anathematice, *7 q. 2.*

XIV. 6. Si vero infamia, probabilis suspicio, quærela, vel denunciatio facta sit de persona hac vel illa, tanquam autore, tum specialis inquisitio haberi potest de tali persona, utrum sit author criminis necne? Tum enim ex notitia quadam publica, judex ut publica persona procedit. Et in tali notitia continetur accusatio quadam virtualis. *Dent. 22. 14. &c.*

XV. 7. In generali inquisitione hæc sunt observanda. 1. Nemo tenetur quenquam apud judicem prodere, in ordine ad pœnam, in causa quam ille novit honestam esse, & nullam pœnam mereri. Hoc enim esset injustitiâ, non justitiâ promovere. 2. Nemo non antea aliquo modo infamatus de delicto de quo inquiritur, tenetur seipsum prodere & accusare, etiamsi subjuramento interrogetur, an noverit aliquem talis delicti reum, r. e. 1.

quia de seipso non interrogatur ex intentione judicis juridice procedentis: utpote qui non inquit de eis quæ sunt plane occulta. 2. quia nemo tenetur in sese animadvertere, aut directe cooperari ad sui punitiorem.

XVI. 8. Adeo contra naturam est, ut quisquam semetipsum prodatur ac infamet, præsertim cum periculo aliquo gravi, ut tales inquisitiones, quibus interrogatur aliquis de semetipso, in causa criminali, nulla præcedente infamia, vim adferat naturæ, & occasionem prebeat perjuriiis horrendis.

XVII. 9. Non semper tenetur quis alterius crimine occultum, de quo nulla præcessit infamia, aut suspicio, manifestare. Ille enim cujus delictum est occultum, habet ad huc jus ad famam suam hætenus conservandam, ne temere fiat manifestum. Neque judicis est occulta scrutari, qui ut publica persona ex publica aliqua notitia, vel suspicione procedere debet.

XVIII. 10. Ad hæc igitur incommoda declinanda, nec judex debet cuiquam obtrudere, nec interrogatus admittere juramentum illud inquisitorium, quod dicitur ex officio, de veritate dicenda circa quolibet interroganda, nisi cum istiusmodi restrictione; quatenus ad id jure teneatur: vel, quatenus id jure possit.

XIX. 11. Aliquando tamen detegenda sunt crimina quæ antea

fuerunt occulta, quando nempe circumstantiæ bene expensæ hoc suadent, e. g. 1. quando manifestatio illa utilis est & necessaria ad impedendam commissionem alterius criminis quod probabiliter timeatur. 2. quando grave aliquid incommodum imminet quod sine manifestatione criminis vix potest averti. 3. quando manifestatio illa est necessaria vel ad emendationem delinquentis procurandam, vel ad continuationem ac iterationem delicti impediendam. In istis enim casibus, major habenda est ratio iustitiæ & charitatis, boni communis, ac innocentis unius, quam famæ criminosi, quæ per accidens tantum læditur, idque ex ipsius propria culpa.

An semper
judican-
dum se-
cundum
allegata &
probata?

Quæstio quinta. An iudex semper debeat sententiam ferre secundum allegata & probata?

XX. R. 1. Contra allegata & probata non debet iudex sententiam ferre, quicquid fuerit de scientia ejus privata. Nam 1. Iudex judicat ut persona publica, & vice reip. Non potest igitur censeri recte & ex officio aliquam sententiam ferre, nisi eandem sententiam etiam resp. censeri possit ferre & approbare. Sed si resp. judicaret, non posset procedere nisi secundum scientiam publicam. Ergo vel secundum scientiam publicam, quæ ex allegatis & probatis exurgit debet judicare, vel à iudicio abstinere. 2. Si vel contra vel præter allegata & probata iudex posset ju-

dicare, sequerentur inde magna incommoda, & judiciorum perversio: dum iniqui iudices facile condemnarent innocentes, & absolverent nocentes, sub prætextu privatæ scientiæ ab allegatis ac probatis dissentientis. 3. Non potest alia ratione reip. satisfieri, ut in tranquillitate consistat.

XXI. 2. Non sic tamen attingitur iudex allegatis & probatis, ut possit propter illa capitis condemnare eum quem evidenter novit esse innocentem. Nam 1. quia allegata & probata sunt media ad veritatem manifestandam. Contra veritatem igitur certo notam, nihil debent apud quenquam valere. Nihil enim juvat, quod hic responderi solet, finem probationum esse tantum veritatem publicam: quia veritas publica præsupponit veritatem absolutam. 2. Quia iudex pronuncians illud esse verum quod certo novit esse falsum, mendax esset, & contra conscientiam peccaret.

XXII. 3. Neque solvitur hoc argumentum distinctione illa, inter conscientiam iudicis publicam, & privatam. Nam 1. privata conscientia nunquam debet violari. 2. Scientia illa publica, quamvis aliis possit esse regula agendi, non tamen illi, qui certo novit eam esse falsam. 3. Quia occidere innocentem, factum est intrinsece malum, atque adeo non potest à quoquam sciente, volente, licite patrari. Neque satis est dicere, hoc fieri per accidens; aut talem ho-

minem

minem esse nocentem iudicio communis. Qui enim sciens, volens, ex certo consilio aliquid facit, ille est causa per se. Et iudicium communis cum perniciē alicuius errans, non est ab eo, qui contrarium novit vel confirmandum, vel promovendum. 4. Nefarius ab omnibus iure habetur, qui in singulari aliqua causa tali, suscipiet iudicis partes ad eum condemnandum quem novit innocentem. Nefarium igitur munere illo suscepto tali modo abuti.

XXIII. 4. Si iudex officium faciat in manifestatione veritatis procuranda, talis perplexitas vix unquam continget. Si vero contingat, post omnia tentata ad innocentem liberandum, officio iudicis cedere potius tenetur quam eum damnare.

Iudicium
peccata.

Quæstio sexta. Quam sunt peccata iudici præcipue cavenda.

XXIV. R. 1. Iniquas leges vel ferre vel in iudicando sequi. *Esai. 10. 1. Pa decernentibus decreta iniqua, & scribebantur molestiam quam illi præscripserint: ad evortendum de causa tennes, & ad rapiendum, ius pauperum populi mei, &c.* Iudex enim omnis iusticiam veram debet administrare. Iustitia autem non potest esse vera, si administratur secundum leges quæ legi naturali aut divinæ repugnant. Iudex etiam ex officio suo est minister Dei, & legis ejus custos. *Deut. 1. 17. 2. Chr. 19. 6. 7.* Debet igitur secundum illam iudicare.

XXV. 2. Personas accipere, id est, in iudicando respicere aliquam conditionem in hac aut illa persona, quæ nihil facit ad causam iudicandam. *Deut. 16. 19. Exod. 23. 3. Lev. 19. 15.* Hoc enim est directe contra iudicis professionem. 1. Quia iudex constituitur ut medium & mediator inter eos quorum causam iudicat. Sicut igitur medium æqualiter se habet ad utrumque extremum, ita affectus iudicis in neutram partem debet propendere. 2. Iudex nihil aliud est quam iustitia animata. Non magis igitur debet in hanc aut illam partem inclinare, quam ipsa iustitia causæ inclinatur. 3. Iudex sustinet personam Dei, qui omnis passionis est expertus.

XXVI. 3. Recipere munera. *Deut. 16. 19.* & ubique in Scriptura. Ratio 1. Quia hoc tendit ad arbitrium inclinandum in hanc aut illam personam: & est extra causam: atque idcirco personæ acceptionem inducit. 2. Hac ratione vel corrumpitur & constupratur iudicium, ut sit iniustum, vel venditur iudicium iustum: quorum utrumque est abominandum. Ad iudices igitur & alios iudicii administratores spectat præcipue illa descriptio hominis iusti, *Esai. 33. 15. qui spernit lucrum ex fraudibus, qui excutit manus suas ne teneat munus, qui occludit aures suas ne audiat cedes, & obstitit oculos suos ne videat malum.*

XXVII. 4. Dilationes, extractiones.

tractiones, & moras non necessarias vel injicere cause, vel pati, ut ab aliis injiciantur. *Luc. 18. 3. 4.* Nam 1. hoc est negare justitiam ex parte, quamvis non ex toto. 2. Hoc est efficacem occasionem præbere damni, vel utriusque partis, vel saltem alterius litigantis: dum enim causa protelatur, sumptus indies accrescunt, ita ut sæpe sortem & caput excedant. 3. Hac ratione fit ut incommoda tanta judiciis adhaereant, ut tam aliis pacis amantibus, quam pauperibus ac miserabilibus personis, in quorum gratiam præcipue sunt constituta, noxia & formidabilia fiant, & improbis cavillatouibus maxime faveant: ita ut qui justam causam habent sæpe, judicia fugiant, & injusti oppressores eadem quarant: quæ est manifesta perversio & contumptio judiciorum. Istiusmodi abutibus convertuntur judicia in *absinthium Am. 5. 7. & 6. 12.* & in *molestiam. Esai. 10. 1. 2.*

Quæstio septima. Quid juris sit de accusatione?

De accusatoribus.

XVIII. R. 1. Delatio rei de crimine judici facta, sive fiat per *querelam*, (in qua quæri solet privatum bonum partis offensæ) sive per *denunciationem evangelicam*, (qua intenditur bonum fratris denunciati) sive per *denunciationem judicariam*, (qua intenditur bonum commune aut alterius innocentis per judicis inquisitionem) sive per *accusationem perfitam*, (qua idem bo-

num quaeritur per probationes deferentis procurandum) si recte & ordine fiat, est res licita & honesta. 1. *Tim. 5. 19.* Ratio, quia hujusmodi delatio est medium quoddam, proportionem & ordinem justum habens ad commune bonum defendendum. Est etiam actus virtutis justitiæ, quatenus est vindictio injuriarum atrocium ex publica autoritate.

XXIX. 2. Multū sunt casus, in quibus non licitum tantum est, sed & necessarium, delinquentem accusare. e. g. 1. Fideles, aut similes officiales, ex officio tenentur accusare nocentes, quoties expedierit ad promotionem publici boni. 2. Quilibet civis tenetur deferre crimina, quæ vel immediate lædunt bonum publicum, vel mediate in malum publicum redundant, vel graviter lædunt aliquem innocentem, si detrimentum illud non possit alia ratione commode averti. Ratio est, quia jure naturali, & ex charitate, vel erga temp. vel erga proximum particularem, tenetur omnem suam industriam impendere, cum opus fuerit, ad talia mala à medio tollenda.

XXX. 3. Injusta redditur omnis accusatio, vel per *calumniam*, falsum crimen ponendo; vel per *pravaricationem*, fraudem in accusatione adhibendo; vel per *tergiversationem*, absque justa causa discutendo ab accusatione justa.

XXXI. 4. Non est semper necessarium præmittere admonitionem privatam

privatam ac fraternam ante accusationem vel delationem judicariam. Aliquando enim scandalum est publicum, & privata correptione non potest tolli. Aliquando nulla spes est, admonitionem privatam aliquid valituram. Nonnunquam etiam bonum commune ita periclitatur, ut per secretam admonitionem non possit defendi.

XXXII. 5. Si per admonitionem fraternam corrigi possit delinquens, & crimen ipsum non est aliis perniciosum, ita ut finis accusationis absque accusatione possit obtineri, tum charitas & justitia postulat, ut accusatione missa facta, in correptione privata acquiescamus.

Quæstio octava. Quid juris sit de testibus?

De testibus.

XXXIII. R. 1. Testis tenetur veritatem notam testari 1. si à judice legitime interrogetur: quia postulat hoc tam obedientia judici debita, quam justitiæ promovendæ aut saltem non impediendæ causa. 2. Quamvis à judice non interrogetur, si tamen grave damnum imminet vel reip. vel alicui privato, quod (moraliter loquendo) non potest averti nisi per ejus testimonium, ex charitate saltem, si non etiam ex justitia, si commode possit, tenetur veritatem testificari. Hinc in civilibus causis, quando proximus aliter grave damnum pateretur injuste, si quis sit, qui potest illi succurrere, absque magno detrimento

suo, non tantum ab ipso rogatus debet testificari, sed etiam ad testimonium se offerre: sicut etiam in criminalibus ad innocentem liberandum. *Prov. 24. 11.*

XXXIV. 2. In causis gravibus, & criminalibus, duo testes ex ordine requiruntur. *Num. 35. 30. Deut. 17. 6. & 19. 15.* Ratio est, quia unus facile corrumpi potest, & non potest facile convinci: duo vero aut plures testes falsi difficilius corrumuntur, & quia vix possunt per omnia concordare esse, aut conformiter loqui, idcirco facilius convincuntur.

XXXV. 3. Hinc tamen non impedit, quin in causis levioribus, præsertim quando non agitur de condemnatione alienjus, sufficiat unus testis eximie authoritatis. In quibusdam etiam criminibus, circa quorum probationem, ex natura rei, non possunt moraliter loquendo expectari aut inveniri duo testes, ut in nocturnis flagitiis, in adulterio & similibus sufficere possunt probationes alie, quamvis non sint duo testes, idem singulare factum testantes. Ratio est, quia natura rei, & necessitas publica exceptionem hanc facit à regula universali.

XXXVI. 4. Vim & locum testimonii habent non tantum evidentiæ facti, confessio propria non extorta, instrumenta scripta, sed, nonnunquam etiam, præsumptiones, si non sint temerariæ, aut leves, sed plane violentæ & convincentes.

1. Reg. 3.

De Ad-
vocat.;

1. Reg. 3.

Quæstio nona. Quid juris sit de Advocatis?

XXXVII. R. 1. Advocati & Procuratores constituti sunt ad supplendis vices eorum, qui justam causam habentes, vel ob imperitiam, vel propter absentiam, non possunt suas proprias causas agere sicut oportet.

XXXVIII. 2. Advocati igitur officium est exponere fundamenta causæ sui clientis, & eam judici probare, & quantum in se est, persuadere, ut pro illa sententiam ferat.

XXXIX. 3. Hinc in avvocato singularis requiritur 1. scientia causæ, & juris ad eam spectantis. 2. fidelitas, ac modus & ordo justus in eadem tractanda.

XL. 4. Hinc etiam nullus advocatus debet suscipere aut defendere causam quam novit esse injustam. Nam 1. Hoc esset mentiri, & contra conscientiam peccare. 2. Hoc esset fraudem facere proximo, contra *Lev. 19. 13.* & perversitatem exercere in judicio ibid. *vers. 15.* 3. Hoc esset non tantum communicare peccatis judicis, & aliorum inique facientium, sed etiam eisdem occasionem efficacem aut causam præbere. Vnde etiam fit, quod ars advocatoria (prout hodie à plerisque exercetur) nihil aliud sit quam sophistica peritiosa, ex dolis fraudibus, technis, cavillationibus, laqueis, captivculis, insidiis, triciis, ambagibus, & circumventionibus conflata,

XLI. 5. Ex iisdem rationibus consequitur, advocatum, qui initio litis causam censabat justam, sed in progressu advertit eam injustam esse, teneri clientem suum admonere de injustitia causæ, eamque deferere. Nam 1. postquam ad illam scientiam pervenit, non potest progredi, nisi contra conscientiam facere velit. 2. Si cliens ejus intelligit causam suam injustam esse, tenetur desistere. Ergo & advocatus qui est ejus adjutor.

XLII. 6. Potest etiam aliquando contingere, ut post injustitiam causæ evidentem compertam, teneatur advocatus (scandolo secluso) contrariam partem vel testimonio vel consilio juvare: ut in causa capitali, aut alia similis momenti. Charitas enim postulat, ut unusquisque paratus sit occurrere gravi damno proximi sui.

XLIII. 7. Si tamen causa sit adeo probabilis, ut actor aut reus possit justitiam ejus in judicio expectari, tum potest etiam advocatus eum adjuvare, argumenta illa judici subijciendo quæ faciunt ad causam probabilem reddendam.

XLIV. 8. Pro hac opera fideliter præstita, quamvis possint advocati & procuratores moderatum, & ex consuetudine aut bonorum estimatione probatum stipendium accipere; miserabilibus tamen personis quæ non habent quod tribuant, gratis debent patrocinari, ex æquitate legis

Exod.

Exod. 23. 4. & Mat. 7. 12. Hæc enim est cleemosyna advocati, quatenus est talis.

De persona rea.

Quæstio decima. Quid juris sit de reo vel accusato?

XLV. R. 2. Si reus legitime interrogetur, tenetur suum crimen fateri. Ratio 1. Quia neque negare potest veritatem notam sine mendacio; neque tacere, vel respondendi officium detrectare, quando interrogatur à superiore qui jus habent interrogandi; sine inobedientiæ peccato. 2. Quia crimen divina providentia manifestatum (prout debet manifestari ut reus de illo legitime & juridice interrogetur) vel mendacio, vel artificio abscondere, est aliquo modo contra gloriam Dei. *Job. 7. 19.* 3. Quia publicum illud bonum quod à iudice in interrogatione legitima debet spectari, non debet à reo impediri. 4. Quia reus denegando crimen legitime objectum, indirecte & per consequentiam, dicit cum qui objectat per calumniam esse mentitum, cum gravi injuria ipsius.

XLVI. 2. Reus ex evidente

iniquitate condemnatus, potest semetipsum licitis mediis, tam activa quam passiva resistantia defendere, ne sententia lata mandetur executioni, si possit id facere citra scandalum, & majus malum. Ratio 1. quia talis sententia nulla est, in foro conscientie. 2. quia jure naturali, unusquisque jus habet semetipsum tuendi adversus injurias quæ ipsi intentantur.

XLVII. 3. Juste condemnatus reus tenetur ad poenam justam patiendam: sed non ex ordine ad eandem sibi met accersendam, aut etiam ad procurandam aut non declinandam occasionem patiendi.

XLVIII. 4. Licitum tamen est reo (ad gravius malum vitandum) in semetipsum aliquo modo exequi poenam leviozem per justam sententiam judicis decretam: ut reddere pecuniam judicatam, in carcerem, vel exilium ire: non vero mortis poenam, aut similem aliquam, sua natura horribilem, & naturæ humanæ repugnantem: quia hoc est intrinsece malum, neque potest ulla circumstantia cohonestari.

C A P. LV.

De Secreti revelatione.

Quæstio prima. An & quatenus peccatum sit, revelare secretum?

R. 1. Secretum alienum quod

promissimus nos celaturos, si promissio fuit & manet legitima, non potest detegi absque peccato. Ratio

1. quia hoc est contra veracitem,

S f

ac fide

ac fidelitatem quam jure naturali observare tenemur. 2. quia pugnat cum civili societate, cujus perturbatio sequitur ex istiusmodi detectione secretorum.

II. Promissio occultandi fieri censetur non tantum expresse, quando silentium conceptis verbis pollicemur; sed etiam tacite, quando ex modo dicendi ac recipiendi, & ex verbis confidentiam significantibus & suadentibus, pollicitatio talis relinquitur colligenda.

III. Quamvis nulla promissio intercesserit, si tamen detectio secreti noceret alterius animæ, corpori, honori vel fortunis, tum ille qui absque causa revelaret, peccaret tam adversus justitiam quam charitatem.

IV. Si animus vel intentio lædendi comitetur istam revelationem, gravius sit peccatum: ut quod charitati directe adversatur.

V. Si non adit animus alium lædendi, & tamen revera lædatur, aut saltem est periculum læsionis, tantum est peccatum, quantum est negligentia vel inconside-

ratio, in qua culpa nunc levis nunc lata reperitur. Nam sicut in factis, sic etiam in verbis, non satis est ut absit intentio lædendi, sed insuper charitas ac justitia postulat, ut adhibeatur diligentia, ne alterius detrimentum inde sequatur.

VI. Quia injusta revelatio secreti habet sepe in se se permittosam violationem fidei, amicitiae, & honestatis, ideo non tantum communi hominum æstimatione, sed etiam in Scriptura numeratur inter peccata maxime odiosa. *Psal. 35. 15. qui pariter dulce inibamus secretum. 2. Tim. 3. 4. proditores.*

VII. Si tamen secretum nobis commissum in grave damnum aliorum, vel etiam ipsius committentis nisi detegeretur, ex charitate tenemur illud manifestare.

VIII. Si etiam secretum sit levis aut nullius momenti, nisi promissio obsit, potest absque peccato revelari: quia in tali materia, neque justitia, neque charitas per se obligationem ullam inducit.

C A P. LVI.

*De AEquitate legis talionis in testem falsum à Mose
statuta Deut. 19. 16. &c.*

I. **L**Ex ista non statuitur in eum qui ex ignorantia probabili, vel inadvertentia, vel errore culpa lata carente, falsum testimonium dixit: sed de eo qui destinato consilio surrexerit in aliquem ad testificandum adversus ipsum crimen falsum *vers. 16.*

II. Ac-

II. Accurata diligentia debet à iudicibus adhiberi, ut certo ac clare constet non solum de facto iniquo, sed & de animo & intentione huiusmodi testis. *vers. 17. 18.*

III. Huiusmodi peccati gravitas ex eo apparet 1. quod religionis & Dei ipsius contemptus in perjurio testis falsi contineatur. 2. Quod malitia & odium summum adversus proximum ostendatur simul & exerceatur. 3. Quod istiusmodi testimonia falsa, directe tendant ad iustitiam communem, & societatem humanam evertendam.

IV. Æquissimum est, ut qui hunc in modum peccat, eidem poenę subijciatur quam innocenti intendit & conatus est inferre. Nam 1. Lex est omnium confessione æquissima, ut qui effundit sanguinem homines, sanguis ejus per hominem effunda-

tur. *Gen. 9. 6.* sed qui suo testimonio mortem alterius procuravit, vel conatus est procurare, ille quantum in se fuit, sanguinem ejus effudit. 2. Iustitia poenę (quæ consistit in proportionem ejus ad culpam) in ista lege manifeste observatur. 3. Hujus legis observatio eo tendit, ut qui tale facinus meditantur, & tamen à poenā tali abhorrent, de gravitate ex rei ipsius natura moneantur, & sic à proposito deterreantur.

V. Extendenda est æquitas hujus legis ad falsos accusatores, qui scientes volentes, per calumniam, accusant aliquem de crimine falso: ad iudices innocentem ex malitia condemnantes: ad testium aut iudicum corruptores malitiosos &c. Cum enim in his omnibus eadem sit malitia, in procurando proximi malo, eadem omnes plecti debent poenā.

CAP. LVII.

DE CONTENTATIONE.

Questio prima. Quid requiritur ad contentationem?

I. R. 1. Requiritur 1. ut mores habeamus ab omni avaritia alienos. *Hebr. 13. 5.*

II. 2. Ut non simus solliciti de eis quæ pertinent ad vitam præsentem. *Mat. 6. 25. &c.*

III. 3. Ut nullam singularem mensuram vel speciem istiusmodi reum absolute, aut avide concupisca-

mus. 1. *Tim. 6. 9.*

IV. 4. Ut proximis optima quæque cupiamus, & nostram qualemcunque conditionem boni consulamus. 2. *Cor. 13. 9.*

Questio secunda. Quibus argumentis excitare nosmetipsos possumus ad studium hujus contentationis?

V. R. 1. Dei providentia omnia ad suam gloriam & nostram salutem dispensans, exigit à nobis sub-

missionem istam contentationis.
Job. 1. 21.

VI. 2. Contentationis hujus defectus inducit in multas tentationes, & peccata, tam in Deum, cujus voluntati obmurmuramus, quam in proximum, cui invidemus.

VII. 3. Tranquillitas animi (sine qua inepti reddimur ad communia officia pietatis, charitatis & justitiæ, & in qua pars magna felicitatis nostræ consistit) non potest retineri sine contentatione.

VIII. 4. Contentationis defectus arguit animum huic mundo, & iis commodis nimis deditum & inliantem.

Quæstio tertia. Quæ media præ-

cipua efficacia conducunt ad istam contentationem acquirendam?

IX. R. 1. Si rerum spiritualium justam æstimationem, & congruentem erga illas affectum in nobismetipsis excitemus.

X. 2. Si de vanitate hujus mundi, serio multumque meditemur.

XI. 3. Si in qualicunque conditione nostra præcipue attendamus ad illa, quæ materiam nobis præbent Deo benedicendi.

XII. 4. Si assuescamus nosmetipsos ut iis rebus quas Dominus hic nobis concedit sic utamur & habeamus quasi non haberemus. *1. Cor. 7. 30.*

Gloria Deo, hominibus pax conscientia.

FINIS LIBRI QUINTI.

P A R Æ N E S I S
A D
STUDIOSOS THEOLOGIÆ,

Habita FRANEKERÆ, Aug. 22.

ANNO 1623.



Quamvis (viri clarissimi, & charissimi auditores) in isthoc dicendi genere, neque aliis possum, neque mihi metipsi magnopere soleo placere: atque adeo libentius multo in lectionibus usitatis pergere possim, quam in istis prafationum ambagibus morari: quum tamen hoc ipsum, tanquam officii mei partem quandam necessariam, & mores & tempora videntur à me postulare: posthabitis eruditiorum aurium delicatis judiciis, atque censuris, auditorum commodis, brevi quadam paranesi, hoc tempore, quasi litare decrevi.

Socrates eo nomine à cordatis omnibus, inter antiquos, maxime celebratur, quod primus à rebus occultis, & ab ipsa natura involutis, in quibus omnes ante eum philosophi occupati fuerunt, avocavit philosophiam, & ad vitam communem adduxit, ut de virtutibus & vitiis, omninoque de bonis rebus & malis quæreretur, quatenus possint ad bene vivendum conferre. Simili quodam instituto, (absit invidia comparatione) tentavi ego anno precedente, quia rem necessariam videbam ommissam, tentavi (inquam) an theologiam aliqua ex parte avocare possim (in Academia saltem nostra) à questionibus & controversiis quibusdam spinosis, perplexis, & minus necessariis, & ad vitam & praxin eam adducere, ut de conscientia, & ejus cura, incipiant studiosi serio cogitare.

Consilium istud meum ab optimo quoque probari scio: neque audere quenquam puto adeo se alienum ab omni pietate profiteri, ut ipsum propositum palam damnet, aut reprehendat. Hoc enim

PARÆNESIS.

est, quod plerique omnes in Academiis nostris diu jam, & nimis certe diu desiderarunt. Hujus generis institutionis defectum, pontificia pleraque omnes, & precipue Iesuitarum scola, non sine pudore nostro, objicere nobis & exprobrare videntur. Hoc probatissima fidei ministri, & integra etiam synodi, ab Academia Leidensis Curatoribus, iteratis votis aliquoties petierunt: ubi etiam, nisi fallant auguria, brevi (uti par est) hujusmodi professionem videbimus constitutam. Hoc ipsum denique, quod omnium est gravissimum, miseranda Dei Ecclesia, quasi jure suo, ab omnibus Academiis flagitant, quæ prodi se & plane perdi clamitant, dum conscientia hominum ius curanda & ex officio tractanda mandantur, qui nullam hujusce rei artem, ulla ex parte didicerunt; qui an talis doctrina necessaria sit, vel omnino sit, videntur nescire; qui vix unum præceptum, non omnibus notum, quod eo directe spectat, aut sibi metipsis eligerunt unquam sedulo meditandum, aut ab aliis audiverunt diligenter inculcatum. Hæc quum ita se habent, non equidem vereor, ne in cuiuspiam apertam reprehensionem incurrat nova ista quam incepti docendi rationem. Attamen, quod usu venire solet, ut non probent & amplectantur statim homines quod bonum esse fatentur; id hæc in re observasse mihi videtur. Nemo quidem reprehendit illa quæ in isthoc genere hæctenus fuere proposita: pauci tamen sunt, qui eademprehendere, aut studio justo prosecui curant.

Huic autem languori hæc unica datur medendi ratio, si errores illi ex quibus nascitur, notari simul possint, & minui, vel etiam ex animis nostris evelli.

Hoc igitur dum ego in præsentiarum breviter conabor, peto à vobis ut attentis ac faventibus animis velitis adesse.

Primus & maxime capitalis error, cui ceteri fere omnes originem suam debent, in eo versatur, quod de theologia proprio sine, raro & parum ab iis cogitatur, qui inter ejus alumnos nomina sua profitentur. Quid enim est miri, si scopum illi nunquam attingant, qui nunquam ad eum intentis oculis collimarunt?

Scopus

P A R Æ N E S I S.

Scopus autem theologi quis esse debet, apostolus paucis docet 1. Tim. 4. 16. ut semetipsum nempe servet, & eos qui ipsum audierint. i. e. vivens ipse Deo, alios etiam ad Deum adducat: vel, ut Dei gloria, & ecclesia adificationi addicat & devoveat sese totum. Praclarum sane propositum, & cœlestibus angelis dignum: quibuscum etiam theologi communem hac in parte sortiuntur provinciam. Qui vero metam istam ob oculos habent, nil opus est ut excitentur ad studia quæ intime pertinent ad conscientiam: conscientias habent instar mille monitorum. Salutem enim & vitam apprehendi non posse norunt, nisi bona conscientia servata: qua expulsa, abjecta, vel neglecta, naufragium fidei non potest vitari. 1. Tim. 1. 19.

Hujusmodi vero intentio, quam procul absit à consiliis omnibus maxima partis eorum qui nunc dierum ad ministerium aspirant, aut in ejus spem educantur, clarius est, quam ut multis verbis debeat ostendi. Quid aliud est in causa, cur nemo fere ex iis, qui vel nobili aliqua familia nascuntur, vel à parentibus expectant unde lautius vivere possint, ad theologiam accedit, aut ministerium unquam sibi proponit, nisi quod mundanis dediti cupiditatibus, curvos suos animos non possunt erigere, ad illa prosequenda, quæ honoribus & magnis hujus mundi commodis destituuntur, quamvis maxime cœlestia sint, & plane divina?

De Romano quodam prætecto refert Hieronymus, quod solebat ludens beato Damaso dicere, facite me Romanæ urbis Episcopum, & ero protinus Christianus. Sic etiam de multis eorum qui nunc ministerium fugiunt & contemnunt haud vana conjectura possit affirmari, si fieri possint abbates, episcopi, cardinales, pontifices, protinus essent ministri. Sed bene esset ministerio, quod nihil habeat, cujus nomine ab hujusmodi mancipiis mundi ambiatur: si modo alii essent eorum animi, qui studiose illud querunt, quod ab illis negligi, ne dicam sperni observant. At vero ex istis etiam plerique ita videntur animati, ut, si fieri possit cum eadem facilitate, aliam quamlibet
non

non inopem vitam eligerent ante ministerium: & cum alia ex voto non possunt assequi, istuc delabuntur quasi coacti, secundum vetus illud proverbium, qui citharadi fieri non possunt, auladi fiunt. Non secus igitur ad istam professionem sese conferunt, quam ad alias artes aut vulgares occupationes vita facere solent alii, ut victum scilicet sibi querant. Si tales postea inutile fuerint ecclesia pondus, si tempori ac scena tantum serviant, si sua semper querant, & non illa quae sunt Dei, nihil est quod quisquam miretur. Miranda magis est illa gratia & providentia Dei, qua factum est hactenus, ut ecclesia consistat, quamvis ab huiusmodi mercenariis hominibus miserandum in modum opprimatur. Hoc igitur imprimis omnes illi qui sacra huic functioni nomina sua dederunt, aut etiam dare animis destinarunt, rogandi, monendi, & Dei nomine sunt obtestandi, ut ab initio ita se conferant ad rerum divinarum studia, non ut questui habentes pietatis professionem, sed ut pietatem ipsam omni questui anteponentem. Quisquis autem, cum Simone mago, commoda sua propria quarit ex ministerio, audiat sententiam Simonis Petri, vel Dei potius, de se jam olim pronunciatam: non est tibi pars, neque fors in hoc negotio: cor enim tuum non est rectum in Dei conspectu. Act. 8. 21.

Hactenus primigenium nostrum vitium notavi, ex quo cetera qualibet facile redundant.

Huic proximum & maxime consanguineum est, quod animus ille ad ista studia non adfertur, qui est tam deifica disciplina dignus.

Purum sit oportet & extersum speculum, in quo clare reluceat aeterna veritatis imago. Vitiis inquinamenta, & cupiditatum tumultus abesse debent (quantum fieri potest) ab illo corde, in quo tabernaculum sibi figat sapientia divina. Ad fortia mittuntur fortes: ad pietatis officia mittendi soli pii. Illa tamen est horum temporum miseria, ut moribus pessimis imbuti, tincti, fœdatis, possint & audeant effatos suos animos ad ministerium appli-

PARÆNESIS.

applicare: ac si nihil aliud quærerent, quam sanctitatem illius muneris suis vitiis dedecorare. Sartor quidem, opilio, aut bubulcus bonus potest quis esse, qui non est vir bonus. Sed qui vir bonus non est, & aliquid etiam amplius, minister bonus nunquam evadet. Sal insulsum, insipidum, infatuatum sunt tales theologi: nec ad aliud quidquam valent, nisi ut abjiciantur foras, & à quibusvis conculcentur. Quod igitur Paulus Timotheo juveni dixit, 2. Tim. 2. id juvenis quisque christianus, sed precipue theologus, sibi dictum putet: juveniles cupiditates fuge: sectare justitiam, fidem, charitatem, pacem, cum iis qui invocant Christum ex mundo corde.

Intentionem & animum studiis hisce destinati, sequuntur semper & referunt ipsa studia.

Studioſi vocantur omnes, quorum nomina in album Academicum referuntur: sed nemini magis convenit hac appellatio, quam iis qui operam suam collocant in theologia. Ille enim prædā & proprie dicitur, qui rei gravi ac probata congruam operam diligenter navat: quid autem cogitari potest gravius, aut magis probandum, quam est professio theologia? non agitur hic de prædiis ac fundis, & similibus terrenis bonis, ut in jure civili: sed de summo bono, & cælo supremo. Non de sanitate corporis momentanea, ut in medicina: sed de salute ac vita aterna. Non hic, ut ibi, inquiritur in hominum placita, edicta, rescripta, præscripta: sed in aternam Dei sapientiam, & voluntatem perfectam. Adeo tamen cæci sunt multi eorum, qui ad ista vocantur, ut tam divinis rebus vel non omnino studeant, vel perverse admodum & imprudenter. Cum quosdam omnino studere nego, non illos tantum intelligo, qui sunt toti dediti otio, secordia, voluptatibus, qui neque legunt ipsi quidquam, nec alios audiunt prælegentes: sed & illos, qui oscitanter, & quasi dicis causa, non nihil tantum non agunt. Studere namque dicimur ei rei quam plurimi facimus, quamq; magno conatu nobis parare contendimus. Student igitur multi, multis rebus aliis: sed in tanta copia

P A R Æ N E S I S.

Studioſorum nomine, pauci revera ſtudent theologia. Satis eſt multis ad miniſterium, imperſectum aliquod compendium levi- ter percurriſſe, quamvis librum Dei ſignatum plane habeant, neque aperiri aut reſerari ſibi curant. Cum tales mittuntur ex Academicus ad eccleſias docendas, vel uti debent incredibili illa ingenii magnitudine ac ſælicitate, qua Lucullus dicitur valuiſſe, qui ad Miſthridaticum bellum miſſus, Roma proſectus rei milita- ris rudis, in Aſiam veniſſe dicitur perfectus imperator: vel rudes manentes, docent poſtea quod nesciunt, quod nunquam didice- runt: ne hoc quidem ſcientes, quod nesciant illa qua docere de- bent. Audiant iſti, & cæteri omnes apoſtoli præceptum ad Ti- motheum Eph. 1. cap. 4. verſ. 13. 15. intentus eſto lectioni. hæc meditare, in his eſto: ut proſectus tuus manifeſtus ſit inter omnes. τὰυτὰ μελέτω, ἐν ταῖς τοῖς ἱαδί. Vox eſt illa ſolemnis in ſacris uſurpata, hoc agite. Opera omnis perfunctoria, & oſci- tantia languida, in tantis rebus, ſcelus eſt nefandum.

Sed neque melius multo de iis licet ſperare, qui currunt qui- dem, verum extra viam: certant (ut apoſtolus loquitur) ſed non legitime: ſtudent quidem ſedulo, ſed rationem & viam re- ctam in ſtudiis ſuis nequaquam tenent. Veteres medici, qui mor- talibus plurimum profuerunt, ſuam diſciplinam in tres partes diſtribuiſſe dicuntur, τὸ δόγμα, τὴν μέθοδον, καὶ τὴν ἐμπειρίαν, dogmata, methodum, & experientiam. Non ſunt iſta partes quidem proprie loquendo medicina, ſed modi diſcendi, & agendi media, non medicis tantum, ſed omnibus iis qui ſcientiam ali- quam exercere volunt, & theologis imprimis. Quo enim & no- bilior cæteris omnibus diſciplinis eſt theologia, eo magis accurate ſunt ejus dogmata noſcenda, ac methodice etiam percipienda: & quo magis intime ſpectat ad vitæ praxin, quam præterea quid- quam, eo magis etiam cum hac ſcientia conjungi debet experien- tia. Nec ſine tribus hiſce conjunctis, poteſt unquam impleri præ- ceptum illud ſtudenti, quod tradit apoſtolus 2. Tim. 2. 15. ſtude teipſum probatum ſiſtere Deo, operarium qui non erubeſcat, & qui

P A R Æ N E S I S.

qui recte veritatis sermonem fecet. Haud temere dictum fuit à Luthero, præter lectionem assiduam, orationem etiam & tentationem necessarias esse ad verum theologum accurate formandum.

Nostri autem theologi, præclare se instructos esse putant ad omnes officii sui partes, si dogmata tantum intelligant, & utinam intelligerent.

Næque tamen omnia dogmata scrutantur, sed illa sola, quæ præcipue solent agitari, & in controversiam vocari. Scriptura idcirco illas tantum particulas inspicere curant, quæ ad locum aliquem communem, aut controversiam definendam ab aliis vident citari. Linguis perdiscendis nullam curam impendunt. Logicam supervacaneam esse autumant. Postillis, commentariis, & sæpe etiam commentis hominum fidunt. O miseram ecclesiarum sortem, & à bonis omnibus cum veris lacrymis deplorandam, quæ ita contemptui habentur ab iis quos habitura sunt pastores, ut nihil aliud cogitare sæpe videantur, quam ut ipsis illudant. Absit à vobis (charissimi juvenes) procul absit hæc tanta impietas. Studete scripturis sedulo, dum tempus opportunum habetis. Studete iis logice ac distincte percipiendis, ut sensus habeatis exercitados, ad discretionem boni & mali. Heb. 5. 14. Studete denique in ipsis, non pauculis tantum dogmatis, & controversiis, sed omni informationi & institutioni in omnis virtutis ac pietatis methodo & experientia: ut homines Dei possitis evadere, ad omne opus bonum perfecte instructi. 2. Tim. 3. 17. Propteratis fere omnes in studiis. Vobis non vacat, aliquam ætatis partem in difficilibus & frivolis nugis perdere. Sit igitur hæc prima & unica vestra cura, ut scripturas distincte præceptas habeatis quasi familiares: ex quibus & stamen & trama theologia constat: & ex quibus ut Clemens Alexandrinus monet, omnes conciones nostra debent αἰσπῶνται ζῆν, & vivere & spirare. Ex aliis authoribus, quorum adminiculo debetis aliquando uti, illi præcipue sunt eligendi & lætandi, qui succum & sanguinem scripturæ

PARÆNESIS.

sapiunt, qui ad praxin pietatis deducunt: quos etiam non tam ut intelligatis nitendum est, quam ut aliqua ex parte referatis: illud semper firmum & fixum habentes, theologiam tum demum vere ac utiliter disci, cum non in intellectu & memoria seu stomacho subsidit, sed in ipsos affectus trajicitur, quasi in intima viscera cordis.

Controversiarum scientiam necessariam nobis fecerunt heretici: sed studium pietatis ut absolute necessarium, Deus ipse mandavit. Si igitur sic insaniamus circa questionum pugnas, ut pietatis doctrinam negligamus; nescio sane an hereses multa non aque fere noceant impugnantibus, quos abstrahunt à tanto bono, ac recipientibus ipsis nocent, quos attrahunt tamen in magna mala.

*Controversia in theologia, neque fugienda sunt, ut quibusdam est in more: neque quarendae aut consecranda, sicut aliis est usus: sed ubi necessaria existunt, admitti debent, & ex certis principiis breviter explicari. Solida autem theologiae ratio, quae positi-
va dici solet, imprimis ex scripturis est haurienda, & recta metho-
do imbibenda: tum certa consecratoria ad praxin ex illa dedu-
cenda. In istis est regnum Dei, & justitia ejus: quibus primo ac-
quisitis, cetera omnia sua sponte sequuntur.*

*Illi vero qui principia & omnia fere practica negligunt, tan-
quam vulgaria, peruvia, ac omnibus exposita, & languent interim
circa quaestiones quasdam subtiliores, & controversias implexas:
cum postea ad concionandum accedent, sibi meritis quidem nimis
placent, sed prudentibus omnibus, alias risum, & alias misericor-
diam solent movere. Risum, quando vel minima arrepta ansa,
de controversia aliqua non necessaria, plura proferunt quam o-
neraria navi possint contineri: misericordiam, cum de practicis
verba facere coacti, in alium mundum videntur translati, & ma-
gis frigent, quam multi ex plebe facerent, in eorum loco constituti.*

*Si vero praxis una cum pericia harum rerum absit, pudor est
cogitare, quale spectaculum sese praebeat hujusmodi magister con-
trover-*

P A R Æ N E S I S.


troversarum. Contendit acerrime sanctos & angelos non esse invocandos : cum ipse interim Deum optimum maximum vel nescit, vel negligit invocare. Christi corpus neque in pane sacramentali, neque sub ejus specie latere, acerte defendit : communionem tamen Christi, tanquam speciem aut larvam aliquam : indignissime tractat. Omnia peccata mortalia esse sollicite probat : sic autem vivit, quasi nullum scelus opus haberet venia. Operibus hominem non iustificari multis testimoniis, & argumentis demonstrat : fidem tamen suam vivam & veram nullis operibus unquam ostendit. Annon praeclare populum suis controversiis exadificabit ? Sed de studiis hætenus : adjiciendum jam aliquid restat de exercitiis theologicis. Exercitium est ad omne ceptum praeclarum plane necessarium. Quomodo enim (ut recte Ambrosius) sine exercitio, doctrina, aut sine usu profectus ? Receptum est illud inter philosophos, ad virtutem natura nos gignit, doctrina excitat, exercitatio vero & consuetudo perducit. Sed multo verius affirmari potest à nobis, ad theologiam gigni nos à gratia, doctrina excitari, & exercitatione perducì. Nihil est igitur magis dolendum, quam plerosque nostrorum adeo alienos esse ab exercitiis theologicis. Qui disciplinam bellicam vult assequi, (ut idem Ambrosius observat) quotidie exercitatur armis, & tanquam in procinctu positus, praeludit praelium, & velut coram posito pratendit hoste, atque ad peritiam viresq; jaculandi, vel suos explorat lacertos, vel adversariorum declinat ictus, & vigilantia exit obtutu. Qui navim in mari gubernaculis regere studet, vel remis ducere, prius insluvio praeludit. Qui canendi suavitatem, & vocis affectant præstantiam, prius vocem excitant sensim canendo. Et qui viribus corporis, legitimoq; luctandi certamine coronam petunt, quotidiano usu palaestra durantes, membra nutrienda, patientia laborem assuescunt. Ita ergo, & qui veri ac solidi theologi evadere student, quod theologia est exerceant. De disputationibus nihil dicam : quia nemo illas fugit, nisi qui sibi immet conscius est imperitia pudenda. Cujus etiam propria causa est

P A R Æ N E S I S.

dialectica artis neglectus.

De concionum praludis, quas propositiones appellant, hoc sunt monendi ministerij candidati, ne tantopere curent exordiorum aut proamiorum inanitates, neque vocis modulationem, aut gestum componere ad affectatam quandam gravitatem, quasi ferula pomparum, aut statuarum motus nutantium vellent imitari. De istis enim sufficit breve illud praeceptum: vocem & gestum natura informet: si quid in natura vitij est, industria emendet: ut desit fucus, τὸ ἀγένην α. non desit. Circa sit magis, ut serio se exercent, divinas literas distincte & intelligenter, ad captum & memoriam populi enarrare: de pietate graviter atque efficaciter differere: doctrinas dextre ex textu elicere, & fortiter applicare ad animos hominum caelestibus studiis inflammandos.

Sunt etiam alia quadam exercitia theologia propria, & quasi domestica, sine quibus priora illa parum valent. Qualia sint ista, subinnuit Apostolus. 1. Tim. 4. 7. ubi ministrum informans, gravissime hortatur, ut exerceat se ad pietatem. Et Actor. 24. 16. ubi suum exercitium narrans, affirmat se in eo totum fuisse, ut exerceret semetipsum ad conscientiam habendam sine offensa, apud Deum, & apud homines, semper. Hujus generis exercitia sunt preces assiduae, non ex formula puerili, sed ex intimo cordis sensu, & occasione quotidiana deprompta: exuscitatio fidei, spei, charitatis, respicientia, & omnis gratia, per meditationes accommodatas: communicatio mutua donorum Dei, in exhortationibus, admonitionibus, & consolationibus tempestivis. Sed de istis agendum erit in ipsis lectionibus. In praesentia, nihil addam, nisi quod Deum nostrum clementissimum orem, ut largiri mihi velit ex sapientiae suae thesauris, quod proponere possim cum pietatis fructu: & vobis illam gratiam, qua ad theologia finem ascendere valeatis. Dixi.



INDEX

INDEX CAPITUM. LIBRI PRIMII.

Cap.	pag.	Cap.	pag.	Cap.	pag.
1. De initio Conscientiæ.	1.	ad sua facta.	12.	tit. iudicio oriundis.	18.
2. De Synteroti.	3.	8. De Conscientiæ examine,		12. De Conscientia bona.	19.
3. De Officio conscientiæ.	4.	& recognitione factor.	14.	13. De Conscientia infirma &	
4. De Conscientia errante.	7.	9. De Applicatione juris ex		firma.	22.
5. De conscientia opinante &		facto agnito, quam consci-		14. De Conscientia mala.	23.
dubitante.	9.	entia facit ad personâ.	16.	15. De Variis gradibus, & mo-	
6. De Conscientia scrupu-		10. De Effectis applicationis in		dis conscientiæ malæ.	25.
losa.	11.	ipla conscientia.	17.	16. Recollectio tractationis	
7. De Attentione conscientiz		11. De Affectibus ex conscien-		præcedentis.	28.

LIBRI SECUNDI.

Cap.	pag.	Cap.	pag.	Cap.	pag.
1. De Casu conscientie & ho-		7. De Tentationibus quæ in-		13. De Primitiis glorificatio-	
minum statu in genere.	33.	itant adversus fidem.	44.	nis.	55.
2. De Statu peccati.	35.	8. De Resipiscencia.	45.	14. De Soc. gloriæ.	
3. De Procrastinatione, con-		9. De Adoptione.	49.	15. De Consolatione.	59.
versionis.	36.	10. De Sanctificatione.	51.	16. De Afflictionibus.	60.
4. De Præparatione ad con-		11. De Lucta Spiritus & car-		17. De Morte.	62.
versionem.	38.	nis.	53.	18. De Tentationibus.	64.
5. De Vocatione efficaci.	39.	12. De Progressu in sanctifica-		19. De Conscientia peccati.	67.
6. De Fide.	41.	tione.	54.	20. Excerpta de tentationib.	69.

LIBRI TERTII.

Cap.	pag.	Cap.	pag.	Cap.	pag.
1. De Obedientia.	73.	tit.		15. De Temperantia.	95.
2. De Scientia.	75.	8. De Virtute.	85.	16. De Ebrietate.	97.
3. De Timore Dei.	77.	9. De Prudentia.	87.	17. De Operibus bonis.	99.
4. De Humilitate erga Deum.		10. De Vigilantia.	89.	18. De Adiaphoris.	102.
	78.	11. De Fortitudine.	91.	19. De Actû voluntario.	107.
5. De Sinceritate.	79.	12. De Fiducia.	92.	20. De Peccatis cordis.	109.
6. De Zelo.	80.	13. De Constantia.	93.	21. De Peccatis oris.	111.
7. De Conscientiæ serenit-		14. De Patientia.	94.	22. De Peccatis operis.	112.

LIBRI QUARTI.

Cap.	pag.	Cap.	pag.	Cap.	pag.
1. De Religione.	110.	5. De Asperitate.	122.	8. De Timore.	124.
2. De Fide.	115.	6. De Spe.	124.	9. De Desperatione & præ-	
3. De Fidei professione.	118.	7. De Patientia erga Deum.		sumptione.	127.
4. De Hæresi.	120.	126.	10. De Charit. erga Deum.	128.	
			11. De		

INDEX CAPITULUM.

Cap.	pag.	Cap.	pag.	Cap.	pag.
11. De Auditione verbi.	132.	18. De Orationis gestu.	145.	26. De Concionibus habendis.	166.
12. De Superbia adversus Deum.	133.	19. De Cantu.	146.	27. De Baptismo.	174.
13. De Consultatione diaboli.	134.	20. De Petitione.	147.	28. De Cena Domini.	175.
14. De Oratione.	137.	21. De Ieiunio.	148.	29. De Disciplina.	177.
15. De Confessione.	139.	22. De Iuramento.	149.	30. De Preparatione ad cultum.	181.
16. De Promissione Deo facta.	141.	23. De Sorte.	158.	31. De Reverentia cultus.	182.
17. De Oratione mentali & vocali.	142.	24. De Ecclesia.	159.	32. De Devotione.	183.
		25. De Vocatione ad ministerium.	162.	33. De Die Dominica.	185.

LIBRI QUINTI.


Cap.	pag.	Cap.	pag.	Cap.	pag.
1. De Iure.	188.	22. De mutua obligatione inter parentes & liberos.	230.	39. De Luxuria impudica.	267.
2. De Iustitia.	195.	23. De mutua obligatione inter dominos & servos.	232.	40. De Mosaicis appendicibus septimi precepti.	273.
3. De Vindicta.	198.	24. De mutua obligatione inter Ecclesiasticos perfectos, & externa Eccl. membra.	233.	41. De dominio rerum externarum.	274.
4. De Restitutione.	200.	25. De Mutua obligatione inter Magistratus, & subditos eorum.	235.	42. De Contractu.	278.
5. De Acceptione personarum.	204.	26. De Mosaicis appendicibus quinti precepti.	239.	43. De Pretii ratione in contractibus habenda.	284.
6. De Injuria.	206.	27. De Manuetudine, patientia, longanimitate, & placabilitate.	241.	44. De Contractu usurario.	287.
7. De Charitate erga proximum.	207.	28. De Lentitudine & iracundia.	242.	45. De Contractu sponsonum, sortium, & ludorum.	290.
8. De Precatione pro aliis.	209.	29. De Concordia & benevolentia.	ibid.	46. De Occupatione vite.	293.
9. De correptione fraterna.	210.	30. De Æquanimitate.	243.	47. De Paupertate & divitiis.	295.
10. De communione cum aliorum peccatis.	212.	31. De Homicidio.	244.	48. De Parsimonia & frugalitate.	297.
11. De exemplo bono, & de scandalo.	214.	32. De Duello.	247.	49. De Liberalitate & misericordia.	298.
12. De Schismate.	217.	33. De Bello.	249.	50. De Furto.	301.
13. De honore proximi.	219.	34. De Mosaicis appendicibus sexti precepti.	254.	51. De Avaritia.	ibid.
14. De Fama.	221.	35. De Coniugio.	257.	52. De Mosaicis appendicibus precepti octavi.	303.
15. De Iudicio temerario.	222.	36. De Solemnitatibus matrimonii.	262.	53. De Mendacio.	307.
16. De Detractione.	224.	37. De Coniugii officio mutuo.	263.	54. De Iudiciis publicis, iudice, accusatore, testibus, advocato, & reo.	313.
17. De Humilitate erga homines.	225.	38. De Matrimonii dissolutione.	265.	55. De Secreti revelatione.	321.
18. De Superbia, & invidia.	226.			56. De Æquitate legis talionis.	322.
19. De Mutua obligatione inter inferiores ac superiores atate, vel denis.	227.			57. De Contentatione.	323.
20. De Obligatione inter inferiores & superiores potestate.	228.				
21. De Mutua obligatione inter conjuges.	229.				

F I N I S.









~~11~~

10-2-4

